



4th. sample.

4th. [XIV], 172, [21] 1/2

copy. title

5th. copy. 172.







A N N V S

SECVLARIS

SOCIETATIS

I E S V.

ANNA

SECVLARIS


SOCIETATIS

1834

*Collegii Societatis Iesv Namurcij  
Inscriptio*








INVOCATIO  
AD PRÆNOB. ET AMPLISS.  
SENATVM  
COLONIEN.

Prænobiles, Amplissimi & prudentissimi  
Domini, Liberæ huius atque Imperialis  
Reip. Consules, Quæstores, Proconsules &  
Senatores.

 Ecularem Annum ex copiosis Seculi  
vnius fructibus collegimus, tanquam ex  
aceruo manipulum. Prænob. & Ampl.  
DD. quem sub alijs, quam vestris auspi-  
cijs producere, quos Mœcenates nostros ac litera-  
rum Patronos agnoscimus, nefas esse duximus.  
Nec leuibus sanè rationibus persuasi illud faci-  
mus. Primùm enim insignem illam Anni secula-  
ris fertilitatem, quam perfunctoria laude deliba-  
mus, Societatis quidem intelligimus laborem es-  
se, sed & honorem Vestrum: cum quæcunque hac  
in vrbe doctrinæ pietatisque sementis est iacta,  
(?) 2 quid-

quidquis frugis à Societate collectum, vestra ope,  
 vestris sub auspicijs natum educatumque fuerit.  
 Vos ante octo & nonaginta annos laudatissimis  
 hisce Colonis (sic liceat appellare Societatis ope-  
 rarios) aperuistis hunc sui laboris campum Colo-  
 niam, tanto nunc digniorem nomine, quanto do-  
 ctrina ac pietate cultiorem. Quare Vestro qui-  
 dem Iure in partem tanti venitis meriti tantique  
 honoris, quem Societas ex suo illo Virtutis litera-  
 rumque propagandarum studio hætenus visa est  
 promeruisse; vt proinde ad Vos non immerito re-  
 deat quod hoc in libello à nobis adumbratum, ex  
 parte Vestrum atque à Vobis profectum est. Huic  
 accedit Vestrae illa beneficentiae amplitudo, quâ  
 Societati non modo agrum hunc patefacere, sed  
 & defensionis Vestrae offerre decreuistis præsi-  
 dia, adeoq; ipsa Urbis vestrae ornamenta Coronam  
 triplicem; quam hætenus Societas, triplici velut  
 cimelio, Musis, Sapientiâ, ac Pietate conata est red-  
 dere quam ornatissimam. Vobis igitur defenden-  
 da iure optimo traditur hæc perscripta à nobis So-  
 cietatis existimatio, quorum iam ante existima-  
 tioni suum Societas ita laborem consecrauit, vt  
 Vos



Vos honorem ab illâ, illa à Vobis, præter mutuum honorem, securitatem etiam acciperet. Sederit, cum & de beneficijs vestris & huius laboribus opportunius, vbi post biennium susceptæ a vobis Societatis claudetur seculum.

Alia deinde nos causa ad hanc mentem compulit, beneuolentia in nos Amplitudinis vestræ: quam, vt ceteros annos taceam, millenî hac tempestate Tricoronatæ Gymnadis Alumni experti sumus. Vestrum esse beneficium agnoscimus, concessum apertumque nobis literarium hunc campum, nobis inquam ad emolumentum, Patribus non nisi ad laborem. Ipsa adeo Germania atq; Europa tota, in quam hæ literæ effunduntur, Vestro hoc fauore, suo fructu delectatur. Hæc nimirum est eritque deinde laus Urbis vestræ, quod hanc passim exaudire vocem liceat; *Coloniæ probos mores ac literas didici*: quâ, si non omnes exclamant propalam, tacitè tamen apud animum suum vtuntur, atque vnius urbis tot proborum Doctorumque hominum altricis Primores admirantur & amant: qui diuersarum veluti nationum communes parentes, tam honestæ educationis beneficium

ficiū nemini denegant, offerunt omnibus. V-  
 nam hanc esse urbem intelligunt, quæ pietate in-  
 uiolatâ hætenus, literisq; toto orbe propagatis  
 floreat, quæ omnes æquitate quadam communi  
 gentes, beneuolentiâ singulari amplectatur &  
 foueat: quæ, si rudem acceperit, doctum remittat;  
 si dissolutum, probis moribus compositum; si  
 hæreseos labe infectum, sanum atque integrum.  
 Colonia certè est, & rectè Colonia, quæ ita quam-  
 plurimos excolit; quæ omne virtutis inuitamen-  
 tum habet, & doctrinæ illecebras; vbi Magnates  
 ipsi exemplo magis, quam legibus probitatem  
 persuadent; vbi docetur & discitur, quod & iu-  
 uentutem doceat, & senium deceat. Et hæc qui-  
 dem agnoscimus nostra esse ad rectam educatio-  
 nem adiumenta, beneficia vestra. Quid plura?  
 mille Vobis nominibus obstringimur; sed &  
 nunc cum beneficium conamur reddere, cogi-  
 mur petere, ac fauorem vestrum exorare, vt sub  
 umbrâ Ampl.<sup>nis</sup> V.<sup>æ</sup> in solem prodire liceat, li-  
 ceat inquàm authoritate vestra gratulari Socie-  
 tatis industriæ non per urbem solum hanc, sed &  
 orbem vniuersum propagatæ; liceat augere Vobis  
 annuen-



annuentibus, proborum omnium Societati toto orbe fauentium applausus; quos Annus ab ipsius natiuitate centesimus meruisse communi quadam consensione videtur; cum non obscuris lætitiæ argumentis passim vrbes & oppida, suæ non minus, quam Societatis felicitati gratulantur. Ecce hanc velut fructuum Coronam Prænob. & Ampl. Dom.<sup>bus</sup> V.<sup>ris</sup> qua Annus secularis suo fine coronetur, deferimus Coronatæ Urbis atque Gymnasij Alumni; quam si vestris ornatam fauoribus, ac patrociniō defensionem Societas acceperit, præclaro beneuolentiæ vestræ annulo Annum hunc obsignatum existimabit: tantò etiam venientibus annis Colonia hæc, Vestra in Colonia enixius ad laborabit, quanto faciliores animos Vestros ad laborum præteritorum recordationem videbit. Faxint Superi, vt quàm diutissimè & Vestræ & illius felicitati atque incolumitati viuatis superstites.

*Prænob. & Ampliſſ. DD. Coss. ac Senat.*

*Gymnasij trium Coronarum*

*Observantissima Iuuentus.*

*Chro-*

*Chronographicum ex Psal. 64.*

VobIs, Coronæ annI benIgnItatIs IesVs & MarIa Virgo  
beneDIXIt.

---

*Chronographicum duplex ex psal. 94.*


VenItē, In IVbILO eXVLteMVs Deo IesV nostro.

---

VenItē, Vt IVbILeMVs In eXVLtatIone Deo nostro.



A D M O D V M R R. <sup>die</sup>  
EXIMIIS ET ERVDITIS PATRIB.  
SOCIETATIS IESV COLONIÆ,  
Salutem.

Vod olim Romanis vſitatum fuit, RE-  
VERENDI PATRES, id modò & nobis liceat,  
coronare fontem vnde aquas hauſimus.  
Seculum eſt quo iam SOCIETAS ſuum il-  
lum ſapientiæ ac pietatis fontem ſitienti affudit  
orbi, floresque ac fructus virtutum peperit im-  
mortalitate dignos. quid ni ſuis hunc floribus co-  
ronemus fontem, & honori illius impendamus  
fructus, ipſâ irrigante natos? Collegimus pauculas  
aliquas, velut in meſſe ac vindemiâ copioſâ, fru-  
gum libationes, minusque etiam quàm decimas:  
de viridario patentiffimo nonnullos ſoſculos,  
de vineto excultiffimo aliquot racemòs, aliaque



ex aliâ campi fertilitate decerpimus, raptim magis, quàm consilio. Hæc, præoccupati tempore, intra vnius mensis angustias, in *Annum*, quem hic adumbratum videtis ita digessimus; vt in *Vere Iuuentus literis, fide, ac pietate, pulcherrimis floribus, adolescat: in Æstate, Solis regno, Imperantium luceat prudentia, Doctorum clareat sapientia, Martyrum flagrent desideria, vnâ solis diuini luce & ardore rapiantur omnes: in Autumno fructuum parente, pomeria domesticæ pietatis, vineæ proximorum magna charitate excultæ, ac piæ animarum venationes reperiantur: Hiems denique patientiæ theatrum sit, in quo aduersus maleuolorum inuidiam, hæreticorum audaciam, atque infidelium pertinaciam fortissimè decertet SOCIETAS totidem Virtutibus, quot Annus Mensibus celebrata. Quæ cum Virtutes non modo per totum Societatis æuum sparsæ; sed collectim in ea, quemuis annum tempusque occupent, palam erit, cur annuo velut spatium definitæ à nobis proponantur. Hunc igitur *Annum* Vobis demissè offerimus, Reuerendi Patres, multis iam antè nominibus vestrum. Tum quod nostri laboris primitias Vobis Cultoribus iure debeamus, illisque merito*

bona



*bona verba dicamus*, quia ea nos scitè formare docuerunt; tum quod ad Vos annalis hæc fructuum corona, suapte naturâ atque amoris quodam pondere inclinetur, ex quorum agro non leuî accessione aucta est. Quod verò istius Vos iam pridem verecundiæ cognouerimus, qui ad apertas facilius laudes, quam calumniam impositam soleatis erubescere; maluimus alienis factorum in *Societate* gloriam; quam proprij nominis coloribus adumbrare: placuitque magis intra tenebras incedere, & aliorum curiositati campum, vestræ erubescenriæ velum facere. Accedit, maluisse nosse, qui sumus, Poëtas, ita tamen religiosè, vt fidei historicæ vis nulla fieret; sed ad ea tantum libertas nostra excurreret, quæ veritatem ornarent, non destruerent. Neque sanè aliud, iam in anni meta constitutis, opportunius in mentem venit. Scimus etenim rerum à *Societate* gestarum memoriam multis voluminibus celebratam esse; scimus Oratores, ac Poëtas complures longè magis in huius quàm Alexandri olim laudibus copiosè desudasse; vt proinde nec historiæ, nec alijs famæ eius ornamentis, propalam & in luce positis,


fitis, nostrâ accedere operâ dignum aliquid potu-  
 uisse videatur. Quocirca ne actum ageremus, me-  
 dio quodam inter omnes tramite, pro voluptate  
 magis atq; impetu, viam hanc decurrimus, quam  
 deliberato gradu incessimus. In qua siquid minus  
 maturum, graue, constans, ac vestro dignum ge-  
 nio reperietis: velim occurrere animo, & harum  
 nos viarum inexpertos, & intra tenebras vagantes  
 facile potuisse offendere; festinationis tamen po-  
 tius hoc crimen esse, quam voluntatis; maluimus  
 enim in publica hac omnium gratulatione &  
 plausu, parum cauti, quàm inhumani videri. Ha-  
 betis nunc paucis instituti nostri rationem & cau-  
 sam. Vnde pateat alio nos consilio has vmbas  
 sectari, quam tenebriones nonnullos & alienæ fa-  
 mæ arrosos canes, qui turpes impudentiæ suæ la-  
 tebras circumspexere, vt post velum, audacius  
 mendacia ac calumniâs spargerent. Nobis si quic-  
 quam in alios immitius excidit, tale non est, vt lu-  
 cem subterfugiat; cum nulla nisi perditorum  
 hominum scelera, quæ in ipsa meridie sunt posi-  
 ta, culpentur, tantâ humanitate, vt cùm facta dissi-  
 mulari nequeant, nominibus tamen parcamus.

Iucun-

Iucundius enim uerò nobis uisum est, præclaris heroum virtutibus, hæc etiam umbras indulgere, non ut lateant; sed uti ex ipsâ hæc qualicunque nubeculâ pulchritudo illarum uelut solis in iride, emineat. Accipite hanc propriæ Virtutis imaginem rudi adhuc & cespitante penicillo exaratam, in quâ, si minus uestrum pro merito honorem, nostrum certè amorem licebit intueri.

*Adm. RR. PP. addictissimæ  
Gymnasij Tricoronati  
Iuuentus.*





## AD BENEVOLVM LECTOREM.




*I lucem in tenebris hisce postulas : pramonemus, & umbras esse tenues , & faces passim toto anno ad pietam scriptamq; poësin illustrandam sparsas ; ut nisi oculos hebetes , lucisq; impatientes adferas , pervidere omnia facile possis . Verendum etiam sit ne nimij nos candoris reos facias , si veterum recentiumq; exemplis utaris paria scribentium . Quanquam , quod absque poëtarum sit vitio , nullius ferè exemplo ( si totum scribendi genus arbitraris ) aut vestigijs pressim adhaerimus . Quod si verò fastidiosus Lector regiâ absistat viâ , atque hinc inde opportuno importuno irrumpat aditu , ipsius indiligentiae fauemus , atque etiam optamus tenebras . Cum tamen non unius artificis sit opus , mirumq; videri possit in re tali non aberrasse ab alterius alterum linea ; verbo affundemus lucem aliquam , quâ inter salebras , sicubi occurrant , utaris . Heterij virtutes in Annum secularem ita distributas videbis , ut eas , rebus ex naturali anno petitis , tanquam symbolis , modò tantum adumbratas , modò etiam Etesij opera explicatas habeas . Et in umbris quidem & quasi scripto emblemate quadam reliquimus latentia , ne ingenio Lectoris nimium diffideremus : eruimus alia , & manifesta luce donauimus ; tum ut imbecillioribus oculis facem praluceremus , tum ut acutioribus ipsa quoque varietate blandi-*

remur. Quis porrò Hetærius sit, iam amplius non quares, siquidem tuo utaris ingenio. Etesij præterea, Eari, Calotheri, aliâq; à Græcis ferè mutuata nomina, Annui-temporis esse, Veris, atque Æstatis haud difficulter intelliges. Ita & alia nonnulla turbato tantum literarum ordine inserta vocabula; ut est Magneria pro Germania, pro Rheno Hernus, nullo negotio restitues. Nolui-  
 mus verò historias vulgò incognitas hac vocum licentia  
 confundere, ne veritati aut fidem, aut lucem omnem  
 adimeremus. Hæc paucis; quanquam ne  
 his quidem prudens Lector indi-  
 gebis.








# INTRODVCTIO IN ANNVM SECVLAREM SOCIETATIS

I E S V.

**S**OLVERAT ex Herni fluminis litore mecum Litholeon & Orarchon socij, nauigio, cui senex non nemo, ætate ac prudentia spectabilis præerat, recepti. Qui vbi nos de Hetærij esse palæstra obseruasset, liberalibus illum laudibus exornare, cœloque ac immortalitate dignum prædicare cœpit. Cumque nos ipsius honori impensè fauentes atq; in eam potissimum curam intentos animaduerneret, vt centenario iam heroi, de tantâ & temporum, & rerum gestarum felicitate gratularemur: hoc etiam obnixè ageremus, vt id ætatis atque memoriæ vir, nostræ ignorantix subueniret; Senex Diuis ista se debere professus est, quod Hetærium, si omninò quispiam, apprimè nouerit: cùm & eandem cum ipso ætatem vixerit, & factorum omnium arbiter, per illum, qui sibi à manibus sit, Mnemonem, nihil eorum neglectim omiserit. Stylo ac penicillo iuxtà valere Mnemonem ad fugientem temporum rerumque consignandam memoriam; sed intrà hasce diei angustias ne quicquam tam prolixam de Hetærio cogi historiam; vel ipsa rerum capita, vt censeantur, plus spatii poscere;





Ignem alij, modo nos FONTEM dicamus AMOREM:  
Errabit nemo; nam dat hic IGNIS AQUAS.



poscere; neque se moræ assuetum quæ id ferret. vellent, secum tantisper nauigio diuerterent: animi enim atque otii iucundi gratiam si quærerent, apud se non defuturam. Locum esse atque opportunitatem proximam, vbi voto, ad oblectationem etiam, fiat satis. curaturum se, vt & tempori, pròque arbitrio rursus hîc adsint; & ne de Hetærio tam multa nesciant. Enimuerò montem non procul hinc omni curâ ac studio naturæ artisq; excultum esse: planitiæ iuxtâ, quam & rara fertilitas, & iucunda commendaret amoenitas. Istic rerum ab Hetærio gestarum monumenta nobilissima asseruari. Flexit nos eâ humanitate atque indole sermonis, vt omnis fraudis suspicio excideret. Quare prouecti naue, quæ secundo abibat vento ac flumine, ad colloquium consedimus: vbi cùm meum, sodaliumque accepisset nomina, notitiam generis nostri ac parentum passus est, seque Etesium vocari, in eadem secum naui filium, nepotem, proneptem, atque abneptem vehere. Appellabamus eum hac tam felici stirpe feliciorem patrem: enimuerò paucos reperiri hodiè, quibus hæc vitæ ac fœcunditatis fortuna nupsisset. Maius verò illud censueritis, inquit, quòd filios eiusmodi quatuor, nepotes duodecim, proneptes duas & quinquaginta, abnepotes (quot & abneptes) sexaginta quinque numerem & trecentos. Excepit ioco dicentem Litholeon. Num, ait, vxor tibi est Comes Bataua, quæ vnico tot effudit partu, quot & tu modò, liberos, & dies annus censet? Si libet ridere, subiicit Etesius, ridete Orgentorigem decem



ex se nata millia recensentem; aut etiam Hetærium vestrum domesticos non pauciores numerantem; qui vnum illum parentem vocitant; & (quod etiam in Stoâ admirantibus mereatur exclamationem) ijsdem legibus ac moribus viuunt, veste, cibo, domo aut pari vtuntur, aut communi: simul vigilant, legunt, dormiunt, quiescunt, cor adeò atque caput vnum habent; in labore tamen non perinde vna manus, sed Centimani videntur. Rara hæc fratrum gratia, quam tamen in Hetærij familiâ orbis modò obseruat vniuersus. Auidos ea tenuit oratio; sed appulso ad littus monuit, fore cùm ea de re luculentius posset differere: abscederemus modò naui ad montem haud procul spectabilem. Surgebat is ex porrectâ in circuitum planitie, quæ vallis murisque non perfunctoriè septa, difficilem faciebat venientibus aditum. Vbi accessum propiùs, triplici murorum, certo interuallo surgentium, ambitu muniri locumprehendi. Portarum prior humiliori opere duabus columellis exceptum transuersim sustinebat lapidem, lapis incisa ferebat Zodiaci signa, quadripartitum modico interuallo diuisa, quibus Sol in quadrijugali curru hæreret medius, adiectâ hac epigraphæ MAIOR DEI GLORIA.

Nobilior altera ex marmore porta in arcum surrexerat, complexa tabellam, in qua emblematica arte orbis medijs iactabatur fluctibus; insigne ferens quo super vndas eminenti cursum moderabatur, videlicet H cum ✠ inter literas I & S media, inscriptione addita:

*Hoc*

*Hoc in signo vinces.*

Tertia deinde porta erat ex ære fustum atque compositum opus, in quo & prior ille eodem cum insigni orbis alas explicabat, quibus aëre medio supra omnes fluctus eluctabatur, atque astra cœlumque multa luce illustre subibat, hoc titulo:

*Sic super astra feror.*

Hæc non per quietem & otium, sed subita curiositate, post tergum Etesij cursim delibabam; cùm Mnemon lateri adhærens in aurem susurrat, Hæterium hoc orbi incumbens insigne à Soterio Rege suo (cui id peculiare) acceptum usurpare, atque hisce schematibus suum ipsi exculti orbis laborem, & ostendere, & dedicare. Porrò ea me intellecturum plenius, vbi cætera lustrassem. Via qua denique præibat Etesius, arboribus vtrunque ceu muro septa, vix curiosos in excurrentem latè campum oculos admittebat, sensimque in accliuem ducebat montem, difficultatem itineris arborum atque vmbra gratia mitigans. Hanc viam ab Occidente (vnde venimus) per ipsum montis caput in Orientis plagam excurrere, ac deinde alia secari media, à Septentrione in Meridiem vergente, asserebant.

Euiceramus iam montis fastigium, in quo sese iucunda, quamuis angusta, explicabat planicies. Fons viuus in medio, dubium, naturæ an magis artis in eo suspiceres miraculum: siquidem natura frigidus hinc, inde calidos per diuersos siphones spirabat latices; ars verò educas ex montis



visceribus aquas in altum euexerat, & ære Corinthio pulcherrimi operis fontē eduxerat. Labrū inferius aluo capacissimā exceptas aquas, easdem (cū ad vsum abundarent) per suppositos canales resorbebat, in subiectos agros vario artificio dispertiendas. Illud admirationem omnem vincebat, quòd quæ ad Septentrionem verno iam tempore defluebant, atque in montis latere de siphonibus exspirabant aquæ, subito frigore in glaciem rigescerent: quodque vbi despectum longius, arborum adustæ frontes, altæ apparent niues, immitisq̃ue ventorum iniuria vastaret omnia. Secus vbi in oppositam montis regionem demissa oculorum acies; viride pratum, frondens arbor, culta seges, iucunda auium modulatio, lenis abblandiretur Fauonius. Monuit nos retam insolenti defixos Etesius, montem hunc cum accumbentibus ad pedem campis admiratione non vacare; quòd eodem tempore omnem anni tempestatem brumalem & æstiualem, vernam atque autumnalem admitteret. Sed nec carere exemplo, Mnemon subiecit; quòd pares huic montes, ac insulas orbis nō sset, in quibus memoranda illa Malabarici regni plaga, quæ Regi Calecutano pareret, atque ad ortum trans Gatis iuga siccitate atque æstu perpetuo feruet; cis montem ad occasum hyberno atque intempesto frigore; vt proinde horæ spatium ab vere atque æstate, ad autumnum ac hiemem profecturo sufficiat. breui nos, si quidem adlubesceret, paria hoc loci comperturos. Interea aduerti superiori fontis labio quaterna inniti simu-

lara



lacrâ, totidem anni tempora referentia. Ver ex Smaragdo, iuuenili parebat fronte, habituque floribus distincto, rosis caput redimitum, & ornata manus *Æstas* ex Carbunculo, robustior & corpore & ætate, humeros pectusque nuda, spicis caput, cornu-copiæ manum instruxerat. Autumnus ex Hyacintho nunc nubilo, nunc sereno; ventris erat capitisque mole grandior; pampinis velut hederâ à pedibus surgentibus implexus, comasque fertili corollâ ambientibus cinctus, pomiferum læuâ ramum tenebat. Hiems ex Adamante, & senio, & frigore stabat contracta, stirijs ex ore pilis horrente pendulis, manu baculo fultâ. Alterâ omnes, seu læuâ, seu dexterâ, pateram eleuabant, quâ defluentes ex eminentiori simulacro aquas exciperent, æ per nodum orificio pateræ subiectum redderent. Surgebat hoc simulacrum ponè reliquorum capita, columnæ de corde fontis emergenti impositum, quod raro schemate admirandum, multo nos tempore detinuit. Erat nudi capitis adolescens, talari indutus togâ; in quâ ea fuit artificis elegantia maxima, effecisse, vt in nobili metallo habitus pareret ignobilis. Sparsa deinde per talarem vocabula gemmæ distinxerant. Fronti hæc fuit imposita epigraphe. *Æstas & hiems*. extreme vestis orę, *Mors & vita*. Cordi denique, quod luculento vulnere scissa toga spectantibus obijciebat nudum, digitusque manûs in arcum flexæ designabat: *Longè & propé*. Cùm ad me Litholeon versus, Sanouise, inquit, nihil me fallit memoria, ita Apelles non nemo domi vestræ antiqua in tabella

Cyral  
hist.  
Deor.  
fyn  
tag.1. bella Amorem<sup>a</sup> adumbravit; sed ut minùs eiusdem hanc imaginem interpreter, facit insigne dexteræ manui insertum. erat hoc Soterij, idemque cum illo, quod præ foribus portarum repertum antea, Crucem tribus impositam literis tulit: nisi quod in ere tenui lunata ambiret inscriptio: *Omnia in eo possum*. Triplex etiam ex crucis huius totidem alis exultabat in subiectas statuarum pateras latex. Sed & ex corde vberiori aliquantò vena emanabant aque in subiectum Veris calicem.

Etesius deinde leni risu alloquioque ad nos versus: quid, inquam, de isthac icone? ut placet? ut vultum & habitum fert? nunquid ad elegantiam & raritatem omnia? quid si demum aliquid ad votum vestrum, ac meum promissum? Non morabor: Heterij ista effigies est, quæ paucis designat multa, & non compendiosam virtutem compendiò indicat magis, quàm explicat. Et quid mirum, si cum antiquo Amore nouus hic proborum *Amor* conspiret? Seculum est quo viuit, & ita ut antiquis inuidiam facere seculis, nouo gloriam potuerit adijcere. *Nudum ille caput* Diuis geminis, Labori & Honori obseruandis defert. Laborem illum colit, quo sibi orbiq; salutem, Deo gloriam adstruat. Honorem, quo famæ virtutisq; integritatem sibi, maioribus iuxta ac minoribus venerationem præstet. Neque hoc ipsius propositum euertere, aut *astatis* fortunæque blandimenta, aut terriculamenta aduersantis *hiemis* poterunt. Robustior est, quàm ut illis nutet ludibrijs: crepundia



dia sint, an machinæ, sus-deque habet; illis non capitur pueriliter, his non frangitur. *Mortem* denique nemo potest obijcere, vt Hetærium terreat; ita huius acerbiteratem contemptim habet, cùm sub eam & honestum malorum remedium, & laborum expectet præmium. *Vitam* porrò non tam sibi quàm alijs, inimicis iuxta atque amicis, viuit. omnium ipse sese impendit commodis, omnibus natus est: non locus, non tempus, non ordo aut personæ neglectus, hunc amorem laboremque extorquere, nec mors ipsa, nisi inuito poterit. *En pectus simplicitate nudum, amore patens.* mundi opes sunt, quæ isto conduntur scrinio: suum hîc orbis habet ærarium. Lustrate totam Hetærij familiam, & ad hoc exemplar fictos fusosque reperietis innumeros. Decem primi sub Hetærij (aut, si mauis, Soterij) insignibus, auspicijsque milites Orbem partitim, Europæos alii, alii Indos aggressi, quot breuissimo tempore eisdem sub signis nepotum millia censuerunt? quantò ijdem omnes impetu ad laborem toto orbe versi? quantum operæ sedulò nauatæ tulerunt pretium? Sed strictim hæc tradidi, atque non nisi in cortice Iliadem: erit cùm enucleatiùs.

At ne ignoretis, quid murus portaque, quâ vos huc adduxi, triplex. Hæc ad defensionem erecta munimenta nemo dubitet: Siquidem Hetærio murorum loco paupertas nuda, castimonia innocens, & obsequendi promptitudo est, pro quibus ipsius domestici iunctis armis vigiliisque excubant. Omnis etiam Hetærii sociorumque labor atque indu-

C

stria;



stria; omnis in hostem lucta atque defensio, quâ toto Orbe claret, intra hæc murorum versatur propugnacula. Hic otium nemini, nisi ad defatigationis medelam indulgetur: sua quemque provincia occupat, & quantum valetudo patitur, labor indefessus; sed quod miremini, laboris nulla omnino ab hominibus laus, nullum plerumque præmium, quàm quod rependit calumnia. Sed ut allium iuxta se rosæ odorem acuit, sic lucem affundit operi tolerata pro laude calumnia, atque ille portæ titulus imperterritos solatur *Maior Dei gloria*.

Ceterum non esse abs re istic in portarum capitibus scutisque deprehensa glyptica: Solem in Zodiaco, sub dictâ epigraphe oberrantem; Orbem fluctibus periculosèmersum, ac Hetærij insignibus velut remo in portum eluctantem; denique ijsdem iam alatis in cœlum enitentem. Hetærium enim iam sæpius cum Sole annum tenuisse cursum, suo in Zodiaco, qui *Maior est Dei gloria*, in hoc exorsum, in hoc finisse, ac denique viam remetiri. Orbem periculosis hinc hæresis, inde impietatis procellis agitatum, Hetærij ope, naufragio imminente sese subduxisse, iamque etiam altiora, quæque cœlum ac virtutem sapiant, meditari. Hinc tam illustria passim Musarum Virtutumque monumenta ac trophæa de virijs, de profligatâ ignorantia, circum hunc montem assurgere, testimonia impensæ ad immortalē gloriam ab Hetærio laboris. Vnum hunc esse de montibus Dei, unde & terra despici, & cœlum propius possit videri.

Inter-

Interpellabat ita orantem missa ab Earo (maior is natu, & in quatuor filijs parenti erat gratior) proneptis Hesperia, quæ eius nos ad domum rogabat hospites. Annuit Etefius, & nos compellans, manendi ad quatrimum deferebat gratiam, interea luculentiora pollicitus; nostro tamen (si quidem hodie redire nobis esset deliberatum) arbitrio se regendum asserebat. Geminò omnes tenebamur vinculo, cognoscendi auiditate, & senis humanitate. quare non inuitos in propria nos emolumenta concedere ostendimus. Secum igitur viâ ad Orientem flexâ omnes deduxit. Mnemon tum fortè carmen à sorore Mnemosyne submissum, & Hetærio honorando ab ipsâ scriptum voluebat, illi quod in fonte obseruauimus schemati perquam aptum. Tale erat:

*Maçte nouis titulis, Tibi quos robustior etas  
Et Virtus firmata dedit: quos longa tuorum  
Fatorum series, durisq; exercita rebus  
Sors meruit. Te pulcher Amor, Te maçtat Hetæri  
Pulcher Amoris honos. Tua nunc monumenta laboris  
Aurea, perpetuis surgunt fundata metallis.  
Sic meruit quicumque tulit Virtutibus arma,  
Obiecitq; caput sceleri, sacrâmq; Minerva  
Hastam agitans, docta rexit vexilla cohortis.  
En Tibi nunc plaudit victrix Sapientia. regnum  
Musarum: Et studijs cultum melioribus æuum*

Debet iure Tibi. Per Te pretiosior esse  
 Vilescens pietas, & iam moritura fauillis  
 Surgere visa fuit. per Te exarmata repressit  
 Hæresis effusum latè per regna furorem.  
 Tu verbis factisq; animos virtute minores,  
 Quod metuunt, audere facis. Tu moribus imples  
 Infensis sceleri, pulchroq; accendis honesto,  
 Nec Mortis metuens, nec Vitæ blandus amator.  
 Te propè Te longè celebrem pietasq; fidesq;  
 Et zelus prouexit ouans. non frigida terret  
 Bruma, pruinosis quamuis impexa capillis,  
 Et gelido frendens Boreâ: maioribus ardes  
 Ignibus, euincitq; leues tua flamma pruinas,  
 Inuidia fluctus, tempestatemq; furentis  
 Hæresis, & tristes quos atra calumnia ventos  
 Parturit, impellitq; odium, atq; emulus ardor.  
 Nil furor Æstatis terret, sinuosq; Cancri  
 Brachia, conspiransq; Leo flagrantibus astris.  
 Te mæsis sæcunda rapit, segetisq; voluptas  
 Grandior accendit. nosti quod speret arator  
 Nequicquam, culpetq; pigros sine frugibus annos,  
 Si persuasuros fugiat piger ipse ligones.  
 Ver fauet, & placido clementior aura sereno  
 Aspirat, dulcesq; animas, & barbita sylvæ  
 Extimulat volucres, & honestis laudibus urget  
 Infamæ paana tuæ. Tibi vitifer adstat



Autumnus, totusq; Tibi submittitur annus  
 Pomifer, & meritis ornat tua secula donis.  
 Ite noui rursum tantis Virtutibus anni,  
 Et fastos implete nouos. Tu portitor aui  
 Et vector signorum Aries, cælo aurea sparge  
 Vellera, & abiectis rege mitia cornibus astra.  
 Taure acer: Gemini faciles: & Cancer aduste:  
 Sicce Leo: Virgo improlis: Libra æqua dierum:  
 Cauda minax Scorp; metuende Sagittifer arcu:  
 Torue Caper: puer Hydrophore: ultima sidera Pisces  
 Ducite labentes astris felicibus annos.





VER  
ANNI SECVLARIS  
SOCIETATIS

IESV.

MARTIVS,  
CONTINENS INSTRUCTIONEM  
*Iuventutis in litteris.*



SOLE iam ad ortum emergente, erubescibat cubile tenui radiorum allapsu, & gallinaceus alarum plausu, cantuque alacriori salutabat diem. Mihi etiam vix vmbra abeuntis somni hærebat in oculis: cum ex vicinia vox cuiusdam allabitur, quæ reliquias soporis prorsus disijceret.

*Surge puer, vigiles Aurora procatur ocellos,  
Et cupit ex vultu lumen habere tuo.*

*Surge, (quid immodicos somno trahis ebrionchos?)  
Aut tibi pro Eoâ, Murcia nubit annus.*


Tantâ, vt interpretabar, hospitis inciuilitate prouocatus, patientiam ferè omnem amiseram. Litholeon verò rem, vt erat, propiùs arbitratus, ridebat liberalissimè. Tum  
& ipse,





PLANTA tribus gaudet, totidemq; IUVENTA fouetur :  
 Imbre, solo, radijs; moribus, arte, fide .





& ipse, qui ludum hunc fecerat, ex propinquo angulo psittacus nescio quid cachinnorum, velut ad æmulationem, dabat: vt quàm antestomachum, tam mox splenem mihi concitaret, illiusque in mentem veniret, quod identidem puero mihi, vti hæc auis, Didascalus accinebat, surge agendum,  
*Aurora Musis amica.*

Subhæc vbi stratis abscessum, officiosè Himerus aderat, & rorem herbis excussum (quem faciei nitorem conciliare sagaciter dictitabat) astudit manibus. hoc viso, rursus exclamare psittacus. *Surge puer, surge.* Sciscitantibus de aue nobis, secum illam vt plurimum esse aiebat. Manè se ab ea primo diluculo consuetum excitari: huc nunc appendisse, vt hospitibus gratiam & iocum faceret. Similes complures Earo esse multis artibus excultas, quas à teneris vnguiculis atque ipso nidiculo, formante Magistro, combibissent: maturiores iam contra omnem instructionem obfirmari. Tanti, inquit, refert, quibus cum ætate adsuescas; disciplinæ, an ignorantia: virtuti, an vitio. natura nulli, cultura multis deest. Simul sequi nos ad Etesium iubet. Cum ad me Orarchon versus; En, inquit, Sanouise senem in puero. ex Socrate ista atque Apollinis tripode dices.

Eductos excepit cum Earo Etesius; ac modò, ait, tempus est agris hortisque sese amoënioribus oblectandi, cum pubescentis iam Veris prima lanugo, in syluis, campis, ac viridariis emicat. vti homo, sic gramina & flores, in prima ætate magis

Maio.  
lus in  
diebus  
Cani-  
cul.&  
hist.  
Ind.

te magis placent. fruamur hac temporis liberalitate. Quocirca in hortum proximum concessimus. Muro is erat non lapideo, sed arboreo ex plantâ ab Indis Goanis submissâ (Manglam vocant) septus. Hanc solam memorant ingenti sylvæ conficiendæ sufficere, ramis arcuatim terræ insinuatâ, in nouam radicem atque arborem succrescentibus; vt terna hominum millia plantæ vnus vmbrâ haud difficulter admittantur. Nos, inquit Etelsius, Peripateticis suas porticus non inuidemus, hac arbore freti: siquidem illa citra sumptum ac magni laboris impendia, ambulationes nobis longè etiam gratiores instruit. Vt has cum Hetærij Gymnasijs, literatorum hominum porticibus, quæ gratuitò omnibus patent, libentius, quàm cum illis antiquorum, comparem.

Ingressis hortum amoena quædam sese offerebat planities, quæ hinc atque inde malis persicis, prunis, cerasisque gratâ varietate mixtis efflorescebat. Laudabam atque admirabar martias illas iamque in florem solutas arbusculas; atque in primis Capalin ex India arborem, quam cerasis nostris non absimilem (nisi quod floribus esset conspicatior) oculis aiebant purgandis aptam; linguæ etiam asperitatem ardoremque fructuum succo mitigantem; quem primò amarum, denique suauissimum daret. Quæ mihi arbor Literarij studij naturam perquam accommodè visa est referre.

Proximè locus erat multâ florum distinctione iucundus.

In his



In his Veris primitijs efflorebat Ros-marinus, cerebri memoriaeq; confirmandæ præsidium: hyacinthi ac violæ, colore, quo erant vario, atque odore gratissimæ. O dulce, exclamabam, atq; innocens veris lenocinium! voluptas, quâ absque noxiâ frui concessum est! Cum ad me versus Etesius, Tanta, ait, est rerum in ipso æui flore positarum gratia. Quod ver in anno, in homine adolescentia est; vtrumque floridum est, vtrumque delectatione plenissimum. Illud iuuenilis oris decus, genarum purpura, oculorum gratia; quid aliud, nisi in vere flores, aurora in diluculo, sol in cœlo? Adde nunc floridiorem animum, sine nube amœnum, sine fuce candidum, sine vitio integrum. O inuidendam vestræ ætatis elegantiam! si diuinæ homines pulchritudinis imaginem fortimur, multò illa in vobis relucet maximè. Gratulor tibi ô florens adolescentia: si tamen omnem tempestatis (quæ incumbit plurima) deuities iniuriam. Multa sunt, quæ istam tibi ætatis prærogatiuam inuident. Flosculus aliquis plura pericula, quàm, aut dies numerat, aut folia. Hyacinthus ludo, Narcissus amore perijt. Teneræ arbusculæ vt deflorescant, pruina potest vnica. Bene de illis meruit, qui has fouendo curandoque contra aëris defendit inclementiam, alimenta ac succum affudit radicibus, deniq; ad fructuum maturitatem educauit. Hetærio hanc gratiam plurimæ ex vobis adolescentium plantæ debent, qui si minus illam vitæ ac corporis; certè hanc animæ pulchritudinem contulit, quæ in scientiarum venustate consistit: illum fructum; qui

ex rerum cognitione, cum honoris, tum virtutis dulcissimus subnascitur.

Porro cum multi florum immaturo adhuc dum vere intra nodos delitescerent, & iam velut ad partum suum, & apertam lucem aspirarent; Mnemon intento in solem digito, Lemma hoc, tanquam emblemati viuo allusurus, apposuit, *Nodum ille resoluet.*

Simulque eductâ de libello pictâ imagine Loiolæum mihi heroem puerperarum difficultatibus, celebri passim ope, medentem, in ea adumbratum designat. Ille, addit, infantibus est, quod Sol floribus, non scientiam modò, sed & vitam huic multi adolescentium acceptam referunt. Nimirum ut terra soli, non tantum floris pulchritudinem; sed & natiuitatem plerumque debet, sic Loiolæo complures geminum beneficium, natalium & literarum tribuunt: ut suo nunc iure inter adolescentes vsurpet Hetærius, quod inter arbores olim Cyrus, *Ista mea manu sunt sata.* Allapsa subinde flori apicula, occasionem dedit exemplis, quibus Hetærius præcipuos Christianæ Reipubl. flores, Urbanos apibus gaudentes, Austriacos, Bauaricos, Gallicos, in Musarum viridario excoluisse ad illam scientiarum gratiam, quâ nunc orbi placent, dicebatur. Et hi sanè Mnemon, inquit, principes totâ Europâ Viri, tantâ, post sapientiam, Virtutum commendatione fulgent: ut priorum seculorum inuidiam, futurorum memoriam æternam mereantur: atq; ornatissimus Hetærius, illorum laude, videri possit. Vnam, oro,

oro, Bauarorum familiam, immò vnus familiæ viros pauculos, quos vna ætas, vna apud vos Colonia videt, attendite, Ferdinandum, Franciscum, Maximilianum: horum imbibitam cum literis mansuetudinem, prudentiam, continentiam, ceterasque magno ordine virtutes censete: an non hic illustres characteres & viua quædam monumenta Hetærianæ industriæ conspiciatis? an non de his illud Cyri Hetærio poterit indulgeri: Istæ meâ manu sunt factæ. siquidem ab illo literas, & his admixta virtutis rudimenta hauserunt. Felix seculum quod tantis heroibus dignum fuit!

Sub hæc simiolus aliquis hortum oberrans, vbi Hemerum (quo puero delectabatur) obseruasset, ludibundus accurrit: quem cum Hemerus de officio hospitibus hisce prestando compellasset; nihil ille moratus, decerptum iuxta ex areolâ flosculum, officiosè in pedes enixus, Orarchonti porrigit, tum ordine ad Litholeontem, deniq; ad me eodem obsequij genere versus, suauissimâ omnes hilaritate perfudit. Mira erant & rationi proxima, quæ de animalculo hoc enarrabant. vt arithmeticam scitè, & sartoriam ad æmulationem calleret: vt talorum alearumque ludo non vti modò; sed & sciret vincere: vt tabernam potatoriam cum victo victor adiret, & lucrum ipse combibonum vnus ad symbolam expenderet. Paria his compertissima iam in regione Peruana esse, & extra saltem admirationem, si minus risum. Hunc modo simiolum isto arborum flore delectari, obseruare indies atque etiam in æstu, ac siccitate frigidam ex pro-

Euseb.  
Nier.  
hist.  
nat.  
lib. 3  
c. 13.



ximo fonte haustam affundere, spe fructuum, quorum sitauidissimus. Interea Hemerus citharæ adferendæ gratia dilapsus, rursus aderat. Explicato porrò in lapide ad viam instrumento simiolum inuitat, calamum porrigit. quo ipse per ungues apprehenso, explorat primum fila; deinde lufurus auspicia Hemeri exspectat, quem cantum, ac tonum præeat. qui simio lepidissimè calamum admoderante, illud Ouidij præcinuit:

” *Phillyrides puerum cithara præfecit Achillem,*

” *Atque animos molli contudit arte feros.*

” *Qui toties socios, toties exterruit hostes,*

” *Creditur annosum pertinuisse senem.*

” *Quas Hector sensurus erat, poscente Magistro,*

” *Verberibus iussas præbuit ille manus.*

Applausimus Mimo tam lepidò, & rara adèò naturæ in brutis miracula vno ore celebrauimus. Cum Etesius: vestrâ vos opinione aberrare nolim; ne videlicet hoc totum naturæ detur, quod a sœtutudini, arti, morumque exemplis debetur. Ab annosa simia, quæ in syluis inter feras adoleuerit, nihil exspectandum, nisi ferum atque syluestre. Naturam, vbi inualuerit, alienis moribus non imbui; vbi tenera sit, etiam in bestiis ad humanitatem erudiri. Ceram esse tractabilem, quæ quod imprefferis viuendi exemplar, & qualia præceptorum lineamenta exceperit, ea denique tempore indurata retineat.

Non subterfugit sagacem Hetærij animum ea rerum in-  
doles,

doles, cum litteris ac bonis moribus (quæ ingentem plagam tulerant) curandis, teneram primùm ætatem aggressus, Orbi vniuerso saniora persuasit. Numerate imperia, regna, nationes, prouincias, vrbes, oppida, atque in ijs omnibus Musarum palæstras, palæstrarum capita: & hunc vnum formandæ iuuentuti laborem æstimate, quid præter admirationem de Heterio loquimini? pensate mores, disciplinam, sedulitatem ac fructum, quo litteris iuxta ac virtute imbuuntur; & isti operæ decernite præmium. Tantis modò compendijs ad ipsam sapientiæ arcem per omnia Musarum Sophiæque propugnacula excurritur, vt quindecennes complures, & quos vix scitè vernacula vti existimes, pueri argutè philosophentur: itaque omnem disciplinam perspectam habeant; vt iam senes mirentur, sese tot annorum ac studiorum impendio adhuc esse pueros.

Ante Heterium vix Philosophus nisi barbatus: hæc ætas ante barbam sapere, atque optimum cui florem aut religioni augendæ, excolendæve, aut reip. emolumentis impendere didicit. Inuenti sunt extemporanei Rhetores duodecim annos nati, qui Romanâ linguâ vt vernaculâ vfi, de quauis re moniti dissertationem instituerent: quorum vnus etiam publicè dicendi artem professus, in Tragoedijs abs se scriptis veterum laudem est assecutus: in orando tam vehemens, vt viris ætate grauibus excuteret lachrymas. Non nemo id etiam ætatis Theologicarum rerum difficillimos nodos ita explicabat, vt viro minimè imperito in disceptationem

Bonif.  
l. 2. de  
præcl.  
puer.



nem admissio ruborem inijceret. Alter Rheni Superioris accola ab Hetærij disciplina ad paternam domum retractus, quod cum ignorantia simul Hæresim deposuisset; quatuor verbi (vt aiunt) diuini Buccinatoribus, à parente ad insidias in conuiuio adornatis, ita os conclusit argumentorum vi; vt præter silentium nihil reponerent, & domo magis eijcerentur, quam abirent. Ipsi Ruthleani, ac Lucianistæ æmuli Hetærij sua id satis probant contentione atque inuidia, cum perinde vt si Hetærium antagonistam ferrent vnicum; sic in eo bilem omnem, ac vires consumant. Tam neutiquam talpæ hi sunt, quantumuis cœcutiunt; vt illos fugiat, quid sit tenerioribus animis sapidæ doctrinæ succum affundere. Sed ne apud illos exspirasse litteras putes; docentur quæ dedoceri fas esset. Multi virus suum (vti est prohibitis simia improbitas) adolescentioribus propinant, vt ne sentiant se mortem bibere.

Vtrorumq; hinc Sectariorum, indè Hetærianorum operi regulam appendite prudentiæ, & rectitudinem metimini. Illic sicubi Musæ admittuntur, virgines esse non possunt; sed pro casto Apoinello impuritatis est officina: indiscreta Poëtarum lectio, Ouidij amores, Propertij ignes, Tibulli illecebræ; & tanquam hi parum perditè, & frigide nimis poëtizarèt, noua etiam horum Magistrorum voluptatis lenocinia, voragines, ac scyllæ ingeniorum reperiuntur. Quis inter hos scopulos Adolescentiæ portū: inter hæc Sirenium blandimenta hisce Argonautis Orpheū promittat? Illic de litteris



ris nonnulla, de virtutibus nulla præceptio: nō quotidianus sacrorum cultus, orationis frequētia, pietatis lucrum. Nulla scelerū expiandorum erubescētia, virtutis norma, glorię diuinę studium. Ad libertatem proclamant, id est, vitiorum seruitutem. In hanc zizaniā generosē falcem immisit Heterius. Ita putauit noxiam illam Poëtarum luxuriem: vt labruscis sublati, vitis hæc vinum, non venenum propinet. Flores reliquit, & sustulit floralia. Hinc casta in omni iuuentute vt lectio, sic oratio. Portentum, si in scholis ipsius Adolefcens castitatem turpiloquio pungeret. Quam ista aliorum praua licentia, & hæc commendanda seueritas! Inter flammās adolefcimus: & quis huic incendio nō aquam deposcat, sed oleum? pronam libidinem præcipitio incitet, & sceleri non exemplum modò, sed & auctoritatem publicā professione faciat?

Porro illis Heterius legibus & admittit, & erudit adolefcētiā; vt improbo esse impunē nemini liceat. Superūm basilicis, sacrisque operantium pietati nō otiosē astandum indies. Diui ante, atque in ipso studiorum opere quot horis implorandi. Expianda sunt pœnitendo scelera. Explorantur ad normam virtutum mores. Litteris admiscetur probitas; vt ea sensim combibita vitiorum frangat contumaciā, & in naturam commigret: ne, quod pronum est, iacturā virtutis doceantureloquentiam. Impiorum præputantur commercia, ne oleo flamma accedat, & scelus contagione serpat. Magistri ij dantur, quos ante Religionis exercuit pro-

probatae Gymnasium, quàm in Musarum cathedrâ prae-  
deant: qui etiam tacentes multa doceant, & erudiant exem-  
plis. Simia etenim omnis est iuuentus: imitatur quod videt,  
& nescia in virtutis aut virij assuetudinem deflectit. Cyrus à  
Pytarcho, Alexander ab Aristotele, Iulianus à Libanio ita  
hauserunt litteras, vt & vitia. Laudabilia loqui atque etiam  
vivere, laus est gemina Hetærianis nondum derogata: ad  
quam ne antiquis quidem Philosophis aspirare licuit; qui  
(nisi nos fallit Seneca) non secundum virtutem vixere, sed  
locuti sunt.

Inter hanc dissertationem (quam quod exciperemus a-  
uidius, aliquantulum produxerat) ad hortenses genios dela-  
psi, offendimus alios areolis excolendis, & iaciendâ semen-  
te occupatos; alios vineolis præputandis, atque ad legem &  
ordinem constringendis intentos: cumque ex vitibus non-  
nullæ, ceu clade accepta, lacrymas quâ parte vulnus acce-  
perant, funderent, Mnemon ijs hoc aspersit verbo sola-  
tium: *Hæc damna iuuabunt.*

Vineæ ita castigatæ, inquit, illud Poetæ competit,

---- ab ipso

*Ducit opes animumque ferro.*

Ceterum Lauris regiam vtrîque viam stipantibus hæ  
vites necebebantur: quod vbi admiraremur, audiuius hac  
arte, & vberiores, & maturiores fructus illas facere. Tum, vt  
erat Etæsius ad rei cuiusque rationem promptissimus, Hor-  
ticolæ illi faciunt, inquit, quod nos de Hetærio locuti su-  
mus.



mus. Sementem tempori, in primo anni, & campi flore aspergunt; vt seges radicet, priusquam zizaniæ. Otiosa etenim natura nusquam est: ne nihil ferat, vrticas pariet. Videntis & in vitium luxurię putanda nonnulla, stringenda alia. Sine lege vites non adollescunt, sed vitia. Ita luxurians iuuenum ætas: pro lauro, laus illam & præmium sæpè fulciet, atque vbertatem dabit. Sed & legibus seu vinculis libertas astringenda, & pœnis salubriter pullulascens scelus amputandum, hæc enim *damna iuuant*. Blandimentis tamen an seueritate regatur cuiusque ingenium, explorari conuenit; vt caueatur vtrobique, ne quid nimis. Per Hetærium hanc in rem consultum huic ætati egregiè. Munerum omnem spem & corruptelam de sua familia sustulit: vt communi fauore tegantur & lacernosi, & prætextati: & ne timeri, aut amari supra naturæ, ac indolis debitum quisquam possit. Adde oculos, quibus vtitur, plurimos in hanc curam sedulò excubantes; nam & ipse Ludimoderator suum Moderatorem patitur, & hic suum: sicubi exorbitetur, multi ad lineam conclamant. Laudabile imperium, vbi nemo pro priuatâ libidine dictitat, nemo regit, nisi qui regitur. Diogenes captiuitate in Cretam abstractus hoc titulo venalem se fecit, esse qui liberis imperare sciret: quo & à Xenia de redemptus, eiusdem sese liberis erudiendis tam nauum & vtilem prebuit; vt Xeniadem impensarum pœnituerit nunquam. Imperare scitè liberis, res est pretio vix æstimanda, vt quâ omnis regitur simul res publica. Enimuero quâ adollescunt



indole, qui ad orbis gubernacula inter litteras educantur, hâc communitatem ferè imbuunt. Plebs ad grandium: rudis ad doctorum exempla componitur. Moribus suis, & alienis exemplis quisque regitur.

Horti interea caput attigisse videbamus, cùm noua sese rerum obijcere facies visa. Arbor erat, ex illo, quo hortus cingebatur, Manglarum genere, quæ ramis latè euagantibus, ac deniq; in terram pro more defixis, rursusq; in pares arcus flexis, porticus effecerat septenas vtrinq; ad auræ, lociq; libertatem patentes; nisi quòd obiectis modò velis curiositatem omnem excluderent. Collis iuxtà planitie mediâ velut in Orchestram assurgebat. Ad collem fons, quem cum Helicone serpentes pellere, cum Clitoris aquis potos ex eo pisces vocales reddere memorabant. Hic geminis Dearum ornatus statuis: quæ, & manus in fidem, & oscula in amicitia mutuò offerebât. Dexterû latus obtinebat virgo specie nobilissimâ, aureo per humeros capillitio sparsa: cæruleâ in togâ, stellis intermicantibus illustratâ: corona quadruplici, & velo imperatorio insignis: cælum in manu, pedibus tellus substrata: Areten dicebant. Ad læuam virgo vix sanè ignobilior: formę pulchritudinem iniecta exasperabat galea, ornamentum virile: vestis luxuriem zona adhibita cōstrinxerat: hasta in manu: digitis cum annulo insertus Achates; qui præterquam quod naturæ genio prata, flores ac flumina, ceu quædam insculptæ eloquentiæ ornamenta, ostenderet; Musas etiam cum Apolline omnes, tanquam in hoc viridario

rio receptas(vti ille Pyrrhi)continebat. Triplex iuxta illam  
Vbiorum corona, casside si luberet, permutanda: Pal-  
ladem vocabant. Vexillo quod iunctis Dearum manibus  
insinuauerat artifex, hæc erat inscriptio,

*Transit <sup>Epis</sup> in <sup>Epas</sup>.*

Carmen aureis characteribus insertum.

*Infelix odium Diuas exercuit olim:*

*Quas vincolo felix nunc sociauit amor.*

*Hæc tamen offenso qui conciliaret amor,*

*Et malè diuulsas neceret arte manus,*

*Arbiter vnus erat, cui fecit Heteria nomen,*

*Quemq; Arete voluit, quemq; Minerva virum.*

*Plaudite fœderibus Paci quicunque fauetis,*

*Connubio huic plaudat, quisquis amoris amans.*

*Nulla magis felix concordia contigit Orbi,*

*Coniugio hoc nullum dulcius Orbis habet.*

*Perge tuas lucere faces Paranymphe Dearum:*

*Et meritum tanti dignus amoris habe.*

Interea cortinæ motæ, & Apollo Musis stipantibus sub  
amplissima porticu confidet, ac per Mercurium submissum  
nobis denuntiat, ludum apparari theatricum, vt spectatum  
ex orchestra assiderent hospites, quibus eam fecisset scenæ  
adornatæ gratiam. Nos tantam igitur humanitatem exof-  
culati, Etesio monente, capeffiuimus confessum. Spectacu-  
lum erat (ne per singulas eiusdem partes fastidiosè abeam)  
& nouitate, & admiratione dignissimum. Proscenium pa-



tens, & quamuis in sicco, mare æstuosum exhibens; quod papyrus tenuissima latè explicata, & coeruleo colore aquas mentita referebat: quæ ut veri maior esset similitudo, folli-  
bus subter certâ arte dispositis, ceu ad ventorum inquietu-  
dinem exagitata, nunc tumebat, nunc subsidebat in fluctus,  
& vndas. Medio in mari insula, quam natura loci artâ sub-  
sidio satis ad veritatem instruxerat. Insulæ Medusa Dorca-  
dum regina cum geminis sororibus Euryale, & Sthenyone  
præesse videbatur. Hanc opibus & potentia in Oceano Æ-  
thiopico metuendam subegisse fama est Perseum, littera-  
rum potissimum, quibus excellebat, subsidio, pugnandi-  
que, quam ars & ingenium regebat, dexteritate. Regina  
cæca ac temeraria atrocitas fabulam meruerat, quâ illa v-  
nico solum oculo cum sororibus communi diceretur uti,  
& pro capillis ex capite anguium sylvam ferre, ad mulieris  
iram, in morsum, rabiemque assurgentem. Nemo illam vi-  
debat, quin subita metamorphosi in saxum obrigesceret.  
Illa igitur hâc tam portentosa specie in Insula nobis erat  
proposita, iuxtaque non pauci obbrutescentes, atque in sta-  
tuas versi homines. Adhuc terrori erat spectantibus. Ocu-  
lus eminebat in fronte vnicus ac propendulus, vitiosa etiam  
rubedine iracundus: Serpentes in sibila rabiemque erecti,  
Furiâ magis quam hominem referebant.

Expectatione omnium animi pendebant, quid hoc mon-  
stro futurum: cum sese is qui Perseus esse videbatur, hinc  
Palladæ, inde Mercurio stipantibus mediis, ad maris litus  
pro-



promouere visus. Erat adolescentis generosa indoles, & Ioue digna: iurassent alterum Apollinem, nisi Etesius, quem ad omnia consului, obstitisset. Imberbe mentum, flaua cæsaries, frons, atque oculi ardentes: sagum velut pro bello assumpserat. Iam designabat vultu insulam, atque hostem, in quem sese accingeret, minasq; ac indignationem iam animo præconceptam ad vindictam excitabat. Stimulabant pronam audaciam spe atque laude victoriæ Diui gemini, hinc eloquio, inde consilio: vt si ipsi Eloquentiæ ac Prudentiæ vox atq; animus esset, digniora ad victoriam loqui neutra potuisset. Denique Pallas quem ex ære fulgenti gerebat clypeum, appendit iuuenis brachio, ac speculi hunc loco esse iussit, quo obiectæ sibi Medusæ exciperet imaginem: ne tam lamentabili, quàm ceteri, metamorphosi periret. Ensem deinde Mercurius falcatum dexteræ imposuit; quo auerso in hostem vultu, directum ex clypeo ictum ceruici infligeret.

Iam ad iter toto pendebat corpore, & neque nauis, neque remus apparebat medio mari viam destinanti; cum detracta sibi Mercurius talaria noui militis pedibus annectit: quod vbi factum, tum ille librare per aërem vestigia, nec alite quauis segnius progredi. Ita, ventis vsus vectoribus, cursum absoluerat, iamque in hostem armatus ibat; quæ, suâ se fatis formâ atque arte tutari rata, negligenter admisit pugilem: qui vbi astitisset propius librato iniectum ferro Medusam ira æstuantem, suæque indignantem sic delusæ arti, ag-

E 3, greditur.

greditur. Sororum illa nequicquam, sua in cecitate palpan-  
tiū, implorabat opem. Terroris interea quantū potuit hosti  
etiam in speculo obiecit: quem suæ propemodum audaciæ  
penituit, incertum, tantamne laceraret serpētium rabiem?  
oculumne in frōte, an securiūs pectoris sinum ferro distrin-  
geret? Deniq; hæc vno impetu dubitantem pristinus vigor,  
& victorię nobilitas restituit animo: incumbensq; toto in i-  
ctum robore, mille anguibus, atq; vni simul Medusæ caput  
abstulit, quod liuido cruore, victoris arma, & arenam latè  
resperfit, alienę gloriæ, suæq; infamiæ maculis. Caput dein-  
de ægidi Palladiæ affixum æternum victoriæ monumentū  
fuit. Secuta hinc sororū in sua cecitate destitutarum lamē-  
ta; inde Deorum omnium, Musarumq; tanto triumphatori  
fauentiū applausus. Mercurius inter hæc velut legationi ex-  
pediendæ præteriens, paucis nos affatus: Non fabulam, in-  
quit, sed veritatē dedimus: non Perseum; sed Hetærium cō-  
spexistis pugnantē: non Medusam cum sororibus; sed Igno-  
rantia cum Hæresi atque infidelitate Germanis debellatā  
vidistis. Trias enim hæc cecitatis extreme est; & si quid liui-  
do, atq; obscuro oculo contuetur, id totū ad perniciē alio-  
rum designat. Dominatur inter has Ignorantia quauis Me-  
dusâ tetrior, cui tam fœdæ sorori ac Dominæ parent cete-  
ræ. Diui, quot hæc mortalium in Europâ præsertim nostrâ  
brutescere atq; saxescere hac nostra deploratissima ætate  
fecit! Vix iam cōsilio, vel sapientiæ, vix religioni locus: hæc,  
atque illa arcibus suis deiectæ, orbis erāt futuræ ludibrium.

Per-



Perseum hæc clades & Medusa ista furialis, nō fictum depo-  
scebat: qui ægide Sapientiæ, in qua monstri illius turpitude  
elucesceret, armatus, Ignorantiam profligaret, suamq; hãc  
Hæresi atq; Infidelitati larvam ac munimentum detraheret:  
vt quã in suis errorib. afflictim cœcutiãt, omnibus patefcant.

Hæc dicta excepit Harmonicus Musarum ludus, & dif-  
cors vocum concordia Palladi iuxtã, atque Hetærio gratu-  
lantium. Apollo verò sub tam felicem victoriæ successum  
ad Deos versus Pacis desideratæ votum cōcepit, quam, so-  
pitis belli reliquijs, Heterio sequestro, sperabat obtinendã:

*Arbitra Musarum Pallas, belliq; fidelis  
Et Pacis consultaparens; quiq; armacietis,  
Classica concinitis, gladiosque in cade rubentes  
Versatis, fideiq; odijs ardetis iniquis  
Patroni errorum: tandem componite mentes  
Pacis ad obsequium, propriãque in clade piandos  
Demite feruores animis. Damitior hastam  
Et galeam Pallas, clypeoque absiste feroci;  
Sat Marti Mortiq; datum est: sint cetera pacis  
Pulchraq; præ trucibus potior sit oliua sarißis.  
En requiem qui suadet adest, qui prodiga vitæ  
Pectora, discordesq; animos in fœdera morum  
Erudiat, scribatq; sacre secreta salutis.  
Nil hostis metuens, nec iniquæ conscius iræ,  
Sed docilis tractare animos, & Apollinis acer  
Auxilio, cui nunc facilis Victoria belli*

*Post-*



Posthuma concessit; leniq; regenda sequestro  
 Pax stabit, iusq; omne toga transcribet honesta.  
 Hunc Europa virum supplex, hunc Itala poscit,  
 Et tellus Germana vocat, cupit Indus, Iberus  
 Ambit, & Antipode. Mirum quam dulce loquendi  
 Pondus adherentes animos moderatur, & aures,  
 Quo se cunque ferat. quoties Europa probavit  
 Orantem? quoties victrix facundia lingua  
 Imperium vitijs dixit, cupidosq; doceri  
 Errorum eduxit latebris, lucemq; Minerva  
 Suasit, & ad sacros Sophia prouexit honores?  
 Orator simul ipse sui est, persuadet amorem  
 Virtutum, factisq; probat sermone probata;  
 Dux, auctorq; sibi. Musas non laudat inermes.  
 Armari pietate cupit. Quacunque timentur,  
 Negligit, ipse sui certus. Constantia nullis  
 Frangitur illecebris, nullis terroribus haret.  
 Ut stetit expugnans hostem virtutis, & artis  
 Securus! quanto micuit bellator in ore!  
 Quantus amicitia, quantusq; est pacis amator!  
 Heresis arma caue, satis Ignorantia plexa est:  
 Consilijs accede pijs: erroribus vltro  
 Tu ne crede tuis. Non arte tuebere causam;  
 Sed nec Marte satis. Detraxit Hetarius omnem  
 Nunc laruam sceleri, & fraudum consulta tuarum  
 Prodidit, insidiasq; tibi modò liquit inermes.

*En pacis decreta piæ, magnumq; salutis  
Momentum suadet. mereat trabeata videri  
Pallas, & optatas humeris vectare curules.  
Vos tamen, ô Diui, quantum victricibus armis  
Debetis, quantum paci virtute paratæ,  
Huic donate viro.*

Dixerat. Quando Pallas cum omni Deorū tempore præ-  
sidentium collegio velut ad concilium prodijt atque con-  
sedit. Primum à dexteris Saturno locū fecit, deinde Soli ac  
Lunæ, quibus Eos, Noctes, ac Horæ famulabantur. Chloris  
postremò, Ceres, Bacchus, atque Æolus sequebantur. Mo-  
mus tunc etiam forte aderat inter Deorum assecclas, quem,  
vti antiquum cum omnibus litterarum fautoribus Dijs ex-  
ercet odium; ita nunc etiam inuidiâ grauidissimus parturi-  
ebat tonitrua in Palladem atque Hetærium, quæ cum iam  
stridulo murmure inter nubes cerebri, & dentium claustra  
ad fulmina secutura prælusissent, deinde calumnias ac con-  
uitia in Hetærium velut de plaustro, non recitabat, sed in-  
genti vi ac numero deturbabat. Sed neglecta Cauillatoris  
improbitate, Pallas ad Deorum concilium versa, quantum  
hucusque, inquit, Diui optimi, dolorem ex neglectâ religio-  
ne, squalentibus aris, & templis; quantum ex corruptâ mo-  
rum disciplina, ac rudi ad omnem honestatem iuuentute,  
fastidium; quantum denique ex solutis Rerumpub. legibus,  
auctis seditionibus, natis cum perfidia in Deum bellorum  
tempestatibus mœrorem animo concepistis: tantum vos



modò post profligatam Ignorantiam, horum omnium malorum sèmentem recreari, & lætitiæ concipere fas est. Peruicit Hetærius, ne tanta pestis in orbis perniciem latius inualesceret: portenti huius improbissimi conatus armis nostris, sua virtute repressit. An vos latent funestissima belluæ illius consilia, quibus orbem totum suis, ac fororum destinauerat imperijs: hoc egerat, vt omnes secum euersâ rationis scientiæque luce cœcutirent; ne esset, qui aut suam perniciem, aut illius improbitatem discerneret. Nostis quo olim consilio Mitylenæi alijs Græcorum abs se deuictorum legibus, illâ per fas nefasq; adiecerint: Litteras deinceps ne docento. par Xerxis consilium: qui vt eidem genti quoties victæ, toties rebelli, arma penitus, animosq; ad libertatem excuteret; artes ademit liberales, & pro calamo tibijs, pro schola cauponis iussit insuescere. Ita Cyrus Lydijs, Edouardus Scotis, Melanchton (si & locus inter aquilas coruo) Germanis felicitatem eripere conatus est. Et quidem tam præsentî exitio ipse seculi genîus litteris iniquior adeò fauebat; vt huic fraudi ultro patere, ac suam ambire cladem efflictim videretur; nisi auertendæ calamitati opportunè intercessisset Hetærius, & periculum iam præceps auertisset, scientiarum occumbentium defensione contra Ignorantiam susceptâ. Modò certè summâ felicitate aduersus inualescentem illius tyrannidem debellatum est: occubuit hostis, & viuunt litteræ: optimum Hæresi atque Infidelitati, natum ab Ignorantia, præsidium ereptum est. Date hoc igitur fauo-



fauori nostro, Temporum Diui, date Hetærij meritis, ac virtutibus, & dignum decernite triumphatæ Ignorantiæ præmium: ne vel inuidiæ apud vos maleuolorum locus detur, vel benefactis proborum denegetur.

Applausit ita oranti Deorum concilium, & Saturnus Lunæ imperauit, vti in Momum tam improbum filium immodestæ dicacitatis poenam decerneret. Quæ Noctibus illum pedissequis coërcendum carcere perpetuo tradidit. Deinde honorandi Hetærij deliberatio est inita. Ne verò præmiorum quisquam in eis videretur parcus, de suo singuli ad hanc honoris symbolam liberaliter obtulêre. Saturnus Hetærio coram adesse iusso seculum detulit; quod vt aureum, inquit, sit, tuis meruisti atque etiam effecisti moribus. Sol deinde annos, zonamque coelestem duodenis anni insignibus nobilem, ceu baltheum, victori destinat: Ariete etiam donato aurei velleris militem pronunciauit. Leonem denique curru, si vellet, triumphali adhibendum. Subiecit Luna, se Vrsam mitiora edoctam ad Hetærij imperium ac triumphî obsequium submissuram. Addidit Ariadnes coronam, mensiumque duodenam obtulit, Horis etiam in seruitium designatis. Haud procul Charites ad obsequium stabant, quæ, ordine honoris ad Chloridem deuoluto: rosis, lilijs, alijsque florum delicijs, gratissimâ pluuiâ, Deorum coronam, atque in primis Hetærium aspersêre. Laxatis deinde partis auersæ cortinis, suauissimè allabens Zephyrus omnes iam calore ac sudore aspersos demulsit. Ceres,

deinde cùm Amalthææ cornu, sibi ab Iouis altricibus concessum dono obtulisset; lactis diuini haustum Hetærio propinauit, terque Sirij radijs ( quos gemmâ inclusos ad arbitrium laxabat) adustum, immortalem cum Triptolemo esse iussit; eandemque, quâ quâ incederet, subnascentium frugum gratiam indulgit. Bacchus, ô sicca, inquit, atque arida munera ! humectatione hîc opus est : solutôque iuxta fonte huic scenæ præparato Massici copiam per Siphunculos mediæ Deorum coronæ affudit. Subiccere mox Satellites lebetem aureum, ne quid pretiosi liquoris deperiret. Cratere dein auro, gemmisque præfulgido libarunt felicitati Hetærij. Apollo vbi iteratò cratera euacuisset, furore correptus fatidico, cortinam insedit, talia de Hetærio vaticinans:

*Iam noua mellifluis current tibi seculariuis.  
Virtutum Te magna seges, proluxa laborum  
Expectat series. Manabit sudor in ora:  
Hic succus Pietatis erit. Themis aqua, Fidesq;  
Et Virtus dabit hic messem: manet altera cælo.*

Ad Æolum munificentiaæ ordo deuenerat. is tam profusâ Deorum liberalitate offensus, secumque non leui humorum, atque oris conuulsione rixatus de munere, vix tandem exporrectiori fronte hæc profudit. Nimijs donorum, illecebris Herois virtutem Deos demulxisse: hac viâ fortitudini magnorum animorum parum consuli: blanditijs illam frangi, gaudere, atque eminere duris occasionibus. Proinde



inde se virtuti illius firmandæ borealia frigora, famelicam  
 luporum aciem, impastos leones, quibuscum decertaret,  
 obiecturum. Subrisère Diui omnes ad tam illiberale donū.  
 Non iam, inquit Pallas, monstra Herculi quærimus, sed de-  
 uictorum monstrorum præmium. Nunquid pro superata  
 fortiter hydrâ, hydram nouã, ceu munus, victori obijcies?  
 Indignatus Ventorum Pater filio Boreæ, lateri ad obsequi-  
 um astanti, nutu tempestatis ciendæ signum fecit: qui cum  
 Germanis Euro, Africo, ac Noto tantis subitò furijs debac-  
 chari, tanto cælum terramque quassare impetu cœpit; vt  
 laxatis cataractis non pluuiæ, sed vndæ nubibus fluèrent,  
 arborum, domuumque nutarent capita, Diuorum suæ  
 quisque securitati consuleret. Nos cum Etesio, Earoque ad  
 proximã delapsi porticum, quantumuis madentes, tam ri-  
 diculam catastrophē pleno splene risimus. Audiebatur in-  
 ter hæc Æolus tubâ latum concinens, suæque sibi victoria  
 applaudens.

Mihi verò ludī illius theatralis, ac præsertim donario-  
 rum Hetærio impensorum hærebat cogitatio: neque satis  
 quorundam, aut pretium, aut rationem & vsum animo per-  
 uidebam; recurrebat identidem tanta aliorum liberalitas,  
 tanta Æoli insolentia. Cū abstinerē hisce me curis Etesius  
 iussit; temporis rerumque spectandarum decursu illustran-  
 da omnia: sed nec mirum adeò videri debere Brumam atq;  
 Æolum furere; illud potius admirandum, Hetærium ita læ-  
 tis perfrui vix posse, vt non aliqua sese inferat aduersitatis



clementia; quam tamen eodem vultu, quo mundi fauores excipiat.

Hoc responso in spem ac desiderium futurorum erectus, coepi cum alijs ad emblemata sparsim tota porticu adumbrata, mentem aduertere. In ceteris tabella vna Bombycem serico suo antro, velut quodam Diogenis dolio, inclusum præferebat cum hoc epigraphico,

*Hunc cernit nemo laborem.*

Quæ cum ad Hetarium pronâ coniectatione referrem, Laboris istius memoria subuenit animo, quem ipse inter Scholarum parietes, tanquam antrum aliquod abs vulgi oculis remotum, indefesso studio exercet; pretiosum quidem illum & cum ingenti multorum emolumento coniunctum, sed quem vulgò pauci admodum, aut videant, aut æstiment.

In alio iuxtâ emblemate Arbor erat vitio magis alimentum deficientis quàm senio elanguescens; nonnullæ frondium succum omnem exspirauerant, aliæ tamen cum adolescente iam vere refflorescebant. Hederaceis illa fertis circum adhærescentibus stabat implicata, quibus vitam vigoremque infelix nutricula impendebat. Næque loqui videbatur,

*Consumor alendo.*

Tertium deinde haud procul appensum eiusdem ferè sententiæ symbolum apparebat. Flos erat qui explicatis in orbem folliculis, apem mellis causa allapsam sustentabat. Illa flori vox data erat,

*Nutrio*

*Nutrio pungentem.*

Hæc ad Hetæciliū Iuuentutis nutrīcium optimum pertinere ambigebat nemo; Etesius tamen, vbi nos studiosè in vmbatili schematè defixos obseruasset, nostrisq̃ue etiam pro veritate assequendâ coniecturis aurem facilè commodasset, Rarissima, inquit, inter homines beneficentia est, & liberalitas penè prodiga; *suo detrimento prodesse alijs: benefacere, ac nesciri, imò negligi.*

Paradoxa hæc sunt; sed in Hetærio reperta. Vidit certè, si minus agnouit Europa nostra ( vt reliquum orbem taceam ) totidem propemodum viros, quot Hetærij familia alicuius experientiæ, aut nominis vnquam habuit, enixè in iuuentute erudiendâ laborantes. Quam hi suo detrimento profuerint alijs, plurimorum valetudo in hos labores impensa, vita adeò insumpta testatur. Illud sanè passim exemplis cogimur credere, vix alterum quemque sine aliquo sanitatis vulnere ex hâc luctâ & arenâ literariâ ad alia officiorum genera manumitti; tum decimum ferè quemque ( vt alios morborum casus separem ) solis hisce scholasticis difficultatibus vires suas exhaurire, ac denique vitam in morte deponere. Et verò qui horum studiorum labores in literarum Doctore æstimauerit: quantum docentem scire conueniat, quantum industriæ ad rudem incultamq̃ue pueritiā adferre, vt rebus tam arduis capacem faciat; quæ murmura, inquietudo, pulueres, ac fastidium integros propemodum dies dissimulanter ferenda sint: facilè cogitando asse-



assequetur ludum hunc literarium nihil minus quàm ludum videri.

Quantum porrò illud sit, quod viri ætate graues, sapientiâ spectabiles, contemptis, qui ab alijs officijs suppeterent, honoribus, spreto, quod ex parium consuetudine nascitur solatio, inter istam puerorum inquietudinem vitam exigant, ij parentes censeant qui sæpè ab vno alteroue filiolo ad honestatem atque virtutem educando tantum molestiarum hauriūt, vt velut difficultatum impares, quod ipsi ferre nequeunt Magistro onus destinent, qui solus plurium parentum molestijs humeros supponat. Et quidem, si huius operis arduitas naturæ in genitoribus præualet, quæ illos cum liberis arctissima familiaritate sociauit; si impar laboribus tantus est amor: quanta virtute opus est, vt in tam varia puerorum, sæpè & nationum, indole, difficultas omnis ab instructore absorbeatur.

Nolo iam temporis, quo iugum hoc sæpè ferendum est, meminisse. Vix aliquantò frequentiorem Hetærij familiam reperiēs, in qua non aliquos maximam vitæ partem his adolescentiæ erudiendæ curis deuotos inuenias, viros, quos alioquin ad Reip. gubernacula (si sapientiæ in illis dignitatem spectes) iure admoueas; quos rebus propalam atque in orbis luce gerendis opportunos, ad Tullianum, aut Platonicum carcerem (quo sua magis virtute quàm merito continentur) nunquam condemnes. Exemplis abstinebo vbi quotidiana experientia pro me loquitur. Adhuc vi-

uunt



uunt senio atque demissione sua venerandi, qui in ultimo Grammatices puluere, in turbulento isto pusionum grege diuturnâ functione versati hâc prouinciâ non nisi cum vita defuncturi videntur.

Quid si nunc improbam nonnullorum munerationem expendamus, quâ acceptorum ab Hetærio beneficiorum memoriam obruunt; an non admirationis plenum opus tractabimus? Spes alit Agricolas. Mercatori lucrum: Militi stipendia, prædas, libertatem adime, cladem etiam ac vulnera pro præmijs adnumera; & neminem reperies tam impendio sui negligentem, aut laboris cupidum; vt vela atque arma non abiiciat. Hetærius tamen cum lucri ab hominibus speret nihil, tum etiam nonnullos suæ existimationis hostes ijs modo se instruere scientiis animaduertat, quibus postea innocentis ac benefici Magistri famam armati oppugnent: perstat nihilominus, & *pungentem* cum flore apiculam *nutrit*: neque vllis se iniuriis ab instituto dimoueri patitur, donec, quod arbor inter hederas, *alendo consumatur*. Perditum non existimat, quod licet ingratum beneficium impenditur. Hæc omnia qui suis momentis expendere, literarium hoc Hetærianorum otium, inter grauissima negotia non immerito numerabit.

## A P R I L I S.

*CATECHESIN, ET FIDEM IVVEN-  
tuti explicatam continet.*

**T**Empestate iam discussâ, campisq; ad suam amoenitatem redeuntibus, ad alia digrediendum Etesius monuit: Hortum esse Fidei Christianæ monumentis illustrem, quo deinde nos adduceret. Erat is virgultorum, in mutuo complexu adolescentium, sepimento ita arctè cinctus, ut nusquam dehiscantibus ramusculis, oculos intuentium per rimas admitteret. Latera, ipsumq; sepi caput ad æqualitatem tonsa erant, nullo uspiam exorbitante cespite. Quin & eadem arte ductilem viridemq; portæ arcum, æstivalésque per hortum ediculas, naturâ atque industriâ humanâ conspirante, eduxerant. Portæ valvis affixum Tauri sylvestris caput erat, Aprili consecratum.

Prior horti facies labyrintho non absimilis, semitis in ambages explicatis confundebat iter; quas omnes Etesius in horti centrum ad sacrum Fidei collem confluere asserebat. Arbores in orbem dispositæ florum amoenitate ac succo allapsas hinc inde apiculas (quamvis plenis nondum agminibus) recreabant. Vna in ceteris arbor velut aliarum Regina, mediam stationem obtinebat. Diui qualis arbor! Ex vltima gentium barbarie, & incultis Peruanis honorando Hetærio erat huc translata (Granadillam dixerunt) Malo-

logranatis nostris haud prorsus absimilis. Illa, vti explicata iam stabat grandiusculis floribus, spectaculum præbuit orbi Christiano dignissimum. Erant hi flores rosæ albæ similimi; & passionis dominicæ insignia, supra omne artificis humani ingenium, expresserant: siquidem in his quinque purpureo colore distincta erant vulnera. Ex florum centro emergens columella, coronam spinis implicatam, medióscque tres clauos, ferebat. Folii lanceæ agnata hærebat effigies. verbo, bruta terra istic fidei nostræ salutisq; expressit symbola, cum rationales deessent homines. Erubisset adhæc Europæa hæresis, si non omnem in propudiandis imaginibus, passionisq; insignibus verecundiam exturbasset impudens vesania. Erubisset Christianorum & parentum imprimis socordia, ita negligenter efflorescenti iam puero- rum ætatî salutis nostræ lineamenta præceptaq; imprimen- tium, quæ muta ac bruta natura floribus suis insculpsit. Hæc mentem cogitatio tam admirando flori affixerat, cum nescio quis impetus Litholeontem in hos versus abripuit:

*Stella soli, verisq; decus, florumq; corona,  
Terris nata, polo digna: salutis honos.  
O noua plantarum miracula! nobile germen,  
Quod gerit occisi sacra trophæa Dei!  
Clauorum video triadem, sertumq; cruentum,  
Et granis totidem vulnera quina rubent.  
Quin etiam immitis fulcitur flore columna:  
Hastatisq; micat lancea dira comis.*



*Fallor? an ille meus perijt Narcissus in undis  
 Flosq; hic funereis posthumus extat aquis?  
 Non fallor, tulit ipse minax hoc vertice sertum;  
 Et totidem ferrum vulnere triste dedit.  
 Immites animi, nisi vos miseratio flectit,  
 Mollit amor: cum flos flere & amare docet.*

Delectabamur hac poësi, atque etiam Litholeontis tam piæ affectioni plaudebamus. Interea illius vt videbatur carmine prouocata, adest auicula ex Acanthidum genere (Ligurinum vocant) colore luteo maculisque distincto; quæ vbi spineo Granadillæ ferto (vtri spinetis delectantur) acquieuerat: in gratissimam solui melodiam, & tonorum accentuumque permutatione, simile quid symbolo Fidei ad musices artem exacto, coëpit auspicari, quod cum ad æmulationem atq; inuidiam Musicorum felici augurio pertexuisset, tum denique, ceu victrix Litholeontis, vnde venerat, recessit. Mirabar auis in ista libertate mansuetæ indolem, tantique arcani capacem. Cum Etesius memorat, in horti medio magnam auium huic similium copiam asseruari, quæ istic primò liberaliter ab ipsis nidi vitæque principijs alitæ, atque in captiuitate eruditæ, demum manumissæ; ingenio tamen loci delectentur, & natam cum vnguibus disciplinam non prorsus abijciant. En, inquit, iucundum dicam, an erubescendum mortalibus exemplum? Arbores brutæque animantes Fidei nostræ Religionisque insignia ac præcepta combibunt, Deum auctorem suum non ineruditè fatentur.

tentur. Et, quod hominum ista nausantium dedecus! illorum, inquam, hominum, quos & rationalis natura, & diuinæ pulchritudinis impressa lineamenta rebus brutis ac perituris fecerunt meliores. Nunquid enim creator Deus:

*Os homini sublime dedit, cælumq; tueri*

*Iussit?*

Et tamen ita nascimur, ita curamur, ut si mundo soli Felix existimatur ille cui opes, cui valetudo est: mores nasci oportet: utcunque hi proueniant, in diuitibus semper laudantur. Hæc prima parentum cura, ne teneritudo infantilium membrorum vitium contrahat; vnde & distorta membra inclementius corrigunt, torquent, formant. Mores distortos, religionis disciplinâ formare, torquere pœnis, corrigere præceptionibus, res tam est rara, quàm necessaria: ut inuenias, Diogene tibi atque lucernâ ad solem sit opus. Legem natura parentibus scripsit, quam nec Cato censeat; Quod genueris, cœlo debes. Prima hæc puerorum esto lectio; *Disce puer Virtutem. Cole Deum.* Sed seueritas ista ad antiquam modò Spartam amandatur, vbi pueri ad Deorum aras etiam verbera sereno ferebant vultu, ut ostenderent se pro Dijs fortia quoque tolerare posse. Pauci hodie Teli sunt, quos Solon, ob felicissimæ & ad Virtutem instructæ indolis liberos, Cræso præferat. Ipse adeò brutæ animantes suo nos exemplo condemnant: Færæ catulos ad venationem, ad cursum erudiunt. Aues pullis ad cantum præcitant, ad volatum præeunt, ad cibum eosdem alliciunt.

Nulli ad præscriptum viuendi finem, aut natura, aut Præceptor deest; si ipsum animantium regem hominem exceperis.

Dum ista seuerius disputat, in arboretum incidimus plantis nouitijs consitum, quas hortenses Genij ne rectitudine exorbitarent, fulcro adstrictas corrigebant, putabant, transferebant. Inter plantulas gallina oberrabat dux nuper ab ouo educatæ sobolis. hæc præire suum gregem, si quid inuentum pabuli, ceu præco, glocitando publicare, ac diuidere omnibus: vbi tamen aduentantium senserat strepitum, receptui palabundæ plebeculæ canere, passasque alas suis, atque (si quod esset) infortunio, medias obijcere. sed notos cum aduertisset, periculi securus, rursus velut manu-mittere. Laudaui curam, & in bruto nō bruta omnia. Cum Mnemon ex annaliū monumentis recensuit mirum quiddam. Hæc, inquit, ales Ignatiana dicitur ab heroë quodam Loiolæo, qui dum Manresæ ageret, iamque etiam pueros non præceptis modò religionis; sed & sanctitatis suæ opinionione imbuisset; euenit gallinam puerili curæ abs matre commissam, absente hac, aquis præfocari, denique adhibitis fouendę gallinæ flammis, etiam pedes amittere. Lamentatio hic puerorum misera, atque imploratio opis ad Sancti viri pedes supplicum; vt ille & miseratione, & fiduciâ plenus Deum compellârit pro auxilio; simulque volucris vitam, pueris gaudium restituerit. Hæc deinde gallina solitariam vitam instituit, communem sociarum gregem asper-

nata.



nata. Nos sobolem inde asseruatam hucdum nouâ successionis serie nutriuimus, ne tam præclaræ originis stirps intereat. Videtur ipsius aliquid referre ingenij, à quo vitam recepit; ita educationis paruulorum gratiam nacta est: siquidem hic, meticulosum alioquin animal, timiditatem, si periculum instet, exuit; & pro pullis audet, quod suo capiti defendendo aggrediatur nunquam. omnem milui impetum vitæ suæ discrimine auertit. Excepit Etesius: Hetærij vobis studia etiam in hac animâte obseruare licebit; ita quicquid hisce in hortis sub nostrâ curâ est, Hetærij naturam combibit. In illa orbis negligentia ac lamentabili catastrophe, quâ feræ in sobolis educatione humanitatem: homo feritatem quandam mutuatus est (cùm ijs officijs, quibus proles ad Deum diuinaque primùm nascitur, eam perquam negliger imbuat) Hetærius communem orbis parentem agere instituit, & gallinæ officium Soterij Regis sui exemplo sumere: voce, munusculis, illecebris pueritiam omnibus ciere, inuitare, ad fidem instruere, arcere rapaces miluios, atque alis pietatis tueri. Et hæc Manresæ auis tam rara, vitam hanc nouam auspicari cœpit. Sed quid velis tegendæ virtuti vtinur? si Augustus pater patriæ, Hetærius pater orbis dici meruit; ita hunc religionis salutisq; incuriosum saniori consilio & disciplinâ à perfidiâ & Diuorum Ignorantiâ vindicauit. Nihil erat minus in pueris, quam fidei virtutisq; cōscientia. Arcibus, mœnibus, vijs, ipsi adeò porcili & haræ homines præerant; hominibus natis vix homo. Hic  
velut

velut spurium semen vitijs, naturæque in scelus pronæ relictis, post pecora curabantur, aut ne tunc quidem. Arbusculæ ne in vitium abirent accuratione nauâ curabatur; aut ferro putabant, aut ad regulam stringebant: interea filij stoliditate in durissimos stolones degenerabant. Pietas inter Christianos erat; si parentum quandoque latus concioni adstantium stiparent, atque istuc audirent multa, caperent nihil. domi porrò tam persèpè elegans parentum prælectio; vt quæ olim athletic erant propria aurium munimenta, his nunc infantibus fuisset opus; quòd, yti illis animus strepitu verberum, ita his perceptione verborum frangeretur. Quid nunc Americam, Sinas, Indias memorem? quis hic desertæ religionis assertor fideique nutritius? orbem totum aut malitia cæcârat aut ignorantia.

Iam in ea rerum necessitate adhuc tenacia Granadillæ folia fidei nostræ, velut in tabellâ, retinebant, ac videntibus inculcabant imaginem. Ipsæ etiam in defectu humano bestię religionis præcepta homines edocebant. Postquam enim Indicis finibus per Hetærium fides illata, adolescenti apud Peruanos inter pecora ac solitudinem agenti, omniumque precum rudi, vna pecudum (Camelis non absimilium) Symbolum, Dominicamque atque angelicam Orationem præire cœpit. Aduertit precanti aures atque animum iuuenis, memoriæque eadem complexus est. Rei inauditæ, & inexpectata hominis eruditio, & sanctior morum ciuilitas fidem fecit. Vnde appareat formari iuuentutem



tem ad pietatem posse, nisi artifex desit. Qui ne his seculis deesset, Hetærio debemus.

Totus ad lucem fidei clariorem aspirabat orbis. Illa non paucis in Europa nebulis, in India tenebris etiam densissimis sepulta; in media tamen quærebatur caligine. Rex Mogor sextus à Tamberlano nepos, ut ab infantibus fidei veritatem disceret, eorum triginta custodiæ ab hominum strepitu remotissimæ alendos inclusit: mulieribus, quæ alerent, imperatum silentium plusquam pythagoricum; observatores additi; ne quid, aut incuriosè, aut impunè delinquerent. Expectabat Rex cuius denique linguâ vsuri hi essent, eius sese gentis fidem uti veriore amplexurum; sed multa & temporis, & curarum facta impendia, fefellit tamen expectatio: nulli horum sermo, nullus ab infantiâ, nisi solis annis, demigrârat. Fortè prima hi fidei Christianæ præcepta, post annos viginti (ante quos nova illa probatio ab Rege instituta fuerat) ex Hetærio pueros istuc ad religionem formante, didicerint; dignum tam insoliti silentij præmium. Ut ut sit, certè iuuentus istuc frequentissima, & Rex ipse nobiliori, quam expectauerat, ostento orthodoxam religionem professus est: Zelo egregio, ut & Deiparæ in tabella adumbratæ suum thronum cesserit, & gratissimum IESV nomen singulis passibus repetitum adiecerit. Ea porrò Mahometanæ pueritiæ facta est ad fidem accessio, isq; fuit Hetærij amor: ut hæc in omnibus compitis insonaret acclamatio: Seruet te DEVS ô Pater, seruet te DEVS. Verè pa-

Ex li.  
ter 10.  
dicis  
P. E.  
manu.  
elis  
anni  
1598.



ter, qui cœlo eos genuisset. Et certè hunc, vt alij nuper Indi, raptis etiam lapidibus contra genitorum suorum iniurias vindicassent.

Iarr.  
l. 1.  
hist.  
ind.  
c. 4.

An non ille de Hetærij familia Gonfaluus patris nomen ac honorem meruit, qui vilia etiam adolescentum mancipia emendicatâ coëmit pecuniolâ, vt impijs Saracenorum manibus eriperet, & sanis fidei præceptionibus excoleret.

Ex li.  
teris  
anni  
1622.

Apud Sinenses Riccius non parentis modò titulos, sed & Sancti meruit. Inueterauerat apud eos hæc opinio, singulis seculis binos ab Oriente natos viros istic sanctitate nobiles clarescere: priorem ætatis partem asserebant tenuisse, nescio quem, Confusum, hanc Riccium Patronum meruisse. Porro Mandarinum suasu Riccius Catechesin non verbis modò, sed & scriptâ instructione promulgauit: tanto maiori curiosæ gentis ad fidem emolumento; quòd iam tres se habuisse Deos crederet, singulisque ijs morte sublati, quartum præstolaretur: bullam interim ab vno Deorum relictam mundo imperare. Sed, ô bulla vanissima! An non cum Æsculapio mereatur statui, qui tantæ medelam insanix fecit?

Iarr.  
tom 3.  
l. 1. c.  
26.

Sed iniuriam fecero isti altrici plurimorum aliti, & parenti Indorum Xauerio, nisi tanti viri in tradenda Catechesi industriam laudauero. quàm eam nauo, quàm utili labore Indi tradidit? nec vox dicenti, nec vires baptizanti pro ingenti multitudine pares. Vnius loci, anni que vnus labor,

exem-

exemplo, rem docebit. Commorinum promontorium at-  
tigerat triginta facilè oppidis vicisque nobile. Cum linguæ  
Malabaricæ (quæ illis vernacula est) adhuc rudis, fidei Chri-  
stianæ præcepta, tradendæ catechesi accomoda, disposuit  
primum ipse; versa deinde à linguæ vtriusque peritis, me-  
moriæ suæ commissâ, identidem pueris inculcabat: quos-  
que in ijs memoriâ iudicioque comperit magis firmos, his  
eadem parentibus, toti que deinde viciniæ tradenda com-  
misit. Hæc profanis diebus intercalaris ac ferialis opera: fe-  
stis ipse ætatem omnem ad hunc religionis Martialem cam-  
pum signo dato acciebat. Tum ille inuocandæ Sanctissimæ  
Triadis precandi que exordium facere, Symbolum Deca-  
logum que recitatum, instructione mistâ, interpolare. Ita  
eos fidei præceptorum que æquitate captos, iam non duce-  
bat, sed rapiebat. Tutucurinum urbem principem primò,  
deinde ad reliquas vrbes, vicos que delatus, ceu torrens pau-  
corum mensium impetu Prouinciâ totam inundauit, &  
salutaribus vndis (si nonnullos Brachmanas exceperis) Or-  
thodoxæ fidei initiauit. Numerus indies baptizandorum,  
absque numero erat: pagum integrum expiâsse vnus erat  
diei labor. Pulcherrimum illud & dignum cœlitibus spe-  
ctaculum. Ingens Xauerium multitudo adolescentum, ceu  
patrem filij, ceu gallinam tutatricem pulli, circumflue-  
bant: Huius ille cohortis dux atque antesignanus, Deos o-  
mnes delubris suis atque toto Commorino exturbauit; de-  
iecta simulachra, diruta, dissipata. Nullus parentum, Brach-



manorum fuit nemo, qui hunc puerorum lacefferet exercitum, qui hostem quàm amicum mallet. Olim Gigantes Iouem non poterant, tunc Pygmæi debellarunt. Sed hæc læuia, si quæ in Trauancoride, & Mauricâ facta expendantur. Istic vno mense millia decem, hic viginti & quinque millia tribus mensibus, fide ac baptismo Ecclesiæ adscripsit. Æstimate temporis angustias, & amplissimum industriæ fructum. Istic & Regis filium, & sexcentos pagi vnus Patini peperit Martyres, purpurâque donauit, quâ nulla Regum soboles à patre nobiliorem accepit. hîc tanta patiendi ac proficiendi cupidissimo homini materies fuit; vt hanc diuinę spei Insulam vir diuinus dixerit. Exclamate nunc cum Indicis si lubet pueris, Magnus Pater Xauerus! repetite & illud ænigmaticum. Si parentes hac ætate defunt liberis, certè non defunt Patres.

Soterius se olim gallinæ: quid ni & Hetærius similem faciat? Et vt pauculos ex Hetærij familiaribus toto orbe ad paria incumbentes numerem. Tales in Asia Patres; Baltazar Gagus apud Iapones: Alphonfus Cyprianus in Meliapore: Barzæus in Ormuzia: Ledennio in Philippinis: Henriquez in Commorino: Hieronymus Xauier in regno Mogoris: Mascarenus in Sionis: Perez Malazæ: Fernandez in Bengala: in Molucis Ribera. Tales in Africa Patres; Ouiedo Patriarcha in Æthiopia: Barriera in Angola, Congo & Loanda, fidei assertor: Delgado ad caput viride; Silueria Monomotapæ. Tales in America inter Brasilos Anchieta & No-



& Nobrega: in Peru de Anasco & Ortizius: inter Mexicanos Tapia: & vt brevis sim, tales in Europa inter Hetruscos Broëtus & Strada: inter Germanos Faber & Canisius; inter Francos Laynes: inter Hibernos & Polonos Salmeron: inter Anglos Campianus: Moscouitas Posseuinus: Transylvuanos Lelesius: Dalmatos Bobadilla. Hi omnes quæ reliquerint paternæ curæ atque affectionis vestigia in tradendis Orthodoxę fidei præceptionibus, nobis tacentibus omnis ætas & orbis loquitur; hoc etiam argumento esse omnibus poterit; quod Hetæriani hisce pietatis officijs gratuito abs se susceptis, voto denique tanquam vinculo sese adstrinxerint; ne indiligentia aut fastidio, temporis molestiarumque accessione valituro, sensim soluerentur. Ipse huius pietatis susceptæ Princeps atque institutor Loiolæus, hoc sibi officium non magis quam clauam Hercules eripi de manibus est passus: quantiuis momentinegotijs curisque, quibus nemo vnus par futurus existimari posset, vnicum illud formandæ ad fidem ac virtutem pueritiæ præposuit: hic clauus erat quo fluctuantem Petri nauem securitati ac saluti asserendam potissimum credidit: in hoc se labore vt i absque honoris præmio, sic sine offendiculo inuidiæ versari posse arbitrabatur. Abstineo pluribus ne rem immensam in vnus oratiunculæ angustias cogere velle videar. Hoc vnū moneo, vt aliquam laboris operæque expensæ ab Hetærio partem assequamini: eius vos toto orbe ad calculum domos, tum singularum domuum capita reuocare debere:

quot, amabo, conficietis millia fidei virtutisque amorem, iuuentuti præsertim ingenerantium? vna sæpè domus de nos, quindenos, videnos huic operæ quot septimanis semel destinat: sub quorum præceptionibus si nauam ac spontaneam pueritiam censeatis, non nisi millenarijs numerum absoluetis; quanti verò sit vnus etiam homuncionis animam subtraxisse, aut perfidiæ in Deum, aut sceleri, nunquã satis æstimabitis, nedum tot millium animarum lucra. Sed hisce Hetærij meritis, nec habent nec ferunt præmium homines; immortale est, quod Superos muneratores requirit.

Versus ad eum Orarchon, se verò, ait, rebus tam nouis fatigari non posse, optasse de Canisio nonnulla, quod abs viro hoc Coloniae non parum ad gloriam accedere audisset, vt qui in illâ Vrbe tum scientiæ, tum virtutum suarum posuisset rudimenta Ita habet, retulit Etesius. Non ignobile istic tirocinium posuit. Aurum iam tum gentis, id est, literas virtutibus illustrauit; bonus poëta, vt qui nouas tres Charites, Orationem, Abstinentionem & Eleëmofynam pulcherri-  
mo vinculo inter se secumque sociarit: Rhetor melior, vt qui ijs fuerit instructus dicendi ornamentis, quibus ad voluntatem suã Superos flexerit: Philosophus optimus, vt qui mundi cœlique opes suã estimatione perfectissimè censuit. Siquidem perituras diuitias, ne sibi perirent, in pauperum vulgus quæstuosâ apud Superos liberalitate distribuit, ac ne libris quidem, vbi alia deessent, abstinuit, pietatis quàm doctrinæ



Strinæ audior. Cœlestes verò opes vt securior hæres adiret, iam nouendecim annos natus, perpetuam sibi virginitatis colendæ legem voto indixit, & Petrum Fabrum Hæterianæ familiæ primipilarem denique secutus est. Hoc primum sub Magistro, deinde Dux ipse in deuastantem omnia hæresin, & obrepentem cum ignorantia morum corruptelam mouit adeò feliciter, vt Catechesi non doctâ modò, sed & scriptâ Germaniæ hucdum ab vltimâ perniciæ seruata, laudem non paruam ferat. Hinc in Boiorum aulâ nota vox. Paulus Hoffæus & Petrus Canisius docuerunt nos legem tuam Domine. Colonia, in fide Orthodoxâ, contra erroris magistros, serpentemque non occultè hæresin, confirmatæ meritum Canisius habet. Illum tanquam cœlo lapsum, (vbi huc excurrisset) suscepit, ac pro concione dicentem admirata est. illius auctoritate effectum, vt B. Vrsulæ, SS. Lûpi, Mauritij, Summæ deniq; ædis Cathedræ eiusdem instituti hominibus, vno tempore, vnâ in Vrbe, fuerint commissæ. Cæterùm de eo omnia persequi prolixum nimis sit, hac monumenti epigraphe (quam Friburgenses mortuo scripserunt) eius laudes priusquam incepti, finiam. Sic habet:

Venerandus in Christo Pater, Petrus Canisius,  
Theologus Nouiomagi natus, Societatem IESV  
tertio à Confirmatione illius anno ingressus, ac  
Sacerdotio insignitus: ob magni simul & placidi  
animi præstantiam, à Coloniensi Ecclesia ad Ca-  
rolum



ro-  
 lum V. Imp. ab Othone Cardinali Augustano  
 ad S. Concilium Trident. à Carolo V. V Vormat-  
 tiæ contra Melanchtonem Hæreticum, à Pio I V.  
 Pont. Max. ad Principes Germaniæ in fide con-  
 firmandos missus. Postquam Romæ, in Sicilia  
 & Germaniæ Academijs docuisset, diu apud Fer-  
 dinandum Imperatorem, & passim summâ cum  
 laude verbum Dei prædicasset, primus Prouinci-  
 alis Societatis eiusdem in Germania, ab ipso So-  
 cietatis auctore P. Ignatio datus fuisset, scriptif-  
 que fidem Catholicam egregiè illustrasset, auspi-  
 cijs Reuerendi D. Ioannis Francisci Episcopi  
 Vercellensis Nuntij Apostolici Friburgum sex-  
 agenarius venit, Collegij Societatis fundamen-  
 ta iecit, multa præclara documenta dedit, & qua-  
 si quidam Friburgensium patronus; Ecclesiæ per  
 Heluetiam Patriarcha; Religionis Catholicæ sui  
 temporis columna; toto Christiano Orbe notissi-  
 mus; fide, prudentiâ, indefesso scribendi labore,  
 abstinentiâ perenni, grauitate clarissimus, mi-  
 grauit ad Christum, festo S. Thomæ Apostoli,  
 CRISTO. XC VII. anno ætatis LXXVII.

Interea ad nemorosum delabimur collem, quem adole-  
 scentes arbusculæ, ita ambierant, vt, velut ad totidem co-  
 ronas,

ronas, quaternis stiparent Ordinibus, quorum alij loco sublimiores aliis succederent. Totum nemus vocale, varia modò loquebatur, modò concinebat; vt nihil minus quàm ali-quod istic ab hominibus ludicrum exerceri crederem. Vbi propius accessum, aduerti auium hic multarum feruere operas in extruendis nidiculis: & eëcum, aio, artifices nouos nec parum industrios: sic Maio præluditur. Vix audimur, & subitò pelasga voce salutamur  $\chi\alpha\iota\pi\alpha\chi\alpha\iota\pi\alpha$ . Nunquid, inquam, in Græciam appulimus? quæ, & vnde hæc vox vbi nemo vsquam apparet mortalium? simul Psittacum inter frondium vmbras hærentem Orarchon conspicit, &, en, inquit, lepidissimum salutatorem. Auis erat capite collo-que plumis versicoloribus cristata, corpore viridi, flauesc-cente caudâ, nouum Psittacorum genus, & apud Indos, vti ferebant, laudatissimum. Monuit Etesius hac vernâ in syluâ complures auium ante Maij aduentum ( ne syluestri alia-rum cantu imbuerentur) ad certa hominum pronunciata, & melodiam artificiosam erudiri. Nec mora, cùm aliæ sese aues suis acclamationibus prodere. Vnius vox erat: *Magnus Deus Soterius*. subiungebat alia: *Magnus Heros Heterius*. quas dum aliæ sono mediocri, dein elatiori ac tenuiori excipiunt aliæ, denique conspiranti dissonantia repetunt, elegantissima surgit Musica. Occurrebat adhæc memoriæ illa Psaphonis Libyci Ornithologia.  $\alpha\lambda\gamma\alpha\ \delta\iota\delta\epsilon\ \psi\alpha\phi\alpha\mu$ , qua ipse cū aues imbuisset, in Deorum numerum referri meruit. Sub hunc deinde concentum velut ad preces versæ, Litanias v-

Euseb.  
Nier.  
hisor.  
nat. li.  
3 c. 10.

C. 21  
Rhod.  
l. 3. c. 32

na Sanctorum encomiaſtes auſpicatur; illudque, *Sancte Thoma ora pro nobis*, geminatò repetit. Mirabar, vt quid venerationis huic Sancto præ reliquis deferret, cum Mne-  
mon docuit. Pſittacum hunc nuper in prædam raptum, ad huius nominis verſusque proclamationem à miluio raptore, morte ſubitâ occupato, liberatum; nunc illam iteratæ memoriæ rependere gratitudinem. Alius ſubinde non minori admiratione dignus olim ab Aſcanio Cardinali centum aureis comparatus, qui articulatiſſimè, cōtinuatis perpetuò verbis, Chriſtianæ veritatis Symbolum, perinde ac vir peritus, enunciabat. Erubeſcebat ad iſtam pietatem Lucianiſtarū, credo, de ſchola Coruus, qui ex opacâ aſſidebat arbore, & huic ſeſe concertationi querulè ingerens, identidem repetebat, quod ille olim apud Auguſtum. *Oleum & operam perdidit*. ſed huic ex aduerſo Pſittacus varietate & colorum elegantiâ inſignis ſilentium imperans. *Fatue*, inquit, *tace*. ſimulque lauro inſidens, hoc luſit carmine.

*Iſmarinus traxit ſyluas Cithariſta ſequentes,  
Nobile cum dolci chordâ animauit ebur.*

*Huic aderant dura ſitientes carmina rupes;  
Mitior hinc verſus, blandior inde tigris.*

*Nouimus & Tyrias rapientem Amphiona cautes,  
Saxaq; ad Aonios officioſa modos.*

*Mutus erat Delphin, tamen applauſiſſe putatur  
Vector Arionis per maria alta lyra.*

*Has etiam volucrum linguas induſtria rexit;*

*Et*



*Et quibus ingenium defuit, arte valent.  
 Multi multa queunt: ars & natura laborant;  
 Alteriusq<sub>3</sub> frequens altera crescit ope.  
 Sed quod durum adeò tractarit Heterius orbem,  
 Quodq<sub>3</sub> ferum domuit, quodq<sub>3</sub> rudem docuit,  
 Vincitur hic omnis solertia carminis: omnis  
 Natura humanum cedit, & artis, opus.*

Hæc omnia dum oculis auribusque stupentibus haurimus. Leuia, inquit Mnemon, illa sunt ad Psittacorum ingenia: si teneris annis humanæ familiaritati assuescant, inter pueros præsertim, quos etiam depereunt, gaudebunt lusi-  
 bus, risu, iocis, saltu, & ne amare ea dubites, imitatione hæc  
 sua laudabunt; mandata agnoscent; corrigent errata; præ-  
 fertim vbi saniora monitos aquâ perfuderis. Sed hæc de  
 adolescentioribus: nam vt habet paroemia,

*Senex Psittacus negligit ferulam.*

Non possum hic, inquit, quin copiosè indignè istorum  
 improbitati, qui teneræ ætatis ad pietatem educationem,  
 tam neglectim ab Heterianis accipiunt, vt beneficium sese  
 etiam præstitisse existiment, si adolescentiam eis erudien-  
 dam permittant. Psittaci vnus ad Symboli perceptionem  
 instructio centum æstimatur aureis; & quot reperias, qui  
 nummo vix liberis pietatem coëmant? O patientiam & a-  
 morem Heterianorum, quo & istam indignitatem tole-  
 rant, & hanc necessitatem, sibi non necessariam, ne vtilem  
 quidem (si præsentia spectent) amplectuntur! Apud com-

plures pietas ac fides in pretio esse desijt, tantumque ab eius æstimatione, quantum ab amore disceditur. Quæ certè querela sub prima Hetærianorum Catechesin auspicantium incrementa nimium vera fuit. Conimbricæ Martine huius familiæ homo pro frequentissima concione Christianæ doctrinæ capita explicans: quæstiunculis, ut sit interpositis, rogat; Quis ex tanto numero Deiparam cum Angelo salutare nosset? cumque omnes indignâ, siue ignorantia, siue verecundiâ obmutescerent: ad talem ruborem semestris, qui ex gerulæ collo pendebat, infans erubuit ac demutuit, clarâque voce, *Ave Maria* exclamavit, ac salubriori quam ante pudore auditores correxit. Summa tum omnes contentione hanc vocem sunt secuti: & verò adhuc dignissima est quam plurimi imitentur. Quanti, existimatis, huius Psittaci *χῆρι* cœlestis auspex licitabitur? quantum erit paria docentium præmium? quot coruos diaboli nomen crocitanter huius loco acroamatis offendimus? quot, pro dolor! sceleribus adsuescunt priusquam illorum turpitudinem norunt, & ignorantes in vitiorum consuetudinem abeunt? Nimirum

*Quo semel est imbuta recens servabit odorem  
Testa diu.*

Quod semel hi aves didicere carmen, haud faciliè dedocentur. Quocirca animus adhuc dum innocens, & labis expers virtutum fideique præceptionibus imbuendus est, & scelus præoccupandum. Enimverò quantum sit tenellis ingenijs

genijs nulla adhucdum opinionum prauitate imbutis veritatem instillare, illa barbarorum Iaponum pueritia testis est, quæ tanto suscipiendi baptismi desiderio æstuabat, vt in ijs quinquennes sexennesve pueri; nullis parentum, aut blanditijs, aut terribilamentis ab hoc proposito deduci potuerint, postquam sanis consilijs & aliqua Chuiſtianæ sapientiæ prælibatione id essent persuasi. Repertus est, quod admirationem mereatur, mutus, qui multis suum hunc fidei suscipiendæ amorem signis explicaret, vtque se disciplinæ traditæ demonstraret capacem; in Christi imagine, vulneribus deosculatis, salutis auctorem mente se complexum esse designabat. Videlicet pulchritudo religionis Chuiſti-  
 næ vbi semel animos sui amore perculit, nihil mediocre persuadet. Placuit mihi ille pueri Indici fidem æstimantis animus. Venerant in concertationem laudis gloriosi duo. Hic sese iactabat ditio-  
 rem altero, deinde fortio-  
 rem, denique & doctiorem: cui laudatissimus antagonista; at vno te multum supero, *Christianus sum*. Subticuit inexpectato argumento confusus ille, & ne alteri victoriam concederet, Hetærianum quempiam adit, & vbi suam probasset indolem, orthodoxis adscribitur.

Quod si iam aliquis expenderit illa, quæ ab hac puerorū institutione emolumenta dimanent: meritò existimabit hanc Hetærianorum industriam, non ad rudem tantum adolescentiam, sed ad omnem denique ætatis ordinem formandum pertinere: inueniet eruditam ad pietatem pueri-

Lit.  
Soc.  
anno  
1596. &  
1606.

Ala-  
nus  
Copus  
l. 5. c. 5.

Lit.  
Indic  
anni  
1596.



tiam, mores incultos parentum, tum virtutis exemplo, tum modestâ correptione emendantem, atque illud Platonici discipuli ad patrem, effuso risu solutum, vsurpantem; *Nil tale apud Platonem vidi*. Nil ab Hetærio in Catechesi doctû simile: aliæ sunt istic morum præceptiones. Quot deinde pulli adolescentium hodie, parentibus aniculis cantiones precësve nunquam auditas, vsûve minus familiares præeunt? Synaxeos atque homologeseos frequentandæ amorem ingenerant? Quot deinde collactaneam sibi probitatem ad extremæ senectutis metam prouehunt, vehiculo magis quàm onere vsi. Videas alios ad sacrorum venerationem & frequentem vsum vix pertrahi, tam frigidus torpore ad hæc officia constringuntur: currunt verò illi virtute duce ac propitiâ, & comparatâ à teneris celeritate. Tantum est ad omnem difficultatem perfringendam cum pietate adolescere.

Taceo nunc Sacramentorum vsum seculis prioribus frigescentem aut penè intermortuum. Si annos Proauorum præsens non vidisti, historias & facta recale, & vide quis Ruthleanis & Lucianistis totâ Europâ libertatem proclamantibus fuerit pietatis ardor, quis in orthodoxis Sacramentorum amor & frequentia, quam iuuentus culta, senectus pia, matrimonium inuiolatum, coelibatus purus, poenitentia ardens, synaxis crebra: imò vide, quam fides multorum infidelis, spes ex spes, amor frigidus, sacra profanata. In agro Taruisino, vt exemplum properans inspergam, Sal-

zано

zano pago, Sacerdos Numen atque Eucharisticum epulum ægro defererebat propalam, nullius qui stiparet reuerentiâ ac honore: cum a felli ad pascua agminatim properantes fortè obuij, viâ factâ vtrimq; discessere, ac in genua subnixi, præsentis deinde presbyteri vestigijs venerabundi, tanquam ad pompam, institère: nec antè domo, quàm ab reduce benedictione acceptâ, ad pastionē recessere. Nemo fuit qui nō à brutis hominū id loci temporisq; impietatem corrigi sentiret. Quæ verò deinde per Catechesin ab Heterio orbe toto sparsim introductâ, huic Sacramēto aliisq; veneratio accesserit, ille iudicet, qui homines, quot annis penitentiaë synaxeosq; vix semel assuetos, nūc ea maximo numero quot festis adeuntes, Europâ Indiâque totâ ad censum redegerit.

Dum istis auscultamus, sensum sine sensu collem Fidei sacrum conscendimus. Basilica in hoc erat non mole, sed specie augusta, ex lapide (vti appellabāt) Phengite, sanè pretiosissimo, atq; etiam elegantissimo opere, omni crystallo lucidiore. Tota fabrica nullâ, præter hunc lapidem, pro muris admiserat materiem, quicquid celum habet rarum stupendumque, huc vti ad speculum cōfluxerat. Cùm hæc spectro ac stupeo: audio Mnemonem Orarchonti strictim recensentem: olim Domitiano talem fuisse in delicijs porticum, in quâ omnium quæ circum agerentur rerum captasset, vt in speculo, imagines. Deinde & Seia olim Fortunæ ex eodē lapidum pretiosorum genere conflata atque à Seruio rege dicatam ædem. Neque solūm aduersa, sed & auersa con-

Sue. in  
Dom.  
c. 14.

Plin.  
l. 6. c.  
22.

tem-

Min. l.  
34. C. 17.

templantibus obiiicere, vt Maximiliano Cæsari id nominis primo per hunc ludrica spectanti etiam famuli à tergo furtum constiterit. Sed auertit ista auscultantem agnellus nigro vellere aquis sese fontis ( qui præ templi foribus aderat ) sitis atque æstus causâ proluens , quem quo aqua attigisset loco, istic ille detersâ nigredine albescebat totus, vt ex Heriæotidi Melan fontem, cui hanc virtutem tribuunt, allapsum crederem. Nil adhæc Etesius: nisi;

*Multum refert quo fonte bibatur.*

Subinde ingredimur Fidei ( vti facilis coniectura erat ) sacrarium. Subobscura erat loci facies, & tacitum quendam spectantibus Numinis incutiebat horrorē. Nuspiam parietibus insertæ erant excipiendæ luci fenestræ, sed continuata gemmei lapidis structura diem quidem, verum vmbra tenui temperatum mistumq; affundebat: quod tamen consilio magis quam errore factum, reperta in capite ædificii inscriptio satis declarabat;

*Nox luce illustrior hæc est.*

Duodenis columnis, hinc atque hinc senis, nitebatur fabrica. Medium basilicæ thronus ingens occupabat, triplici graduum ordine in altitudinem eductus, qui vario gemmarum sibi cohærentium artificio fuere insignes. Primus ex Sardonyche erat, lapide, trium quos refert, colorum distinctione velut diuerso; quanquam & Triophthalmos insertus esset triplici in se expresso oculo clarus: addito elogio;

*Oculus videt omnia triplex.*

Alter



Alter graduum ordo ex Sapphiro surrexerat; qui lapis quod iucundo naturæ miraculo conceptum abs se Carbunculum denique maturum obstetricante Sole pariat: hunc titulum meruerat;

*Mater sum Solè parente.*

Tertius ex Synodite lapide erat admirando, qui præter expressas in se Lunæ Solisque imagines, illam refert ad huius velut accessum recessumque incrementa detrimentaque patientem. Quod dum mecum expenderem, quædam mihi militantis Ecclesiæ species à Spiritu diuino illustratæ obuersabatur animo, quæ ad huius radios plus minusve illucesceret. Fauebat opinioni subiecta inscriptio;

*Alienis luceo flammis.*

Virginis denique aureo in throno simulacrum ex Pantarba erat miri fulgoris gemmâ, eiusque virtutis, ut quotquot adhibentur cuiuscunque lapides naturæ, illos vi quadam innatâ, ceu examen aliquod apum, circum colligat, secumque deuinciat. Plurimæ circa Deam puerorum tum Europæorum, tum Maurorum lapideæ statuæ adhærescebant, nullo alio quàm naturæ conspirantis vinculo: hæc tamen Hetærio (cuius iuxta simulacrum erat) potissimum agente, mediosque per gradus statuas educente, Societas coaluerat. Vnius ex ore hoc pendeat hemistichium;

*Vis, non violentia, stringit.*

Dolebam, iniectum esse Virgini tam stupendæ, seque per ymbra[m] satis etiam proidenti velum, quod ingenitam

K

gemma

gemmæ pulchritudinem tenebris, vti videbatur nõ necessarijs, occultaret. quanquam illâ me solarer epigraphe.

*His sum pretiosior umbris.*

Quæ mysteria dum anxîâ interpretatione exploro, Numinisque adhucdum ignoti reuerentia tangor; Etesium Oedipum postulo, obtestorque, me vt doceat, quo tanta spectet rerum opulentia atque operis pulchritudo? Gemmas, inquit, Etesius non minus verno tempore quam prata, flores atque arbores delectari Physicorum scitum est, quòd vigorem ab illo, iam cum hyemè intermortuum, atque incrementa hauriant. Tum etiam lapidum præstantissimi nobilissimam sibi anni partem meritò vendicant. Quocirca hæc Eari opulentia domestica ipsi est, & laudatissimis Hetærij laboribus celebrandis adhibita. Pistis verò est, cuius hic simulacrum admiraris: illa omnium ad se nationum infantiam, his gradibus, ab Hetærio potissimum eductam, vti vides, pertrahit. Porro gradus quibus euehuntur, præcipua esse fidei Christianæ mysteria facilè suo quisque ingenio assequetur. Quid enim aliud triplex in vna gemma oculus, quàm Trias in Vnitate significata? quid aliud ex Saphiro Carbunculus, quàm ex Virgine Christus? Luna à Sole illustrata, quàm Ecclesia à diuino Spiritu? Per hæc autem mysteria orbi ignorantipatefacta, ceu quosdam ad fidem coelumque gradus, plurimos mortalium ab Hetærio eductos quis nesciat? Porro quid templi admiranda fabrica, rerum coelestium imagines exhibens; quid obscuritas operi  
atque



atque ipsi adeò Diuæ conciliata, quid duodenæ in ea columnæ, nolo facile diiudicaturis, & rerum fidei non ignaris detegere.

## M A I V S.

### EDVCATIONEM IUVVENTVTIS

*ad pietatem & religionem complectitur.*

**R**Emissiore iam sub meridiem æstu, Zephyrus ab Occidente nobis abblandiri cœpit amœnius: cui tam grato hospiti dum aperto vultu obuiam incedimus, noua sese hortorum sylvarumq; medio in aëre pendētium aperiunt spectacula. An, inquam, Babylonis noua hic miracula, pensiles Semiramidis syluæ, cœloque librata Regis Syri viridaria? subrisit Etesius, atque inquit, non sola antiquitas miraculorum fœcunda est mater; habet posteritas, quod veterum industriam atque etiam felicitatem subterfugit. hæc etiam sublimiora molitur, & humo neglectâ vicina cœlo educit opera. Nos in vno Hetærio, qui monumentis digna facit, Dædalos ac Myrones habemus plures. Tacitè subinde in aurem mihi dictitat Litholeon; se, nisi fallatur coniecturâ, tertium hoc veris domicilium pro Religiosâ iuuentute adornatum existimare; siquidem prior hortus literatam adolescentiam: alter fide ab Hetærio imbutam adumbravit. Sublimiorem hunc & cœlis propiorem nil religioni habere accommodatius.



Eâdem me suspicione imbuerat: ad quam confirmandam accessit, quod Etesius moneret rarishuc accessionem, & non nisi indolis probatissimæ adolescentibus indulgeri. Nobis tamen ad preces confugientibus, ne isto fraudaremur secreto, aditum fecit, nolens, vt opinor, inceptum beneficium aliqua inhumanitate corrumpere.

Erat columna ad horti caput marmorea, mole atque amplitudine præstans: hæc cavitatem gradusque per scaphum interiorem euectos, lapideis foribus nusquam in rimas dehiscentibus, appositè celabat. Illud cum mouisset Etesius ostium, via patuit, nosque alacres enixi, medio circiter stadio terram reliquimus. Vbi verò in nouum hunc terrâ cœloque medium orbem conscendimus, triumphali portâ excipiebamur. In portæ arcu, velut ex nido ouoque, Lædæ gemella soboles Castor Polluxque medio iam corpore emerant: hinc Cygnus astat, pennis ad Zephyri allapsum explicatis, oreque ad cantum modicè diducto, felici partui applausurus: inde Maius adolescentis specie floribus redimitus, viridique in cyclade, vernas hisce natalibus aspergebat delicias, sibi que illos tempestatum Imperatores maturis officijs demerebatur. Subtus in hyperthyro aureis Apollo literis Poëma illud exarauerat, gratitudinis suæ, postquam hunc locum spectasset, monumentum.

*Hæc Zephyri domus est, Verisq; perenne theatrum,  
Chloridis hospitium, volucrumq; palaestra, voluptas  
Sylvarum; tantumq; fouet miracula rerum:*

*Ante*

*Ante Semiramidos longè felicior hortos.  
 Non pallent hic nūbe dies, nec amœna procellis :  
 Aura riget, Zephyrisq; nocet lascivia Cori;  
 Sed plaudit leuibus per aprica Fauonius alis.  
 Non hic pubescens exspirat Flora decorem  
 Natalem claudens tumulto; sed munere Veris  
 Æterni roseum terris depingit olympum.  
 Quicquid Achemenicis aspirat odoribus orbis,  
 Hic fragrat meliore modo. sua lilia campo  
 Virginitas fecunda parit; rosa multa pudore  
 Picta rubet; violas vita inuiolata propagat.  
 Hic melior Narcissus opes, Hyacinthus honores  
 Explicat; Euphrasiaq; comis est gratia maior.  
 Hic noua frondosis Citharistria Veris in umbris  
 Carmina commentatur auis. Philomela dolores  
 Hic oblita suos noua cunctis gaudia plaudit.  
 Hic cantat, non plangit Olor.*

Cupiditatem visendi tam splendida accendebat promissio. Ingressi igitur loci amœnitatem omni artificiorum genere excultam admirari cœpimus. Ex palmis, lauris, buxo, hedera, myrto varię animantium, porticum, castellorumque formæ, fornicatæ pergulæ, opere topiario vestiti parietes, discriminata horti receptacula ac velut domicilia. sparsæ etiam hinc neglectim, inde de industria ad syluæ speciem arbores. Ceterum primò nobilissimum ex rarioribus arbusculis plantarium offendimus, exquisitissimas Orbis plantas



certosque in ordines, velut aciem, digestas, prunorum, citreorum, ficuum continebat; quæ hinc post adolescentiæ florem ac spem indolis, aliò in patientiores horti camporumque areas fructum facturæ traducebantur.

Ad huius rei contemplationem ista mentem inuasit cogitatio. Seminaria illa Hetærianorum nihil admodum ab huiuscemodi plantarijs diuersum habere. Istic opportuno solo iuuentutem ad literas ac probitatem pari contentione educari, quæ deinde ad varia Ecclesiæ officia ac loca, insigni Religionis Catholicæ emolumento, transferatur. Quæ cum, uti in mentem, sic & linguam incidissent, probauit opinionem Etelsius: & hæc, inquit, Collegia magno Reipublicæ Christianæ bono ab Hetærio primum sunt excitata fidei pietatisque tum conseruandæ augendæque, tum contra infesta aduersariorum arma ac machinamenta defendendæ gratia.

Iam in Europâ, imprimisque Germaniâ, aut Pastoribus Religio, aut Ecclesiæ Pastores deerant: quosdam hæresis, quosdam priuata vitæ licentia subuerterat, plures hebetauerat ignorantia. Castitatem cum parœciæ administratione coniunxisse etiam probrosum videbatur; adeò vel vitium, vel error inualuerat. Vbi verò in priuatis hisce Seminariorum viridarijs, excultæ literarum virtutisque alimento plantulæ, in desertos infructuososque Ecclesiæ agros translatae sunt, constitit egregius operæ impensæ fructus. Hoc Hetærianorum consilium auxiliumque iuxtà promptum,

toti



toti Europæ ( cui illa hæreseos pestilentia imminere credi potuit) seruandæ, complures Antistites sunt amplexi, quod contra serpens contagionis venenum præclarè valuit. Hac etiam potissimum via ac ratione Indorum infidelitas ignorantiaque subuersa est, instituto apud Goanos adolescentum barbarorum Collegio, qui & moribus, & fide imbuti, suis exemplo præceptisque ad fidem & virtutem præluerent. Comportum deinde nihil ad rectè laudabiliterque viuendum multis, præter educationem ac literas, defuisse. Vbi virtuti Musisq; impigrè assuevit animus, ab illa voluntate haud facilè ad illicitam abripitur. Vbi exculta mens ad innocentiaë modestiaëque familiaritatem deducta est, perquam grauius sceleris conscientiam patitur. Vbi precum, quàm nugarum adolescens peritior; moderationis, cibi, potus, somniq; ad dimensum sumendi, quã vitæ immoderatae tolerantior; mirum est, quot præsidij ad suam & Christianaë Reipublicaë salutem vtatur. His verò omnibus, non leui brachio ac perfunctoriè, in priuatis illis palæstris per Hetærium exercentur.

Videas hodiè illustres certè ab hisce plantarijs educatas arbores, quarum fructu atque vmbra Orthodoxæ Religionis per Europam homines eximiâ cum voluptate fruuntur. Quanta verò ad commune bonum hinc facta accessio, facilè assequetur, qui expenderit, quantam perdita sacerdotum vita perniciem in Rempublicam inuehat. Quo enim exemplo virtutem laudabunt, quam ipsi contemptim vsurpant?

pant? quibus id argumentis suadebunt, quod moribus dis-  
 suadent, neque ipsi sibi credere putantur? aut si aliorum vi-  
 tijs palam non indignentur, ne suæ famæ infensi videantur,  
 quomodo vel nomen officij tuebuntur? Secus, qui eam vir-  
 tutis famam vitamque possidet, quæ in seminarijs planta-  
 tur, ac primum adolescit: is suo etiam silentio perorabit fa-  
 cilius, quam ipsâ stentoris clamositate ex cathedrâ arma-  
 tus. Exempla admouebit primum, deinde verba, vt expu-  
 gnet atque in potestatem perducatur omnium animos. cre-  
 dent, quod credi vident. Aliorum exempla inuitant, Pasto-  
 rum rapiunt. Proximum quod in hisce fidei præfidiarijs re-  
 quiritur, doctrina est. Ducem cæcū, Archistrategum man-  
 cum, Anteambulonem claudum nemo hactenus laudauit.  
 Doctor rudis, & elinguis Legatus parem in munere succes-  
 sum ferent. Vt legem quis doceat, scire hanc illum necesse  
 est: instructum iam ante oportet, qui alios instruat: neque  
 rudi Mineruâ, & à limine; vt, cui æquitatis lex omnis; quid  
 sibi, quid alteri, quid Superis debeatur, explicandum in-  
 cumbit. ad quæ, vt quis valeat, præter artium, quas liberales  
 dicunt, non humanæ modò; sed & diuinæ sapientiæ explo-  
 randa est ratio. Hæc verò, quam in istis Hetærij Collegijs  
 accurentur omnia, orbis testimonio constat.

Inter deambulationem ista differebat, donec ad floren-  
 tissima tempe nobis sensim dilapsis, & grata florum varie-  
 tas oculis, & odor suauissimus naribus aspirare cœpit. Su-  
 peri quanta elegantia! Loquebantur omnia, & tacita com-  
 menda-



mendatione influebant inspectantium animos. Lilia tot linguis nobis abblandiri fauoremque exorare, quot folijs prædita, credebantur. Hyacinthi purpureis arridere genis. Narcissus & Amaracus croceis labellis exosculari, Acanthus atque Amaranthus immortali viriditate exultare; verbo, formosissima illa veterum adolescentia in hoc florum sodalitium confluxisse videbatur, neque alibi, quam hic suam metamorphosin adiisse; aut certè nullibi minus, quam hìc fabulosam. Porro totus hic florum exercitus pulcherrimo ordine distributus: hinc Soterij, inde Matris eiusdem Partheniæ insignia tenerioribus palmis expressa implebat, velut stationis suæ designatos limites.

Dum ista curiosè pro se quisque delibamus, nescio cuius fraude, subita tempestas sudo aëre largis in nos imbribus exundare coëpit. Res inexpectata ab omnibus, trepida, iucunda tamen conclamatione excipitur: dum suspicimus, plurimæ aquarum irides capitibus circum impendentes vario colore, quem Sol incidens fecit, terrebant alios, alios oblectabant, humectabant omnes. Spes erat in fuga ad proximam porticum destinata; sed quanto se quisque mouere amplius, tanto largior surgebat imber, qui non de cœlo, prorsus innubi; sed humo saltim magnis nos arcubus, vario sibimet artificio implicitis, inuoluebat. Mæandrum medio nunc aëre suspensum credidisses. Denique vbi alij euasissent hanc procellam, ego adhuc in hoc aquarum labyrintho Ariadnæ fila præstolabar, cùm subitò (ceu dato signo Ne-



reus receptui cecinisset) tempestas acquieuit. Risimus affatim perplexitatem nostram, meq; præsertim, quod Thesei honoribus viderer dignissimus. Earus porrò officiosè easdem mihi deferebat rursus irides, quæ pro coronis atque arcu triumphantem Sanouisum exornare possent. Sed ego me tum quidem satis honoris ac maioris abstulisse dixi, alias ad eosdem cautius rediturum.

Etesius subinde artificiosas nobis in floreo hoc campo aquas explicare aggressus, illas ex altissimo iuxta mōte præcipites per canalem subterraneum delabi memorabat, quo denique per vnam columnarum in hanc altitudinem flexo aquæ excipiantur, nouumque in columnæ capite fontem parturiant. Ex occultâ hac scaturigine multos per agrum tectim sparsos esse tubos, qui deinde ad Soterij Partheniæque insignia per flores ex ære fictos hiantesque exspirarent, vbi primùm laxatâ in grandiore tubum aqua, remoto obice, admitteretur. Ita & recreationi alendæ prouisum, & cautum floribus, ne ad siccitatem nimiam subito contrahantur, & languescant. Multis hanc artis & naturæ industriam pulchritudinemque collaudauimus. Cùm ille, in hoc, inquit, vestram felicitatem intuemini ô Adolescentiæ flores. Vestra hæc laus est ac pulchritudo, qui ad Sodalitates velut aureolas sub IESV Mariæque insignibus Hetærio Duce ac Moderatore confluxistis. Nulla vos hîc exsucca deuotionis ariditas inter ista pietatis irrigua, solationumque affluxum destituit, nulla bacchatur ventorum, idest, vitiorum

rum insolentia, nec tam periculosa timetur tempestatum  
 seditio, sociorum, inquam, seductio. Sub Castoris Pollucif-  
 que, Filij Matrisq; tutelâ, in Vere aureo, in prato florido vir-  
 tutum consistitis. Nihil hic in vobis inamœnum: aut pec-  
 cata ignoratis; aut poenitendo dediscitis. Nullæ hic ad sce-  
 lera illecebræ, multæ ad probitatem: rara peccantium ex-  
 empla, poenitentium multa.

Plurimum interest socijs stipatum incedere, siue ad vi-  
 tium, siue ad virtutem iter sit. Paucis solitudo etiam in sce-  
 lere placuit: voluptas absque sodale diu voluptas non est.  
 Denique virtus si sola sit, ac nuda, facilè obrigescit: in hac  
 ferè aut præeuntes obseruamus, aut comites; & exemplo  
 fere magis, quàm ingenio probitatem amplectimur. Habet  
 enim virtus arduitatem, vsque adeò, vt sine hac virtus non  
 sit; ad hanc perfringendam ducibus atque exemplis opus  
 est: horum cogitatio virili fortitudine inutilem formidi-  
 nem obruit: audebunt, frigidiore licet, quod & ausos alios  
 feliciter ac cùm laude vident. Quid enim mirum si Themis-  
 tocles aliquis de Miltiadis, trophæis somniet? si Pompeium  
 æmuletur Iulius? aut si cum Hercule Theseus, cum Achille  
 Agamemnon audacius pugnam, atque etiam vtilius capef-  
 fat? Hoc tamen insigne illa Hetærij sodalitia habent ad pie-  
 tatē subsidium, quod *Virtus unita fortior*, & flores in areolâ  
 collecti variâ illâ iunctâque amœnitate magis oblectent.

Cetera verò ex hac collectione atque ad virtutem con-  
 spiratione emanantia commoda, quanto numero ac varietate



tate censentur? mutuæ caritatis vinculum, piorum officiorum reciproca delatio, precum subsidiaria opera, Diuorum ac Deiparæ præsertim tutela. Felix certè adolescens, qui ad illum morum probatissimorum campum, virtutis pratum, ac salutis humanæ stadium admittitur, vbi pullulans libido suffocatur, ira regitur, cupiditas temperatur; vbi amoris quoddam diuini regnum est, & noua quædam in patentibus mundi campis & seculi libertate instituta certis sub legibus Religio. Est aliquid suis in puluillis, inter hos cancellos, flores acquiescere, subter molestas herbas fruticésque nulli florum aut gratum esse licuit, aut diuturnum.

Hoc sanè pietatis viridarium pulcherrimis Austriacæ Bauaræq; stirpis floribus nobilitatum est. Cæsares, Archiduces ac Principes (vt humiliora transiliam) tanto numero censuit, quanto in his aulis adolescere præsens seculum vidit. Ferdinandos, Leopoldos, Maximilianos hîc obseruauimus tam altas demissionis egisse radices, vt inter abiectissima Sodalium experimenta, ad pedes pauperum strati sordidum lotorum munus non aspernarentur. Nimirum hisce rosis ex putri fimosâq; humo inter allia subnascentibus, hoc debemus elogium, *Hinc ducit odorem.*

Nam vti ex fœda humo suam hic flos pulchritudinem, ex malè olenti gratissimum odorem trahit; ita isti Europæ flores nusquam pulchriori exemplo gratioriç; effloruère. Illud ytriusq; familiæ heroibus peculiare ac patrium videtur, *Demissione eleuari.*

Quod



Quod pium est, vile illis videri nequaquam potest. Laudatissimi Sodalitatis Parthenij Imperatoris nostri Ferdinandi hic titulus est, sub quo primum se, deinde Imperium moderatur ac defendit,

*Pietate & Iustitiâ.*

His velut geminis gradibus inter Parthenios cultores optimum Parentem sequitur bonus Filius; viâ qua de terrâ ad cælum

*Ex imperio itur ad imperium.*

Nolo breuitatis studio exempla heroum à me commemoratorum (quæ plurima sunt) porrò sectari: quorum si ego fratrum, consanguineorum, coniugum, ac domesticorum illustrium Sodalitij adscriptorum nomina in censum cogerem, catalogum explerem. Ipsæ quorundam familiæ integræ in huiusmodi virtutis palæstras demigrasse videntur. Gallorum lilia hisce etiam floribus non accensebo. Quod si tamen omnium, genere virtuteque inter Gallos illustrium, sententiâ, Auenionensis Congregationis Præfectus Episcopus Vensiensis locutus est, cum *nomen sibi in Sodalitio gloriosius, quàm mitram in capite* assereret, liliorum illi inter flores nobilitatem præclarè tuentur.

Interpellabam dicentem, quod proximè areolam cordis figuræ inclusam obseruassem, quam triangulare palmetum leniter ad cordis effigiem flexum cingebat. Triplici illud loco in arbusculam emerferat trigoni speciem constituentem: singulæ arborum, quod admireris, singulos medio e-

minentes trunco flores parturierant. Exclamaui, vt videram, quid hoc spectaculi, an & hic arbuta lilijs rosisque efflorescunt? Et esius ad Mnemonem versus subridente ore; mirantur, inquit, nobis cognitu familiaria: Age tu Oedipodem, & archiua erue. Porro Mnemon, si, inquit, nuperos illos Basileensium puerorum flores, supra naturam artemque solâ virtutis fœcunditate ex arbusculis surgentes intellexistis, his paria etiam videtis. Istic terna vnus parentis foboles, vbi nouam in domum hortumque demigraret, pro se quæque quamlibet amplexa arbusculam, puerili ingenio, hæc mea erit, exclamauit: subinde, singulæ arbores à singulis curatæ, certatim eodem anno florem exerere pulcherrium, & infantium sanctitatem lilia ac rosæ loqui cœperunt. Ad hoc nostrum viridarium admissi complures eadem æmulatione has palmas sunt complexi: quæ illos, quos videtis, puerilis innocentiae flores dedere. Alexander Bertius in his censetur ex Florentino Mediceorum horto Violantâ (penè violâ) matre, flos & ipse, natus. Hunc à cunis sibi vendicauerat Soterij mater Parthenia flosculum in palmâ locandum: quæ & per somnum iussit Violantam maternis curis parcere, suum hunc alumnum esse: cui (ne quid præter hortum rosasque spiraret) identidem Parthenia adstiteret visa, florumque imbres aspergere, totum florem velle. Mel & rosas puer loquebatur, IESVM & Mariam: prima motarum manuum lineamenta crux in fronte erant: primum studium sodalem agere omnibus numeris absolutissimum.

1o. Ni  
der. l.  
2. c. l.  
in fol.  
mic.

sodal.  
Panth.

Nec



Nec satis; etiam secretiora apud Hetærium adyta, religionem meditabatur. Literas per otium pietatis tractabat, plus tamen ut ageret, quam alij in negotio. Suam ipse innocentiam castigabat cilicijs, flagris, ieiunijs, atque in istis opum, quibus affluebat, delicijs pane & aquâ deliciabatur. quid plura? mortuus hic est, immò incœpit viuere in Vere flosculus iam Hetærianæ familiæ voto insertus: quanquam & inter Sodales benè floreat.

*Hanc violam Violantæ parens, Florentia florem*

*Patria, natali quondam aluere sinu.*

*Nunc cœlo datus est. Donorum vertitur ordo;*

*Hactenus astra solo, dat modò terra polo.*

Geminus huic Antonius fuit illustris in agro Pisaurenfi familiæ puer, flos in palmâ ac Romani Seminarij miraculum: hoc Bertio felicior, quod non voto solo, sed & factò ipso familiaribus Hetærij adscriptus prius quàm cœlitibus fuerit. Trium hic sibi in vita orabat fieri copiã: ut in turba, non nisi de Deo; soli, non nisi cum Deo colloqui; vniuersim aliud nihil, quam Deum ex cruce suspensum liceret contemplari. Ambitiosè sectabatur sui despicientiã, prouocare, hanc etiã atq; ambire solitus, impendio lætior cum persuassisset. In nullum vnquam aduersarium inclementius visus est indignari quàm suum illud corpusculum, neque innocentie suæ testimonia audiebat seuerus in se Iudex. Lecto ut plurimum inculta ligna, se se lignis ad quietem instrauit: funes muricibus aculeisque ferramentorum armatos lateribus

Bider.  
Vbald.



ribus pro more vinciendo adhibuit: plexum aliquando ex-  
vepribus acutis fertum tam immiti spectaculo nudo in-  
flixit capiti, vt adstantium oculos animosque tantâ incle-  
mentiâ auerteret. Aliter Antonius quam fabulosus olim Iu-  
piter

*Voluptatem Dolori nexuit,*

Aut verius hunc in illam sibi commutauit; felici meta-  
morphosi atque euentu, quo ipse iam tum in ipso adoles-  
centiâ flore inter Superos meruit referri, cùm iam in nu-  
merum Hetærianorum, veste sumpta relatus esset. Merito  
proinde accinimus:

*Morte alij frigent, tamen V baldine calebas,*

*Hetæriana fecit hunc astum toga.*

Tertium Hyacinthum illum & subfuscum ferrugine  
flosculum Indiano Michaëli Ayatumo debemus. Adoles-  
centi Seminarijs non minus, quam Sodalitijs debito; ita flo-  
rentissima inter omnes probitatis indole nituit. Rosis dele-  
ctatus est ijs, quas rosario nouies quot diebus euoluendo  
Diuæ Partheniæ necebat. Nil nisi preces loquebatur, nil  
spirabat præter amoris suspiria. Flagella indies liberalius a-  
uidiusque quàm cibum ambiebat; illis pasci, hoc vti solum  
visus. Propediem moriturus, vrbis obeundæ, flagrisque in se  
propalam animaduertendi potestatem orabat. Terræ sua-  
uius, quam plumis alij, accubabat, cuius tamen furti ab He-  
tærianorum quopiam ( quibus regendus suberat ) comper-  
tus reprehensusque. Vbi, inquit, aptius terra, quàm in terra  
sternitur? Omnibus domi forisque contubernalibus, ipsi  
adeò

adeò coquo à vilissimis seruitijs esse flagitabat. Munus dederat, qui oblatam ab illo operam acceperat. Libros alii ipsius virtutibus implent, quos à septennio cum fide auspica- tus in pauculos vitæ annos extendit. Nos florem hunc digi- to tantum signauimus; Vos si alia ex hac Adolescentum so- cietate, aut lilia, aut rosas quæritis, hodie dum in Hetærianis viridariis passim adolescentes inuenientur, qui modestiæ verecundiæque purpura, & castimoniæ niue placere pote- runt. Nempe iisdem toto orbe ad virtutem præceptis le- gibusque formantur omnes: quibus ab Hetærio feliciter conceptis, & à summo sacrorum Præsule probatis hacte- nus nondum est derogatum. Voluntariam hanc necessitu- dinem parendi æquis ad pietatem statutis ac præceptioni- bus, vt quisque liberè adit, sic facilè iisdem obsequitur.

Tanta porrò huic studio adhærentium est frequentia; vt si solum toto orbe Congregationum numerum explores, inexhaustus sit. non enim ille (si præter adolescentium, et- iam adultorū censere cupias) cum Hetærianorū domicilijs multitudine æquari poterunt, cum vnâ nōnunquam vrbe, vnus domus curâ, diuersa viginti Sodalitia administren- tur. Vnus, quod obstupescas, Georgius Cisnerus, anno 1611. vita simul atque hac diligentia defunctus, trecenta Soda- lium Collegia abs se diuersis locis instituta reliquit, quasi totidem suæ pietatis in Diuos monumenta. Nolo ad ignota vos ablegare, lustrate Coloniam, istic quot hominum pro- pe Ordines, tot & diuersos Sodalium censebitis: Ecclesiasti-



corum ac Patriciorum, Ciuium, Militum, Opificum, Gallorum, Pauperum, adolescentum quinque, mulierum etiam multò plures, vt sic applaudere Colonienſibus liceat:

— *Flores ager iſte Coloni*

*Delitiasq; Hortorum habet.*

Vincebar admiratione tantarum rerum, ſubitâque exclamatione adieci, Væ Orbi atque Europæ imprimis noſtræ, ni iſtis ad pietatem vteretur præſidijs, quæ inter hæc adiumenta tantâ adhuc ſeruitute vitiorum tenetur! Iſtis, heu! bellorum incendijs hæreſis fomitem, ſcelera materiam præbent: Vruntur hæc diu, & nunquam conflagrant: ſtigmata iſtius in DEVM perfidiæ plura indies Magneria accipit, & niſi naſcenti huic malo maturè tantis interueniſſet ad literas, fidem ac virtutem inuitamentis, buſtum illa fuiſſet vnicum. Ad quæ Litholeon ridiculè, ſeu vt triſtium memoriam rerum mihi excuteret, ſeu vt ad præſentem amœnitatem plenius fruendam aduerteret: Noli mi Sanouiſe nimis hodie eſſe Philoſophus. Eccum hiſce in arbuſtis auium captandarum opportunitatem oblatam, nidiculum explorauī, designatam iam habeo prædam: ſi manum in ſubſidium admoueris, partiemur aucupium. Hem inquam ego, vide ne quid contra loci religionem atque libertatem pecces: Vereor vt bonis iſta auibus aggrediaris. Diſſimulabat hæc Eteſius; quod ſatis etiam ſibi ad negatam facultatem Litholeon arbitrabatur.

Quare aliquantulum à loco, ex quo nidus pende-  
bat, re-  
moti,



moti, feniculam parentem prædâ grauem aduolare notamus, quæ vbi extremo arbusculæ ramo ad securitatem explorandam confedisset, quanta (Superi!) pullorum concertatio! pipilare omnes, patuloque ore altricis liberalitatem, pro se quisque præstolari; prouida verò dispensatrix, duobus partitam venationem in ipsas fauces ingerere, nec multò post redux ceteros ex ordine pipiones, non fallente memoriâ, pascere: quâ cum omnes industriâ bis terue in orbem refecerat; ipsam se denique explicatâ vtrimque alâ pullis fouendis impendit. Nec comœdiæ finis: mascula auis (quæ erat Luscinia) in proximo arbusto assidens præibat suauissimum melos, quod adolescentiores illas percuperet meditari, ac denique imitatione reddere. Erat carmē, cuius nec Musarum vocalissimam suppuuisse posset: modò vox vna, nullisquæ suspirandi interuallis remissa; modò incisus versuum membris velut in hemistichia desinens; nunc planâ æqualique voce, tanquam ad notarum eâdem lineâ currentium tonos dimensa; nunc fus-deque flexa crispatimque vibrata erat, consonantijs dissonantijsque ad stuporem variè iucundęque intercidentibus; nunc punctim saltimque excurrentis vocis impetum velut pro imperio sistit, aut tolitim concessis habenis incitat: nonnunquam Ityn suum recordata flebilibus elegis nœniam instruit: aliàs velut ex mœrore euigilans, nouas cunas procumque cogitat, nouique amoris ludit Adonijs. Inuidebant Philomelæ eam canendi gratiam, quæ non procul hinc varia modulatione ad-

Aldr.  
Orat.  
l. 18.

Euseb.  
Niet.  
hist. or.  
nat. l. 1.  
30. c. 77

Iudebant Acanthides, Fringillæ, Linariæ, atque præ his Canaria (ab Insula Atlantici maris sic dicta) ubi in concertationem venisset, mirum quantū Luscinia æmulationē non ferenti alacritatis accreuerit. Auis est Paro nō ab similis, nisi quod caudæ alarumq; plumis virescat, & rostro leniter inflexo albicet. Discantum inter aues musicas amœnissima vocis tum eleuatione, tum inflexione tenet: ita cum tenuissimos faucium nervos explicat, vibrata vocola modulos intendit extenditq; ut odas integras, nulla suspirandi licentia interruptas, expleat, pendētib; audientium animis admiratione, atque amore suauitatis tam sublimi blandisonæq; melodiæ affixis. Cumq; hac contentione omnis latē vicinia resonaret, & nos hæ Poëtrię velut arbitros certaminis in medio relinquerent gaudentes spectari, aliud multò euenit iucundissimū. Nonnulla auiū media reliquis elatiori aliquantū arbore assidet, magnitudine par Sturno erat, subtus in ventre albicans, ceterū fusca, niueis tamen pennis ad elegantia intercurrentibus, caput plumis argenteis coronatum. Vbi obseruata hæc à Mnemone auis, Miracula, inquit, vocum mille ab vno vobis gutture promitto, blandimenta linguæ hæc nobis incognita. Polyglotta hæc nobis dicitur, Indis Cencontlatolli seu quadringentarum linguarum: melodiæ totius Regina est, concentus auium æmulator omnes, nullam nō superat. Igitur ad contemplationem scenæ cum ista confedisset, leuibus primum velitationibus cum alijs pugna aggreditur, ut laceffendo & spem victoriæ diffe-



differendo magis omnes in certamen accenderet. Deinde  
 singulas illa aëculas prout præcinebant, pari facilitate, ma-  
 iori elegantia & arte subsequitur: cumque ex ordine singu-  
 las musico esset duello aggressa, omnium denique vna voci-  
 bus pro epiphonemate ita lusit; vt triumphalem oden cane-  
 re videretur. Obseruabam in ista aëcula simillimam ali-  
 quam Hetæriq indolem; vt quem vñum, *Omibus esse om-*  
*nia* arbitraret: cum pueris blandum & eiusdem innocen-  
 tiæ penè puerum; grauem cum morosiore senio: inter iu-  
 uentutem sine dissolutione amœnum: inter viros sine elatione  
 magnanimum; omnium referre ingenia, vt ad Regis  
 sui Soterij partes atque familiaritatem omnes adducat. Mi-  
 tridates viginti & duarum gentium linguas imitatione ex-  
 pressit: Hetærius penè omnium, quot in orbe sunt. Nihil  
 adeò seu varium, seu arduum in animorum conciliatrice  
 Deo Musica, quod non studiosè hæc Polyglotta æmuletur  
 atque exprimat. Hæc mecum tacitè: sed palam Orarchon,  
 huius concertationis non otiosus arbiter, his Polyglottæ  
 versibus alludebat:

*O vocis Polyglotta decus, nemorisq; voluptas,  
 Vox sylue, hortorum Siren! quàm blanda palati  
 Plectra feris, centum vna modis, centum vna figuris  
 Docta melos; Musas vno omnes gutture claudis!  
 Heroum nunc magna sonas oracula plenis  
 Insistens numeris, lentoq; tenore sonoram  
 Impendens animam: strictis modo vocis habenis*



Carmina deproperas saltim, raptátaque laxas,  
 Et laxata rapis: nunc tanquam incerta canendi  
 Exploras diuersa simul discrimina vocum:  
 Alta tonas, submissa cadis, medioq<sub>3</sub> vagaris  
 Carmine, & inflexis modò colligis omnia nervis  
 Bassa simul tenuisq<sub>3</sub>, modisq<sub>3</sub> industria cunctis,  
 Dissimilis similisq<sub>3</sub> tibi: nunc labitur equo  
 Tramite neglectim, nullog<sub>3</sub> plicatilis errat  
 Vox inflexa tono; nunc mille exculta figuris,  
 Mille tropis rapitur; tamen est discordia concors,  
 Dum leuis & grauis es, maiorq<sub>3</sub> minorq<sub>3</sub> vicissim.  
 Anxia nunc trepidis tibi Musica faucibus errat  
 Vix artis secura sua, victoria nutans  
 Creditur, & primo vox expirasse sub ausu.  
 Cùm rursum excurrrens cœlo libratur aperto;  
 Qualis ab intento volat icta sagitta metallo  
 Exanimis cœli Volucris, dum nubila propter  
 Ambulat ignotis prius interclusa pharetris.  
 Aut qualis fidicen tenui cum pectine carpsit  
 Fila tremens, languensq<sub>3</sub> manu, atq<sub>3</sub> immemor artis,  
 Iam defecturos dispergere creditur ictus,  
 Artificem pellit vigilantī carmine somnum  
 Voce super, super arte insurgens, redimensq<sub>3</sub> quietem:  
 Mox pleno repetit cantus dispendia motu.  
 Talis eras. hoc maius habes, quòd blanda sonoris,  
 Grandia quòd leuibz, tremulis constantia, letis  
Tristia,

*Tristia, & iratis adiungas mitia plectris.*

*O volucris, qualem dulci nec Pindarus ore,*

*Nec Phœbus cytharâ, aut Orpheus testudine vincat!*

Adiecit Orarchon, vnus sese optare fieri compotem, quo olim Apollonius Thyanæus eximium se prædicârat; vt auium voces, ex suâ quasque significatione distingueret. Rem, inquit Etesius, facillimam postulas; vnâ vnicâ omnes linguâ loquuntur laudem Diuorum ac Soterij: hâc à tenebris vnguiculis & nidi incunabulis exercentur: huc omne earum studium atque industria spectat: cantus plausus Numinis est, volatus applausus, saltus iubilus est; nihil in hac musicâ asperum, nihil dissonum, conspirant harmonicè omnia. Religiosum, inquit Litholeon, vt video Ordinem etiam inter aues excitas; is enim, vt referunt, ab Ordine nomen habet, quo omnia in DEI Diuorumq; gloriam magnâ conspiratione & actionum, & linguæ diriguntur. Ita verò habet, Etesius subiicit: quod aues in syluis, in Religionibus suo instituto viuentibus homines sunt; suauissimis laudibus plaudunt Numini: facta, dicta, cogitata omnia suis in harmonicâ scalâ gradibus consistunt, omnibus his ad elegantissimam Musicam conspirantibus. Si quæ cuiuspiam nota aut vox exorbitet, Musarchus tactum, clauem, etiam si opus est, spongiam adhibet; emendatur aut expungitur. Neque hic pulcherrimus concentus vnus tantum alteriusve est Lunæ; sed cum anno clauditur atque incipit (nam perpetuum Ver est Religio) hîc bassum tenet demissio, altum cha-



charitas, discantum paupertas, tenorem obedientia. Non hic raucum ira, stridulum detractio intonat, nil fractum infert discordia, hiulcum gula, remissum otiositas : optima, dixi, Musicæ illius est concordia. Sed quomodo illud excusas grauissimum in illa vitium, quod aiunt ex Religionibus natas hæreses, & nusquam turpius fidei virtutisque harmoniam, quam ab his Phonasceis laceratam esse? Paucorum, reponit Etesius, & lapsorum seculorum hoc vitium est, quod malè & omnibus, & hodiernis impingitur. Scimus quanto olim Reip. Catholicæ emolumento, & quam egregia ad pietatem sibi alijsque inculcandam conspiratione nati sint. Augustini, Benedicti, Dominici, Francisci, qui labentem, fidei virtutisque concordiam, multorumque erroribus dissonam Christianæ vitæ harmoniam scitè, aut viuendi præceptis, aut exemplis emendarunt. Et quid mirum si rursus annorum lapsu organa quædam vitiata, & corruptæ sunt alicuius citharæ fides? certè post natum Hetærium, religio omnis, ista ad virtutem conspiratione, viuit; vt priorum seculorum inuidiam mereatur; siquidem hoc, siue comite, siue etiam excitante antiquæ probitatis atque innocentiae vestigia legit. Et si cetera abessent omnia, Hetærij aliorumque, quorum feruor nunquam elanguit, Religiosorum exemplum, & pia ceterorum æmulatio tantum boni potuisse censenda sunt. Est aliquid, vti audistis, æmulas aues habere Lusciniam. Rarum est cum doctrina virtuteque imburis diu viuere, nec ijs delectari. Literæ in alijs visæ earum



rum in nobis cupiditatē accendūt, & nolumus rudes videri sapientibus alijs. Aliorum zelus & nostrum est incendiū. Remporrò Hetærius aggressus est Religiosæ vitæ amplificandæ opportunam: Scholas, Academias, Seminaria, Sodalitates magno numero per orbem totum excitauit. Ex quibus Syluis quot Religionis modò habentur Luscinia virtutis ac scientiæ concentu gratissimæ? Lustrate in Europa Religiosorum domicilia, & rara erunt, quæ nullam Hetærij laboribus excultam auiculam debeant. ipsa adeò Hetærianæ familiæ decora, & adolescentes Philomelæ hisce viridarijs educantur.

Aloysius certè Gonzaga Principum Soboles, si non nata hoc in horto, denique saltem recepta Polyglotta videri potuit, ita omnium virtutes imitatione expressit. Prima loquentis vox IESVS & MARIA. Etiamnum puer salutationem Virgini Angelicam, per singulos scalarum, quos adibat, gradus accinuit. Horas Deiparæ cum indies, tum Sabbatho impransus decurrit. Denique gratissima applausit Virgini ad aram Florentiæ musica Virginitatis seruandæ decreto. Tactū & ipse flagellis, catenis, calcaribus in se armatus dabat, ter in septimana suo sanguine purpuratus. In esuriales victualesque dies sextiduum quot hebdomadis ex æquo partiebatur, atque in basilico apparatu panem & aquam censebat. Nemini minus quàm fœminis; magis, quàm Angelis Diuisque tutelaribus loquebatur. Ad familiam Hetærii adolescens admissus, quàm admiranda non præstitit!

nullam vnquam Polyglottam tanto æmulandi Luscinias Canariasque studio arsisse, quam illum existimauerim, hoc discrimine, quod vinci se crederet, etiam cum vinceret. Corporis motus omnes ad modestiam, verba ad innocentiam cōspirabant, nihil in his inconcinnum aut abundans. Natam ipsi virtutem credidisses, vsque adeò eidem obsequeretur in omnibus: quæ si immortalitatem in terris meruisset, adhuc viueret. nunc cœlum rapuit ætate iuuenem, probitate solâ maturum.

Stanislaus deinde Kostka illustris inter Polonos familie, horti illius decus & nobilis Luscinia suauissimo virtutum concentu Hetærio placuit. Ab hoc Viennæ excultus pietate ac literis, nihil elegantius quam Partheniæ laudes concinere auditus est. Hanc Rhetoricâ scribendi concinnitate ornare frequentius, ieiunijs, crebroque Synaxeos vsu compertus venerari, fratre minas nequicquam, verberaque intentante. Dilingæ à Canisio ad virtutis explorationem receptus, inter Conuictores mediastrini seruitijs alacriter functus est. Sub quæ Romam delatus, in terrigenis Angelus vixit. Orator ad Superos tam facundus, vt finem non faceret; tam vehemens, vt persuaderet, etiam pro alijs deprecaturus omnia; tam ardens vt frigidâ adhibitâ cordis incendium mitigandum fuerit. Denique præmissâ per Laurentium Romanum Athletam ad Partheniam epistolâ breui ad Superos Legatus abiit. Vbi merito stupent in terris reperiri Canarias religionis insulas, vnde auiculæ tam dulces, suadelæ



delæ adeò mirificæ prodeant. Nimirum hac lege Poëtis consentiam, vt Mundum Mare esse asserant; si has esse *Mundi Sirenes* velint, & Nautas Cœlites; cum hoc elogio:

*Superi dulcedine capti.*

Ceterum Stradas, Bergmannos, aliaque syluæ huius religiosæ in ipso adolescentiæ vere eximia accenserem decora, nisi in vesperam dies defluxisset, & quiete necessariâ post tantam opus euagationem crederem. Illud plerisque illis magna æmulatione aliorum virtutes imitantibus pro epiloogo accinam, quod Philomelæ inter concertationem cum Citharædo susceptam exspiranti competit;

*Tua te victoria fregit.*

Ita differentem accessit officij causâ Calotherus alter filiorum locis æstiuatibus præfectus, qui parentem cum hospitibus suas ad ædes inuitabat. Huic Etesius nosque vnâ obsequebamur, sed viâ leniter flexâ, quam totam iucundis allusionibus ad visa per syluam auium ludicra impleuimus. Vt nimirum Religio optima esset pullorum mater, quæ lactando, expansisque velut alis fouendo, & necessitati, & periculis opportunè interueniret. Hactenus inauditum esse aut auium, aut Religiosorum aliquem domesticis angustiis ac fame succubuisse. Quam deinde maiores aptam indolis morumque cantilenam minoribus præeant, quam hi peritè assequantur. Quanta vitæ concordia, in quâ humanæ felicitatis harmonia posita in primis sit. Deniq; arcem Religionis tribus columnis nixam suspensamque haud procul




obseruauimus; sed tenuior iam circa nos dies prouectiores-  
 que erant tenebræ, quam vt eius dignitatem oculis asseque-  
 remur. Narrabat verò Etesius, Aloysij, postquam hanc ar-  
 cem lustrando obiisset, Religionisque ex illa nobilitatem  
 didicisset, dictum fuisse. Mirari sese totum mundum ad  
 hanc non confluere, ita illam omnibus abundare deliciis.  
 Porro, inquit, ne omnium huius loci rudes abeat, hoc  
 Gonzagæ & Kostkæ adolescentum sepulchrale monumen-  
 tum obseruate; simulque Mnemonem aduocauit, vt ad fu-  
 gitiuos iam solis radios perlegeret:

HEM VIATOR  
 QVISQVIS BONIS DELECTARIS AVIBVS:  
 PHILOMELÆ FVIMVS,  
 ARGVTVLÆ, SVAVILOQVÆ, AVREÆ VOCIS ANIMÆ,  
 MEL MERVM IN VIRTVTVM HARMONIA OMNIVM.  
 SI GENVS NOSTRVM QVÆRIS:  
 CVNAS, QVALES PHOENIX; PARENTES, QVALES AQVILA  
 HABVIMVS, NOBILIS AVLÆ PVLLI NOBILISSIMI.  
 CECINIMVS  
 CVM MVNDO DISGANTVM, BASSVM CVM RELIGIOSIS,  
 ALTVM CVM COELITIBVS,  
 TENOREM CVM OMNIBVS.  
 IN HAC MVSICA,  
 TAM NOBIS DISPLICVIMVS, QVAM PLACVIMVS SVPERIS,  
 OMNES NOTAS PROBITATIS, VITIORVM FVGAS  
 PROBE TENVIMVS.  
 VERBO, ITA PRÆCINVIMVS,

VT SI IMITERIS HOS MVSICOS, PECCARE NEQVEAS.  
 QVOCIRCA, NE INGEMISCITO:  
 MORTEM INTRACTABILEM NOSTRA ARTE TRACTA MVS,  
 FERREAM VOCE MOLLIVIMVS.  
 NE INGEMISCITO:  
 PERDIDIMVS IN FELICITATE MISERIAM,  
 IN VITA MORTEM, IN COELO TERRAM.  
 PHILOMELÆ ADHVC SVMVS.  
 SED QVÆ LIBERTATEM ADIIMVS DE CARCERE,  
 ET DVLCIVS NON CAPTÆ CANIMVS.  
 TV SEQVERE, ET SVCCINE.

Hinc ad Calotheri domum hospites abscessimus, cum  
 Mnemon aliud Romæ abs se lectum Epitaphium non in-  
 elegans de memoriâ exprompsit, quod Philomelæ de auia-  
 rio Domitiorum positum fuerat, ac denique hoc Epilogo  
 claudebatur.

Vale & vola per Elysium.










*Solsequium, Phoenix, et Apyrus coelum aspiciit: vnde  
Rex tua Vis, Martyr flamma, iubarq; Sophe est.*





AE S T A S  
A N N I S E C V L A R I S  
S O C I E T A T I S  
I E S V.

I V N I V S,  
M O N A R C H I C V M R E G I M E N  
*exhibet, & Superiores, qui regendi prudentiâ, & virtutum  
omnium exemplo, inferioribus praluxêre.*

LLVXERAT dies altera exspectationi meæ ni-  
miùm tarda, cùm somno experrectos officij gra-  
tia Eous Calotheri aulicus ad lauacrum deduxit;  
oppidò ridiculum. Stabat in augustissima Solis  
aula Cancer Iunio Mensi sacer, homini par corporis mole,  
quique in genere suo Gigas haberi meruit: hic chelis poste-  
rioribus in sublime nixus, vnâ superiorum mantile, alterâ  
mallubium implexum sustinebat; os eius pro gutturnio a-  
quæ laticem in manus lauantium exspirabat. Risimus affa-  
tim schema tam inexpectatum. Cùm Eous docuit in Ori-  
entali Oceano hunc nuper memorabili stratagemate in ca-  
ptiui-



Euf.  
Nier.  
hiflor.  
nat. li.  
11. c. 33

ptiuitatem abstractum : piscis exuuias huic modo officio deferuire, vt & mortuus ille aquas sorbeat, ac reuomat. Ceterum integros istic loci exercitus Cancrorum in nautas & nauium instaurandarum operas sæpemodum mouere; necessarium vti sit, vallis excitatis, dispositisque excubijs tam infestum hostem amoliri : quem tanti esse roboris didicimus, vt hominem quemcunque chelis correptum obtruncet illico, ac Neptuno immolet.

Euseb.  
Nier.  
hiflor.  
nat. l.  
1. c. 21.

In vita  
eiusd. l.  
Anchi-  
etæ &  
apud  
Nier.

Isthac igitur Litholeon, inquit, opus est arte, vt officio assuescant suo, seruitio videlicet hominum, cui olim nati sunt. Scitè Eous apposuit : Rebellionem animâtes à mortalibus, eandem contra Diuos auspicantibus, didicisse; obsecuturas rursus, si hominem ad obsequia redeuntem nanciscantur ducem. Probasse id animantium diuersas nobilissimæ familiæ viris. Petro inprimis Canisio, Germanis post cœlicolas notissimo : siquidem cupienti, dum prostratâ appetitione langueret, esum auiculæ; hæc frustra ab alijs quæsita, vltro ad manum per fenestram adfuit, obsequi ac mori iuxta promptissima. Iosephus Anchieta, vt æstum molestissimum ab itineris comite Leitano profligaret, aues proximæ arbori assidentes, accersito sociarum agmine, adesse, atque euntium capita inumbrare iussit: quæ accepto imperio obsecutæ, densatam auium nubem illis contra calorem obtegendis aduexere, nec nisi iussæ, post leucæ vnus decursus, ab officio recessere. Nonnunquam accitas digito aues excipiens Deo laudando melodiam auspicari iussit, ac si  
deinde

deinde lubuisset, potestatem rursus abeundi fecit. Obiectam in itinere viperam lethaliter noxiam, omnibus in fugam effusis, ipse confidens, ad manus sinumque admisit longa oratione Barbaris inculcans, obsequenti Diuis homini obsequi omnia. Simiæ aliam sui ordinis tumulare iussæ, paruerunt. Pantheræ conspectæ procul, propiùs sub illius imperium adstitère, vt cupidis videndi gratia fieret. Mare exæstuans quiescentem litore Iosephum cum socio intactum reliquit, vndis circum in murorum specie assurgentibus; quæ, cum ascenderent, socij subsequents ita vestigia pressere, vt is ante Iosephum, ceu tutum se munimentum, reciperet. Xauerio denique (vt in quibus cœpi brutis finiam) Crucifixi effigiem tempestatì sedandæ in mare proiectam cancer officiosus restituit. Nec mirum id factum homini obsequendi studiosissimo, qui vnica I litera ab vltimis Indiæ oris, negotiorumque affluentium cursu, ad Europam, quam exultabundus reliquerat, rursus abstrahi potuisset. Sibi imperare qui potest, huic parent omnia. Imperium sui, hominisque in hominem, probè administratum, plus laudis habet ac meriti, quàm quod in animantes exercetur. hoc staret inuiolatum, nisi illudurbationibus intercidißet. Tam sapienter argutantem Etesius superueniens à nobis auertit. Ab hoc ad proximos campos inuitati, concessimus. In meridiem locus vergebat muro accinctus, qui hos in frontis aditu versus præferebat.

O

*Nuper*



*Nuper inauratum cœli dum filius æuum*

*Conderet, has tenerum iussit habere domos.*

*Accreuit puer, & multo iam splendet in auro.*

*Hunc nutrix habitat diua Melissa locum.*

Ænigmatici videbantur, & de industria obscuriores, ne primo aspectu videremus omnia. Paucis tamen Litholeon hanc coniecturam adferebat. Quid si pro æuo Hetærium iam vnius seculi hominem interpretemur, qui multâ virtute adoleuerit in Partheniæ nutricis curâ ac sinu? fuerunt enim, qui illius sub pallio latitantem Hetærium vidisse se aliquando memorant. Sed tropicè & ad mores hoc quidem, dixi: ceterum nihil hîc aliud proponi arbitror, quàm aureum Æuum Saturni (quod illum Hetærio contulisse dono vidimus) inter apes, quibus delectetur, educari. Postquam deinde subiimus locum, Oleaster atque Amygdali in ipso hortorum campo sparsim apparebant.

——— *Et tenuis fugiens per graminariuus*

*” Hæc circum Casia virides, & olentia latè*

*” Serpilla, & grauiter spirantis copia thymbræ.*

Denique Thymi & Origani flores, aliæque æstiuales apum deliciæ. Per istam pratorum aream latè redolentem distributus apum exercitus pulcherrimis excursionibus vagabatur. Hymettum Atticæ, aut Hyblam Siciliæ hîc mihi non fictè imaginabar. Totus campus vocalis, ac streperus, & odoris suauissimi quaquâ aspirantis plenus. Labor vbique, & confusissima, ceu in vrbium prædatricibus copijs, videban-

tur

Satur-  
num  
mellis  
inuen-  
torem  
Anti-  
qui di-  
xere.  
Alex.  
ab A-  
lex. l.  
6. 22.

Virgil.  
de A-  
pibus.



rur omnia. Ne vos, inquit Calotherus, istâ opinione aberre-  
 tis. Rempublîcâ habent, consilia priuatim, ac Duces grega-  
 tim,<sup>Plin. lib. 11. nat. hist. 6. 50. Ambros. 1. 6. Hec. 6. 11.</sup> & quod maximè mirum sit, mores habent. nihil nouê-  
 re nisi commune. vnam omnes incolunt mansionem, vnius  
 patriæ clauduntur limine, in commune omnibus labor,  
 communis cibus, communis omnibus operatio, commu-  
 nis vsus & fructus est. Et vt operis ordinem admireris, datur  
 quies in matutinum, donec vna excitet gemino aut triplici  
 bombo, vt buccino aliquo. Tunc vniuersæ prouolant: aliæ  
 flores aggerunt pedibus, aliæ aquam ore, guttasque lanugi-  
 ne totius corporis; quibus est earum adolescentia, ad opera  
 exeunt, & supradicta conuehant; seniores intus operantur.  
 sunt enim intus quoque officia diuersa; aliæ struunt, alię po-  
 liunt, aliæ suggerunt, aliæ cibum comparant ex eo quod al-  
 latum est: neque enim separatim vescuntur, ne inæqualitas  
 operis & cibi fiat & temporis. Cessantium inertiam notant,  
 castigant: nullę inter opera spurcitia iacent. Cùm aduespe-  
 rascit, in alueo strepūt minùs ac minùs; donec vna circum-  
 uolet eodē, quo excitauit, bombo ceu quietem capere im-  
 perans: & hoc castrorum more: tunc repentē omnes con-  
 ticescunt.

Excepit dicentem Etesius. Formam, inquit, hic quan-  
 dam Hetærianæ familiæ, munium, ac operum, quæ in ea  
 vigent, animaduertere, vobis licebit. Illa enim quamuis lo-  
 corum, ingeniorumque varietate toto sit orbe sparsa; adeò  
 tamen laboris, quietisque tempora habet communia, tenui

menſarum apparatu, victuque parabili, vitæ totius, ſtudio-  
rumque ratione conſpirat; vt cùm multitudinem vides, v-  
nitatem admirere, pluribus corporibus vnâ eſſe animam  
exiſtumes. Vnâ ad laborandum hora omnes excitat; vnâ ad  
quietem componit: partiuntur operum moleſtias, illisque  
difficultatem adimunt adhibito ordine. Senioribus ferè do-  
meſticorum munium, familiæque adminiſtrandæ nego-  
tium eſt. Adoleſcentioribus campus ingens faui, mellisque  
legendi aperitur. Iucundum Superis ſpectaculum faciunt,  
cùm effuſi portis ad noſocomia alij, alij ad captiuorum er-  
gaſtula: hi ad pœnitentium tribunalia; illi ad morientium  
agones: multi ad literarum Gymnaſes, nec pauci ad con-  
cionum exedras digrediuntur. Diuerſæ profeſſò diuerſis in  
floribus apes. Veſpera denique omnes reuocat; par menſa,  
par quies excipit: nunquam otioſi etiam in otio; ita omnia  
ex præſcripto ad virtutem exequuntur. Nemini ferè tam  
cara eſt quies, quin laborem imperatum accipiat; tam perti-  
nacis propoſiti labor, quin & ad imperium deponat. Agunt  
atque aguntur; non ad impetum, ſed rationem. multiſque  
obſequi, quàm iubere iucundius accidit. Deinde Calothe-  
rus, Mirum illud in apum Imperatore videri, quòd aculeo  
nullo in ſubieſtam plebeculam (licet illo fortaiſſis non ca-  
reat) vtatur; ſed ſolâ armatus maiestate ac clementiâ omnia  
vnus adminiſtret, & facilitatem popularis obedientiæ ex-  
periatur. Iſtud verò etiam obſtupeſcendum, quòd cùm lan-  
guentem Regem foueant, periclitantemque defendant, im-  
probum



probum tamen officio deturbent, regiamque destruant, ne malum serpat, ac seditionibus Respublica peruertatur; ita vt neque precariâ potestate, neque impunitâ malitiâ Rex eis præsit.

Laudatissimum, inquit Etesius, regnum, in quo, vnus ita summam potestatem obtinet, vt & æquitate illam tueri, & scelere possit amittere. Vbi in multos imperium diuisum est, vix consistit æquitas: nimia aut facilitate, aut seueritate, peccabitur. Multi multa ignoscent, vt sibi ignoscatur; vel certè alienam seueritatem, quàm par est, inclementiùs vindicabunt. Vnum faciliùs quàm plures mediocritatis studiosos reperies. Popularis denique amor atque reuerentia, vbi delectus abfuerit, vni faciliùs impenditur. Hoc apes natura, Hetærium ratio docuit; vt proinde duo illa, quæ Remp. potissimum cum laude administrant, clementia ac prudentia, & quæ beatam faciunt, concordia atque obedientia apud illum reperiantur.

Cui certè regendi felicitati prouidentiâ solerti prospectum est; cum & vni ab Hetærianis perpetua imperandi potestas est attributa, & multi ad subsidiariam operam destinati, ceu manus atque oculi plures vni capiti subseruiant. Quod quàm illi cautè ad excludendos infames regnorum scopulos, & peruulgata imperiorum pericula præstiterint, operæ pretium erit cognoscere.

Principio Hetæriani ex amplissima familia, vnum aliquem indictis Comitij ac suffragijs conspirantibus eli-



gunt, exploratæ virtutis & compertæ prudentiæ hominem. In qua electione, illud inprimis sedulâ accuratione provide-  
tur, vt laudatissimi ex orbis vniuersi Prouincijs viri præscri-  
ptum in locum conueniant; illud grauissimis sanctionibus  
cauetur, ne qui ambitionis studium huc adferant, & meri-  
tis suis aliorumve imputent, quod virtuti atque inprimis  
demissioni debetur. Seria hic in cuiusque vitam ac mores  
perquisitio instituitur, tantò acrior, quantò quisque propo-  
sito honori propiore esse existimatur: iuratâ fide dantur acci-  
piunturque virtutis vitiorumque perspecta de alijs testimo-  
nia, & tridui deliberatione cum Deo inter preces institutâ,  
consilij etiam inter homines agitatis, denique ad eundem  
omnes locum admittuntur. Vnde solemni Diuorum ap-  
precatione præmissâ, & cohortatione sedulâ, ne quis alio  
quàm diuinæ gloriæ zelo ad tantæ rei definitionem acce-  
dat, omnes ad sententiam scripto proferendam in conclaue  
destinatum secedunt, quam, vt pro se quisque tribus isti of-  
ficio adiuratis affert, ita iuratus ipse propalam confitetur  
hoc se literarum suffragio eum designasse, quem huic mu-  
neri inprimis censuerit idoneum. Quod si, vt in tantâ ho-  
minū frequentia pronum videri potest, nemo vnus maxi-  
mam suffragiorum partem consecutus sit, alia ferè com-  
promissionis initur ratio, quâ trium aut quinque commu-  
nibus votis electorum definitioni acquiescetur. Cete-  
rum in electione dissidentibus exitus de loco ac cibus eâ  
lege denegatur, vt aut absoluant controuersiam, aut suo isto  
car-

carcere contineantur. Ita vijs omnibus ac rationibus prospectum est, vt præstantissimum aliquem tantæ familiæ Moderatorem nanciscantur; vt talem, qui diuersarum gentium studia, mores, ingenia quadam regendi facilitate ita attemperet, ne membris inter se dissidentibus corporis totius compages dissoluatur: qui præcipuarum ipse rerum rationes inire, homines, loca, officia cognoscere, singulorum ipse curas atque difficultates auscultare & expedire possit: qui denique in orbe perinde ac in domo Paterfamilias versetur.

Ne tamen tanto rerum administrandarum ponderi vnus ipse succumbat, quatuor quinosve sibi adiunctos habet sapientiæ exploratæ viros, quos Assistentium nomine in officij onerisque partitionem vniuersalibus suffragijs designatos admittit. Horum consilio ad grauiora quæque expedienda vtitur. Id enim in primis in huius familiæ administratione cauetur, ne quid inconsultò, ne quid operi destinetur priùs, quàm ad sapientum arbitrium, ac plurium sententias exploratum sit. Vnde receptâ iam consuetudine non modo Generalis Demarchus, sed & Toparchæ ceteri atque inferiores Præsides, vbi ambiguum sese negotium ostenderit, ad concilium quamprimum ac deliberationem confugiunt, quæ absque partium æmulatione, pari facilitate, quâ inter Liberos Patremque, instituitur, ac denique eius definitione absoluitur, cui reliqui parêre didicerunt.

Assistentibus porrò alter à Secretis, à generali procuratone



tionem accedit alter; viri in paucis circumspēcti, & boni cōmunis studiosissimi. Ille līteras, quibus toti orbi Demarchus imperia, aut consilia diuidit, solerti ingenio ac studio expedit; hic alijs diuersorum populorum curis negotijsque expediendis distinetur; eodem vterque adstrictus loco, quo ipse Demarchus præsidet. Accedunt in amplissimæ familiæ gubernatione Prouinciales Archontes, quibus minores alij locorum Præfecti subesse consueuēre. hi omnes concessâ sibi à summo Demarcho potestate imperant, non perpetuâ illâ quidem, quâ ipse omnibus præest; sed breui plerumque, atque ad nutum deponendâ: pulchro superbix ac tyrannidis remedio; cū qui imperat, imperium exspectat, & non ignoret sibi subditis aliquando parendum. Potestas verò tanta vnicuique est, quantum sua quisque virtute ac regendi prudentiâ meretur. Compertæ fidelitatis atque industrię viro par existimationi conceptæ potentia creditur, atque arma viribus commensa: insigni ad virtutem omnibus inuitamento, cū fide aduertant se fidem mereri.

Ex quibus omnibus obscurum non est, egregijs iustitiæ adminiculis, contra pleraque regnorum vitia Hætariorum imperium stabiliri; cum nil nisi virtutibus deferatur, ijsque non ad ambitionis ingenium fictis atque compositis, sed multorum calculo exploratis; quò probatur ipse supremus omnium Antistes, vigilantissimis expositus, Assistentium præsertim, oculis; quibus & comperto scelere, comitiorum conscribendorum est facultas, & suffragantibus



tibus reliquis officio, atque adeò familiâ Antistitem exturbandi potestas. Hoc etiam calculo ab ipso Demarcho ceteri omnes, qui cum imperio sunt explorantur, siquidem idoneos, nec paucos vitæ cuiusque testes ante auscultat, quàm rebus cum potestate gerendis eos præficiat. Neque verò tanti est suâ quandoque opinione etiam post multam curam aberrasse, cum omnis potestatis frena manu suâ moderetur, ac laxatam restringere, ut lubet, possit; aut etiam auferre concessam. recalcitrasse, ut rarum, sic impunè nemini fuit. Ita, & vnius imperio administrantur omnia, & qui omnibus præest, subiacet simul omnibus, ac cum ijs leges, onusque eisdem obsequendi participat. curis, non opibus ac prærogatiuis libertatis affluētior. Huic igitur illud elogium acclamabimus, quod Apum Princeps ramo acquiescens, stipante atque adhærescente circum toto vulgi examine, meretur.

*Onerosus honos.*

Quàm verò multis, quamque robustis virtutibus opus sit, quibus velut anchoris in tam vasto mari contra omnem impetum firmetur, nemo ignorabit. Enimvero hoc in tantarum rerum Administratore in primis necessarium est, suarum uti affectionum Dominus sit; ut naturæ exerrare conantis impetum sub imperium cogat, & cupiditates habeat parere assuetas. Etenim experientia nos docuit, quantum dominandi amor, libertatis illecebra, negotiorumque à mentis nos custodia abducentium ardor ad peccandum momenti adferant. Præceps vindictæ, æqualium odium, in-

uidia superiorum, Principes viros facilè expugnant: hæc in se qui absque imperio patitur, imperio idoneus non est. Sed his omnibus Hetærius vitiorum assultibus obiecit inexpugnabile virtutis munimentum, quo se ij, qui cum imperio sunt, facilè tuentur. Ex hoc auaritiæ, luxusque facultatem, opes sustulit: Magnatum priuilegia & honoris prærogatiuas, inuidiæ materiam & ambitionis, amouit: Legibus subiecit ipsum legis præsidem, libertatis freno. Denique insignem quandam ad virtutem necessitatem imposuit, cum vt supra memini, subditis legitimo concilio coëuntibus potestatem fecit in improbos eius mores animaduertendi, officioque atque etiam familiâ exturbandi. En vt in Hetærio vobis Apes, in Apibus Hetærium ostendo.

Obseruate nunc in huius Reip. moribus clementiam. Arma penè omnia abiecerunt, vt nocere ij, qui præsunt ceteris seueritate vix possint. An fortassis illo permoti, quo olim Diogenes Alexandrum propè exarmauit, Timidorum esse arma ferre? an quòd inhonestum sit irasci, inhonestius iræ persuadenti obsequi? Nimirum satis armatus est, qui æquitate pro telo vtitur, & causæ fauentes Superos nactus est. Patri hic cum filijs res est: audiuntur querelæ, & adhibito solatio mitigantur: discordiæ pacis turbantur consilijs: desideria si iusta, accéduntur, si iniqua, extinguuntur, spongiâ magis quàm ferro: nemini aut sua obest simplicitas, aut patrocinatur nobilitas; æquali omnes fauore teguntur: circumspecta clementia discrimen nullum facit. Omnium  
hic



hic anima est qui omnes moderatur; & ne quisquam metuat, aculeum non habet. Talem adumbravit Regem, qui dixit:

” *Signabatur apum sparsim toga tota figuris.*

” *Cumq; apibus regnator apum fulgebat in ostro*

” *Pictus acu, scriptumq; notis epigramma Latinis,*

” *Rex mucrone caret.*

Mant.  
in ex.  
hort.  
ad in-  
sub.

Quàm hoc imperium subditi prono obsequendi studio amplectantur, hætenus si nō ratione, tamē experiētiā huius familiæ constitisset; Ita omnes supremi capitis motu ac beneplacito reguntur. Illud Xantippi Carthaginienſium Ducis credunt atque vſurpant. Malle ſe ſub Rege apum militare, quàm formicarū exercitum ducere. Hæc verò manſuetudo inſigni prudentiâ attemperata nulli facilè deſipit. Enimverò intelligunt, quanti interſit, clementiâ affluere, non diffluere; facilem eſſe, ſed intra virtutem; ſiquidem vitijſ irascei aut nolle, aut non poſſe, irâ peior eſt vitiorum indulgentia. Proinde actum ab Hetærio primum, (quod plurimum momenti ad facilem adminiſtrationem obtinet) vt omnis intelligat, ſuo ac familiæ totius bono quemque dirigi: nihil inuidiæ, nihil offenſæ, licèt datæ, indulgeri: Imperia vt conſilia dari, quibus ad emolumentum vtatur: patere iuſtis rationibus effugia, nullamq; hoc in foro, niſi iniquam, exceptionem reiſci. Ita nimirum boni communis rationes mirificè accreſcunt: virtutibus, ac concordiæ inprimis accedit: vitijſ occaſio detrahitur, & periculum: propagatur



toto orbe fides & pietas: & in necessitatem Reip. Christianę præsidia suppetunt, atque vt verbo absoluã; qui sub Apum Rege versantur, *Mellificant.*

Orarchon porrò, qui curiosius prata & flumen, quo non procul stetimus, oberrauerat, sollicitâ voce manibusque imperabat silentium, sibi que adesse propius nos orauit: Deinde auium, quæ istic pascebantur, copias iussit obseruare. Magno illæ numero per prata effusæ, quieti partim, partim etiam pastui vacabant; nec difficilis nobis coniectura ex pedibus aut collo erat, Grues esse. Pax alta videbatur: ita nullo sollicitudinis argumento vagæ ibant. Sed ecce politia ac solertis custodiæ egregium specimen, vna volucrum tumulo insidens sinistro pede nixa, dextero lapillum suspenderat; non eo opinor consilio, quo apes contra ventorum impetum lapide sese onerant; sed ne vigilanti & pro aliarum securitate excubanti somnus obreperet. Aliud verò non minùs obuenit spectantibus iucundum: cis fluuium hortum alluentem Ceruorum grex sese in pastum effuderat; hic nostro aduentu trepidus fugam circumspectabat, cumque expeditior nulla quàm per aquas effugio pateret via, validissimus omnium vndas experitur, paremque se fluctibus, nando aliquantulum progressus, ostendit: deinde redùx alium post se inuitat, qui suis cornibus prioris incumbens tergo, post se alteri idem officium præstitit: Ita alij atque alij insecuti flumen incolumes transmisere. Adhuc *Etesij* hærebat oratio, quàm tantò altiùs animo combibi, quòd

quòd Hetærianorum primores gruibus , ceruisque perquam cogitare similes. Illis, quòd solerti curâ vigiliisque subditorum saluti intenderent, & quieti aliorum sua consulerent inquietudine. His, quòd imbecilliorum onera, difficultatesque communibus humeris supportare, atque extra omnem periculi aleam traducere pro viribus existimantur, honore suo onerati.

Propiùs æstiualem domum ventum erat, ad cuius vestibulum platanus arbor syluam propè sola ingenti frondium luxuriantium ambitu confecerat; quò tunc fortè Pastor cum agnellis, æstûs vitandi gratiâ, confluxerat. Quem ubi Orarchon conuenisset, strictis interrogatiunculis lacefsebat. Quid vmbras, latebrasque sectaretur? hoc tenebriolum esse, & virtutis rebellium. Virtus, inquit Pastor, tutiùs latet, multorum illa insidiis vitiorum exposita est. præsidium contra hæc optimum est, non patuisse. Sub sterili vmbrâ, Orarchon, inquit, parum ouiculis prouisum est. Multum enim uerò respondit: hîc collecta ruminantur gramina & in substantiam transmittuntur. quietem & æstiu caloris vmbraculum digestio amat. Denique collaudato hominis ingenio Orarchon illum cum Xerxe in comparisonem traxit. Siquidem is æstate profectus cum exercitu ter vicies centenûm septingentorum & sexaginta millium, lixis calonibusque demptis, iuxta Sardes sub vnus Platani vmbrâ cum tanto hominum numero acquieuerit, qui in cibum diurnum sexcenta millia modiorum frumenti impende-

Herod.  
l. 7. &  
Ælia.  
l. 2. c.  
14.



ret. Quam deinde hospitalem arborem auro, argentoque vestitam immortalium militum vni seruandam tuendamque commisit, ne tanti beneficij gratia subitâ obliuione intercideret. Ceterùm Etesius parem huic arbori Religionem à Loiolæo quodam Principe plantatam assererat, quâ subinde Laynius, Borgia, Mercurianus, Aquauia egregiæ solertisque operæ hortulani, excultam ad insignem hanc amplitudinem educauerint, quæ, hæc licet temporum iniuriâ, millia circiter octodecim ramis latè per orbem effusis complectatur. Illa verò ne quod annis labentibus detrimentum accipiat, immortalibus magis legibus quàm legionibus defenditur; neque desunt, qui pro illius tutela, vigili industriâ excubant, atque ijs hanc armis, quibus cum imperio vti ad defensionem sunt iussi, propugnant. His & indefessi Excubitoris & naui Pastoris tessera debetur

*Vigilantia.*

Quis non huius Arboris, id est Religionis, vmbra ambiat, sub quâ tot vallata custodijs est

*Tuta quies*

Non modò vni Persarum nationi, sed orbis populo, Italo ac Germano, Ibero & Gallo, Lusitano ac Polono, Europæo & Æthiopi, Indo ac Brasilo, ipsi adeò Antipodum genti, quibus neque linguarum est commercium, neq; morum conuenientia, ne color quidem ac vultus idem; qui studijs ceteroquin atque æmulatione populari inuicem dissident: His tamen omnibus, vnâ sub Religionis vmbra ac capite *tuta quies.*



*quies.* An hoc minus portentum naturæ est, quàm accubare agnum lupo, aut leonem tigridi? Miraberis profectò hanc diuersissimarum nationum ad nutum vnius, ceu ouicularum ad pastoris vocem, pendentium conspirationem, si vel vnum Germaniæ angulum Religionis, atque in primis Hetærianorum hostem, tot tamq; diuersissimis studijs feruere conspexeris, atque in iisdem ne dicam vrbibus ac ædibus, imò & cunis natos, fidei morumq; dissensione pugnantes, Rigos, Molles, Liberos, Adiaphoros, Vbiquetarios, Pneumaticos, Clancularios, Manifestarios, Tropistas, Metamorphistas, Catharos, Enthusiastas, Pacificos, Baculares, Tacentes, Inuisibiles. Hi & mille alii tot sententiarum quot capitum homines, non ex orbe toto, sed parua Germaniæ insulâ contrahi possunt Ruthlei vnius ac Luciani asseclæ; vt ipsi adeò ipsorum lecti, in quibus vir atque vxor sæpè religionis studio dissident, hunc titulum mereantur, *vix hic tuta quies.* Quæ certè res tantò illustriorem reddit Hetærianorum concordiam, quantò orbis est insulâ maior, amor odio, concordia discordiâ melior; quanto deinde maius est hominem vnum omni imperare orbis nationi, quàm ne sue quidem Ruthleanum aut Lucianistam aliquem domui posse. Maneat igitur Hetærianorum Primoribus hæc claus *vigilantia*, maneat subditis *tuta quies.*

Surgebat haud procul Monumentum Heroum istorum honori perpetuæque memoriæ à Mreмосyne excitatum. Opus, cum accessimus, admirandum visum est. Mons erat  
mar-

Triga.  
ia hist.  
Sin. li.  
4. c. 6.

marmoreus, labore & industria singulari in principalis arcis formam excisus, quæ per uio opere, hinc atque inde ad lucem excipiendam patebat, varijs in se conclauijs diuisa, elegantia ac soliditate pari ad æternitatem quandam vti videbatur instructa. Sinarum Regis palatium aliquod hinc mihi videbar obseruare. Quem memorant excauatum de marmore montem ad tam vasti ædificij amplitudinem exhaustisse, vt præter varia cum aulis cubicula etiam piscinas ac labyrinthos complectatur, in quo loco Regi instructissime epulanti mille annorum millia satellites adprecentur. Totidem & nos velut ad æmulationem Hetærio precati aulam principem subiuiimus. Hos etiam Litholeon in vestibulo effundebat versus.

*Viue diu, felixq; tibi decurrat Hetari  
Annorum series, & quod tibi venerit ultro  
Viribus adiçiat, crescat virtutibus æuum.*

Calotherus tantisper quiete interpositâ contractum ex Sole ardorem mitigare iussit. Tum aperto ingenti iuxta armario, Hem, inquit, famuli haustum siti leuandæ ministrare. simul velut ad imperiû mensa sese ex occulto loco propalam ad nos promouere cœpit, ferculis nonnullis, bellarijsque instructa; illius ore, hinc atque hinc ex opposito, ficti de metallo adhærebant Ganymedes, qui dexterâ Oenophorum, sinistra craterem præferebant, quem nō multo post, quàm ambulatorium hoc epulum constiterat, libratâ in altum dexterâ, vino explebant, extensaque deinde ad obsequium la-  
uâ ho-



ua hospitibus porrigebāt. Huiusmodi olim mensa Iarcham delectatum summopere memorabant. Delectabar & ego Phil.  
Apol.  
1. c. 9 tam egregio antiquitatis exemplo. hi, dixi, ministri rara pol-  
lent virtute, obsequuntur ad nutum, & gratuito: quanquam  
Artificem tam promptæ obedientiæ directorē magis quàm  
opus admirer. Porro pocillatorum istorum liberalitate tan-  
tò vtar libentiùs, quantò faciliùs ijsdem symbolum persol-  
uero. His non mediocriter recreati, ad sculpturas deinde in  
aulæ columnis nobilissimo celte exaratas, sparsisque colo-  
ribus nouam quandam gratiam spirantes, auidissimè abri-  
pimur. In media columna, quam reliquæ circum sequeban-  
tur, orbem pedibus subiectum calcabat vir specie augusta,  
quæ quandam animi maiestatem vultu toto explicaret,  
quamque caluities per verticem in frontem effusa, magis  
etiam quam pro more, auxerat. Hinc illi militare baltheū,  
nobile sagum & gentis insignia; Inde centonem nescio  
quem, compedes, crucemque ad latus artifex apposuerat;  
ita tamen vt illa auersari leuā contemptim obiectā, hæc ad-  
mota altera manu, amplecti crederetur. Sequebatur non  
ignobilis multitudo sensim in eundem orbem enixa; quam,  
nescio quod, latrunculorum vulgus trepidā fugā declina-  
bat. Cœlum adhæc multā stellarum luce illustre, capiti pro-  
cul impendebat, quod obliquato vultu, velut eodem cum  
terra obtutu, designabat, oculis tam igne ardenti flaman-  
tibus, quàm aqua exundante tumidis. Vox ab ore exibat,

*Quàm sordet mihi terra, dum cœlum aspicio.*

Q

In



In quæ Poëta nonnemo affixo subter carmine commen-  
tatus fuerat.

*Heu nimis instabilis simulacra fugacia mundi!*

*Ingenio nimium lubrica terra meo!*

*Quam mihi sordet humus dum vos, ô sidera, specto!*

*Sidera, delicia diuitiaq; mea!*

*Ite nimis leuium fugitiua umbracula rerum::*

*In vitium princeps vita, solumq; vale.*

*Lux obscura nimis generis: subiecta potestas:*

*Infamis vitij fama: inhonorus honor:*

*Dedecorisq; decor scopulus: Veneri apta venustas:*

*Bellica pax: risus tristis: amarus amor:*

*Spes ex spes: & opes inopes: concordia discors:*

*Ægra salus: methodus deuia: fessa quies.*

*Ite nimis leuium fugitiua umbracula rerum::*

*In vitium princeps vita, solumq; vale.*

*Hora tibi penna: velox, sunt tempora, currus:*

*Sunt momenta gradus: deuia quæq; via est.*

*Is, traherisq; volasq; simul. quid lubrica vita es?*

*Pluma leuis, velox nuncia, rapta dies.*

*Vincula libertas: constantia lapsus in orbe est.*

*Perditur in vitâ vita, vigore vigor.*

*Libera libertas: constantia constat in astris:*

*Perditur & mors in morte, dolore dolor.*

*Hic obscura nitet virtus: demissio regnat:*

*Et contemptus honor: spretaq; fama placet.*

*Hic*

*Hic decor est fugisse decus: despecta venustas  
 Gratia: tristitia est plausus: amaror amor.  
 Spes nunquam exspirat: diues splendet egestas.  
 Hic aterna manet parva labore quies.  
 Quàm mihi sordet humus dum vos, ô sidera, spectro!  
 Sidera, delicia, diuitiaq, mea!*

Columna quæ ex alijs circum astantibus prior erat, hominem soli orienti intentum, illiusque radios patientibus oculis haurientem ostentabat. Ex ore difflebant aureæ ad aures plurimorum, velut in concilio assidentium, catenæ. hoc solum Gallici habebat Herculis; ceterum pro clauâ liber, pro leoninâ pelle toga sacerdotalis erat tritior, & pauperiem affectans. Nec procul inopum vulgus & languentium agmen huc spectabat, velut ad ducem & auxilium. Erat qui à latere Cardinalitium pileum, & tiaram Pontificiam obtenderet; sed auersantis manu repulsam ferret. Epigraphæ subiectâ *Cum virtute quàm honore imperium malo.* Hypographicum hoc erat adiunctum.

*Herculeas olim Galli finxere catenas*

*Tempore LAYNII, hæc fabula, vera fuit.*

Tertiam columnam vir obtinebat, multa illustrissimi sanguinis argumenta habens, forma regia & magnus animus toto vultu emicabat. Is tamen velut subitâ tristitiâ ictus, ab Sandapilâ (quæ imperiale cadauer iuxta continebat) in auersam partem oculos mœrentes deflebat, ad quoddam Soterij istic propositum insigne; quod & manu dexterâ af-



secutus, velut incumbens sustinebat, sinistrâ Primorum  
Gandiæ arma gentilitia repudiabat. Inscriptio erat

CAVLA QVAM AVLA TVTIOR.

Poëta nonnemo muto huic schemati vocem dederat:

*Eloquar an sileam? Tunc hæc Isabella, decoris  
Effigies? formæ speculum? sidusq; iuventa?  
Heu mihi! quis prado pretium detraxit honori,  
Et frontis spoliauit opes? quæ vertit amoris  
Illecebras Circe, solemq; in nube recondit  
O Charitum Venerumq; rogos, formæq; sepulcrum!  
Tam subito in monstrum (quanta est audacia Mortis!)  
Vultus abit? flos ille iacet, squaletq; ligustrum?  
Purpura derubuit? quoties tibi veris ocelle,  
Gentis honor: quoties (frustra heu!) tibi viue precabar.  
Nunc tamen immiti fluis extenuate procella,  
Ludibrium deforme necis. nunc horror in unam  
Confluxit faciem, Niobes de Pallade facta es.*

*I nunc, & fluida momenta fugacia vitæ  
Enumera Franciscæ: cadit, cadit omne quod orbis  
Gyrat in orbe suo. Levis est quæ viuitur atas.  
Nil proprium quod fingat habet mentita venustas,  
Pulchra breui, neglecta diu: discrimina sortis  
Mors æquat, cinerésque Ducum confundit egenis:  
Nec sua Thersitem ac Paridem discriminat urna.  
Sors eadem, par frontis honos. Felicior ille  
Qui didicit iam dura pati, minuitque ferendo*

Hor-



Horrorem lethi, fregitque labore dolorem.  
 Nemp: docent aduersa mori. quem pluma thorusq;  
 Quem laeta fouère dapes, durum ille feretrum  
 Sentiet, & pingues transcribet vermibus escas.  
 Nolo, nolo tuos mendaci fronte fauores  
 Munde fugax. nimium didici, nil hoste fauente  
 Sauius. amplexus vinclum est; sunt oscula morsus.  
 Palpó venit, iugulumq; petit. Vix perderet unquam,  
 Ni sciret prodesse prius. Quid, amabo, decores,  
 Aut quid honos? aurum? gemma? diadema? iuuentus?  
 Gemma gelu est, diadema iugum, brevis aura iuuentus.  
 Fumus inanis honos: qui nunquam pulcrius ornat,  
 Quàm cum ornatus abest. Age, carbasia verte, periclo  
 Proxima, nec vento nimium te crede sereno.  
 Fors nubes sub sole latet, placidisq; sub auris  
 Naufragium tegitur. Prudens quam Nauta gubernat  
 Discit ab exemplo scopulis subducere nauem.  
 „Felix quem faciunt aliena pericula cautum!  
 Dixit, & alterius sapuit piscator ab ictu.  
 Prima Sodalitium IESV incunabula vitæ  
 Auspicijs Diuûm, & fama surgentis honore  
 Crescendo posuit. placuère recentia Martis  
 Castra, ubi concepta tentet praeludia pugna.  
 Hic ego plus tacitas factis, quàm voce probatas  
 Possere or laudes; nec enim Cicerone secundo  
 Hic opus est, ubi fatur opus: superauit agendo

*Scriptoris calamum, meruitq; columna videri  
Tanta domûs, quantam virtus Industria finxit,  
Indefessus amor recti, demissio simplex.*

Quarta ex ordine columna virum complectebatur sinistro adhuc pede tugurioli septis inhærentem, dexterâ cheloniten, quem velut viæ Ducem sectaretur prætendentem, Cum gnomâ. *Oculata Sapientis manus.*

Est hic Indicæ testudinis oculus ex proiecto animali, pretiosa gemma, quæ linguæ subiecta, futurarum rerum secreta aperire creditur. In hoc lapide ceu basi Soterij Regis nitabantur insignia. Habitus modestus paupertatis religionisq; studiosum haud obscure designabat. Adiecerat Poëtizans artifex Mercurij virgam serpente implexam, eiusdemque talaria, Cum addito Epigrammate:

*Dignum Atlantiaden Superis prudentia finxit:*

*Nunc præ Mercurio MERCYRIANE places.*

Sequebatur quinta, ac postrema cui opifex manum adhibuerat vltimam. Hanc homo obtinebat adolescens indolis iuxta ac nobilitatis raræ. Ducum Adriæ gentilitijs arma Soterij adiungebat, quæ iuxta adstabat, Parthenia Regis mater. Insertus columnæ ex opposito, velut speculum, Achates, qui natiuâ varietate gratissimus, hinc in pratis flores, inde flumina sylvarumque amoena referebat. Epigraphe hæc media lapidem primâ parte, alterâ iuuenem spectabat. *Hunc varius color, illum ornat virtus.*

Ad pedem imaginis de excisâ non nihil columnâ, fons aquæ



aquæ viuæ scaturiebat, hoc titulo insignis.

*Natus in Adriacis, Tiberinis notus in agris,  
Conditus hoc tumulo Fons AQUA-VIVA iacet.  
Vixit adhuc, sophiaq; fluentibus emicat undis,  
Hac nunquam potuit venâ Aqua-viua mori.*

Sexta denique columna præclari, sed nondum absoluti operis, quanquam à perfectione abesse perparum videretur; tamen cum prætensâ artifex cortinâ iam cœptam elegantiam texisset, quòd in oculos nisi suo coronatam fine incurere nollet; verecundior esse quàm audacior malui. Quocirca transiens hoc eam voto dignatus sum.

*Tu pulcrum in reliquis nomen mereare columnis,  
Et tua Romanis gloria crescat agris.  
Gloria, defensæ qualem fert MVRIVS Vrbis,  
Qui stetit ad positos viua columna focos.  
Nomina conueniunt, tamen hoc discrimine laudis,  
Ille columna Vrbis, tu magis Orbis eris.*

Etesius deinde rupem hanc marmoream nouis adhuc latissimisque Aulis excipiendis parem esse magnitudine asseruit; neque arcem hanc, vti industriæ, sic raritatis eximiae; paucis annorum periodis ad perfectionem absolui posse: nihil tamen operæ atque impensarum auctori deesse, quibus eam reddat ornatissimè elegantem.



## I V L I V S

DE ACADEMIIS, ET THEOLOGICA  
*sapientia luce illustribus viris tractat.*

**D**Enique aulâ ad campos propinquos excessimus. Sapientia hi olim consecrati erant, proindeque laurea sepe à reliquis separati. Hos agros obeuntibus, Hemerus cum Leone Iulio Mensi familiari, cissum trahente, occurrit; quod nos Calotherus, honorandæ sapientiæ, & æstus vitandi gratia, conscendere voluit. Sed mihi penè omnis ad hoc spectaculum excussus animus, tanta tamq; ignea oculorum vis huic animanti inerat, vt vidisse, ac visum esse, ad terrorem cuius etiam fortissimo, posset sufficere. Tum Calotherus; ne quid inani formidine trepidarem. Huiusce loci animantibus, vt, præter Leonem, Aquilis ac Paradisiacis id omnino esse proprium, quod acutissimâ oculorum acie, solarisque fulgoris patientissimâ polleant. His in arce Sapientiæ Academicâ Hetærianos delectari. Leonem illum feritatis suæ oblitum, humanitatemque omnem, arte magistra edoctum, etiam à lepore (vtri est in adagio) ductari posse, neque aureâ ad hanc rem catenâ opus esse. Nec mirum, inquit, videatur, tantam oculis inesse vim, ac perspicaciam: cum natura hos velut animi generosissimi speculum & indices constituerit, ijsque tacitè contra omnem aduersantium impetum instruxerit; vt, quod regium est, solo aspectu percel-

Sol  
mensis  
Iulio  
in Le-  
one.

ἡ λέων  
ἀκρίως  
ἀκρίως  
χρυσί-  
νους  
χρ.

percelleret, vnde & tenebras luminis fulgore penetrat: ne princeps hoc animal, aliquâ, quâ feles etiam gaudent, prærogatiuâ careret. Hoc tamen, soli Leoni tribuisse natura creditur, quod apertis oculis & nascatur, & dormiat; hac dignus suo in strato epigraphe:

*Ipsi iuncta est vigilantia somno.*

Idem oculus in capite, subiecit Etesius, & in anima est sapientia, vtroque rerum diuersarum secreta lustramus. Corporearum oculus, sapientia coelestium est speculatrix; tantoque hæc animæ lux ista præstat, quantum cœlum est terra nobilius. Nec orbi gemina astrorum lux, solis lunæque; nec vterque humanæ faciei oculus, tantum gratiæ pulchritudinisque affert quantum sapientia animæ, diuini exemplaris imagini. Sol, Luna oculique faces sunt, quæ non nisi creatum nobis, & corruptioni obnoxium diem prælucent; at sapientiæ lux diuinitatis nobis mysteria, & æternitatis adyta referat, mentemque immortalitate donatam, paribus seseque dignis occupat. Sol orbem, oculi corpus vniuersum dirigunt; ad sapientiæ lumen orbis ciuilis regitur, Resp. leges videt, mores dirigit, vitiorum cauet offendicula, & regiam virtutis viam capeffit.

Hunc animæ oculum aliquantò hebetiorem, affecti iam cecutientis inter noctuas mundi, nescio quo collyrio Ruthleus non nemo inunxerat: parumque iam aberat, vt, pro sanitate, cæcitatem irremediabilem faceret. cum opportunè Hæterius mundo oculorum aciem ad diuina obtusio-

R

resti-



restituit. Habuit is suæ familiæ homines, qui leoninis oculis in istis errorum tenebris, pericula orbi impendentia, nō viderunt modò, sed & animis viribusque discerunt, ad omnes aduersariorum insidias vigiles; vt ne dormisse quidem, nisi apertis oculis, existimari possint..

*Plin. Cic.* Augustum Cæsarem tantâ memorant oculorum luce sese intuentium perstrinxisse visum; vt is velut solaribus i-ctus radijs hebesceret. Tiberio etiam nox oculis peruia fuit. Strabo minimè Strabo centum & triginta quinque passuum millia, videndo superauit; cùm belli Punici tempore, ex Lilybæo Siciliæ promontorio, classem Carthagine soluentem obseruauerit. Quanta videndi perspicacitate Hætaris polleat, ad hereticorum insidias & fraudes, gentilium tenebras & errores, scientiarum denique secreta & abdita peruidenda, fugit neminem; cùm & istæ noctuæ, sapientiæ ipsius radios ægrè perferant, & hæ latebræ, ipsius acumine videndi facile prodantur.

Interea Orarchon, effedum perosus, vagâque libertate oberrans, in Astrologum inciderat, qui cùm ipsi peregrina admodum, & vulgò inaudita, de cœlorum distantia, astorum magnitudine, eorumque in humana potestate, ad stuporem, velut ex Iouis diphtherâ, recitasset; ille admirandi impar, Logastrum hunc nobis sapientiæ monti propioribus adducit, ad tam nouæ scientiæ secretum arbitros nos, sociosque postulans. Quæsiuimus hominem, quam de astris ipse scientiam profiteretur, ac probaret maximè? & nunquid



quid in tanta distantia exploratum, in tam insanis multorum erroribus ipse certum possideat? Ac quidem stomachum sibi moueri, Etesius, dictitabat, quoties occurrerent tam audacia nonnullorum de astris pronuntiata, & illorum temeritas, qui tam pulchris mundi luminibus, tot mendaciorum nebulas affunderent. Astrologus interea, velut in se receptus, tacitis quibusdam Diuinitatis stimulis agi coepit, ac denique oculis coelo affixis, ista fatidico quodam ritu effundere.

*Cedite mortales flamma, cœliq<sup>3</sup> caduca  
Sidera, quæ tristes luci confunditis umbras,  
Æstatemq<sup>3</sup> gelu, tempestatesq<sup>3</sup> sereno,  
Errorum immensum pelagus: sunt altera cœlo  
Sidera, quæ facibus lucent melioribus orbi,  
Illustrantq<sup>3</sup> animum, pulchrumque merentur amorem.  
Nunquam ubi labenti moriturus lumine fessos  
Sol inclinatur equos: ubi lux sine nocte serena est:  
Centuplicesque faces innubi lampade<sup>b</sup> Phœbe  
Per diem pernóxque affundit: tot<sup>c</sup> Sidera fulgent,  
Quot capiunt animæ diuino à lumine flammam.  
Non huc sollicitæ subeunt examina cura  
Saturni soboles, nec tristi pallidus astro  
Mœror adest, luctusque atro velatus amictu:  
Nec plangunt Hyades, nec frigida stringitur Arctos.  
Hic Veneris fax nulla placet, nec stella Gradiui  
Bellorum fecunda parens. Nil triste minatur*

Christus,

Maria,

Sancti,

*Regnorum terror metuendo crine Cometes.*

*Gaudia, pacis amor, castæque induita voluptas,*

*Immortale decus mentis, Sapientia noctis*

*Inscia, perpetuis fulgent speciosius astris.*

Nemo erat qui aut se, aut huius Astrologi mentem satis caperet, ita cum astris oberrantem. Excentricus orbem extra, atque artem suam ire videbatur. Tamen ubi argutiùs rem æstimaui, errare illum de industria credidi, nequid erraret. cumque, ut erat sagax, nostra facilè cogitata assequeretur, Hanc, inquit, Astrologiam nouam, sublimioremque, quam ut vulgaris animi penetretur acumine, ab Hetærio accipimus. Alia nos, quam siderum in cœlo humanis oculis affulgentium, oracula pro veritate consulimus, alias solis metas, cœlique & astrorum mensuras, nomina atque effecta alia, quam quæ vna antiquitas, & erronea nouitas approbat,prehendimus. Vno principio hæc nostra sapientia nititur;

Ἦν ὁτι σκαυτὸν καὶ θεόν

Nam

—— *Seipsum nouisse Deumq;*

*Hoc sapientis erit. nimium delirat in orbe*

*Quem Dominus latet orbis Homo, quem Conditor orbis.*

Adlaborauit Etesius ne Philosophi à suo aberrarent nomine, Mathematici à recta orbis cœlique dimensione: ne quid illi extra sapientiam; hi extra lineam. Logicorum argutias, Physicorum secreta, Astrologorum dioptras, Arithmeti-  
corum numeros ad illum quem dixi scopum

Ἦν ὁτι σκαυτὸν καὶ θεόν.

scitè



scitè direxit. hoc disciplinarum vulgus, Theologiæ Regi-  
næ, aut legum diuinarum humanarumque cognitioni fa-  
mulari, perpetuoque mancupio obnoxium fecit Hetærius:  
quod si absque hoc administerio & ordine consideres, inu-  
tile ac parum homine dignum existimabis. En, inquit, in  
hac quam manibus teneo charta, plurima vides sparsim li-  
neamenta: nulla omnium gratia est, nulla species; at verò si  
flexâ leniter chartâ, per rimulam hanc oculos in obliqua-  
tam schedulam admiseris, elegantem in ea Soterij imagi-  
nem admirabere. Vnde ista nisi ab ordine confusarum an-  
tea linearum elegantia est? Si has disciplinarum species  
hinc atque inde in animis sparsim ductas obserues, quàm  
nullus sapientiæ delineatæ erit decor? vbi verò illum, quem  
diximus, ordinem adieceris, venustatem atque elegantiam  
confusissimis alioquin scientijs conciliabis. Taceant igitur,  
qui Hetærianis Academias concedendas negant: aut enim  
ista non vident, aut solum inuident.

Theologia verò scientiarum omnium Domina quan-  
tum admirationis atque amoris sibi per Hetærium compa-  
rauit? excipio pulcherrimum illud diuinæ huius sapientiæ  
iubar Aquinatem Diuum, quis post hunc plus lucis & glo-  
riæ in Theologiam, quam Hetærius intulit? quam aperta  
nunc multis & compendiaria ad illam via patet? quæ me-  
thodus, quamque abs illo præclara, tam vastum mare ena-  
uigandi, instituta ratio? pluribus certè aut desperatione,  
aut tædio vincendis animos fecit, hæc Hetærij industria.



Quot ille nobiles toto orbe Academiæ, quanto Reip. Christianæ emolumento moderatur? quot, vt viuos Doctores taceam, mutos ille tot libris conscriptis Magistros, tanquã immortalem Xerxis legionem toto orbe ad ignorantiam expugnandam sparsit? Enimuerò non fugit perspicacem animum quanti hominum interfit, ea nosse, quæ ad salutem ac felicitatem veluti manu ducunt.

Dum ista sedulâ oratione persequitur, flexâ non nihil inter deambulandum viâ, solare Horologium in media horti planitie adornatum offendimus: exquisitæ erat artis opus, in orbem diducta areola Caryophylli, Rododaphnes & Amaranthi flores, æstiuas complectebatur delitias. Rosæ liliaque extremam areolæ oram, pulcherrimâ sepe vallabant, ab ipso loci centro excurrerant duodecim florum ordines rectâ lineâ, in extremum puluilli desinentes; singuli ad latitudinem columnæ, quæ ex corde areolæ assurgebat commensi: huius columellæ scaphus vmbris diem horasque aptè partiebatur. Epistyliû verò ramusculis, coloribus appositè affictis, folijsque ex arte virentibus cedrum mentiebatur, eius altitudinis quæ abiectâ longè vmbrâ temporis discrimina minimè interturbaret; in hac totidem rami, quot horæ diei, totidemque in omnibus ex ære formata auium vocalium diuersa genera; quæ ad vocalis Horologii (quod sub cortice compositæ huius arboris latitabat) sonum, simul omnes in suauissimum cōcentum soluebantur, arte hydraulicâ per secretas ramorum fistulas aquis allaben-

bentibus excitatę, quos etiam latices hæ modulatrices subiectis campis ad satietatem propinabant, illudque nobis mirantibus accinere putabantur:

*Hæc possumus arte magistra.*

Ceterum ex illa horti Tiburtini sylua, quam olim Hippolytus Atestinus instruxerat, hæc arbor videri potuit: quæ applaudentium auicularum complures imagines pari artificio vocales habuit.

Pighi-  
us in  
Here.  
Prod.

Æstuabat inter hoc spectaculum subito quodam gaudio Etesius senex, nec moræ secretiq̃ue patiens, Diui, inquit, miramur hanc humani ingenij fabricam temporis atque horarum arbitram: & hominem sapientem, admirabile quoddam lucis diuinæ horologium, fugientis æterniq̃ue temporis, rerum denique faciendarum præstantissimum arbitrum quando attendimus, aut æstimamus satis? ô cæca mortalitas! Dixerat cum promptum adhuc sermonem interpellauit animi inundantis affectio. Hæcærius ore iam exciderat; cetera consumpsit mœror nescio, an gaudium.

Astrologus tam prægnantem senis affectum aliarum rerum cogitatione exoneraturus, nouam historiam orsus est, natâ tamen occasione. Erat in colle Sapientiæ arx, in arcis frontispicio eminentior aliquanto murus, qui latitudine aliquâ eductus aquilæ nidum sustentabat. Hoc tunc forte nido parens à pullo, quem alebat vnicum, victus apportandi gratiâ discedebat; cum flexo ad aquilam sermone, Astrologus: *Bonum*, exclamat, *omen ac felix augurium! aquila su-*  
*peruo-*



*Suer. in vi- ta Au- gusti.* *peruolat.* Romulo hæc olim, Alexandro, & Augusto impe-  
 rium portendit; vobis hunc Annum aliquâ etiam felicitate  
 insignem sperare licebit. Quanquam illa infauti ominis vi-  
 deri res potuit, quam cum stupore, hac nuper in aue obser-  
 uauit. Geminos iam ad eam maturitatem educauerat, vt  
 plumis subnascentibus genus suum proderent: cum, accen-  
 so iam caloribus die, soleque medium æthera velut thro-  
 num insidente, sublatos aquila pullos Phœbo, vt parenti, ac  
 Domino, primis obsequijs venerando, defert. Sed vbi ho-  
 rum alter obtortis sæpius cum ceruice oculis vibrantes so-  
 lis radios, vt gladii ictus, impatientissimè exciperet: deni-  
 que à seuerâ matre ceu spurius in subiectam petram præ-  
 ceptis eliminatur. Ita vnicum nunc educat, sed sibi similem,  
 & cœli contemplatorem.

*gaid. in La- go.* Mitior, ait Mnemon, in Ptolomæum soterem, & Aristo-  
 menem hæc auis visa est: cum expositum illum, & ab  
 hominibus proiectum, coturnicum sanguine, vt lacte, pa-  
 uit; alisque expansis pro tecto contra feras ipsi fuit; hunc  
 in foueam altissimam præcipitem, expansis subter alis fra-  
 ctoque cadentis impetu, excepit, innoxiumque humi de-  
 posuit. Neque adynaton id videri debet, cum triplici natu-  
 ræ beneficio, visu, celeritate, ac robore hæc auis ceteris  
*Pau. fan. l. 4.* longè præstet, non indigna imperio. Soterio, inquit Etesius,  
 nihil inter bruta animantia similius; videmurque in illo ob-  
 seruasse paria ætate proximâ: cum exploratos ad Diuinæ  
 Sapientiæ solem Ruthleum, ac deinde & Lucianum, impa-  
 tien-



rientes istius lucis vt adulterinam sobolem ipse Ecclesiâ e-  
 liminauit: Hetærium porrò veri luminis patiētissimum di-  
 gnamq; se progeniem tantò fouit amantiùs, quantò ceteros  
 indignantiùs reiecerat. Nec mirū, cum illis mentis oculi vi-  
 tioso humore, iniquis nimirum peruersisq; nō opinionibus  
 modò, sed & affectionibus exundarēt: alios libido, superbia  
 & ambitio alios; multos stoliditas, & insana quædam liber-  
 tatis persuasio, plerosq; (ne vno laborarent oculorum vitio)  
 ea omnia excæcarunt. vnde factū, vt ipsum sapientiæ solem  
 DEVM, eiusq; gratiæ lucē in Ecclesia Sacramentisq; nequa-  
 quam, aut ferre, aut intueri possent. Quam impotentis ve-  
 sania Theologiam exercent! quæ & homini peccandi ne-  
 cessitatem, & DEVM tam ferreæ legis, atque innocentum  
 vindictæ, id est, tyrannidis autorem facit: quæ nullam mor-  
 talibus virtutem sine labe, nullum sine scelere opus conce-  
 dit: quæ nonnullis malorum pœnam, alijs rectè factorum  
 præmia denegat: quæ (vt multa paucis asseram) omnem à  
 Christo nato hucusque antiquitatem ex sapientiæ incor-  
 ruptæ possessione deturbare, seque per vim omnem iniuri-  
 amque ingerere ambitiosè, sed frustra, nititur. Quam per-  
 turbata ad concionem, & pro DEO ac fide differendi ratio!  
 nihil inter eos concordia, nisi in discordia. quot capita tot  
 sententiæ. quot oculi, tot morbi. Virum dicam, & Theseo  
 felicio rem, qui ex isto opinantium labyrintho, & acheron-  
 tæis tenebris, ad exitum ac lucem peruadat: plusquam A-  
 riadnâ aut Hercule erit opus. Illum verò sapientiæ despon-  
 S debo,

debo, qui ex illa Doctorum librorumque farragine, duos aliquos primipilares, in eadem planè fidei capita cōspirantes inuenerit: verbo iam vix ipsi suam ignorantiam nesciunt. Et tamen mimi isti proborum improbi, seculum sibi nuper condere, & aliquem inter sidera locum affectare sunt ausi. quasi verò inter Deas vna Nemesis non sufficiat. Sed parem eis cum Ephesini templi incineratore gloriam non inuideo. Seculum & paulò amplius est quo incendiarij, isti in fidem, in pacem, in totam Europæ salutem, tot urbium faces iniecere, quot emerfere incendia. Sed ipsi modi flammis à se excitatis inuoluuntur, hocque epitaphio sepe-  
*Fulminis inuentor perijt Salmonens igne.*

Quod verò indignationem extremam mereatur: Heterij toties ad sanio-rem theoriam praxinque sapientiæ pro-uocantis consilia, & nil nisi pro publica pace saluteque consulentis fidelia monita non aspernantur modo; sed in vltimæ malitiæ sensum detorquêt. Et tamen si ipsius Thelogiam in examen aduocent, ipsius dicta, scripta, factaque omnia ad illos sapientiæ cœlestis radios, qui ex Sacris Literis affunduntur explorent orbis totius ac scientiarum consultissimi; virum viro, antagonistarum libros huius monumentis opponant, rationes ac rerum monumenta incorrupti iudices ponderent: comperient se noctem diei, veritati fucum comparasse. Quis enim non videat, quod si omnium acatholicorum consilia ac conatus toto orbe cœant, ne umbram quidem ad eam lucem quam Bellarmini, Serarij, Suarij,



Suarij, & alij sexcenti Theologiæ intulere, allaturos: cum horum alij id officij atque laboris publicæ vtilitati sumpserint; vt quæ in hac sapientiæ palæstra ad sanæ fidei virtutis-que persuasione essent obscuriora, ac sibi iam satis perspecta, alijs illustrarent. nonnulli legum sacrarum interpretes, iuris potissimum diuini capita, moribus excolendis, & æquitati promouendæ explicent. alij denique rerum cœlestium, atque ab oculis remotiorum arcana pandant, & piæ contemplationis, amorisque diuini fomentis animos alant. Quam verò illud egregiè ad rerum diuinarum in primis sapientiam orbi communicandam præstiterint, mortui licet ac muti Doctores præclarissimis Scriptorum monumentis testantur. Quid enim in Sacrarum Literarum sensu explanando, aut Salmerone eloquentius? aut Maldonato neruotius? aut à Lapide enucleatius? Quid in controuersijs Scripturæ conciliandis, Bellarmino sincerius? Gregorio de Valétia explicatius? Becano facilius? Quid in historia Sacra ad fidem atque veritatem exploranda Serario eruditius? Pererio rectius? Saliano planius ac plenius? Quid in Canonum iurisque diuini intelligentia, aut Molina perspicatius? aut Sanchez absolutius? aut Azorio expeditius? Quid in speculatrice Theologorum sapientia Suario foecundius ac euidentius? Vasquio subtilius? Tannero distinctius? Quid in Christianæ perfectionis schola, ac commentatione Cœlestium Aluario diuinius? de Ponte sublimius? Rodericio sanctius? Sed frustra ex integro exercitu illustrium

Doctorem, paucula tantum censeo capita. Vrbes nostra Europa plures habet, ex quibus singulis totidem exploratæ doctrinæ viros facilè produxerim. Colonia vestra suo in gremio natos educatosque, Ioannem Rhetium, Henricum Blissemium, Petrum Michaellem, aliosque sapientiæ non minus quàm virtutis testimonio, scriptorumque monumentis clarissimos, huic familiæ transcripsit. Nolo Canisij, Costeri, ac ceterorum laude istic celeberrimâ cognitorum meminisse. Illud vniuersim pronuntio; omnium Hetærianorum vnum hunc laborem esse, rerum cœlestium cognitione rudes animos imbuere; quem quidem adeò pertinaciter sectantur; vt ne post mortem ab hoc officio abeant, scriptos, velut muneris huius implendi executores, libros instituant.

Immensum sit, si persequar, quantâ orbis necessitate hic labor postulatus; quantâ fuerit vtilitate approbatus; quantâ denique studij illius præstantiâ, quod vnum in omnibus ad immortalitatē erudit, & iam nunc prælibat diuinam illam beatarum mentium scientiâ. Suæ certè felicitati orbis stolidissimè indignatur, si illum Heterij laborem improbet aut repudiet. Applaudat modò, & per multa obstacula procurrenti iam solido æuo industriæ lubens velificetur. Pandat Academias & ipsius sudoris, & suæ salutis campos; non in illis plausum, non euanidi honoris vmbra, aut dignitatum titulos (expertorum fidem testor) ambitiosè sectatur; alienis emolumentis se, studia, vitam impendit; totus esse benefici-

cium



cium desiderat. Hanc generosæ aquilæ indolem interpretatur, deserto nonnemi Ptolomæo, aut labanti Aristomeni, opem salutemque ferre, cespitantibus nimirum, atque errore præcipitibus sapientiæ adminicula subijcere, & vel auertere, vel interrompere casum.

Insigni hæc vocis animique contentione effundebat magis senex quam loquebatur. cum ad alteram arcis partem digressi, istic obseruamus leonem (de quo ante memini) iam solutum iugo, & non longè à vestibulo, cum catellis pauculis ludentem, qui & suam ab edomita parente mansuetudinem traxerant. Cum ad me Calotherus. Hic Regem quadrupedum, istic Reginam auium obseruasti. mirandum quanta vtriusque Societas, & inuiolatæ amicitiae foedus. ad huius arcis defensionem conspirantibus oculis animisque euigilant, & velut pro sede propria fortissimè dimicant. Ex nobilissimis Europæ partibus generosorum animalium altricibus, & hunc Regem, & illam Reginam submissos accepimus. aquilam Austria, Bauaria leonem peperit. In arcis deinde aditu triumphalem reperimus arcum, in quo Titulus:

*Nos ornant Aquilæ placidiq; Leones.*

Adiecta hæc Ode erat.

*Huc arbitrator Phœbe potentium,*

*Et lumen orbis. Qui nebulas super,*

*Ac noctis ignorantis umbras,*

*Facta vehis, celebremq; famam*

*Obliviosis nubibus eximis.*

Adsis, sed isto quo medium athera  
Auro coronatus serenas,  
Non humili redimitus ostro,  
Agnoscis istud munificentia  
Splendens theatrum, Nobilis Austria  
Boiæq; Primorum fauorem,  
Et stabilis monumenta saxi,  
Quæ fixa Diuæ stant Sapientia?  
Palestra sacramentis, & Ingeni;  
Virtutis arx; morumq; castrum;  
Magna Aquila domus, ac Leonum.  
Quam nec minaci terreat impetu  
Offensus Auster: nec variantibus  
Exercitatum aquor procellis;  
Nec rutila Iouis inquilina  
Trisulcus ignis: nec, quod edacibus  
Insistit horis, & rapit omnium  
Floremq; gratiamq; rerum,  
Ingenium pereuntis orbis.  
Quodcunque saxis tempora detrahant,  
Laus hæc manebit. nil sibi liuidum  
Hinc carpit auum. fama pernox  
Perdiâque interitura vincet.  
O stirps renatis aurea seculis  
Æternitatem vince, perennibus  
Virtutis artiumque templis



*Et Sophia redeuntis aris.*

*Vince & priorum nomina Caesarum*

*Caliginosis squalida noctibus,*

*(Quos una totostumba vexit,*

*Et cineres titulosque iunxit)*

*Laudi superstes. Fallimur? an sacris*

*Musis senectam detrahis: & fidem*

*Scientiarum laude fulcis*

*Omne retro memoranda tempus?*

*An non laborant pulpita, quæ suum*

*Obdormierunt tarda per otium?*

*An non reuixerunt iacentes*

*Ad studium pietatis anni?*

*O stirps renatis aurea seculis*

*Mundi imperatrix digna! fauentibus*

*Accresce Diuis, & Nepotum*

*Laude pari memoretur ordo.*

Hoc carmine Hetærius Austriacæ Bauaricæque familiæ beneuolentiam nuper veneratus dicebatur, cum Academicis lectionibus initium fecerat, quod hîc ad memoriã sempiternam erat exaratum. Neque aliquo mihi opus ad hanc rem interprete. Intelligebam facilè quid esset beneficium gratis ac beneuolentibus impendisse. quo deinde loco habendus Hetærius quem ista orbis ornarent decora, atque in arce sapientiæ tanto opis fauorisque sui impendio collocarent.

Pruric-

Pruriebat interim mihi animus cupiditate videndi aliquot sapientiæ ab Hetærio præfectos. Cui desiderio fauens Astrologus. Tales, inquit, in eis complures sunt tantæ lucis viri; vt in ipsis cimmerijs tenebris illos me tibi ostensurum confidam, adeò quidem, vt in loco, vbi nil videas, ne solem quidem aut diem ipsum, eosdem tamen visurus sis. Risum peperit omnibus tam inexpectatum ac ridiculum promissum. Cùm ille sequi iussos in porticum latissimam (qualis illa Domitiani Cæsaris apud Suetonium videri potest) primus induxit. tota erat picturis expleta, ita sine ordine sparsis confusisque; vt vix cuiusquam coniectura ad imaginis vnus compositionem sufficeret, relictâ hinc inde hominum membra, velut ex pugna imaginum inter se funestissima: hîc biretum, alibi liber & calamus; rosarium illic, cilicinæ vestes ac flagella, quæque seruire armorum genera, in noua hac pugna videri poterant. vt aliud deniq; nihil, quàm religionem excisam adumbrari crederem. Hâc viâ in turrim, quæ iuxta erat, nos præiuit; tam densâ caligine obfessam, vt foribus adductis, ipsa hic nox captiua videri posset, nisi tenuibus dies radijs, aliquâ sese rimulâ insinuasset.

Dum vna in hoc carcere præter nostram cæcitatem nil contemplamur; Astrologus, nescio quid, cum Calothero & famulorum nonnullis commentatus, ad nos redit: manuque contra radios in cæcum carcerem adlabentes demissâ, purissimam in ea chartam habere est visus. me deinde obseruare iubet, numquid in ea pictum? cumque nil præter nudam



nudam me tabellam animaduvertere dicerem, leui inflexionis momento, nescio quæ vmbrarum cohors tabulam insillire, & in ipsis obambulare capitibus visa est. tum & cœlum, hortumq; antea spectatum obiecit; sed præpostera omnia, vt iã tellus circa nos volui, pendere viderentur arbores, cœlo pedibus insistere crederemur. Ad quod mihi spectaculū primo horror, tandem & de hominis integritate nata suspicio est, contraque fascinum, & Necromanticorum ludibria Christianæ fidei armis munire pectus cœpi, illudque etiam formidare, ne & ego membris vitæque truncatus, amplissimam illam augerem porticum, victoriæ lugubris exemplū. quin & apertè profiteri huiusmodi me ludificationum, atq; artificiorū, cum salutis discrimine, minimè esse appetentē. Ne te, inquit, mi adolescens, vmbrę hęc percellant: ex Acheronte nō sunt; sed à natura, & sapientię arcanis in hanc charitam cōuocatæ. Ne verò euerfione sua tibi formidinē creēt, faxo ocyus: iniectoq; foramini altero orbe vitreo, omnia in ordinē restituit, quo deinde vitro leniter sus-deq; flexo, varijs tabellam vnicā emblematis, quouis Apelle scitius delineabat. tum momento colores lineamentaq; abstergebat omnia, pari facilitate aut eadē, aut diuersa repositurus. denique ita artificiosam picturā moderabatur, vt in eam obliquè inciderēt, quæ totā antea porticu sparsa mirabamur imaginū fragmenta, & pulcherrimo ordine suis quæq; aptata locis, repræsentaret. Multorū visebantur Heroum icones natius coloribus post fata in spirantem aliquam vitā penicillo

T

reuo-

reuocatæ. Tenuior plerorumque facies, rugisque ac macie,  
denique & senio exsucca; virilistamen, & insigni quodam  
animi excelsi vigore animata. Primus velut pro concione  
adstans ingenti mortalium affluxu, in mari aliquo æstuanti  
positus videbatur. Hæc ipsi apposita inscriptio.

LEGE, ADMIRARE

ALPHONSVM SALMERONEM,

SALOMONEM PROPTEMODVM DIXERAM,

CVIVS SAPIENTIAM,

TRIDENTVM CELEBERRIMO ORBIS CONCILIO,  
HIBERNIA, VENETIÆ, NEAPOLIS, ROMA, GALLIA,

OBSTVPERVNT,

CVM HÆRESIS STVPIDITATEM CARPERET,  
ECCLESIE ROMANÆ AVCTORITATEM DEFENDERET.

AMARVNT,

CVM VITIORVM PERSVADERET ODIVM,  
VIRTVTVM AMOREM INGENERARET OMNIBVS.

BELLATOR EVIT,

QVILINGVA PRO GLADIO VSVS,  
ELOQVIO PVPVGIT, VERITATE SVPERAVIT,  
AMORE CEPIT, POENITVDINE STRENXIT,  
DETRIVMPHAVIT QVAMPLVRIMOS,  
VICTORES, CVM VICTI CADERENT.

HIS NEGOTIIS

SCRIBENDI FERTILE ADMISCVIT OTIVM,  
PLVS LECTVRVS QVAM QVISQVAM SCRIBERET,  
PLVS SCRIPTVRVS QVAM QVISQVAM LEGERET.

VIVE-



## VIVERE DESIIT

POSTQVAM PRO LIBERIS MORTALIBVS  
IMMORTALES GENVISSET  
LIBROS.

Sequebatur alius ætate atque auctoritate Senex spectabilis, Cardinalitiâ insignis purpurâ, quam dum spretim contueretur, plus ipse ferè pudore quàm habitus murice erubuerat. Hoc erat donatus elogio:

## ROBERTVS BELLARMINVS

DOCTRINA ILLVSTRIS, PIETATE ILLVSTRIOR.  
HÆRETICORVM MALLEVS, SCVTVM ECCLESIAE,  
HONORE MAGNVS, SVBMISSIONE MAXIMVS.

## AD QVEM PURPVRA

NON COACTA VENIT, SED COACTVS IPSE EST.  
HANC CVM SVA TINGERET VERECVNDIA,  
ILLVSTRARET SAPIENTIA, DEMISSIONE EXTOLLERET,  
OMNIBVS REDDERET ORNATIOREM VIRTVTIBVS,  
OMNIBVS CELEBRIOREM FACERET LITERIS;  
TUNC CARDINALITIA PROMOVERI PURPVRA  
ET DIGNITATEM ACCIPERE, NON DARE EST CREDITA.

## ADMIRABILIOR IS QVOQVE

CVM ANNIS AB AVLA PONTIFICIA VLTIMIS  
AD RELIGIOSORVM REDIRET ANGVSTIAS;  
QVAM CVM AB HIS OLIM AD AVLAM PONTIFICIAM,

## MORI GLORIOSIVS,

QVAM ITA INGLORIE NON POTVIT.

Tertius macie ætateq; confectus vir, demissis oculis passq; brachijs medio pendeat aëre, inter scriptorium hinc,

inde oratorium pluteum. Exaratus hic erat iuxta titulus:

IN VNO

FRANCISCO SVARIO

HISPANIA GEMINVM PEPERIT MIRACVLVM

SCIENTIAM ET DEMISSIONEM MAXIMAM.

CVM ESSET HIC ADMIRATIONI OMNIBVS,

SOLI SIBI DESPECTVI FVIT.

SAPIENTIAM DIVINAM

TOMIS, AN STELLIS DICAM? VIGINTI ET QVATVOR

ILLVSTRIOREM MVNDO TOTI REDDIDIT:

TANTILLI APVD SE PRETIIS SCRIPTIS; VT PRO OMNIBVS

VNIVS SIBI ORATIONEM HORÆ NOLLET ERIP.

ITA PORRO SCRIPSIT

VT VNA INDECISA MANEAT CONTROVERSIA,

PLVRANE FFCERIT SCRIBENDA POSTERIS

AN IPSE FACIENDA OMNIBVS SCRIPSERIT?

FLAGELLO AN CALAMO VSVS SIT CREBRIVS?

ATRAMENTO CHARTA, AN VVLTVS LACRYMIS

MADVERIT, AC NOATVS SIT MAGIS.

DENIQUE ITA MORTVVS EST

VT VIVERE NON DESIERIT,

SED INCEPERIT.

Ingens supererat heroum illustrium ordo, verebaturque Astrologus ne fastidium crearet spectandorum multitudi-  
ne. Quare manum operi amoturum reuocabam, obtestans  
aliquem vti notum popularibus, (quos complures intèresse  
huic scenæ memorabat) exhiberet: cum dioptrico speculo  
aliquantum flexo nonneminem maturæ ætatis virum o-  
stendit, qui de corporis vigore nil nisi annos amisisse vide-  
batur: cui deinde ad legendum liber, ad scribendum cala-  
mus,



mus, ad peregrinandum appositus erat baculus; denique hæc adiecta epigraphe.

FRANCISCVS COSTERVVS  
COLONIAM VBIORVM

MAGNO AGMINE LITERAS AC MORES PROBOS  
DEDVXIT, CASTRA MVSARVM ET THEMIDOS.

RHENI PROVINCIAS

PAR IPSE SVIS REXIT SVBDITIS;  
NEMINI IMPERANS PRIVSQVAM SIBI,  
NEMINI DVRVS PRÆTERQVAM SIBI.

RELIGIONEM ILLE

PLVS ANNIS SEXAGINTA EXCOLVIT, ILLVM RELIGIO:  
NVLLA VNQVAM ADMISSA QVIETE FORIS,  
INTVS SVSCEPTA INQVIETVDINE.

GEMINO BENEFICIO, CARNEM SINE STIMVLO.

CASTITATEM HABVIT SINE VVLNERE:

DOCTOR AC SCRIPTOR

QVOT VERBIS DOCVIT, SCRIPSIT CALAMIS,  
TOT TELIS CONFODIT REFRACTARIAM HÆRESIN,  
TOT IACENTEM PIETATEM EXCITAVIT STIMVLIS.

MORBVM AC MORTEM

MALA ESSE NEGAVIT CVM PERTVLIT;  
NVNQVAM, QVAM IN LETHO LÆTIOR.

Ita hæc spectacula conclusimus, omnibus tum ad rerum exhibitarum dignitatē tum nouitatem, amore atq; admiratione plenissimis. Sed vix extulimus pedē carcere, cum aliud prorsus inexpectatū nos occupauit; siquidē rarissima atque elegantissima medio cēlo auis euntium pedibus allabitur. Paradisiacam vocant, quodeam Moluccēs ob insignem volucris formam atque inter homines, aliasq; aërias aues infrequentia ex Paradiso aduenisse persuasum habeāt.

Hæc vbi desijisset viuere, terram pro sepulchro petijt, nostrosque, calida adhuc & reliquias vitę fugientis trahens, ante pedes concidit. Venuſtatis inter aues principatum iure obtinet. Corporis exigua mole & capitis forma (niſi quod longioris & obcurui ſit roſtri) Hirundini erat propior, à pectore per reliquũ corpus leuium plumarum emergebat ſylua, tanto ambitu ac prolixitate, vt aquilarum alis parum concederet. plumę ipſi in capitis vertebra ac cęruice proruſus aureę, atque ad radiorum ſolarium æmulationem coruſcę: pectus ac dorſi pars magna fuluis hemicyclis vndulata, cetera pauonibus colore non abſimilis, niſi quod illorum gratiam eximia diſparitate vinceret.

Aldr.  
lib. 2.  
Nier.  
li. 10.

Inaudita nobis erant quę de hac Mnemon adferebat. Vt medio in aëre pennarum remigio librata infatigabilis perſiſteret, rore ac fortè muſcarum aduolantium præda paſceretur, mas in eis dorſum pariturę foemellę libero in æthere ſubſterneret, parturientemque ac dein cum parente prolem, alis circum pro muro erectis, contra omnem ventorum defenderet iniuriam, pater ipſe ac ſolum natale pul-  
lis naſcentibus. Dum hæc auſcultamus, Astrologuſtubo uſus optico, alias eiꝯ generis aues, ex quarum conſortio hæc moriens defecerat, altiſſimo cœli loco obſeruauit, noſque ad tantam nouitatem acciuit arbitros. Vbi mira animorum voluptate iam ante dictorum fidem oculis teſtibus confirmatam accepimus, aduertimusque caput ſoli obtendiſſe ſingulas, tanquam ab illo pabulum vitęque ſuę ali-  
menta



menta emendicaret. Etesius huius etiam contemplationis studio in furorem quendam poëticum exarsit, licet rigidioribus iam venis ægrè sanguis tanto in senio incalesceret.

*Sublimes anima Sapientum, nobilis aula  
Cælorum indigena, qui fastiditis inertem  
Terrarum sedem, & medijs habitatis in astris  
Pulchræ Apodes (hoc vos nomen meruisse fatemur)  
Dicite, quis mediâ volucrem librauit in æthrâ  
Atque oneri detraxit onus? Quis pondera sursum  
Inclinat, magnâq; animam sub mole latentem  
Corporis, insinuat cælis, secretaq; Diuinum  
Explorare facit? Passis suspenditur alis  
Hæc cœlestis Apus; vos mentibus: utraque vires  
Hic superat natura suas. Quis purpurâ & auro  
Vestijt illustres volucrum, tantumq; decoris  
In paruas cumulauit aues? hic caltha colorem  
Lutea, puniceum viola, niueumq; ligustra,  
Purpureumque rosa, proprio discrimine pictum  
Qua; suum videt ipsa decus. vernantior Iris  
Nulla fuit; similisue tulit Iunonia pennas.  
O pulchræ Sapientis opes rarumque colorem  
Doctorum! quam multa anima se gratia vestra  
Diuinis offert oculis! Sapientia nullo  
Pingitur ingenio, nullusq; hanc Zeuxis adumbrat  
Tantum habet illa decus, tantumq; decoris honorem.*

*Dicite,*

*Dicite, pendentem vacua quis pascit in aura  
 Telluris fugientem apodem? Num fortè, propinqua  
 Sideribus, Superum mensis analecta remotis  
 Colligit, ambrosiâque polo rorante cadentem,  
 Deciduamq; et hrâ cererem, gens reproba, quondam  
 Manna tuum? Quæcunq; fouent alimenta famentem  
 Cælo debet auis, debet nutricibus astris.  
 Vos conuiuæ apodum Sapientes, vosq; Deorum  
 Pincernæ; qui diuinis mysteria cellis  
 Promitis, hæc tantæ nostis secreta volucris:  
 Vos quo fonte bibat nectâr, quæ fercula libet  
 Dicite; quæq; animis alimonia præbita vestrâ  
 Cùm spreta tellure polos lustratis apertos.*

## A V G V S T V S

### MARTYRVM ILLVSTRIVM ardorem continet.

**M**IRVM quàm ista rerum nouitate pascebâmur, om-  
 niq; luce illæ nobis tenebræ clariores fuerant, ad  
 earum rerum quam sectabamur notitiam. Quin  
 adhuc multorum reliquæ erant illo Mathematico artificio  
 illustrandæ exponendæq; imagines, multa etiam totâ ar-  
 ce memoriâ ac cognitione dignissima; sed Calotherus mo-  
 nuit temporis simul atq; earum, quæ superessent rerum, ra-  
 tionem ineundam: vereri se, ne nocte denique præcipitante  
iam



iam die, occupati, pulcherrima in vmbriis perderemus spectacula. Quocirca ex Arce præeunti obsecuti ad puteum, aquis limpidissimis scaturientem deuenimus, qui muro inclusus, fornice gemina columna nixo, tegebatur. Exteriori fornicis vmbilico insistebat Astræa, Themidos Iouisque filia, haud ignobilis specie atque habitu Virgo, ætatis adultæ custos & assertæ Diuorum fidei præses ac muneratrix. In media fontis aqua res visu iucundissima nouitate atque admiratione nos istic defigebat: hinc Leonis, inde hominis apparebat occisi imago. Ora vtriusque aperta apes frequenti agmine, tanquam aluearia mellisque domicilia, subibant.

Memineram Leonis Sampsonici, & Onesili Regis Cyprii, cuius, ab Amathusiis iniuria interfecti, caput examen apum fauo expleuerat: vt iccirco in fonte non fabulas me, sed receptam antiquitatem legere crederem: dubitarem denique vitreumné sepulchrum & artificiosæ vetustatis miraculum, an liquidum labileque aquarum monumentum, quo funereæ hæ conderentur imagines, intuerer? vbi tamē iniecto lapillo veritatem explorassem, & confudissem omnia, facti periculi doluit; sed Mathematicus (qui adhuc aderat) monuit, cura hac abstinere, reditutas in integrum quantocyus. cum aqua eas perennes esse, neque detrimentum in his vllum aut vitium persentiscere. Quare curiositatem omnem impendi, vt facti naturam introspicerem aut deprehenderem, sicubi forte obiecta rerum simulacra has in fonte generarēt species. Cum explorato fornice, spe-

cula gemina ad elegantiam inserta offendi, in quibus eadem Aquę velut in aëre pendulę, eademque rerum viscebantur imagines. Neque verò quippiam apparebat aliud in aperto latè horto, & nudo ceteroquin aliarum rerum puteo, quod hæc spectacula, aut vitro, aut aquis affunderet. Columnas deinde à putei labro velut per gradus in maiores angustias accrescentes obseruavi, & in altera harum deprehendi Epitaphium per gradus vti lineas distributum: quod auidius inspexi, picturę huius arcanum ex illo me cognitum ratus, erat huiusmodi.

## VIATOR

STA QVI NON STAS, LEGE QVI PARVM LEGIS.

HIC IACET THEOPHILVS,

NEC SOLVS, NEC OMNIS: NEC SERVVS, NEC DOMINVS.  
NEC CIVIS, NEC AGRICOLA: NEC PASTOR, NEC MEDICVS:

SED OMNIA.

HIC VITAM EGIT; NEC IN VRBE, NEC RVRI:  
NEC DOMI, NEC FORIS: NEC TERRA, NEC MARI:

SED VBIQVE.

NEC FAME, NEC VENENO, NEC FERRO, NEC FLAMMA,  
NEC PACE, NEC BELLO, NEC DENIQUE MORBO SVBLATVS

SED OMNIBVS.

POSVI ILLI, NON COGNATVS, NEC NECESSARIVS:  
NEC DOMESTICVS, NEC PEREGRINVS: NEC MOERENS, NEC GAVDENS:  
HANC NEC MOLEM, NEC LAPIDEM, NEC SEPVLCHRVM,

SED OMNIA.

Hæc vbi legissem. iam velut nouis imaginum vmbris delusus,



lufus, nihil nisi ipsam perplexitatē vidi. Et nunquid Sphingis, quæsiui, istud est argumentum? cum Mnemon, nequid hic admirarer tarditatem meam, lynceos fuisse in literis multos, quibus ad similia tamen visus atque aqua hæserit. Repertum quondam Bononiæ sepulchrale monumentum parem huic epigraphen præferens (nisi quod foeminæ positum videretur) cui explicando multorum defudarint ingenia. Et quod alij Aquā, Ideam alij, Nioben, Animam, denique Amorem non nemo sit interpretatus. Scitè, inquit Litholeon, & non longè à scopo hic mihi postremus errasse videtur. Iam in eo eram, vt Hetærio, nuper in amoris effigie perquam appositè exhibito, eadem cōgruentia adhiberem; cum hic non infrequenter illud Apostolicum vsurpet: *Omnia in eo possum qui me confortat*, omniumque personam assumat, omnia loca peragret, omnisque mortis subeat discrimina, vt omnes lucrifaciat. Quod si porrò aliquis hoc illius virtutibus tam rarum monumentum dedicarit. an non aptissima omnia? subrisit Etesius, laudatoque adolescentis ingenio. Næ tu Hetærium, inquit, præproperè nimis ante fata sepelis: adhuc valet & viuit. Etiam viuus, respondet Litholeon, mortis ponimus monumenta; vt meminerint, qua lege viuant, domiciliumque habeant, ad quod vitâ profecturi demigrent.

Mihi porrò in eandem rem meditati, visus est ille Hetærianæ familiæ manipulus, qui fidei defensione contra hostes susceptâ fortiter occumbendo vicisse memoratur, hoc

Sepulchro Epitaphioque, tanquam illustri monumento, honorari. Nihil enim admodum tota inscriptione occurrebat, quod isti aduersari posset; siquidem hic sub vexillo tituloque diuini amoris pugnans cadensque vnum Theophili nomen est meritum; omnium etiam personam induit, ut omnes Christo lucrifaceret; neque tamen omnino dicendus Dominus, licet animis multorum dominatus sit; neque prorsus seruus, quamuis aliorum se seruitio impenderit; neque pastor quantumuis multos rerum sacrarum, velut pastione refecerit. Cetera deinde pari facilitate congruunt, cum non vrbe sola aut ruri, sed uti solis radij, quacunque effusus, orbem suo ardore accenderit, sanguine purpurarit, omnem mortis expertus crudelitatem; ut proinde Onesimo iniuria cæso, ob innocentiam; Leoni Sampsonico, ob fortitudinem; utrique ob ambrosiæ cœlestis post fata affluentem gustum, simillimus Martyrum iste manipulus videri possit. denique hoc sepulchrum absque sepulchro, à gratæ memoriæ homine excitatum, haud difficulter suo auctori tot nominibus accommodabitur.

Accessit confirmandæ opinioni nouum spectaculum: quod, ubi ad oppositum putei latus constitissem, occurrit oculis in aquas easdem submissis; Cometa videlicet subtristi atque ominoso affulgens lumine: caudato is fidere, & tenui velut cruore tincto, gladij sanguinolenti formam exhibebat, neque vnâ tantum armatus parte, sed mucrone quadruplici in omnem orbis plagam districto pari atrocitate mi-



nitabatur, non alio, vt reor, quam illarum cladium indicio, quas ab omni orbis parte pro humana salute excepissent excepturiq; essent Heteriani. Ceterum has rerum inter aquas apparentium imagines Mathematica arte ex latentibus ad putei fornicē picturis in disposita primū secula, deinde ex his in aduersas putei aquas defluere obseruaui. Sed abstraxit tenacius spectaculo inherētes Astrologus nolens, vt opinor, omnia nobis explorata fieri, ne cum ignorantia artificij admirationē tolleret. Illā verò probauit sententiā, qua Martyrū honori artificiale hoc monumentū attribui-  
mus. Ita recessimus à puteo: cumq; vt fit, reductis pedibus Orarchon vnā sequeretur impedit in iacentem pone Canem hero Calothero adhārentem, qui subita impatientia prouocatus dentes in eum mordaciter excussit, atque istic loci crudo vulnere perstrinxit tibiam, vbi purulento vlcere iam dudū intumuerat. Perculit horrore omnes inexpectatus casus, sed vbi Orarchontem Promethei fortuna vulneratum intelleximus, qui ferro ab hoste petitus incurabili secundum pectus vlcere liberatus est; vbi, inquam, ex plaga sanitatem vidimus acceperisse; plausimus, atque destinato supplicio Canem absoluiamus; quanquam & hinc excusandum putauimus, quod lēsus primum ipse defensione inculpataē tutelæ vsus crederetur: tum quod siderum necessitati, aut Caniculæ coelesti iam inter astra efferuenti hęc Molossi iracundia imputanda videretur. At verò Orarchon aliqua vulneris acerbitate perstrictus, omnem dissimulare indi-

gnationem non poterat, ijsque nos similes appellabat, qui Barbaros innocentium Heterianorum sanguine cruentos defenderent, & gravitatem sceleris hanc excusatione mitigarent, quod ab ijs Martyres beneficium accipiant. Imò, inquit, Etesius hanc gloriam tuam æstimes, quod plagam Martyribus simillimam acceperis, quæ sanet magis quam vulneret, plus gaudij quam doloris habeat.

Interea opportunè ad medicas herbas, quibus hic locus abundabat, delapsi sumus. Vbi Mnemon, ut erat chirurgice herbarumque in primis callens, vulneri accepto ex ijs remedium Orarchonti apposuit: tum multa de earum virtute eruditè disseruit. Ut Balsamine vulneribus medendis efficacissimum funderet oleum; Malua purpurea venenatarum animantium morsibus noxam abstergeret; Croci planta pedibus trita lætius assurgeret. Apij succo & Portulacæ marinæ semine contra sensum tormentorum obdurari corpora dicerentur. Sciscitabatur Orarchon nunquid herbæ istius præsidio armati tantâ fortitudinis laude pro fide Heteriani steterissent? Alijs, respondit Mnemon, præsidij contra immanem Barbarorum ferocitatem vsi sunt, *Amore & Patientia*, illo obstantes perfringunt difficultates, hac sufferunt ferendas: utroque vias quantumvis inuias periculis frequentes, laboribus arduas pènetrant, mortis terrores generosè despiciunt, vitæ suæ dispendio subueniunt alienę. Amore herba nulla potentior est, hanc vincunt omnia.

*Inuia virtuti nulla est via.*

Amor



Amor diuinæ gloriæ ac salutis humanæ opum in illis vincit appetitum, honoris sensum, voluptatis gustum. Amor famem saliaribus dapibus facit sapidiorem, nuditatem purpurâ omni splendidior, contemptum omni gloriâ gratiorem, laborem omni quiete dulciorem. Amor illorum nec carceribus constringitur, nec vinculis adstringitur, nec tormentis patitur, nec morte moritur. *Amore vincunt* Iaponum cruces, bipennes, rogos, aquas, scrobes, suspendia: Brasilorum sagittas, clauos, gladios, lacerationes, tosturas: Anglorum equuleos, patibula, sectiones, euiscerationes:

*Amore vincunt omnia.*

Ita oranti nubes iam fulgetris tonitruisquæ frequentioribus obstrepebant, nescio an applaudebant; audiri certè præ ita gratulantium accrescente tumultu vix potuit: & mihi sanè attentio omnis inter trepidationem excidebat. Leuiora erant venientis tempestatis iam ante ab ipso horti ingressu præludia, quam vt minitanti cœlo, nascentibusquæ pariter, ac præcipiti vento inter morientibus nubibus fidem secururæ faceremus tragœdiæ.

Cœpit primò aër leuioribus nubeculis obfuscari magis, quàm amittere serenitatem; deinde nescio quibus marcescere languoribus & corporis hebetare alacritatem, viresquæ; velut cum morbo luctantes fastidioso calore & sudore profundere; neque multum postea moræ, cum velut instructa acie tempestas ab Oriente prodire Euro duce atque antesignano.

gnano. Nubium variæ, ceu Leonum Elephantorumque in Pyrrhi acie contra Romanos stantium, formæ aderant; liuentes aliæ & noctis fuligine ad horrorem luridæ: aliæ tanquam flammarum iam ex lignis crudioribus in fumum demigrantium vehicula; tristiori luce, quam tenebris ferebantur. ipsa nox ad faciliores insidias omnem caliginem affudisse videbatur. Neque cæco hæc cuncta primoque deferuere impetu; sed sensim indignari procella, vt noceret violentius. Tangi primum & leuius plaudere arborum capita, deinde frondes, denique totum corpus hunc motum sequi. Fruges ac herbe subinde, minor turba, ventum comitari: neque iam ipsa interquiescere gramina. Quæ vbi demum volare magis omnia, ac præcipitari, quam incedere sunt visa; tum animaduersum pugna seria Iouem cum mortalibus decertare. Tonitrua, velut tormentorum bombi, primum tenuiora & ceu leuioribus ac quandoque fallentibus machinis emissa, audiri; tum grauioribus explosionibus, intermicante fulgure, res geri: adeò quidem, vt destituto sæpè impetu, in obiecto nubium aggere vis sonusque elideretur; sæpè exagitatis tormenti vltro citroque per liquidum pauimentum rotis, maiori strepitu quam noxâ sauiet. Denique aperta vi furoreque effusum tonitruum, hinc inde arbores decerperet medias ante suum penè casum prostratas: ea erat nocendi sauities ac celeritas. tandem velut extinguendo incendio plenas Aquarius urnas affundebat.



Nos ad tantam orbis seditionem consternati lauros, qui haud procul aberant, subiimus, quas fulmen omne ita declinabat; vt tanquam à sacrâ sibi que vetitâ arbore fracto impetu absisteret. Hac securitate læti aliquantulum dictæ tragœdiæ spectatores adstitimus, natâque ex obiecto argumento disceptatione, cum in feruentem, solis caniculæ adhucdum inhærentis æstum causam tantæ tempestatis refunderent, & Calotherus adjiceret hunc locum tempestatibus frequentari solitum, controuerti ceptum est, malitiæne humanæ an locorum ingenio tanta sæpè aëris serenitatisque euersio tribuenda? Afferuitq; Mnemon multis se se exemplis haud difficulter probaturum tantam esse mortalis malitiæ vim, vt subsidaria Umbrarum ope, & possit, & ausit sæpè tam immanem insolentiam. Apud Finnos Septentrionis populos ad nundinas atque negotiationem inferri ventos tempestatesque venales. Siqui nauigijs præsertim eunt, veniuntque, hi mercem eiusmodi ad litus vendibilem reperiunt. Lorum offertur emptori tribus nodis implicatum: quorum si primum soluatur, ventus adspirat placidus, si alterum vehementiori ille assurgit impetu; si denique tertium, tunc omni effusa licentia debacchatur, & cōfilium rationemque nauigantium superat.

Ne quis tamen existimet hæc inter homines nauci, ac de triuio tantum agitari. Henricum Sueciæ Regem ita auram ventosque in potestate habuisse Olaus memorat, vt quo pi-

leum vertisset, huc signo dato venti incumberent, hominis-  
que imperio pro inconsulta illius lubidine in hostem sub-  
seruirent. Et esius adhæc, quid mirum? inquit, Homo homi-  
ni lupus est. nemo atrociora in hominis perniciem audet ac  
machinatur quàm ipse homo. Acheronticos Alastores; ful-  
men de cœlo, & quæ ipse horret omnia, in amicitiam ac  
patrocinium euocat; vt noceat sibi simillimo homini.

Dies hæc locusque non admittit, vt machinationes &  
consilia in Hetærianos funestissima aggressos homines me-  
morem; erit enim cum ea de re opportunius. Id modo non  
satis admiror, quod tanta animi celsitudine ac robore om-  
nem ipsi tempestatem in se concitatam adierint, cum vitæ  
non tantum discrimine; sed & multa sanguinis profusione.  
Vtraque India, Brasilia, China, Europa, Asia, Africa, mare,  
terra ad tantam dicamne barbarorum immanitatem eru-  
buit, an Hetærianorum fortitudinem purpurata plaussit?  
nulla toto orbe regio, quæ tam generosum sanguinem non  
biberit, tanti que in Diuos hominesque amoris vestigia, ac  
testimonia non exceperit, proprio Heroum cruore irrorata.  
Neque verò, tam feruens messorum manipulus in am-  
plissimam segetem toto orbe effusus tempestatem hanc &  
atrocia fulmina vnquam deuittauit: imò gaudere quiuis  
hisce periculis visus, & ambire vulnera audentis pro fide a-  
nimi argumenta. Sanguine suo, id est, fidelium succrescen-  
tium semine, agros ad fertilitatem maximam conseri non  
dubitauit. Leue tonitru, fulmenque industrium agricolam



ab opere non abstrahit. Hetærium

” *Si fractus illabatur orbis*

” *Impavidum ferient ruinæ.*

Quanta in nascentem huius familiam ab Orientalibus præsertim Indis coorta tempestas! quam lethale fulmen in multos vibratum! quam ad hoc excipiendum stetere interriti! Prior victoriosa clade in Oriente occubuit Antonius Criminalis Hetærianorum Martyrum primipilaris, quem deinde Ribera, Mendez, Lopez, Mascaronias, Fernandez, alijque plurimi magna contentione vincendi sunt insecuti.

In his tamen Orientalibus Palæstritis Ducum Atrien-  
sium soboles Rudolphus Aquaiuia sanguine profuso quam  
accepto nobilior omittendus nō est. Hic quatuor eiusdem  
familiæ socijs Pacieco, Berno, Francisco, & Aragna Goanę  
obibat Prouinciæ Insulam Salsetidem, loca basilicis Diuo-  
rum Crucisque trophæis erigendis opportuna dispiciens.  
quæ res Barbaros iam ante Lusitanorum contentionibus  
exacerbatos, neque hanc Deorum suorum ruinam ferenti-  
bus, magnâ indignatione ad insidias & arma conciuit. Pri-  
mus eorum in antesignanum Aquaiuiam impetus fuit: cui  
athletæ, ne cōtra interritus staret, vtramque tibiam imma-  
ni crudelitate præsecuere, ipse tamen ne cadere animo pu-  
taretur, corpore in genua erecto stando quantum liceret,  
mori voluit, quin & collum pectusque ad ictum nudata ex-  
plicans, hoc illudq; geminato ictui impavidum præbuit, tot  
vnus vijs mortem paratus excipere, quot membris vitam

receperat. Paciecus genere, ætate, professione, virtute, ipsa denique morte par esse Rudolpho meruit. generosissimo primum pectore admisit ferrum, manibus subinde decussatim, oculisque in cœlum, quo anima sequeretur, erectis; alterum iugulo excepit ictum, & cadens terram corpore, animo sidera occupauit. Bernus mactati nuper Numinis, Vaccæ nimirum à Barbaris pro Dea cultæ, auctor, crudelitatis in se exercitæ incapax vno corpore atque vitâ vnâ, nimium angusta tot iniurijs, videri poterat; caput ipsius primum ferro laceratum est, & auullæ cruentâ lanienâ partes, suffossi oculi, ac deniq; ne mortuo quidem parcitum. Animosus vates ista, cùm nondum sentiret, viderat; solitus prædicare Coculinos suo cum sanguine fidem bibituros, ac consuetæ crudelitatis gustum deposituros. Reliqui duo Franciscus & Aragna non minori fortitudinis laude succubuere, hic etiam inter vitæ mortisque angustias adhucdum palpitans, in fanum insigni ludibrio circumque Idolum raptatus, atque ad infamem cultum prouocatus, cum ad sceleris indignationem velut iterum respirare ac viuere cepisset, copioso sagittarum imbre vix deniq; oppressus est. Ita hi Orientem moriendo illustrarunt; plerique in ipso ætatis flore trigésimum circiter annum nati, cœlo tamen iam tum virtute maturi. Non se continebat Litholeon ad tantæ rei admirationem, sed velut ad auctores tam bruti fulminis versus, hoc carmen effudit:

*Iam frustra Siculis ætatas incudibus ignes*

*Flam-*



*Flammarum Vulcane parens, absiste labori,  
 Et Brontes Steropesq; vacent: quid fulgura nimbis  
 Ingeris, & cecis misces caua nubila flammis?  
 Heroes nihil ista mouent. tua tela feruntur  
 Irrita, & imbelles malè cogis ad arma procellas.  
 Laureaserta gerunt, quotquot Themis armat in hostem,  
 Fulminis immunes. multo iam teste probatum est  
 Virtutem vis nulla premit. si carcere merges  
 Ventorum, aut nigro, tonitru quo cudis, in antro,  
 Fortior emerget, fœdisq; nitefcet in umbris.  
 Hæc surgit calcata magis. Sic Nardus odorem  
 Pressa refert: sic palma graui sub pondere surgit:  
 Sub tenebris magè stella micat: post nubila Phœbus  
 Grator, optatosq; facit nox Memnonis ortus.*

Hæc cum auidè exciperem, aduerti proximè ad montem,  
 cui accumbebat hortus, Iridis arcum, colorum varietate &  
 miti quadam solarium radiorum aspersione multò iu-  
 cundissimum. Bonum serenitatis, exclamo, nuncium! cœ-  
 lum pacis fœderisq; inici meminit. Vespertinus hic, & sub  
 tempestatem fugientem, arcus ostēditur: excussa sunt tela,  
 nihil deinde metuendum: triumpho is nunc, quam bello est  
 aptior. Mnemon deinde Iridis naturam, causasque postula-  
 tus, paucis docuit, tenuiores has esse nubes quæ rorante  
 iam, & ex lapsa, aut secutura adhucdum pluuiam madescen-  
 te cœlo, aërem latè occupent, atque exceptos incurrentis  
 in se solis radios varia reflexione attemperatos, ita spectan-

Plin. l. 35. Coll. tium oculis obiciant: vt hinc lutescere, inde purpurascere, alibi ignescere, viridique ac cæruleo colore supra omne artificium depingi videantur. Aristidem certè pingendi imprimis artificem hanc Iridem imitatione exprimere conantem penicillus ingeniumque destituit. Cum æmulatione quadam Litholeontis excitatus his versibus Iridem appellauit.

*Virgo triumphalis, rosei Thaumantias oris,  
Nimborum soboles, tempestatumq; sequestra,  
Ad pacis decreta noua, pulcrumq; sereni.  
Omen ades: qualis picto spectabilis auro  
Ceruleamq; induta togam, Noëtica quondam  
Secula lustrasti, sublatis nuncia belli,  
Interpresq; Dei. Nunc te noua causa, fidelis  
Arbitra, sanguineiq; vocant ad fœdera nimbi.  
Insontes anima, proprijsq; cruoribus hausta  
Merguntur, tristesq; nimis voluuntur in undas.  
Fallor? an hunc tantis victoribus instruis arcum?  
Latitiaq; hæc signa geris? quam picta renidet  
Gratia? quam raro tibi purpura vernat in ostro?  
Quam fusca sub luce nites, tenebrisq; serenis?  
Cerulea quam blando chlamys interpingitur auro?  
Tota places, magniq; refers monumenta triumphi.  
Virtutum hic color est: non hæc de murice vernat  
Purpura; testata fidei vestigia portat,  
Martyrioq; rubet. Radios quos nube latentes*

Obte-



*Obtegis, & varios pulcra sub luce colores,  
Hos diuinus amor finxit, virtusq; colorem  
Multa dedit.*

Probauit hanc opinionem Mnemon, & ceu nouam dicenti materiam ex eodem facturum argumentum; monuit, Iridem mellis esse aërii genitricem: Aspalathum etiam pluresque <sup>Plin. 12. c. 24.</sup> herbas odoriferas propagare: aliarum in terræ velut amplexu prima affundere semina: aliarum virtutem & gratiam amplificare. Vnde cum huic monti crebrius accumbat, multis illum raræque efficaciam herbis abundare. adeo ut Phoenix montium odoriferorum appetens desertis Arabie locis, hic sedem fixerit. Et ne, inquit, admirandæ huius volucris ingenium nescias. Vnum esse toto orbe Phœnicem communiori historicorum sententia receptum est. Qui Veneris connubijque expers:

” *Non epulis saturare famem, non fontibus ullis*

” *Assuetus prohibere sitim; sed purior illum*

” *Solis feruor alit, ventosâque pabula libat*

” *Tethyos, innocui carpens alimenta vaporis.*

Clau.  
in  
Phœ-  
nic.

Sexcentis tamen sexaginta annis primò consenescens, cassâ thurisque surculis nidum construere, illoque odoribus repleto immori perhibetur: postquam ut ferunt, alarum <sup>Clau. Plin. 10. c. 2.</sup> plausu virgulta medijs solis ardoribus feruescentia succendit, nido in bustum verso. Ex cuius deinde ossium medullis enatus vermiculus sensim accrementa formæ ac plumarum Phœnici similium assumit: sepulchrum pro cunis na-

Atque

” *Hic*

” *Hic neque concepto fœtu, nec semine surgit;*

” *Sed pater est prolesq<sub>3</sub> sui: nullog<sub>3</sub> creante:*

” *Emeritos artus fœcunda morte maritat.*

Symbolicâ hac volucre medio in rogo mortem implorante delectata memoratur, Bona Galeazij Mediolanensiu Ducis Mater (vti & Helionora Austriaca Francisci Gall. Reg. vidua) Cum lemmate: *Sola Deum sequor.*

Addidit Etesius Aquilæ idem penè beneficio aquarum, quod solis munere Phœnici, ad ætatis innouationem euenire. Siquidem illa vbi iam oculos senectute hebescere, grauariq<sup>ue</sup> corpus pennis tardius obsequentibus sensit, passis sese aliter fonti gelido immergit, sensimq<sup>ue</sup> ad iuuentutis vigorem redit. O felices, exclamat, auium Reges & Regina Phœnices & Aquilæ, quam dulce funus est, in qua mors sepelitur, vita nascitur! Martyres, vestrâ felicitatem testor, & vitales exequias, seu vos flammia, seu mare renascêtes tulit. Mors hæc est quæ premit, nō perimit: per quam ire nō perire tam nobiles rogi exuias, animas immortales, videmus. Vos planè hi estis Phœnices, qui in sacro hoc Soterij monte nati, educatiq<sup>ue</sup>, Veneris connubiorumq<sup>ue</sup> expertes, lumine illo diuinitatis cœlestiumq<sup>ue</sup> gaudiorum rore mentem pasti, vitam modo viuitis sine morte: iuuentutem sine senio. Non possum quin breue illud Phœnicis Genuensium nobilissimi Caroli Spinolæ Genethliacum attexam. Illius, inquam, qui post collectam virtutum odoriferarum inconsumptibile bustum, rogi moriturus (an victurus?) conscendit.



scendit. Collegerat hic sibi herbas fragrantissimas, zelum incredibilem, quo Meacenses inprimis, ad salutis fideique consilia impulit: orationis indefessum studium, odorem Superis gratissimum: laborum atque ærurnarum tolerantiam admirandam, quam ipse flagellis ieiuniisque quotidianis, ceu aceto & sale recreabat vulnera. Hæc supra fidem penè & humanam consuetudinem auxit in quadrienali carcere. Denique amore flammæ animo; Lictoribus corpori subijcientibus, nobilis hic Phoenix Nangasachi immortalitatem moriendo induit:

*Nascere Phœnicum noua gloria Spinola, cœlo  
Nascere, vitalisque rogos, mortisque sepulchrum.  
Et vitæ monumenta subi. Iam busta parasti  
Congrua, odoriferis latè redolentia campis,  
Excultis virtute tua. Metis ista tuorum  
Premia sudorum: messem modò collige myrrham,  
Hac busti pars maior erit. compone senectam  
In tumulum, cunâsque nouæ dispone iuuentæ.*

*Te video, ô Phœnix fortunatissime, flammis  
Adstantem medijs, vultuque oculisque perennes  
Solis anhelantem radios? Iam supplice cantu  
Vox cœlos animusque petit; rapiuntque dolorem  
Lætitiæ, caditque minor maioribus ignis.  
En flammarum undæ metuunt, circumq; feruntur  
Et lambunt leuibus stantis primùm ora fauillis.  
Pro te sollicito natura laborat in æstu*

*Ne noceat furor iste tibi, ne corporis ultra  
 Septa ruat, fortémque animum violenter adurat:  
 Hoc vita est non mortis opus: sine funere funus,  
 Et lethum natale tibi: comitaris euntem  
 Astra super flammam, faciliqúe hac uteris alâ.*

Iaponiam, Mnemon inquit, suo hic Phoenix busto illustravit: quæ terra frequentioribus etiam quam Orientis India Martyrû vestigijs est notata. Antesignani fortissimæ huius cohortis prima istic triûphantis fidei vexilla Crucibus suffixi erexêre Paulus Michi, Ioannes Goto, Iacobus Ghisai. Hos deinde labentibus annis Spinola cum aliis octo eiusdem familiæ sociis, Sebastiano Chimura, Petro Zampo, Michaële Xumpu, Gôsaluo Fufai, Antonio Kiuni, Thoma Acafoxi, Ludouico Cauara, Ioanne Ciucoga est insecutus; crudeli lentoqúe flammaram supplicio, funestissimo cõsilio, ita deuoti, vt vinculis cadentibus impares poenarum animi ad fugam atque libertatem possent respicere; sed suis illi columnis stetero firmiores, nec aliunde ad fugam, quàm quâ coelum adirent, prospectabant oculi. Chimura certè post Carolum spectaculum Barbaris fuit admiratione plenissimum, quod trium horarum spatio medios inter ignes homo mortalis, libertate proposita, immobilis, intactus, nulloqúe doloris argumento persisteret, & ante amitteret vitam, quàm constantiam. Enimuero efficaciori exemplo triginta amplius Christianorum millibus, qui spectatum affluerant, fidei nostræ veritas persuaderi non poterat.

Firandi



Firandi eodem tempore, quo illi Nangasachi, parem sibi inter flammæ constantiæ laudem vendicauit Camillus re & nomine Constantius. Rogo ille fumanti flagrantique impositus, pœnarum mortisque incumbentis negligens, hoc æstuante maioribus incendijs animo spectabat, vt de tanto numero aliquos vitæ moriens assereret; proinde nationes diuersas diuersis affari linguis, Diuos fidemque à se traditam, atque hanc, quam pro veritate poneret, vitam testari cœpit, aliam nullam esse, quam quæ Christum agnosceret, salutis doctrinam: quo dicendi ardore ita Iaponensium animos occupauit, vt quem eripere flammis non possent, hunc fomentis ignium segnius admotis, dum liceret orantem audirent; donec is tandem cum voce vitam profundere. Quid nunc Nauarrum, Sandoyum vtrumque, Carauallium, Angelum, Torrem, Pantum aliosque ijsdem flammis locisque consumptos memcrem? nulla profectò eloquentia par est tantæ animorum magnitudini. supra mortalem est, mortem & flammæ contemnere.

Æstuabam iam flammis ego alijs, quas æstatis calor toto corpore, atque inprimis arefcentibus in faucibus, excitârat. Cùm ad pedem montis Calotherus in viridi planicie fontem ostendit, dolio terræ ingesto, conclusum, qualem ferè Treueri in amœna valle possident. Hic, vti amariore lymphæ de terra natæ assolent, acriori bullienti que efferuescebat scaturigine, facilè mihi præsertim sitienti erat persuasum, non nisi salubribus illum aquis exundare. Quare

pilei ora in canalem ducta, cùm pocula deessent, excepi viuos aquæ latices: qui, perinde vt argentum recens fustum, vitro omni pellucidiores fluebant in hoc meo carchesio. neque tamen diu mecum de colore disputabam; sed saporem arbitrari cœpi, tanta auiditate, vt cum haustro meo sapiùs in fontem remisso, ori quæ applicito finem non facerem, Calotherus inducias pro suo fonte ac meo ventre postularet, ne aut illius carinâ exhaurirem, aut huius mergerem. Substiti interquiescens non tam rogatus, quàm cõpulsus; quod iam in cerebrum magna vi euaporarent aquæ, naresq; tanto acore constringerent; vt oculi, ad narium tormentum, distillarent lacrymis, & pectus totum mordaci illuue distringeretur. Sed mirum quanta hanc intemperiem, haud longè post, corporis totius, animiq; serenitas sit infecuta: vt iam penè supplicarem siti, rursus vti adesset, tantâ voluptate recreanda. Quàm, inquit Etesius, verû dictum: *Nullum mel sine felle, & fel sine melle,*

„*Dulcia non meruit, qui non gustauit amara.*

Amara res fitis; sed vt potus dulcedine insigniter oblecteris, illa amaritudo antè est deuoranda.

Alios habet laponia fontes calidos gelidosque, ex quibus Martyres de Hætærij familia bibère. Res est admiratione plenissima, quæq; sua raritate vix fidem meretur, reperiri istic fontes tam atroci calore æstuant, vt omnè ignis liquidi que sulphuris ac metalli vim & torquendi acrimoniam superent, atque hoc vno damnatorum incendijs similes videan-



deantur, quod nocendo non absumant, sed immersum aut circumfufum aquis hominem acerrimis lentisq; doloribus conficiant, carne, neruis, offibusq; nonnifi fenfim exesis ac diffluentibus, atque ad alia aliaq; supplicia certis interuallis repetenda diu integris.

Adde his noua & inaudita haftenus aquarum tormenta, quibus Iapones Martyrum constantiam obruere sunt conati. Gelidis aquis per collum affusis totam alui humanę capacitatem explent, ac deinde supino in terram homini insultantes, aut vinculis medijs vterum coarctantes, cum ingenti obluētantis naturæ conatu aquas per os, nares, aures, oculosque exsultantes regerunt, venis neruisque tam atroci impetu sæpè fatiscentibus. Et vt ingeniosam crudelitatem agnoscas, mille vias aquis nocendi reperiunt. alios pedibus suspensos collo tenus vndis mergunt, vt capite inter aquas hærente aër grauissimo tormento inter præcordia exæstuet, spirandi que difficultate natura tota conuellatur: aliorum medio aëre pendentium ora affusis identidem aquis obruunt, vt iisdem cum doloribus luctentur, nō tamen penitus succumbant. nonnullos cauata scrobi serpentiumque ac horridorum animalium plenæ, pectore tenus atque obuerso immergunt capite, vt fenfim in tam fœda lucta pugiles fortissimi consumantur. quo supplicio non  
 ita pridem viginti Hetærianæ familiæ heroes periēre, quos  
 deinde proximis annis nobilissima victoriā est infecutus  
 Mastrillus, cuius vobis tumultum priusquam hinc abceda-

Anno  
1633.Anno  
1637.

mus exhibebo. Nimirum hæ scrobes & aquæ exæstuantem illū in Heterianorū pectoribus amorem, quo diuinæ gloriæ salutisq̃ue humanæ studiū affectantur, obruere nequeunt. Testatur id ex hac familia fortissimus pugil, qui vbi quintum iam diem in tā crudeli suspendio durasset superstes, de illā quam potissimum inter tot calamitates perferentisceret molestiā quæsitus, aliud se nihil dolere respōdit, quàm quod totam nondum Iaponiam Christo Duci asseruisset.

Hæc de Oriente hætenus. Quod si Occidentem atque in eo Brasiliam inprimis lustremus animo; non fontes modò, sed & vasta maria Heterianorum pro fide occumbentium sanguine purpurata mirabimur. Ignatium Azebedum cum triginta & nouem eiusdem familiæ Collegis Brasiliam cogitantem tam gloriosa palma haud procul Palmâ Insulâ præoccupauit. destinabat has ipse copias Brasiliæ; sed à Pirata Iacobo Soria Hugonotticæ factionis homine iuratoq̃; Heterianorum hoste interceptus, non ad aliam magis commilitones pugnam, quam pro fide suscipiendam excitabat: ipse in prima stans acie Deiparæ imaginem ceu vexillum omnibus præferebat, quod ne moriens quidem inter aquas dimisit. Ita occurrens hosti ferrum in capite ac deinde pectore recepit fortius, quam latro infligeret. alij deinde atque alij inter preces, fideiq̃ue testimonia occubuêre, Soria identidem ingeminante, pereant Papistæ, pereant. Omnia in eis crudelitatis experimenta habuêre perfidi, præcisa alijs, alijs collisa atrociter crura, atque in odium Religionis abrafi  
cum



cum cute vertices: quidquid indignatio & inhumana rabies potuit, ausa est. vnum denique omnibus sepulchrum mare fuit. Alia naus quindecim eiusdem familiæ Agonistas vertente eodem anno eâdem in viâ, inter eiusdem coniurationis hostes destituit, eâdem denique coronide gloriosos, sita-  
men duos in mare excussos ac nando incolumes exceperis. Quod si porrò ex Æthyopia Sylueriam, Arabia Maronitâ, ex Florida Seguram & viginti alios, ex Paraquaria Mendozam pluresque tantæ gloriæ æmulos adduxero, finem non inueniam. Omnibus vnum hoc propositum fuit.

*Momentaneum quod cruciat, æternum quod delectat.*

Lachrymis vix imperabam, violentiâ quâdam ad hanc narrationem in vultu erumpentibus. Quod vbi aduertisset. Etesus, abstinuit prolixiori quam parabat historiâ, & rectâ ad Pyramidem, quæ modico in colle surgebat ingens, nos præiuit. Amplissima huius erat moles, illique quam in Ægypto Bellonius vidit simillima. Basim in quadrangulum directam paribus singulorum laterum habebat interuallis, quæ erant trecentorum viginti & quatuor passuum. In altitudinem assurgebat gradibus (quorum singuli quinque solearum erant) quinquaginta ducentis. Eius fastigio sagittarius insistens, etiam si validissimè telum extorserit, hoc tamen extra molis basim nunquam decidit; ea est operis vastitas tantumq; sensim in altum vergentis acumen, quo per circumductos extrinsecus gradus peruenitur. Incognitis mihi ad Orientis partem figuris signabatur Pyramis; quas cum Hierogly-

Bello.  
l. 2.  
obser.  
uatio.  
41.

roglyphicas Ægyptiorum esse haud difficulter coniecif-  
sem: de interprete dispiciebam, cum Mnemon singulis ferè  
literis singula exprimens verba, Romanâ linguâ ita vertit:

## HÆC PYRAMIS

IGNEA MORTALIVM INCLVDIT PECTORA,  
GLORIAM COMPLECTITVR IMMORTALIVM,

OCCVMBENDO VINCENTIVM;

MORIENDO VIVENTIVM:

## SAPIENTER NEGOTIANTIVM.

QVI PRO INFIDELITATE FIDEM,

PRO IGNORANTIA SAPIENTIAM,

VIRTVTES PRO VITIIS,

PVLCHRAS INVEXERVNT IN ORBEM MERCES,

ORBEM EXTVLERVNT IN COELVM.

QVI VITAM DENIQVE SVAM PRO MORTE PERBREVI

MORTEM PRO LONGA COMMVTARVNT VITA,

SEMEL MORTVI, SEMPER VICTVRI.

FACILI HEC OMNIA MERCEDE PARATA SVNT.

BREVI INOPIA OPES PERPETVAS,

HONORES COEMERVNT DESPICIENTIA,

DOLORIBVS GAVDIVM:

REM MAGNAM IMMORTALITATEM

PARVO PRETIO,

## SANGVINE.

Dum hæc legimus & miramur, Hemerus de imperio Ca-  
lotheri ignem silice excussum facibus adhibuit, eas iam ar-  
dentes in singulos distribuens; vt hac luce Pyramidem nul-  
lis fenestris subiremus. Ingressi per angustum obliquumq;  
foramen, inibi velut atrium reperimus; vnde in varias Pyra-  
midis



midis partes ac Martyrum conclauiâ, per meatus pergularum affabrè elaboratos patebat aditus. Quatuor Mundi plagis secta quadripartitum Pyramis monumentorum responderebat ordine; Orientem occupabant illi heroes qui ex Herærianis effuso pro fide sanguine, hanc orbis regionem illustrassēt; Meridiem, qui in Æthiopia atque Arabia: Occidentem, qui in Brasilia, India, Florida, Mexico, Paraquaria: Septentrionem, qui in Suecia, Polonia, Germania, Gallia atque in primis Anglia pari gloria occubuisse. Nos igitur cum popularium Europæorum honori impensius fauentes videret, huc omnes adduxit, vbi eorum fata propius liceret contemplari. Primus Anglorum Agonistis, & numero & fortitudine præstantibus, locus ad Septentrionem tributus erat. In hoc Edmundum Campianum Athletam primipalarem Principem aulam obtinuisse vidimus: in qua marmorei parietes, velut tapetia in ipso lapide, elaborata exhibebant schemata. Stabat Campianus inter novos Euangeliorum architectos scopus vnus omnium, in quem promissa, minas, ludibria iacerent. Ex vno herois latere varij varijs poenæ tyrannidisque instrumentis adstabant lictores: ex altero purpurata & procax mulier, ac Episcopalis mitra ad Diuorum perfidiam doloso præmio inuitabant. Adiectum erat hemistichium,

*Vt rupes inter vtrumque.*

Hic, inquit Mnemon, Athleta in Anglia vbi sanguinem nascens hauserat, moriens profudit, tanto patriæ amore vt

Z

sua

suâ illam vitâ viuere cuperet. Ex Hetærij, cui adlectus erat, familia huc venerat, patriæ ab vltima pernicie ad salutem reuocandę studio: sed confirmatis iam erroribus multis illi ad expugnandos veritate animos machinis opus; proinde illâ, quâ ad miraculum pollebat, eruditione cominus alios, plures eminus scriptis pro fide rationibus aggressus est; eo successu, vt Elisabetha tyrannidi abs se in Ecclesiâ occupatæ metuens, magnâ præmiorum spe ad tantî capitis prodicionem subditos inuitauerit. Vnde perfidiosè ab Apostatâ traditus, omnem fortunæ atque iniuriarum vim fortissimè fustulit, omni ingenio, dolo ac crudelitate maior. Promissis quamprimum pugnatum est, Archiepiscopatu Cantuariensi ac nobilissimis propositis sponfalibus, si cum Regina sentiret, quę tanti fauorem Campiani emeret. Ista contemnentem nequicquam obiectis primò, deinde & adhibitis atrocissimis quibusque suppliciorum instrumentis frangere sunt conati, ac tanta crudelitate dies noctesque absumpserunt geminas, luxatis conuulsisque membris omnibus, vt, ceu laniatum & exanime cadauer, in terram deflueret, & nihil iam in toto homine superesset integrum præterquam animus, alia nulla inter omnia tormenta vox quàm IESVS & MARIA. Ita fractum ad publicum de fide ineundum cum Anglorum doctissimis certamē pertraxêre, hâc additâ cautione, ne quod ipse argumentum in aduersarios torqueret, sed sola obiectorum propulsatione sese tueretur. Tantâ tamen gloriâ in hac arena certauit, vt semianimi licet voce, ratio-



rationum veritatisque suffragio omnes fregerit, complures, in quibus & Arondeliæ Comes, Orthodoxis adiunxerit, alios confusione plenos dimiserit. Præmium victoriæ mors inhumana Campiano fuit: siquidem ad suspendium damnato, cor adhuc spiranti euulsum, ac reliquum corpus partitim sectum, crudelitate istic quidem vsitatâ, sed quâ Angli dæmonibus quàm Angelis propiores videri possint.

Haud procul alia in aulæ parte Henrici walpoli monumentum visebatur, qui Campiani morte ad idem vitæ institutum, eundem patriæ restituendæ zelum, eandem denique mortis lauream est prouocatus. Quaterdecies hic post triennales eosque; foedissimos carceres ad quæstionem, atrociori quam pro homine supplicio, est adhibitus, viuus adhuc vixque laqueo hærens sectus, suo sanguine ipsis etiam fidei hostibus ruborem excussit, & gemitus. Robertus Sothuellus pari diuturnitate in carcere vixit, pari fato occubuit. Ita præter Thomam Cottamum, Iacobum Bosgrauium, Alexandrum Briantum, Odoardum Olcornum, Rogerium Filocum, Franciscum Pagium; Henricus Garnetus cum fratre Thoma lumen Angliæ, Ioannes Ogilbeus Scotiæ, Dominicus Collinus Hiberniæ gloria, mortem oppetiêre, omnes suis monumentis atque honoribus amplissimo hoc in loco illustres. Iuxta Garnetum spica memorabilis apparebat, quæ labentis ex alto sanguinis guttam exceperat, totumque Martyris vultum (qui post mortem etiam inuiolato decore persistit) viua imitatione reddebat,

debat, stellâ in fronte adiectâ, vt constaret quis post fata etiam Garnetus esset. Appositum lemma erat

*Superiartem, Garnetusq; colorem Sanguine purpureum dedit.*

Ogilbæus alia parte inter proteruam Satellitum raptabatur manum, elidebaturque de loco in locum, capillis petulantissime spoliabatur; alius sordes; sordidiora alius verborum ingerebat ludibria. Ipse ridenti similis hoc solum dicebat. *Iuvat iste iocus, vos ludite.*

Collinus magna ambitione Reginae atque amicorum, simulationem tantisper suadentium, à fidei mortisq; consilijs nequicquam auocatus, stabat laqueo in collum inserto tanquam aureo vellere à Cœlitibus donatus, iamq; nescala præcepsibat, hac inscriptione lætus:

*Moriar vicinior astris.*

Multitudo rerum spectandarum ac magnitudo nonnullos ex nobis lassauerat. Quocirca quieti capeSSendæ reficiendisq; viribus intenti. Cursum alia quædam Diuorum sepulchra adiimus nomine solo, ac pugnae loco tantorum heroum contenti. Germaniam suo occumbens sanguine notauerat Godefridus Thelen, Galliam Martinus Gutierrez; Iacobus Salesius, Guilielmus Saltamochius: Lusitaniam Emanuel Fernandez: Petrus Venustus Siciliam: Martinus Laterna Poloniam: Emanuel Niger & Georgius Bartholomæus transyluaniâ. Alium eiusdem familiae quaternionem Nicolaum Mercatorē, Matthiam Vitriarium, Ioannem Esthoum & Christophorum Spotecum Sueci-



cus carcer absumpserat, omnibus sua erat monumentorum gloria. Et hi quidem hoc titulo utebantur:

*Media inter frigora maior Heroes hos vssit amor.*

Classicâ ion voce ad exitum proclamabat Etesius; spectaculisque hinc inde adhærescentes noui cuiusdam trophæi nuper erecti promisso secum traxit. Ergo via leniter ad Orientem, quâ etiam patebat exitus, flexa; illustre erat monumentum Marcello Marstrillo Neapolitano heroi post mille sexentos triginta & sex à Christo annos excitatum. Admirandæ hoc continebat patientiæ exempla. Primi marmoris emblemata ab ipso mortis articulo reuocatum Marcellum Apostoli Indorum ope ad vitam valetudinemque exhibebat. Alterum marmor à Japonibus, vinculis adstrictum pedibusque suspensum, atque iterato sæpius ex fune præcipitio in aquas mersum ostendebat. Alio denique in lapide hinc nudus candentibus laminis vsulabatur: inde in foueam serpentibus plenam obuerso immissus capite quatri-  
dui, vt Etesius aiebat, vexationem tulit, maiori miraculo quod verbum doloris nullum, quàm quod vitam tormentis non dedisset. Ad frontem monumenti gladius Liçtori ad ictum intento exciderat, obstupueratque pendens in aëre brachium. Iuxta tamen idem Carnifex ad Martyris imperium, ceu datum signum, ense resumpto caput abstulit. Hæc erat adnexa Epigraphe

*Feliciter nauigauit, qui ita in portum appulit.*


Sic denique conclusit Etesius: Hetærij familiam Marty-

esse palæstrā. In qua primū velut in Martio campo ad palum exercitatio, leuiioresq; contra impatientiam & doloris fugam velitationes instituantur; mori etiam in vita sensuumque affectionibus abire docentur pugiles, ac deinde in arenam atque aciem educuntur. Ab hoc instituto tot tamque nobiles vnius seculi manare victorias, in quo plures censeantur Martyres quam anni, plures Martyrum virtutes quam dies.

Hemerus iam moræ impatiens de quiete interpellauit. orantem, ac persuasit reditum; Nos etiam Etesium secuti hospitali tecto successimus, ac dulci præteritorum recordatione mentem, famem epulis oblectauimus.

A V.








Sat FRUCTVS monstrat, qualis sit HETÆRVS, Arbor:  
 Quā vī BRVTA trahat pectora, PLECTRA docent.





A V T V M N V S  
A N N I S E C V L A R I S  
S O C I E T A T I S

I E S V.

S E P T E M B E R

PERFECTIONEM INSTITVTO  
*propriam complexus.*

*Postera quando dies primo surgebat Eoo,  
Humentemq<sub>3</sub> Aurora polo submouerat umbram,*

3. Aeneid.

**N**Os iter eo tempore iucundius auspicati, ab Etesio in  
via edocemur, ad Opori nobis pomarium iter esse,  
nec admodum longum. In illo, vti, & in vineâ deinde,  
ac venatione nobis vberes, ac nobiles fructus exhibi-  
tum iri ab Hetærianis elapso hoc seculo partos. Quorum  
alij in Hetærium ipsum, & eius familiam, alij in proximum  
Orthodoxum, alij denique in auitæ fidei hostes redundâ-  
rint. Ac in pomario quidem visuros, quâ contentione He-  
tærius cum suis ad conformem instituto sanctitatem, per-  
fectio-

fectionemque aspirârit; in vinea vero, quæ eximiæ charitatis opera in fidei Catholicę consortes contulerit. In venatione deniq; , qua ratione A catholicos ad fidē perduxerit. Nam Heterius, inquiebat, amplo, & grandi pectore vtrumque orbem, & omniū mortalium salutem cōplexus memor Tulliani illius: *non nobis solum nati sumus*. Et huius Platonici: *non sibi soli se natum homo meminerit, sed patriæ, sed suis*; penitus sibi persuasit, se orbi Christiano, & toti hominum generi natum esse: ideoque sedulum, & penè vnicum eius studium totâ iam annorum centuriâ fuit, de omni hominum ætate, sexu, genere, forte quam optimè mereri. Imitatus igitur agricolam illum apud Ciceronem arbores seuit, suo nempe in pomario, quæ pluribus seculis profint. Cū verò prudens charitas ducto à se initio eâ sibi imprimis compareret, quæ deinde cum alijs communicatura est, in eo imprimis totus fuit, vt se, & suos earum virtutum subsidio communiret, quæ ijs necessariæ sunt, qui aliorum saluti consulunt, & eas nobis pomarium in suis arboribus exhibebit. Rectè hic ego inquiebam, Et esi, fructus in fructibus, & quidem in iam enumeratis proponuntur. Nam poma inprimis & vuas congruenter Oporo assignari disertè declarat Venustus vates dum canit.

— *Cum decorum mitibus pomis caput*

*Autumnus aruis extulit;*

*Vt gaudet in sitiua decerpens pyra,*

*Certantem & vuam purpurâ*

Nec



Nec venatio, excepti Orarchon, minus opportunè Oporo conuenit. Nam, ut fileam Nouembrem eius in Dianæ tutelâ esse, Chiron inter astra id temporis suo cum arcu refulget propitium venatoribus fidus, quos velut in venatum etiamnum impellit: ut olim Heroas, & semideos, quos teste Xenophonte venandi præceptis imbuit. Ea quidem causa, subiecit Litholeon, minimè mala est; non tamen potissima, aut sola. Nam ideò ego potissimum venationem Nouembri opportuniorè existimem, quod feræ tum temporis maximam partem Opori fructibus, pomis pyrisque syluestribus, ac glandibus in primis saginatae, sint pinguiores: tum quod nec nimius æstus laborem, & cursum impediat; nec ad nimium frigus hebescat.

*Odora canum vis.*

Nam odor ad sui perceptionem semper odoris aliquid velut pro vehiculo requirit. Hic ego iterum ad Etesium, sed nunquid, inquiebam, fructus non sunt, & quidem præstantissimi, quos iam superius apud Earum & Calotherum vidimus? qui videlicet longè vberissimi in proximos ex Hetærij Scholis, Catechesi, Sodalitijs, in Hetærium verò ipsummet, ex singulari præsidum suorum prudentiâ, doctorum exquisitâ doctrinâ, inuictâ Martyrum fortitudine profecti sunt? quæ igitur hic iterum fructuum mentio? Eorum duntaxat, ille respondit; qui alibi non tanguntur. Qui autem ij, & quales sint, videre, quam audire vos malo. Dum hos vltro, citroque sermones miscemus, iam ad ipsum pomarium ac-

cesseramus. Illud fossa præalta, viuâ & pellucidâ aquâ redundans, & excelsus è lapide murus circuibat. Aditus per pontem sublicium patebat, vtrimque à porta inclusum. In priore insignis quispiam æui nostri Polycletus veterem Pomonam affabrè sculpserat, quam deinde nouus Apelles coloribus animatam penè spirare iusserat. E ramo malifero coronam in vertice, pomum aureum dexterâ, læuâ cornucopiæ Autumnii opibus diues gerebat: quæ, aliam nunc ibi Pomonam degere, & pomario præesse, illi antiquæ habitu, vultu, officio non longè disparem, non obscurè indicabat. Ad latera portæ eiusdem Leo accubabat: vterque vt nos vidit, iam erigere se in iras cœperat, audaciam si propiùs adiremus vlturus: At ab Etesio signo familiari monitus, hospites venire Hetærio caros inprimis, non prædones, vultum abblandientem assumpsit. In portæ eiusdem fastigio notum Hetærij insigne æri incisum radiabat. Vbi in pontem iam dicto cōstitimus, Videtis, inquit, præclari Vbiæ iuuentutis Principes, quam Hetærius vester non sine rara laude prudentiæ ad amissim tritum illud ex Ouidio seruet.

*Non minor est virtus, quam quarere, parta tueri.*

Quot enim vni huic pomario ab iniurijs prædonum defendendo præsidia adhibuit? fossam benè profundam & latam circumduxit: ac illis quidem in custodiam leones in fraudē vigiles, in vim fortes adiecit. huic in excubias binos vigiles (quos paulò pòst videbitis) adiunxit; qui integro iam seculo in sua statione sine somno persistunt, Quibus verò

Vir-



Virgo hæc vnda & crystallo similis commissa fuit, integrè officio functi eandem penè diligentius in hac fossa, quam sanguinem in venis seruarunt, quem potius vniuersum profusuri fuissent, quàm passuri, vel guttam hinc alio deriuari. vnde & factum, vt illa centum ipsis iam annis non decreuerit, sed indies aucta sit: vt à lutulentis suis, alijsque id generis sordidis feris turbata, aut foedata non sit; sed etiamnum, vt ab initio, speculi instar pelluceat prorsus illimis & argentea. vt deinde illam propter altitudinem nemo quispiam impunè hætenus traiecerit. Ne verò has portas vel dolus aperiret, vel audacia effringeret, hi Leones obstiterè: in quibus nos iussit Etesius Hetærianos præsidēs intueri Leoninâ vigilantîâ, & animi magnitudine præditos, quoties huius pomarij decus, & incolumitas ita exposcant. Ne denique aliquis proiectæ audaciæ murum hunc vnquam transcenderet, appositæ excubiæ in hoc vsque momentum, iam inde ab initio surgentis huius pomarij informes Theophobus, & Hetærophilus impediuerūt. Et hinc euenit, ut nihil hætenus prædonum, & furum iniurijs in illud licuerit: Hic ego, quid velis, inquebam, Etesi, non obscure videor intueri. Regulas, ni fallor, ab Hetærio hætenus ad amissim obseruatas insinuas, quæ Religioni sunt, quod vrbibus fossæ, pontes, & portæ; & earundem obseruacionem summâ vigilantîâ Præsidēs vrsisse, summâ fide, & diligentîâ subditos esse exsecutos. Vnde duo consecuti sint: tum vt virtutes statui congruentès, & necessarias sibi pepe-

rerint, tum vt iam partas conseruarint. Nihil à vero ablu-  
dis, Sanouise, Respondet Etesius. Nam id ita esse, satis orbis,  
satis inuidorum, & hostium oculi testantur: qui licet in  
Hetærij vitijs tam cernant acutùm,

----- *Quam aut aquila, aut serpens Epidaurius.*

Hic tamen quod reprehenderent hætenus nō inuenerunt.  
Fuere autem inter Hetærianos legum suarum obseruantis-  
simos, qui, quoad vixerunt, nullam vnquam ex illis animo  
deliberato transgressi sunt. Nam vt de Aloysio, Bellarmino,  
Sanchesio, & alijs non paucis sileam, Ioannes Berckmans  
Diesthemijs,

*Musas amantis gloria Belgij,*

Et Aloysij penè ex æquo æmulus ingenuè Hetærianæ do-  
mûs Præfidi Romæ sub mortem confessus est, nullius à se  
violatæ Regulæ conscientia animum suum vrgeri. Necesse  
igitur fuit linguam freni alioquin impatientem, oculos ali-  
às in lapsum naturâ procliues, animum denique in affectus  
suos concitatum semper in potestate habuisse: nunquam  
aliquid alterius gratiæ, nunquam suæ minus ordinatæ affe-  
ctioni, nunquam ingenitæ leuitati, nunquam negligentia  
tantum concessisse, vt animus vellet, videret oculus, lingua  
diceret, caperet, vel daret manus, quod è regula non esset.  
Quod quàm arduum sit, & quàm incredibilem in omni-  
bus, & omni loco, & tempore vigilantiam circumspectio-  
nemque desideret, is non iniquus æstimator facile iudica-  
bit, qui probè nouerit, quàm fragilis mortalium natura, &  
in la-



in lapsus maximè leues lubrica sit. Meminerat iam moriturus Alexander Magnus nunquam ab hoste se in acie victum: meminerat orbem terrarum penè vniuersum bellica sua fortitudine, seu fortuna subactum: meminerat Sicinius Dentatus iam item moriturus, se coronam gramineam, & ciuicas 14. cum immortali numinis gloria meruisse, & ex cxx. præliis semper excessisse victorem. Gloriosum id fateor vtrique id fuit; quia rarum; at, bonâ illorum veniâ dixerim, Berckmanno tanto gloriosius fuit, quam illi vtrique sub obitum meminisse, regulam à se nullam vnquam violatam; quantò difficilior est, & illustrior se ipsum, quam alia, aut alios vincere.

*Fortior est qui se, quam qui fortissima vincit  
Mœnia——*

Nam in Aiace id Ouidius disertè confirmat, dum ait:

*Hec̃tōra qui solus, qui ferrum, ignemq̃, Iouemq̃  
Sustinuit toties, vnā non sustinet iram.*

13. Metamorph.

*Inuictumq̃ virum vicit dolor.——*

Deinde illi non nisi aliquoties, & sæpè ne semel quidem in anno, hic omni penè momento in acie stetit, & ex continuo certamine, cum plurimis pertinacissimisque hostibus victor euasit. Præclaram enim verò laudem Berckmannum meruisse, libenter, exceptit Mnemon, concesserim, cum genuinum se Hetærii sanguinem probarit: nego tamen illi hanc laudem inter Hetærianos singularem fuisse, sed eiusdem socios quam plurimos habuisse. Tales enim præter a-

lios plerique extiterunt ex stadiodromis illis, quos infra in medio, & luce statuam. Ac vt ex illis vnum aliquem saltem nominem; Franciscus Suarez fulgidum iubar inter augustos diuiniore, & angelicæ sapientiæ proceres, ad eò legum suarum omnium etiam minimarum amans, & obseruans fuit, vt dictitare sit solitus, malle se librorum omnium quos vnquam elucubrasset, iacturam facere, quam vel semel illam horæ partem aliò contra regulam auertere, quæ illam iubet conscientie excutiendæ impendi. Quæ vir ille, quem infulâ, & sapientiâ illustres viri æui nostri Augustinum, & eruditionis prodigium appellarunt, in Hetærij, Ecclesiæ, orbis Christiani bonum, & decus doctissimo calamo exarârit, nôrunt, qui legerunt: vti & illud coniectu facilè est, quantum inde solidæ gloriæ sibi, emolumentum reliquis pepererit. Et tamen vir tantus tanto pluris, his omnibus regularum suarum obseruantiam fecit, vt, si vel eorum omnium detrimentum subeundum fuisset, vel regula etiam leuissima transilienda, illud præ hoc maluisset.

*Ab vno*

Disce omnes Germanos Hetærij filios. Admiratus hîc non mediocriter Orarchon, cum regulâ, inquit Hetærianos sub noxâ non obliget, vt audire me sæpiùs memini, Quid igitur est, quod eos nihilominus ad tam accuratam legum obseruantiam impellit? Amor excepit Etesius, cuius spiritu potius duci suos exoptat Hetærius, quam timoris. Et eam ob rem tironum suorum animis tenerum erga regulas



gulas affectum paulatim instillat, qui sensim cum annis eò roboris assurgit, vt deinceps non faciliè aliquid liberius in leges admittat. Nam & hic tritum illud vim suam obtinet:

*Quo semel est imbuta recens seruabit odorem*

*Testa diu: —*

Inter ea colloquia mirificè limpidissimæ aquæ aspectu recreabar, in cuius vsque fundum oculi penetrabant, è quo passim candicantes lapilli emicabant: & sol serenior pisces ex imo in altum euocârat; vbi non sine iucundo spectaculo huc, illucque errabant, & velut inter sese lusitabant.

Ægrè inde diuulsus Etesium & reliquos pomarium subeuntes subsecutus sum. In ipso aditu cum

*Ante oculos staret, quidquid promiserat annus,*

Et indefessa, ac solers arboretorum cultura; amoëna se arborum, pomorum, extantis eminus in medio putei, aliarumque rerum facies in oculos infudit. Arborum folijs, ac frondibus lenior aura molli susurro inerrans ea placidè impellebat. Suspiciebamus passim pandos Autumni pondere ramos; arridebant aureoli fructus, arbores in quincuncem erant digestæ, & per amplum spatium occupabant. Ea tamen omnia tum quidem obiter vno velut obtutu aspeximus; post singula inspecturi accuratius. Mox ad murum defleximus, propter quem ambulacrum erat vmbrosum hinc à muro, inde ab arboribus clausum. Nobis murum è lapide impolito, & aspero, ideoque parum elegantem mirantibus, respondit Etesius; eum, nō vt ornet, sed vt muniat, erectum esse

esse à laborioso quidem, nec artis suæ imperito artifice, sed qui omnem splendorem exosus, in eo erigendo non magnificentiam spectarit, sed firmitatem: quæ proinde & tanta toto præterito sæculo fuerit, vt murus tot annorum spatio nihil vitij contraxerit, nihil senserit detrimenti, in nullam adeò rimulam vnquam dehiscere sit visus. Idem hoc vaticinium muro suo iam absoluto inciderat,

*Stabis irato Ioue maior: vdius*

*Nube seu ruptâ iaculetur imbres*

*Siue, quæ Lemni fabricauit incus*

*Fulmina mittat*

*Ignæus: stabis quoque maior annis*

*Inuidis magno manuum labori:*

*Quæ tot arrosit monumenta regum*

*Dente vetustas*

*Liuido, parcat tibi: stabis Euri*

*Impetus, stabis rabie Boreâ*

*Maior: humana quoque maior irâ*

*Maior & ausis,*

*Et dolo celsas fodiente turres:*

*Aris & maior resoni tonitru.*

*Nulla vis vnquam ruet, vsque tutus*

*Æthere stabis.*

Facilè notabat Etesius nobis non iniucundum fore, si arcana in eo muro inclusa proferret in lucem: igitur desiderio nostro facturus satis, in suo hîc, inquit, simulacro Hetæria-



na paupertas spectanda proponitur: quam Hetærianarum legū conditor ipsemet murum appellauit, eius amantissimi sunt, quotquot Hetærius pro suis agnoscit. Quod nemo nō crederet, si oculos non in tecta, quæ subinde regia Principum liberalitas, non in Hetærii, sed suam magnificentiam extruit: non in templa, quæ nunquā satis, augusta immenso Numini erigi possunt; sed in priuata singulorum conclauia ubi degunt, sed in communia Musæa, ubi student, sed in mensam qua aluntur, ac denique in intimos cuiusq; animos conijcerent. Hic enim viderent paupertatem, vt matrem singulos ex Hetærij sui imperio syncero amoris affectu complecti, nullam placitis eius, ac legibus iniuriam facere, sed honori eiusdem pro virili consulere. Ex plurimis vnum aliquem adducamus in medium é quo Hetærianorum in dulcissimam Matrem affectum cognoscamus. Andreas Ouiedus vir, antequam in Hetærij leges iuraret opibus, & honoribus florens; post etiam Hieropolitanâ Insulâ, licet diu obnitens, ornatus, à Summo Pontifice ad Æthiopiam Patriarcha missus est, vt Ioanni Nunnio, item Hetæriano eo in officio succederet. sed cum illuc præter titulum alia non attulisset, breui cum extrema rerum omnium penuria conflictandum fuit. vix erat, non quo aëris iniurias arceret, sed quo se regeret. Ad Portugalliæ regem Sebastianum, & Summum Pontificem Pium V. litteras scripturus, plus chartæ non habuit, quàm aliàs vetustus codex, aliàs Breuiarium subministrauit, vnde tantum extraxit, cui ne-

gotia ad tantas Monarchas commisit. Ipse eâ ætate, & dignitate, vt esset, quo vitam traheret, boues aratro adiunxit, è culta à se terra victum petiturus, quem satis tenuem illa agricolæ non peritissimo dedit. Ne verò ea necessitatis, & nō volūtatī fuisse existimes, inde Goam abeundi potestatem Pontifex fecerat, sed eâ vti noluit: adeo benè genuino filio cum cara parente erat, etiam in tam aduersa fortuna. Imò cum tandem è bobus non nisi vnicus superesset, cui sacram & ad muneris sui administrationem necessariam suppellectilem imponebat, alienæ fami, suæ oblitus, subuenturus eundem in famelicorum solatium iussit mactari. Hic tu manus inspicere pedo Pontificali ferendo consecratas iam stiuæ applicatas; vide è Patriarcha agricolam, non inter oues, sed boues versantem, ex summis opibus ad vltimam famem proiectum; & nihilominus in illa fortuna lætum, ac hilarem: quam possit, & nolit cum meliori commutare: & nega Paupertatis amantes Hetærianos. Ne vero hunc vnū talem arbitrêris, illi similia iam dictus Ioannes Nunnius in eodem munere, & in Philippinis Insulis Antonius Sedenius alijsque complures apud barbaros tenero erga pauperatē affectu perpeffi sunt. Res à Francisco Borgiâ alijsque plurimis gestas perlege, hîc nihil dissimilia inuenies.

Inter hæc ego adolescentem in muro eodem subtristi, & pallido vultu, & nescio quid serium meditantem conspicatus, cū quis esset, & quem in finem pullæ tunicæ intextum lugubrem rerum apparatus gereret. quæso te, inquebam,



bam, Etesî, ecquis tandem hic adolescens? quid ea rerum tam tristem facies portendit? reponit ille Theophobum vocari, pullam hanc vestem, & in ea mortis effigiem, ac extremi iudicii seriem acupictam, caluariam item & ferrum quod gereret, officij quod haberet argumentum esse: à Pomona ex Hetærij imperio eò loci constitutum, vt in pomarii tutelam excubet: neque hætenus in eo officio sopore vnquam obrutum: tanta esse in Hetærium fide. Eundem vt debilior videri possit, si à corporis mole metiaris, quouis nihilominus hoste fortiozem non vnum præclarum facinus edidisse: multas istarum arborum, imò plerasque, sine ipsius præsidio & vigilijs perituras, eius beneficio esse conseruatas. Quandoq; nonnullos audaciâ furentes & fraudibus probè instructos, securibus etiam armatos, quibus citriam, aliasque arbores exscinderent, transmittere fossam, inque murum eluctari conantes, ab eo fortissimè repulsos. Hunc ipsum esse, à quo Hetæriani herbam illam occultæ virtutis in omnia virulentæ Cypridos venena accipere soleant, quam sæpiùs inaudijssemus ab Hetærianis solere circumferri. Et ab hoc ipso accepisse iam olim Petrum Fabrum & Antonium Araozium duo Hetærianæ familiæ eximia lumina, cum eos Hetærius ad Regis Catholici aulam ablegauit, vbi non parum erat à Cyprio veneno periculi: at illo antidoto communitos facilè ab omni periculo perstis-  
 tisse immunes. Sed quænam hæc tandem herba est, ait Litholeon? nec enim parum nostrâ interest tam præsens in ve-

mena adeo noxia amuletum nosse. Castus & sanctus Etesius reponit Numinis offendendi metus. hoc vigile in primis defensa hæc poma, nec vim, nec fraudem timuerunt.

Dum interim progredimur & oculos in murum eundem attollimus. Et alium in eodem adolescentem non procul ab altero conspeximus, sed illi vultu, & habitu disparem. Nam aurea cæsaries leniter in ventos fluebat, vultus erat ad omnem hilaritatem, comitatemque compositus, rosas, & amores spirabat. Læuâ pomum persicum, sinistrâ sceptrum gerebat, in cuius apice oculus apertus velut vigilabat. Tunica erat è purpura, quam in medio aureum cingulum varijs gemmis distinctum collegerat. Roganti Orarchonti quis esset, & quorsum ibidem positus, respõsum est, fratrem germanum alterius esse, parique cum ipso officio fungi, quod sit, pomarium à furum conatibus tueri: in eius rei signum oculum apertum in summo sceptro gerere: cetera argumenta amoris esse, cuius genuina sit soboles: ex omnibus Hetærianis neminem esse qui teneriore quàm ipse affectu in Hetærium feratur, à quo proinde Hetærophilus vocetur. Eundem Hetærianis omnibus charissimum esse, & eò quidem cariorem, quo quisque vehementius Hetærium ipsum adamet. Cuius veram amandi rationem soleant ab eo edoceri: & verò nobilem eius institutionis in plerisque omnibus fructum esse, qui idcirco Hetærium suum ita ament, vt magis, vt veriùs, vt sincerius non possint. Hetærianenim, inquit, vtcunque res cadat, quemcunque vultum fortuna assumat, vbi



vbi Hetærij amor in mentem venit, animum ad æquitatem, ad serenitatem vultum componūt: erga Hetærium amor ipsis pro clypeo est, quo recti nullo negotio ictus omnes quacunque manu incussos eludunt. Xauerianum illud, memento te Hetærij membrum esse, altè animo impressum hæret & identidem in ore est; quicumque casus percellat. Luctandum cum duris & asperis? cum maleuolorum obrectatione, cum hostium odiis dimicandum? toleranda

— *Sitis, ardor, arena?*

Frangenda animi vltionem spirantis ira? memento inquirunt Hetærij te membrum esse, & sanguinem; & iam non Romanum, sed Hetærianum esse, fortia pati: & è vestigio eum vultum induunt, eum animum assumunt, qui virum, qui Hetærianum deceat. Cypris in audaciam assurgit? arcum corripit? tela iacit? vbi illa cogitatio, Hetærianus es, cuius est ad angelicam animi, & corporis puritatem eniti; pro loricâ esse cœpit, iam ictus plumbeus est, & in lanam sine strepitu insilit, nedum cum vulnere. Ad ardua, ad innatâ à natura propensione contraria, ad longè distita per varia pericula, per vias asperas altius imperium mittit? solenne suum repetunt: memento Hetærij te membrum esse; cuius est ex alieno, non suo arbitrio viuere, quem fas est imperata facere non discutere; ad omne imperium pedes alatos & manus expeditas adferre. Hinc sumunt, quoties animo magno &

præsenti est opus. Et ideo huius Hetærophili in primis, vti & fratris in omnibus excubijs & præsidio pomarij opes hætenus seruatae sunt. Interfatus hîc Mnemon ex utroque hoc vigilè, inquit, facilè quiuis intelligat raram & excellentem Hetærij prudentiam, vt qui per eadem præsidia huius pomarij sui incolumitati & decori iuerit consultum, quæ optimus & sapientissimus quisque rerum publicarum administrator ad earum conseruationem adhibere consueuit; amorem, & metum Hos, aiebat, quoties iuncti sint, imperia, regna, prouincias, respublicas, vrbes, familias ab interitu & ruina seruare incolumes. Quod si quæ aliquando corruant, alterutrius absentiâ id euenire. Solere autem benè instituta amore, & metu conseruari, iam olim illustria duo orbis sidera Pium I V. Pontificem & Carolum Quintum Cæsarem in familiaribus symbolis testatum reliquisse; in quibus alter laurum cum virga, alter Aquilam fulmini insidentem cum ramo Oliuæ iunxerit. Eòdem spectasse Antonini, & Neruæ fulmen in toro locatum, & Themistoclis Numina, Violentiam, & Suadam, quæ testatus sit apud Andrios vnâ secum venisse, cùm ad eos legatus venisset: eòdem binos Democriti Deos, Poenam & Beneficium. Nam his omnibus clarissimè indicasse ad mortalium animos in officio cõtinendos (in quo rerum publicarum salus consistit) nihil supplicio, & præmio, metu & amore esse potentius. id quod orbis vniuersi hætenus experientia comprobârit.



Ex arboribus principe se loco videndam malus Indica seu citria obtulit. rami felicia pomagerebant; & tersissimum speculum cortici eiusdem erat infixum. Hanc aiebat Etesius ex ipso paradiso illuc translatam à Parthenio, & cultu eiusdem industrio, & indefesso ita fertilem redditam, ut quouis anni tempore fructus maturos afferat. Et illud ita esse, oculi testes erant, qui tum simul fructus, & flores, & gemmas protuberantes in ea aspexere, & eo nomine biferis Alcinoi malis longè præferenda esse visa est, cum illæ duntaxat in anno bis pomis vtilis, hæc semper esset. Erat cortex in citrijs malis aliquantò asperior, & in nonnulla tubercula intumescebat; sed cum Etesius vnum aliquod cultro diuississet, & medullam eiusdem degustandam obtulisset, optimi saporis & succi fuit, quem addebat præsens esse in venena amuletum, ea præsertim, quæ cæteris nocentiora in Cyprio crescerent. Odorem item non ingratum exspirabat, quem adiecit Etesius, solere edentis ori infundi, & tineas eodem in vestibus enecari: hinc in vestiariis malorum citriorum usum frequentem esse. Quin igitur, ego inqueiebam, ad socios, aliqua eiusmodi mala carpimus, domum asportanda, serico & purpuræ per hæc deinceps consulturi? Cum idem, ut faceremus, vehementer suaderet Etesius, consilio eius obsecuti singuli aliqua decerpimus. Tum Litholeon, iam inqueiebat, causam intelligo, ni fallor, cur Hætarianos tam rarò paphium virus afflare, cur sermones eorum non allium olere, sed rosas soleant. Ab hac enim partheniana

nianâ arbore, & oris suauitatem, & à veneno Idalio securitatem, vt video, fumunt. Ita est, excepit Eresius, nec enim quisquam ex iis domo egredi ausit, nisi hoc præsentissimo antidoto communitus. Quærenti deinde Orarchonti qualis is parthenius foret, cuius curæ adeò nobilis arbor esset commissa, id ab Eresio responsi tulit. Adolescentem Anglicum, aut Angelum potius humanum esse, sic oculos, sic vultus, sic corporis habitum, sic gestus, sic sermonem loqui: quidquid in illo sit candidum esse, nec in veste, nec in facie næuum vllum, aut atrii aliquid apparere: & eū in finem speculo vri, quod in citrô eius videremus. Nam, aiebat, apud vitreum hunc Iudicem faciem, & vestem identidem emaculat: viâ nec lutosâ, nec lubricâ incedit, ne in hac cadat, in illâ foedetur, & vestium niues atris sordibus inficiat, quas mallet suo sanguine purpurari. Idem candoris mure armenio amantior est, qui tamen ne niueum vellus, quo amicitur defoedet, antrum luto aspersum non subit, licet inde capiendum se sentiat. Nec sanè iniuriâ: nouit enim Parthenius quantum in stolâ sua thesaurum circumferat: quantum præmium expectet, si sordium puram vsque conseruet. Nouit eam ebore, auro, gemmis, & quidquid orbis pretiosum habet, præstantiorem esse. Idem Hetærianis charissimus est amorem mores niuei conciliant; nemo est omnium, quin, si ita res ferat, libenter pro illo sit sanguinē fusurus: qui preciosus esse desijt vbi Parthenij incolumitas postulauit; quem Emmanuel Fernandez Ebore in Hispania totum pro eodem



eodem effudit; cum in eius defensione à nefarijs veneris satellitibus mactatus est. Ingens Parthenij videndi desiderium in animis nostris erat incensum, sed aiebat Etesius, eum non solere prodire in publicum, nec formam spectantium oculis venalem proponere, posse tamen nos quoquo modo voti compotes fieri speculi beneficio, quod in eius arbore videremus: in eo enim viuam ipsius imaginem relucere: & in eo illud speculum à reliquis differre, quod hæc aspiciētium; illud nouo quodam artificio sui heri vultus repræsētet. accedo igitur & inspicio, ac emicantibus in oculos radijs diuinæ cuiusdam pulchritudinis plenus admiratione:

*Nil mortale mihi videre visus;  
O ipsis facies decora Diuis!  
Exclamo, nec enim tui vel umbra  
Est, quidquid color, atque penicillus  
Insit vinere seculis vetustis.  
O vultus speciose, lilijsq;  
Formosissq; rosis, venustulissq;  
Narcissis, violissq; purpuratis,  
Et pictis vario colore pratis,  
Et cælo varijs nitente stellis  
Vultus pulchrior. Ignium micantium  
Rectrix Cynthia, syderumque princeps  
Titan inuidet, & minor videri  
Se, tantoque dolet nitore vinci.  
Quod natura sinu capace clausit,*

*Præstans, nobile, fulgidum, venustum,  
 In hæc Partheniana fudit ora  
 Manu diuite. Terra misit aurum,  
 Pubentésque rosas, eburque candens,  
 Effulgens iubar addidère stella:  
 In vultus Charis hac manu magistra  
 Finxit. Nobile fluxit in capillos  
 Aurum: sidera possident ocellos,  
 Et frontem niuis amulam serenat  
 Cælum innube, sedent rosæ labellis,  
 Formosisque genis, eburque collo.  
 Non nauius, maculeve deuenustant  
 Augustam faciem, Deoque dignam.  
 Sed qualis fluit unda virgo ripa  
 Illimi, sine nube quale cælum  
 Arridet, sine labe quale vitrum  
 Pellucet: sine sorde talis omni  
 Vultus Parthenij serenus albet.  
 O puris oculis venuste vultus!*

Tum Etesius. Et hæc quidem, inquit de Hetæriana castitate hætenus. Ea autem omnia nihil à vero abesse ad orbis iudicium, & Hetærianorum hostium testimonium prouoco: qui licet in Hetærii vitiis cæteroquin peruidendis lynces sint, nihil reprehenderunt hætenus; quia nihil potuerunt. Nempe hanc pestem amoliturus è veteris Poëtę consilio Hetærius: — *Ne pars syncera trahatur,*

mem-



membra omnia, Cypria sanie suppurantia, maturo ferro ad viuum à reliquo corpore rescatur. Aliquid hic visum addere quod ad Hetærianæ castitatis laudem eximiam pertinet: ac imprimis eandem in eo citrio malo persimilem videri; quod, sicut illud non solum in se ipso minimè ingratum odorem complectitur, sed eundem etiam ori edentis infundit: ita hæc non solum in Hetærianorum animis clausa delitescat, & speciosos eosdem, ac niueos reddat, sed inde etiam quodammodo pudicis cum sermonibus egressa in audientium, & spectantium se oculos, ac animos mito artificio insinuet, & eosdem vicissim castitatis amore inflamet; columbæ similis, alias ad se oris odore attrahenti. Inter alios autem complures eâ gratiâ insignes maximè Cornélius Vishauæus excelluit. Fuit is iam antè egregiâ vitæ sanctimoniâ, & eruditionis fama inclitus, quàm ad Hetærianos concederet; quam tamen deinde apud eosdem mirificè auxit. Ille, quoties de castitate sermo erat, ea erat dicendi vi præditus, ut hic perfectus orator crederetur. Fama erat, cui sermone vellet, posse eiusdem amorem persuadere. Cum Messanæ in Sicilia ea fama latè percrebuisse, tres ibidem sorores honestissimo loco natæ experiri in se statuerunt, num sparsa de Vishauæo vulgi opinio cum vero constaret. Nuptias omnes mortales ambiebant, idcirco ad sæculi leges vitam ad amissim exigebant: illum igitur adeunt, conscientia onus apud eundem deponunt. Vix ab eo prima recesserat, cum iam ardentissimo sponsi cœlestis amore exæstuans fir-

missimo animi decreto esse statuit, quod antè nolebat. Idem & reliquis euenit. Paulò post igitur omnes non sine summâ vniuersæ ciuitatis admiratione, & plausu pudoris florem Deo in Parthenone consecrarunt. Alia ibidem fuit prioribus petulantior; cui rosei coloris capillus plus æquo placebat: quem idcirco non leuî pretiosissimi temporis iactura indies horis aliquot ad speculi leges & sæculi mores concinnabat, vt cuius beneficio amorem, imò & nuptias speraret: in illam ita ornatam Vishauæus aliquando incidit, & in eam acri oratione inuectus monuit, cauere: ne ab irato Numine, pro eâ culturâ dignam aliquando mercedem reciperet: si saperet, Sponso cœlesti eum ornatum non inuideret. Risit illa tum quidem, & vel ad nomen Parthenonis horruit; paulò post tamen reliquas subsecuta est. Nam cum ex acutissimo capitis dolore, quo tentari cœpit, crines omnes excidissent, cum iam calua humanis placere oculis desperaret; diuinis placere decreuit eodem quo reliquæ loco. Parthenonem non vnum ea ratione nobilissimarum virginum numero oppleuit. Eam autem vim adeò miram Hetærianæ castitati adiunctam à Mariana profluere Mneumon adiecit. Illa enim, inquit, augusta cœlitum Regina & virginum Princeps Hetærianos maximam partem, si non omnes, Hetærio adiungit, & propterea etiam quæ huc necessaria eis sunt, procurat: inter quæ principem locum Castitas obtinet, quâ illos aut donat, vti sanctissimum Hetærianæ Familiæ parentem donauit, aut donatos confirmat,

Clarum



Clarum id in Iacobo Ledesma, qui à virtute & eruditione immortalem gloriam affecutus est. Is Nocoliæ in Carthusia primo, & humanissimo Hetærianorum ibidem hospitio in Leonardum Kesselium inciderat, & ab eo persuasus in Hetærij leges & ipse iurare vehementer optabat, sed vnum erat, quod egregia meditati remoram iniiciebat, metus ne perseveraret, & ad illam Angelis supparem castitatem ab Hetærio in suis requisitam aspirare posset: sed iussus neutra hac ex parte metuere, vtrumq; à Virginum & coeli Regina Hetærianorum optima parente sperare; auctorari se in novum militem passus est. Cum nihilominus deinde anxius re eam vtramq; magnæ Virgini Hetærianis omnibus tam propitiæ commendaret, subito coelesti luce conclaue, ubi orabat, refulsit; & in ea Deipara vna cum Diua Magdalena & Catharina vtraq;, Senensi & Alexandrina videndam se Iacobo stitit, Castitatis donum impertijt, & in Religione perseverantiam, & in extrema lucta cum morte decertanti à suamet præsentia auxilium promisit. Deinde duæ reliquæ canere cœpère, sed ut coelites solent, merum nectar & ambrosiam. Ipse coelesti dulcedine ebrius, præter hos tres verficulos nihil è diuina illa cantione retinuit.

*Divina res est Castitas,  
Divina sunt & premia  
Qua continenti dat Deus.*

Addamus aliquid quod non adeò procul Nocolia gestū est non sine eximio Hetærianæ castitatis encomio. Treueri e-

missus è tyrocinaio Hetæriano Matthæus Boys etiamnum Nouitius ostiatim stipē cogebat, vt apud tales recepta consuetudo obtinet. Inuitatus est à benefico, & liberali hospite ad mensam lautam illam quidem à cibis, sed minùs castam. Aderat enim è grege Cyprioleno quispiam; qui nescio, quē spurca ex impuro ore euomebat. Tenerrimæ aures facile vulnus senferunt: cum alia autem tuendæ in eo articulo castitatis ratio non eslet, cœpit Matthæus vbertim ex oculis lachrymas, è naribus sanguinem profundere, opportunas Cyprijs flammis extinguendis vndas. Causam rogatus, quē eam lachrymarum & sanguinis copiam tam subito propelleret, quis, inquit, non acerrimè doleat, ita grauitè Numen immensum offendi, ita barbarè cum omnium venustissima pulcherrimaque Diua castitate agi? in quam, quot verba iacta sunt, totidem pectori vulnera infligi maluissem, & minùs inflicta doluissent. Defensa in tempore Castitas, & quidem tam opportunis armis cœpit esse venerationi, quæ fuerat ludibrio. Nec mediocriter miratus est hospes Hetærianæ castitati tam subito ad manum esse, & venire subsidio lachrymas, & sanguinem, cùm alia arma desint. Et inde facile collegit, quam ea cordi Hetærianis, quam cœlo curæ sit. At iuuat hìc pauca addere, quam acri, ac pertinaci certamine dæmon eandem oppugnet, quam præsenti ope propugnet Soterius. Mulier nefaria aut Cacodæmonis potius mancipium Panormi in Sicilia fuit, quæ ipsis 35. annis ad Orci arbitrium in flagitijs grauissimis vixit. Hæc ex Auer-

ni im-



ni imperio ædem Hetærianam octo annorū spatio eo consilio frequentauit, & multa cum Hetærianis fuit, vt eorum castitati sub pietatis larua insidias strueret. Tantum tamen abfuit, vt illam Diuino auxilio communitam læserit, vt ipsa deinde in certam animæ salutem capta sit ab ijs, quos captura & in fraudem plectura venerat : nam eorum ope adiuta ex libidinis cœno emerfit. Ioannem Hieronymum, quo Oratore Philippus II. aliquando libentissimè vsus est, cum Granati Hetærianis præesset, mulier item scelestâ pudendi facinoris accusârat. Famam latè vagantem ij, ad quos ea res pertinebat, repressuri diligenti examine in factum inquirunt. Eos in primis quibus Hieronymus utebatur familiarioribus, rogant, num sciant quippiam, quo rumor adeò funestus roborari possit. Inter hos vnus supra quam dici possit indignatus, amici integerrimi angelicam castitatem vel in leuem suspicionem venisse, huc, inquit, ignem affertè, hic Hieronymianæ integritati, ac innocentiae incorruptum testimonium dabit; simul manum in ardētis luminis flammam immisit, eò vsque ab igne illæsam in ea retinuit, dum fidem de illata Hieronymo iniuria omnibus fecisset. Improba deinde lena tantis doloribus excruciarî cœpit, vt coacta sit Hetærianos Præsides adire, & ad eorundem pedes pro uoluta irrogatæ iniuriæ veniam deprecari.

Arbor Citriam subsecuta pulcherrimo item aureoque fructu redundabat. Poma enim ad auri colorem accedebāt. Quæ cum intuerer curiosius, num, inquit, ad me Etesius Sano-

Sanouise, aliquid tibi de aureis malis, & horto Hesperidum aliquando inauditum? esse asseueranti, hæc ipsa respondit, arbor de earum numero est, quæ olim in Hesperidum felicissimo pomario floruerunt. Inde huc enim transportata est Eubulemi cuiuspiam opera: sed libet rei gestæ narrationem aliùs repetere, cum non pauca interuenerint, quæ laudem & posterorum memoriam mercantur. Cùm hoc nobile pomarium exsurgeret, & selectissimæ quæque arbores excelebratissimis orbis pomarijs huc transferrentur, ad decantantissimos Hesperidum hortos profectus est hic Eubulemus, cui datum erat in mandatis vt draconi in somni aut excæcato, aut interempto, non aurea mala, sed cum malis arborem auferret. Rem ille præclare executus, hanc quam videtis arborem huc asportauit. Sed non minus illi, quàm Herculi operosum fuit. Draco enim acutissimi visûs, vnde & nomen inuenit, hortum etiamnum vigil custodiebat. Sed ille belluam fortiter aggressus, non quidem occidit, sed excæcauit, idque tanta fortitudine, & dexteritate, confecit, vt ambigas maiorine robur, an ingenium admiratione sit dignum. Nam cùm probe nosset, qua ratione Vlysses ingens polyphemo lumen è fronte excussisset, eum imitatus ardente titione oculum vtrumque regente manum ingenio ita ambussit, vt lucis eidem non vitæ vsuram ademerit. Quideæ poma tam copiosa & præstantia cortici suo arcani includerent, erat nobis aliquantò obscurius: id igitur euoluturus Etesius. Hæterij, hinc inquit obedientia

adum-



adumbratur, quæ nisi tanta esset, quantâ videmus, & miramur, diu Hetæriana familia in illa locorum, functionumque varietate existere non posset; sed necesse esset quâ primum collabi: ideoq; præcipuum cuiusq; studium est, in eâ quam maximè excellere. Cùm verò ad eius perfectionē aspirari nō possit, quandiu suo quisq; nimium iudicio, & privata prudentiæ tribuit, hic omnium potissimus labor & industria versatur, ut hunc oculum mentis non usu, sed abusu priuent, ne is videlicet imperata quæcunque ea demū sint, examinet, rectane an secus sint, sed voluntati duntaxat ad eadem implenda dux sit. Quæ Hetærij, eadem obedientiæ genuina soboles est. Hæc incredibili parendi studio accensa, quocunque Hetærius amandet, momento paratam se sistit, & in imperium alas affert,

—— *Per altas ire si iubeat niues,*

*Iuvat gelatis ingredi pindi iugis.*

Iuit enim per continuas niues mense non vno Antonius Andradus cum aditum in regnum Thebet aperuit.

Iubeat per ignes ire & infesta agmina? eunt & iuere iam Spinolæ, & Fernandi, ut alios quam plurimos sileam. Labor penè minor est illi iussa exequi quam Præsidi dare. Ad eius nutum rupium & montiū iuga ascendit, sylvas periculis infestas adiit, procelloso & naufrago Oceano vitâ obiecit. ausa

—— *Siccis oculis monstrantantia* &

—— *Mare burgidum* &

*Infames scopulos acroceraunia,*

Et his sæuiora irretorto oculo intueri. Viribus penè maiora ad Heterij nutum aggreditur. nam obedienti nihil arduum. Vno hoc seculo orbem vniuersum obiuit, nec tamen ex itinere fessa, sed alacris. Et quamuis sæpè incesserit per lubricum, nunquam fefellit vestigium, nunquam est effusa in casum. Haberet hìc, vbi triumphare & exultare posset Oratio; sed locus, & tempus definitum latius non finit excurrere; aliqua tamen modicè delibemus. Vt alios cōsultò præteream, in Francisco Borgiâ mirè enituit; viro sanè maximo, siue antea Proregē inter suos, siue postea inter Heterianos subditum, siue summum præsidem consideres. Is enim cum aliquando, vt apud Heterianos solenne est, suam in culina operam coco elocasset, tãta alacritate in omnes nutus illius obsequens affuit, & omnia eiusdem imperia impleuit, quanta nullus heri sui famulus. Euenit vero aliquando, vt Borgia subito ad aulam ad Principē Hispaniæ Ioannam euocaretur: quò non nisi submissee petita à Coco, obtentâque licentia concessit. Illi iam abeunti Cocus inclamat, quamprimum se ex aula expediat, in culinâ enim esse, in quo vti operâ eius necesse sit. Facturum respondit Borgia, & vero fecit. Cùm enim redditum, admirante non mediocriter Principe, vehementer vrgeret, ingenuè fassus est, ita discedenti Cocum imperasse, è cuius arbitrio nũc penderet: quo Principem in stuporē dedit, ac abiit. Illa autem Proregem, Gandiæ ducem, Borgiã, imperare solitum, nunc imperia à Coco accipere, & admittere, non credidisset, nisi



Borgias dixisset, & Borgiæ virtus fidem fecisset. Apud Hetærianos nō quis, sed cuius nomine imperetur, attenditur: hinc apud eosdem, nec summis etiam infimo cuique parere difficile est: quia vis eadem quæ imperia vrget in infimo est, quæ in summo. Fuit cum & prodigio Deus Hetærianā obedientiam cōprobavit. Ioannes Ximenes inter Hetærianos rei domesticæ, vt vocant, Coadiutor, vir aperti & candidi pectoris, atq; in præsidum suorum imperia cœco voluntatis impetu ferri solitus, fluuium cum mulo iubebatur trajicere. Is extra ripas effusus adeò excreuerat, vt sine præsentis vitæ periculo non videretur posse transiri: de periculo Cæsaraugustanum præsidem suum admonet. Vbi is nihilominus imperata vrsit; nihil cunctatus Ximenes mulo inuehitur in Iberum: sed mox vndarū impetu, cui sustinendo impar erat, in imum cœpit abripi, & iam exitiū erat in oculis. Tum Ximenes præsentis animo oculos in cœlum attollit, & huc inquit, ô Deus, obediētia duxit, quæ nemini fraudi est. Tuum nūc est succurrere. Vix implorauerat, & mox affuit auxilium. Mulus enim in extremos sese pedes erigit, itaque regressus humanū penè in morē, ambulare subitò edoctus, vectorē, & se in tuto stitit incolumem. Ioānes Ortungus à præside iussus in porticu quapiam vsq; in reditū suum (erat autem animus reuerti quamprimum) subsistere, & à se illuc mandatum expectare: immobilis nouē horarum spatio inter sæuiantis hiemis iniurias (nix enim copiosa decidens iā pedes operuerat) eò loci perstitit, aliò enim præsidem intere-  
variatarum cogitationum æstu abreptum negotia auoca-

runt. Et iam Ortungus, & mandatum illi commissum memoriâ effluxerant. Tandem cum â coenâ abesset, nec quisquam vbi esset, sciret, mandati memoria in Præsidis mentem recurrit, & ad porticum properas eodem loco Ortungum reperit, quo reliquerat, tota etiam nocte mansurum nisi nouum mandatum reuocasset. Similibus plenæ sunt res ab Hetærianis gestæ, quæ si omnia narranda essent, quadriuum nostrum latius extendendum foret.

Interim iam ad Cydoniam accesseramus, multa in eâ arbusculâ mirabamur. Et primo quidem arboris, & fructus magnitudinem disparem. Illa enim inter maliferas arbores minima erat, & poma nihilominus eiusdem penè omnium maxima. Deinde vberriam fructuum abundantiam, quæ propè reliquas omnes ante cedebat. Tum eorundem præstantiam: nam ori, & cordi mirificè conducere asserebat Etesius: illi quidem gratissimum odorem inspirare; huic verò robur addere. Neque id admiratione carebat, quod frutici, quam arbori esset similior; & rami sibi mutuò implexi velut in sepem coiuisent; quarum plerique pomis depressi in humum inclinabant. Poma ipsa ad aurum accedebant, sed aliquanto dilutius. Et iisdem mollis quæpiam lanugo succreuerat, vnde fiebat, vt attingenti aspera non essent. Post quæ ego ad Etesium. An nō aiebam, Etesi, ex hac cydonia Hetærij humilitas velut è speculo tralucet? tralucet verò, excepit ille; quæ certè virtus, si vlla ab Hetærianis elapso seculo culta est, & in præcipuo quodâ honore habita. In quâ ne quar-



do peccandi liberior occasio foret, honores ab ædibus suis omnes proscripsit Hetærius, affixo ad fores decreto, quo omnis illis aditus intercluditur. Ad purpurâ, seu Tiaram Iacobus Laynius, Claudius Iaius, Nicolaus Bobadilla, & alij plures magni, & illustres inter Hetærianos viri tantùm non tracti sunt, pertrahitamen, quia viribus omnibus obnixi sunt, nunquam potuerunt. Carior scilicet humilitas, quam dignitas fuit: quia tutior, quia Heterio suo acceptior. Fuere quidẽ, quibus diu obluſtantibus tandem inuitis, & ad colorem Hetærianis omnibus formidabilem ingemiscentibus, purpura, aut infula inieſta eſt, ſed corpus ornauit, animum non immutauit, nec oculos perſtrinxit. Nempe obfirmatum in humilitatis leges animum nulla res facilè tranſuerſum egerit. Cum humilitate Franciſco Borgia iam ſupra laudato arcta velut amicitia interceſſit. ita amauit, ita coluit. Vt illi placeret, vt eius beneuolentiam ſibi conciliaret, porcum (ſit verbo venia) ſe ipſum nominauit, & ne nomẽ à verò abluderet, etiam haberi voluit. Cùm enim aliquando ianitoris vices, vir tantus ageret, (quod item ineundæ ab amicâ illâ ſuâ gratiæ cauſâ frequens factitabat) non nemo Heterianæ inopiæ ſubuenturus porcum dono ſubmiſit. Hunc ille in humeros ſuſtulit, & ſocijs ad ſpectaculum attonitis leniter ſubridens, porcum, inquit, porcus aſportat. Amoris eximij in humilitatem & illud argumento ſit. In itinere cum ſocio in eodem cubiculo dormiebat. Is, cum tuſſis ea nocte vehementer vrgeret, identidem, quẽ ſtomachus

malè officio functus non digesserat, egerebat, & vt ipse putabat, in parietem aut pauimentum, sed imprudens in Borgiæ vultum eiecit: quem ille non amouit, ne, adeò nobilem amicæ suæ gratificandi occasionem negligeret, sed sputis excipiendis exporrectum obiecit. Tandem agnito errore, focius veniam precari aggreditur, sed Borgias bono esse animo iubet, locum enim eiusmodi sordibus in toto illo cōclāui, vultu suo digniorem non fuisse. Plura de hoc ipso & alijs sexcentis adduci facilè possent, si locus sineret. Sed satis opinor hinc quiuis collegerit, quales aut sint, aut esse laborent Hetæriani. Nec enim Hetæriani sanguinis est, à præclaris maiorum suorum vestigijs deflectere, in ea præsertim virtute, quam quisquis habuerit offensam, Hetærio diu amicus esse non potest. Vnum aliquem in primis Hetærius habuit, adiecit Mnemon, qui vita ipsi, & si quid dulcius vita est, charior fuit, hac virtute eximiū, Cleomiso nomen fuit. Eum si à corporis mole æstimes minimus, si à præclaris virtutibus, ab animi bonis, & illustribus factis, à placidissimis moribus, omnium maximus est. Per neminem alium toto elapso seculo maiora, ac per ipsum perpetravit Hetærius: idem dura, ardua magnis difficultatibus implicita, summis periculis coniuncta, rara animi magnitudine aggressus ad felicissimum exitum perduxit. Tantum tamen abfuit, vt rerum gestarum gloria efferretur, rebusque secundis insolesceret, vt inde potius se depresserit: nullibi enim ac humi fuit libentius, alta omnia reformidauit ac fugit, in moribus  
nihil



nihil vnquam arrogans, nihil inflatum, nihil asperum: lœnea omnia & cydonia fuere; sermo omnibus dulcis, balsamum spirauit & rosas. Quibus è rebus duo consecutus est. Primum, vt sibi omnium Hetærianorum animos incredibili beneuolentia deuinxerit; deinde vt eum non Hetærius solum, sed & alij qui rerum potiuntur in orbe terrarû, ad summa quæque conati sint prouehere, sed ipse quoad licuit obstitit. Sexcenties in fulam non sine maximorum virorû offensa repudiauit: semel, aut iterû assumere coactus, corpore non animo induit: ideoque in ea remansit, qui fuerat antea, Cleomifus; & exemplo suo docuit non semper vulgare illud cum verò consistere, *Honores mutant mores*. Tabellam deinde porrexit Mnemon, è qua nobilem eius de Doxophilo triumphum perlegimus, quem ex Apollineâ gente quispiam his versibus exornârat.

*Vix innotuerat pralustis Heterius Orbi  
Nobilibus factis; Et te melioribus armis  
Soteri, nomenq; tuum vix cæperat acri  
Milite tutari, quando successibus ager  
Tam latis, magnisq; parum tot laudibus æquus  
Doxophilus bellum indicit, mundi quæ Monarchas  
Et rerum Dominos, seu gestent aurea quondam  
Sceptra manu, gemmis grauidas seu vertice mitras,  
Armorum socios adsciscit. Heterius illi  
Opponit funda instructum Cleomifon, inermem*

*Cætera,*

Cætera, disparibus concurritur acriter armis.  
 Ærea quæ sedit flauo sub vertice cassis  
 Doxophili, radijs Phœbi percussa refulsit:  
 Et cristæ tremuere leues audacibus Euris  
 Proiectæ, fulgênsque chalybs, nec peruius ensi  
 Munierat pectus; suras incluserat ari.  
 Brachia vibrabant ingens pragraandia ferrum:  
 Par armis stetit ipse suis, caput intulit altis  
 Nubibus: Alcides illi collatus & Atlas,  
 Nanus erit. tamen immensa nil mole Gigantis,  
 Nil adeo horrendis Cleomifus territus armis,  
 Obuius occurrit. vitreo de flumine lectus  
 Arma fuere lapis, flexa quem gyrat in orbem  
 In fundâ, certoque petat, quam vulnere frontem  
 Designat, solers neque quicquam dextera fallit.  
 Qualis enim augusta quondam puer indole paruus  
 Corpore Iessiades, animo fortissimus heros  
 Goliadum: talis paruus quoque corpore, magnus  
 Pectore, Doxophilum Golia nil viribus impar  
 Prostrauit monstrum funda Cleomifus, Heteri  
 Magne, tuus Cleomifus honor, columenq<sup>3</sup>, decusque.  
 Nam cælo ducente manum dum destinat ictum  
 In frontem, mediâque ferit, latèque patefcens  
 Hæc in vulnus hiat; diro ceu fulmine tactus  
 Proruit; accurrit Dauid nouus, abripitensem,  
 Immensumque caput vasta ceruice reuulsit.

Nobile



*Nobile cum spoliū conspexit Heterius hosti  
 Iurato extortum, festiuo ingentia plausu  
 Gaudia testatus suspendi iussit ab alto;  
 Spectaclūque, metūq; suis. Tum clara reuinxit  
 Tempora victoris Cleomisi virgine lauro  
 Aeterno semper viridis qua floreat auro.*

Nouum deinde arboris genus, nec in his terris visum hactenus Etesius monstrauit, addiditque esse ex nouo orbe è Provincia Malabarica & Cachi nominari. Non tulerat nisi vnicum pomum, Et quidem non in ramo, sed ad stipitem: eratque insolitæ magnitudinis: cuiusmodi vnicum duntaxat enasci in ea quotannis adiecit Etesius, sed vt plurimum adeò magnum, vt ei ferendo vir cœteroquin robustus non sufficiat, ac propterea plurimis alijs præstare. Nam in se minora alia mala nostratibus magnitudine æqualia, aut etiam maiora trecenta complecti raræ virtutis omnia, & precij: eadem mirabili ordine inter se disposita esse: singula quidem inter se pelliculis diuisa, mutuo tamen nexu vicissim colligata firmissimè cohærescere. Quod ita esse ne dubitare possemus, ex arbore detractum cultro diuisit, & fidem oculis fecit. Hic tum Mnemon: concordia, inquit, hæc arbor aptissimum simulacrum est; quæ Hetærianorum omnium corda hactenus aureo vinculo amoris copulauit: Et Hetærianos non trecentos, quot poma Cachi comprehendit, sed ad octodecim millia optimo ordine inter se dispositos officijs, moribus, linguis, ingenijs diuisos mutuo

Ee

tamen

tamen nexu vicissim fraternæ dilectionis firmissimè copulatos, complexu vnico fouet. Nec hætenus arbor aut pomum fuit in omni hoc pomario, seu res nulla fuit; quam orbis magis in Hetærianis penè suspexetit. Cui id enim non magnoperè mirum videatur. tot diuersissimas nationes, eas etiam, quas alioquin ipsa penè natura & ex hac enata studia disiunxerunt, in vnã iudicijs, moribus, legibus vbiuis gentium conformem coalescere? & ita quodammodo fieri, quod adynaton vetustas credidit, vt agnus & lupo, accipiter & columba posito naturæ dissidio simul sine fraude commorentur: scilicet necesse est cœlitus haustam esse sapientiam, qua Hetærius tam longè dissita coniunxit, & nexum illum, quo ea alitrinxit, omni ferro & chalybe firmiorem esse; vt quem nulla vis tot annorum spatio potuerit infringere, nulla vetustas atterere, sed qui potius ab vsu assiduo splendorem traxerit.

Hanc eandem Vbius quidam Doctor, magni inter suos nominis, olim ita percommode adumbravit. Rogatus is, quo pacto ibidem Hetærius tam secundo rerum successu vteretur, & noua indies iuuentuti, quam literis & moribus informaret, accessio fieret, respondit: quotquot illic Hetæriani essent, currum vnum vnico fune trahere, ideoque illum, & cum eo rerum negotia tam feliciter procedere. Rem enim verò dixit, subdit Etelsius, animorum enim consensus prosperi successus mater est. Quod hoc sæculo res Hetæriana passu tam felici iuerit, à concordia maximam



partem fuit. Concordiæ Hetærianæ vis, vt vbiuis gentium rara enituerit, maximè tamen Romæ, in summi Præsidis electione semper eluxit; ac inprimis in Claudij Aquauia. Cùm enim in demortui locum hunc ipsum suffecturi è toto terrarum orbe præcipui quicq; doctrinâ, prudentiâ, virtute, numero LVII. Romam conuenissent; de his ita scribit Ioannes Antonius Valtrinus. Hi omnes licet patrijs, linguisque diuersi inter se, ita tamen voluntatibus consenserunt, tantâque omnia conspiratione animorum gesta sunt, vt eximiæ cuiusdam charitatis & concordiæ non modò in præsens tempus, verum etiam in futurum firmissima fundamenta iacta esse videantur; Et verò iacta fuerunt, nam illa hætenus nulla vis, nulla temporis diuturnitas, nulla cœli inclementia labefecit; sed sua etiamnum firmitas his fundamentis constat: & sperat Hetærius Deo benè propitio, constituram æternum. Tantæ inter Hetærianos concordie causam reddere Mnemon iussus, iam antè ab aliquo Poëta datam, hunc in modum è Tabella recitauit.

*In pictas astris decrêrat Hetærius arces,  
Moliri Turrim: (sumptus promiserat æther,  
Hosq; animos dederat) quâ posset Olympus adiri.  
Hoc ubi consilium vulgari inssit in orbem,  
Quâ tollit roseos, quâ mergit in aquore currus  
Astrorum princeps, mox adcurrere frequentes  
Certatim artifices, quæis clarum nomen ab illâ*

Arte fuit. Deni imprimis quos fama celebres  
 Incluta reddiderat varijs è partibus orbis  
 Addixere operas: quos inter Cantaber unus,  
 Nobilium Princeps, quos illa effuderat atas  
 Artificum, Loioleo de sanguine natus  
 Eminuit reliquis. mox se iunxere sodales  
 Pulchro operi plures: sed quos natura crearat  
 Vna pares, lingua dispar disiunxerat usus.  
 Ergò ne cœpto fortassis lingua labori  
 In varios diuisa sonos obstacula rursus  
 Obijceret, prudens præuenit Heterius astris  
 Consultis, igitur deducit ad Euphilon omnes  
 In tantum quos sumpsit opus ( fuit Euphilus artis  
 Aurifabre felix: nec enim tum temporis illo  
 Trahebatur quisquam artificum solertiùs aurum )  
 Attamen in solo non constitit illius auro  
 Ars præstans, Idem nôrat noua cudere corda,  
 Et cerebrum conflare nouum, linguasq; recusas,  
 Quod potiùs velles, idioma sonare iubebat,  
 Hic ubi cum cerebro linguas, & corda recoxit  
 Igne suo, docuitq; nouam sumpsisse figuram,  
 Vnica lingua fuit, mens vna, cor omnibus vnum.  
 Tum demum moli, quæ surgat in æthera, iunctas  
 Applicuere manus: & mox felice tetendit  
 Successu in nubes. Iussam pars tergo calcem  
 Subuexit, pars saxa tulit, pars traxit in altum,



*Parsq; loco posuit. Celsum nec in athera lento  
 Iam pede surgit opus: iam nubila vertice tangit,  
 Iam quoque trans nubes cœli radiantibus astris  
 Inferitur, quâ porta patet stellantis Olympi:  
 Hæc Hosius primus, subiitq; Codurius alter;  
 Post alij plures: quos rectus in ardua trames  
 Inuit, & ascensus non tardauere labores.*

Tres adhuc arbores superabant, salix malifera, punica, persica, reliquis fructuum copiâ, & nobilitate non impares. Salicem Mnemon conspicatus, similem olim narrabat in Hybernîâ visam, S. Keiwini precibus iussam mala producere. Cùm enim nobilis quidam, inquebat, adolescentulus, eius alumnus, quem ex parentis imperio sanctioris vitæ præceptis imbuebat, è morbo decumberet, & in eius seu solatium, seu leuamen, seu etiam medicinam poma exposceret, nec eò loci arbores maliferæ essent, virum sanctum alumni lachrymis commotum preces ad Superos fudisse, & ijs flexisse, vt iusserint salicem vicinam in malum abire, & fructus desiderio tam pio explendo expetitos proferre. Addebat his pomis cœlestem quandam dulcedinem inesse, & facto periculo comprobauimus: malum item nullum esse tam nocēs & pestilens, cui sanando vis ea non par sit, quam è cœlo hauserint.

Adhæc Litholeon, non, inquit, nisi per nebulam video, quid arcani in hac pomiferâ falice delitescat: ni molestum est, Etesî, inuolucra retege, rem in aperto statue. Faciam ve-

rò perlibenter respondet Etesius, & simul indicat Hetærianum in rerum diuinarum meditatione feruorem, & studium repræsentari. Et verò adiecit, præter alia complura, quæ orbis Christianus Hetærio debet, illud non infimum est, quod ab eo nouam, aut certè antea minus vſitatam diuina contemplandi rationem edoctus sit. Ab hac rerum cœlestium contemplatione (absit verbo inuidia) melior orbi facies in multis vrbibus, & familijs, sacris præsertim inducta est: ab hac mirandæ morum animorumque conuersiones vbiuis passim gentium extitère: ab hac Hetærianæ constitutiones, & regulæ haustæ sunt, quibus Hetæriana familia hætenus prudentissimè gubernata, ita, vt videmus effloruit. Huic Hetærius animi pulchritudinem, morum integritatem, membrorum symmetriam, vitalemque vigorem, vultus denique; minimè deformem elegantiam, nec aspectu (modò sereni sint oculi) iniucundam adscribit. Huic in acceptis refert illustres suorum de seipsis victorias, illam rerum cœlestium lucem, illam in rebus agendis peragendisque dexteritatem & efficaciam; illam denique ardentissimam salutis alienæ sitim. Quotquot in suos recipit, in integrum mensem hac exercet & expolit, ac in alios, atque venerunt, immutat: id quod omnib. hætenus in se ipsis experiri licuit, & admirari, qui suis hic partibus non defuerunt. In hanc omnib. in annos singulos octiduum ab alijs occupationibus omnibus vacuum; in dies verò singulos horæ spatium à somno proximū, & huic rerum diuinarum vacationi aptius assignat.



In ea vbertim lachrymis fluere, radijs diuinæ lucis refulgere, eleuari humo solitus Diuus Ignatius, huius orationis secundum Deum præcipuus author: In illa incredibili penè dulcedine colliquescere Franciscus Xauerus, Franciscus Borgias, Sebastianus Barradius, Iosephus Anchiera, Balthasar Pinna, omnes egregia vitæ sanctimonia illustres viri præter alios complures consueuerunt. In ea Aloysius collectis omnibus omnino sensibus, & cogitationibus vni Deo adherescere, & vultum illius augustissimum inconniuo obtutu intueri: In illa Beatus Stanislaus in eas amoris diuini flammæ exardescere solitus est, vt non semel affusâ frigidâ pectoris lenire æstum debuerit. In hac totus transfundi in Deum assuevit Franciscus Suarez qui & huic potius quam studio aliàs in defesto suam illam prodigio similem scientiam adscripsit, Syluester item Landinus, & Sebastianus Campius, vt alios interim non paucos omittam. Huic vnam duntaxat horulam tribuisse minimè contentus Stephanus Tuccius indies quatuor, Ioannes Nunnius, & Ioannes Caruaillius quinque adiecêre: imò Orationis fundendæ gratia indies genua quadragies Antonius Criminalis, centies Hieronymus Caruaillius flexit. Aliquid de vi, quæ hinc in preces influit, addamus. Consaluus Sylueria fusi pro Christo sanguine laurea clarus precibus tempestatem horrendam sedauit; Andreas Ouiedus fluuium exsiccauit, vt pisces essent in extremæ famis subsidiū; Bernardus Colnagus veteris Eliæ exemplo in  
diu-

diuturnâ siccitate pluuias cœlo imperauit: qui item ea sanitatis quam hinc potissimum hausit, opinione Catinæ discessit, vt Catinensis senatus eius effigiem ad viuum in telâ expressam in Curiâ inter illustres viros collocarit. Quod sequitur, nisi CL. testes oculati affirmassent, credi vix posset. Balthasar Barreira precibus suis Lusitanis in Guineâ victoriam ab omnium retro seculorum memoriâ celeberrimam impetrauit. Res ita habet, Duodecies centena millia militum Barbari cōtra Lusitanos omnino CL. in campum eduxerant. Suos Barreira hortatus, iussit, nihil metuere: Deum in paucis iam olim sæpiùs propè innumeros vicisse, & verò eo ipso die victurum, modò animos fiduciâ, manus ferro armatas in prælium inferrent. Ipse igitur ad preces, reliqui ad certamen abeunt, ille manus in cœlum, hi ad ferrum extendunt: iunctis vtrinque copijs pugnatur acerrimè. Quoties Barreira (vt nouum Moysen agnoscas) vehementius precibus, hi hostibus instabant, si ille de ardore remitteret, hi à victoriâ recedebant. Tandem ille, ac antea orare ardentius, hi pugnare acrius aggressi in Barbaros irruunt & singuli aliquot millenorum robore pugnantes tot millia ex acie fugant, profligantque & ferro, quos fuga non subducit trucidât. Rex Lusitaniæ de re tota, vt gesta erat edoctus suis ibidem belli ducibus in mandatis dedit, nihil porro in consulto Barreirâ agerent. Thermopylas credo minus posteritas mirabitur.

Punicę truncum cuneo è pinu vsque ad medullam non-  
nemo



nemo diffiderat eo fine, vti narrabat Etesius, vt fructus inde enati eò essent dulciores. Et verò eo è vulnere miram dulcedinem solere in mala Punica deriuari sæpiùs experientiâ esse comprobatum. Cùm malum vnum detraxissem ex arbore edissemque, nescio quod lene frigus, non sine mira totius naturæ, vt ita dicam, exhilarescentis dulcedine stomacho sensi affundi, & ab Etesio didici eam refrigerãdi vim ijs pomis peculiarem esse. Grana penè innumera optimi saporis & succi, horrido & duro cortici includebat, & valdè probabam, quod Mnemon è D. Gregorio Nysseno afferebat, genuinum symbolum esse viri eximia vitæ sanctimonia incliti, qui sub vili & lacero subinde habitu, imò & fetosa veste præclarissimas quasq; virtutes occultet. Quales profectò addit Etesius, non paucos Hetærius hoc sæculo numerauit: quorum princeps studium fuit cupiditates frangere, naturę effrenes impetus retundere, vincere seipsos. Nemo enim vnquam dux belli aut maiori apparatu militari instructus, aut odio infensiore sui hostis, aut acriori victoriæ reportandæ studio accensus, contrà hostilem exercitum processit in campum, ac Hetæriani contrà seipsos: Quidquid artis & stratagematum bellicis viris in vsu fuit, aut etiamnum est, ad se vincendos vsurpant. Aliàs enim inedia & fame hostem domesticum ad deditionem cogunt, aliàs armata manu expugnant. Nullo loco aut tempore vllũ certamen recusant: noctes integras, etiam hybernas in statione excubant, ne hostis ex improviso obruat incautos: illius consilio per spe-

culatores fidissimos explorarant; vt quoties aut in aciem euocat, aut ex insidijs inuadit, parati occurrāt. Quæ ne dici, non probari videantur; diuersa diuersorum prælia & triumphos delibabo. Ac alij quidem aliò pugnae genere, capitalem & iuratum hunc hostem, se ipsos vicerunt. Fuerunt enim, qui præcipuum hostis propugnaculum, carnem summa vi oppugnarunt, rati hoc expugnato de reliquo facilem fore victoriam. Nec eos sua fefellit opinio. Talis autem imprimis fuit Sebastianus Campius, qui dum Hetærianus vixit cilicium vsque ad genua dimissum nunquam exiit. Talis fuit Hieronymus Caruaillius ope diuina è præsentis vitæ periculo ereptus, vt deinde Heterianis se iungeret. Is enim præterquam quod & ipse setosam vestem vsque ad poplites defluentem continuò gestarit, indies bis terue minimùm flagris non sine ingenti audientium horrore carnem concidit: Stephanus item Tuccius, in quo nescias, virtutemne an eruditionem prorsus eximiã potiùs admirêre; certè vtramque Clemens VIII. suspexit: & ipse sub quamuis noctem ita acriter flagellis in se desæuijt, vt à vertice vsque ad calces nulla pars eslet immunis à plaga. Ferdinandus Suarez denique de Concho perpetuo cilicij vsu, & dena indies diuerberatione carnem edomabat. Alij cum oculis molesto sanè, & vigili hoste perpetuum bellum gesserunt, arbitrati, vbi hostem excæcassent, de cætero nullo negotio posse superari. Alphonfus Rodriquez, qui virtutum suarum radijs totam Hispaniam impleuit, quadraginta annorum spatio

foeminae



foeminæ vultum, quamvis ex officio portæ curam gereret, nunquam aspexit. Sileo hic Aloysios, Berckmannos, aliosque complures, quibus oculorum victoria ad se ipsos vincendos maximo adiumento fuit. Alijs cum manibus non minus difficilis pugna extitit. Thomas Sanchesius cuius de Matrimonio libros tota consultorum natio nondum admirari desinit, nunquam in horto folium ex arbore decutere nedum fructum decerpere solitus est. Alij nec chartæ folium dare, aut accipere nisi petita licentia consueverunt. Alijs cum ipsa natura sibi aduersantia horrente obluſtatio omnium maximè ardua fuit: quam ut nonnulli heroo facinore superarent, in nosodochia velut in arenam provocarunt. Franciscus Xaverius Sol ille Indicus, ad cuius radios tot locis cœca nox gentilitatis disparuit, cum in valetudinario veneto ægris inseruiret, & à certo aliquo præcipuè abhorrere naturam animaduerteret, cui ex fœdo vlcere secundum tibiam sanies fœtore grauis, & aspectu horrida ebulliebat, naturam iussit quidquid haberet virium, exserere, se pariter non imparatum, in prælium venturum. Summo utrimque conatu pugnatur: sed illam licet diu obluſtantem, superatam ad purulentam tibiam prosternit, & apertis faucibus effluens tabum cogit exfugere: quo vno facinore totam naturam triumphavit, & deinceps ad nutum paratam habuit in omnibus. Quod autem admireris in opere omnium gloriosissimo difficillimoque æmulum nactus

est ex eadem Hetæriana Familia, fœcunda fortissimorum heroum parente Petrum Anascum, qui in Peru ex vlcerosis pedibus sæpenumero ebullientem saniem vermibus permistam ceu nectâr exsuxit. Quisquamne vnquam de fortiore hoste magnificentius triumphauit? an non merito vterque hic inuictus heros nō iam indecoro puluere, sed sanie sordidus multo, quā Romanus Imperator in curru triūphali, videatur augustior? sed quid hic de ijs dicā, qui hostē omnium acerrimum fortissimumq; animum ira, aliāue cupiditate ardentem inuicto robore fregerunt? Quod vnum in terris omnium difficillimum, & in quo vno maximè Hetærianorū desudat industria, fortitudo elucet, virtus triumphat. Finem non inuenero, si hîc omnia persequi instituam vnicum addo: fuit, qui æstuantis animi impetum subito ea vi repressit, vt venam ruperit è qua deinde generosissimus animus sanguinis sui purpurâ victoriæ nobilissimæ tesserâ clarus, vnâ cum cruore egressus, eo ascēdit quo veteres Heroes sui præfertim victoriâ illustres præiuerant.

Persica lustranda superabat, eaq; copioso aureoloq; fructu sese ornauerat, amœnumq; intuentibus spectaculum exhibebat, mala eiusdem cordis, folia linguæ figuram exprimiebant. monuit Etesius in eâ Hetærianorum animos beneficiorum memores indicari. Eos enim, cū aliud non liceat, solere illis, à quibus beneficio affecti sint in grati pectoris signū corda syncerissimis affectibus plena, & linguas in laudem facundas, ac fertiles offerre, idq; in pomis & folijs  
Per-



Persicæ adumbrari. Ad quæ Mnemon adiecit; nuper Hetæ-  
rium cū orbem peragrasset, & alibi quidē vernis opibus  
amēna viridaria, alibi campos in messem vberriam albos,  
ac demum hoc etiam pomarium, tot nobilissimis arbori-  
bus, fructibusq; abundans inspexisset; & simul in memoriā  
venisset, quorum potissimum beneficio bona tam ampla  
possideret; altissimis cogitationibus defixum hoc pomariū  
obambulasse, & cum ad hanc Persicam peruenisset; substi-  
tisse aliquantum, & accuratè intuitum, tandem in hæc ver-  
ba prorupisse.

*Officij me nempè mones mea Persica; namque  
Sat scio quid frondes, poma quid ista velint.  
O! nostra foret illud opis! foret illa facultas!  
Debita tot meritis gratia quanta foret!  
Ætherias huc usque auras quod ducis, Hetari;  
Quod passim præbent mitia tecta larem;  
Quod pinguis commissa tibi, quæ sparsa Colono  
Semina cum multo fœnore reddit, humus;  
Quodq; tot illa tibi, tot dulces hætenus orbi  
Fructus assiduo culta labore tulit;  
Quæis tandem, à magno cūm cedis numine, debes?  
Prodiga quæ fudit dona tot ampla manus?  
In circumfusas pelago circumspice terras,  
Orbis in illustres inde tuere domos;  
(Vnde tot Atlantes lucem videre, caducum  
Qui fulsere humeris fortibus orbis onus?)*

Hi quàm magnificè de te studuère mereri?  
 Illorumq; Tagus quas tibi vexit opes?  
 Omnis adhuc atas, ordo, sors, natio, sexus,  
 Munera largifluâ quæ tribuère manu?  
 Quî tandem contracta tibi tot nomina solues?  
 Mox affusus humo, talia fatus ait.  
 O superum Rector, placido qui lumine cernis,  
 Compensâsq; pia, quæ benè facta, manu.  
 Regia largita est quæ munificentia nobis  
 Prodigus è gazis, oro, refunde tuis.  
 In nos at quorum tam gemmis diues, & auro  
 Obrixi, rubris depluit imber aquis;  
 Sera tuo adiungant se cælo sidera: fusum  
 E gemmis gestent hîc diadema suis.  
 Pectora tum nudans subtili vulnere mandat,  
 Ad medium Eucharis cor sibi pandat iter.  
 Pandit: & hîc viuent, inscribit, postea lingua,  
 Hæc canet: insculpit. Munere functus abit.  
 Tum, mea non, inquit, vobis monumenta facultas  
 O Mecanates constitui sinit,  
 Vestra quibus tristi subducam nomina fato,  
 Ac incisa vetem marmore sculpta mori.  
 Hîc melius (simul ostendit sua pectora) viuent  
 Quæ vester vexit ditibus Hermus aquis.  
 Hæc, (linguam signat) dum vita manebit, in ævum  
 Vestra tot illustri munera laude canet.



Deinde euulgata lege suis omnibus imperauit vt indies alij quidem ad aram in sacrificijs, alij verò in precibus suis eorum meminissent, à quibus beneficium acceperissent, eorundemque salutem, & incolumitatem Deo commendarent & pro eadem habita meritorum ratione sacrificiorum precumque numerum certum offerrent; ne sua vnquam culpa beneuolentiæ vena perennis exaresceret. Perlustratis iam ea ratione arboribus, in stadium, quod in horti medio ad longissimum spatium extendebatur, defleximus, & per illud ad puteum & illi astantem arborem cæterarum omnium maximam accessimus. Hic quoque multa fuere, quæ mirifice oculos nostros oblectarunt. Ac in primis ipse puteus, è quo binæ virgines niueo amictu vtrinque aquam educebant in altum: tertia reliquis nihil dissimilis eandem iam haustam arborum radicibus affundebat. Charites esse monuit Etesius, non illas veteres, & Poëticiæ genti decantatas, sed alias à Soterio submissas Hetærio, in huius pomarij vbertatem & decus. Earum opus hunc puteum esse: nobilem & vitalem vndam hinc hauriri, è cælo enim influere, non è subterranea aliquâ venâ oriri: ab ea hortum, & arbores, & fructus viuere: hinc vim, virtutem, elegantiam, foecunditatem omnem trahere. Eam gratiæ vndam ab Hetærianis vocari. quod ex alueo, in quem identidem indefesso labore aquam è puteo haustam adstantes Charites effundebant, redundaret in riuum collectum in adiacentem fossam defluere, quæ eâ de causâ viuâ semper aquâ abundet. Marmor, quod in putei

orâ præminebat, hi versus fuêre incisi:

*Has arbor bibit, has cultor bibit arboris undas:*

*Quò plus hæ potæ, plus sitiuntur aqua.*

Deinde assita malus non minus admirationis habuit. Poterat illa non immeritò reliquarum Regina videri, tanto illas visenda quadam specie, & velut maiestate; tanto fructuum copia & præstantia, tanto proceritate anteibat. E ramis passim nobilissimæ quæq; gemmæ, aurei torques, & quidquid eiusmodi cimeliorum orbis hic noster habet, depēdebat. Multo adiecit Mnemon, in hoc suo ornatu augustiorē esse illa Cyri platano, quam in amoris indicium preciosissimè, teste Iustino, adornasset. Huius radices altissimas esse assererat Etesius, & toto pomario latissimè diffusas, & arborum cæterarum radicibus insertas, & propterea hinc eandem, quam è puteo virtutē attrahere, hinc virere, hinc crescere, hinc fructus ferre. Eandem ab Hetærianis omnibus, quibus huius pomarij cultura commissâ sit, impensè coli, honorari, & ijs ornamentis, quæ videremus decorari solere; propterea quod illa Diuæ Aretæ sacra sit, quam Soterius in delicijs habeat, ideoque Hetærio vnicè commendarit, illius honorem, & decus per se, suosque augere omni studio laboraret. Infra eandem in mensa pomum aureum quatuor præstantissimis gemmis, & aureâ cruce suprâ eminente exornatum in patina stetit: in medio hæc erat incisa epigraphæ. Victori. Cum Mnemon id accuratiùs perlustraret: simile inquit, in Imperij insigne ad annum reparatæ salutis



lutis decimum tertium suprâ millesimum Benedictus Sum-  
mus Pontifex Henrico recens inaugurato Imperatori ob-  
tulit, cum eidem Urbem ingressuro, cum celebri Principū  
virorum comitatu, & pompa insigni, Româ penè subse-  
quente vniuersâ, honoris causâ occurrit. Libenter hîc ego  
inquiēbam, Etesî concesserim, orbis Imperium non malē in  
eo pōmo adumbrari, sed qui noui hîc Cæsares, quibus id  
in Imperij insigne possit offerri? Imò verò excepit Etesius,  
non raros hîc Cæsares & mundi Dominos, non magni illi-  
us, sed alterius minoris, quem Microcosmum nuncupant,  
inueneris. Et hoc ipsum sanè imperium quia est altero lon-  
gè difficilius, eodem etiam est augustius. Fuēre quampluri-  
mi, qui cū magnum hunc orbem cum Alexandro in po-  
testatem redegissent, hunc minorem subiugare non potue-  
runt. Est quidem & hoc loci imperij signum hoc pomum,  
sed simul est victoriæ præmium, quod inscriptio satis indi-  
cat. Victori enim ex hoc stadio hac lege cedit, vt vnâ cum  
illo ad Regnum & Imperium ius acquirat. Cū enim vehe-  
menter optaret Soterius cum Hetærius ex illius imperio  
hoc stadium æquaret in cursum, esse quamplurimos qui  
hic cursu decertarent, cum facillè posset, augustius, quam  
vllus hactenus agonothesia, brauium proponere victoribus  
voluit, hoc nempe pomum auro, & gemmis nobile, & cum  
eo Imperium suum, nullo æuo terminandum. Itaque hîc  
præcucurrisse, & brauiod donatum esse multò nobilius est,  
quàm in Graciâ Olympionicen esse, vel Romæ de multis

hostium millibus triumphasse. Quæres vehementer generosos, & victoriæ auidos animos accendit; & hinc factū, vt plurimi inter eos summâ contentione cucurrerint, & cursûs præmium cū immortalī gloriâ sint consecuti hoc præmium in terris, & nunquam marcescentem lauream in cælis: cum amplissimo felicissimoque Soterij regno, quo nūc augustis omnib. & quâuis humana maiestate maiores potiūtur. Habebat Mnemon in manu nomina præcipuorū, qui hic vicerant, vnde perlegere licuit. Erant aut sequētes.

*Hic gressu cum sole pari Loiola cucurrit*

*Primus & è stadio premia, poma tulit.*

*Xauier hic vicit, rapidas dum fulminis alas*

*Prauertit plantâ non feriente solum.*

*Hic quoque vicisti dux Borgia, fulminis ales*

*Quando fuit pedibus cedere iussa tuis.*

*Ætheris aligeri ciues, Lodoice, volantem*

*Hic sibi, pene pari, te stupuere pede.*

*Lechicus hic ausus, præcurrere perpete penna*

*Aëra scindentes Stanislaus aues.*

*Hic Goto, Chusai, Michi, retulere brauium*

*Quando suas cursu præteriere Tygres.*

*Hic potuit præstante sui Laynesius aut*

*Ingenio Princeps, anteuolare notos.*

*Errantem celeri stellata per atria curru*

*Hic præ Mercurio Mercurianus ijt.*

*Hic Aquauia sua viuens virtute, rapaces*

*Prauerit cursu posse probauit aquas.*

No-



*Nominis hic fama longum victurus in ævum  
Salmerus, alipedes ante cucurrit equos.*

*Fusus in hoc spatium laiusque Faberque volantis  
Temporis aligeras vicit uterq; rotas.*

*Hoc ingressus idem Codurius, atque Broëthus  
Vicit uterque alas Pegase tarde tuas.*

*Hic alij Herôes celebres meruere triumphos.*

*Dum pede vix libant gramina summa suo.*

*Anchietes, Ximenes, Sylueria, Strada, Rodriquez,*

*Nunnius, Aluarius, Ponte, Ribera, Goetz,*

*Natalis, Sanchez, Eguas, Norbrega, Suarez*

*Martinez Mendez, Pinna, Ledesma, Lopez,*

*Guittirez, Sa, Barradius, Carrera, Padillus,*

*Barzana, Henriquez, Corduba, Villanoua*

*Gonzales, Barros, Barreira, Ouiedus Arias,*

*Correa, Granadus, Ribadineira, Gomez,*

*Ac alij plures, Hispanæ sidera gentis*

*Æternum radijs clara futura suis.*

*Hic decora Ausonia Landinus, Spinola, Palme,*

*Alato tulerunt aurea poma pede.*

*Hic Bellarminus ceu missa sagitta volauit*

*Alite vix planta tangere visus humum.*

*Hic victor Colnage tuos; hic inclyte Tucci,*

*Hic celebras Siculos & Realine tuos;*

*Dum volucres, tranant quæ vestra per aquora puppes*

*Audetis celeri præter abire gradu.*

*Hic Belgæ prodromi cursu aquauère priores:*

*Immortale suis & peperère decus.*

*Hic sua Barzæum vestigia pone legentem*

*Xauier aspexit præcipitante pede,*

*Berckmannumq; suum plantis Aloysius aquis*

*Hic sua conspexit iam propè terga sequi.*

*Hicque sui vicit properantia flumina Scaldis*

*Costerus, Vahalis Canisiusq; sui*

*Danubijq; sui Rhemmus, Rheniq; præiuit*

*Hoffæus rapidum præproperantis iter.*

*Sanguinis hic rosei rubicundo murice claros*

*Laudauit prodromos Anglia læta suos.*

*Doctos laude pedum volucres anteire Camillas,*

*Inter quos Princeps Campinianus erit;*

*Alter Ogilbeus, longus quos excipit ordo*

*Heroum, vexit quos super astra fides.*

*Hæc niueis nam Diua pedes innexuit alis,*

*Et sic ætherium carpere iussit iter.*

*Et quia iam nôrant volitare per aëra planta,*

*Assuetis minùs hæc ardua visa via est.*

Hos omnes & propè innumeros alios ex omnibus nationibus addebat Etesius & hîc aureo illo, & gemmeo pomo donatos à Soterio, & illic in regno illius imperij insignia coronam ex semper virente lauro, & ex solido auro sceptrû gemmis nobilissimis distinctum, purpuram denique asteriscis fulgentibus vndiq; ornatam accepisse; ibidè cum ipso in omne æuum in aureo Throno sublimes regnatorios.



Tempus iam admonebat aliò abeundum; sol enim paulatim in meridiem ascendebat.

OCTOBER,  
FRUCTVS PROXIMO ORTHODOXO  
*exhibitos complexus.*

**V**BI excesseramus pomario ulterius ituri, in propinquo, inquit, Etesus vinea est, quo pergimus, nobilissima è quocunque capite consideres. Conditorum spectas? Soterius est, qui eam sua ipsius manu plantavit. Cultores? Hetærius est cum suis: qui vinitorum excellentium officio ad amussim perfuncti nihil hætenus vel artis vel laboris omiserunt, quem in vinitore eximio requiras. Solum & coelum? utrumque benignum habet. Vites? è nobilissimis quibusque vineis traduces sunt, vuarum adeò feraces, ut sub Octobrem maxima copia & visenda magnitudine botros nobili liquore turgentes ostentent; amœnum intuentibus, dulce colonis spectaculum. Interim dum ea in auidas aures Etesus infundit, eò iam veneramus, ut in oculis vinea esset. ubi accessimus eam viua sepe, firmo aduersus feras, ac fures præsidio vidimus communitam. In porta, quæ bene ampla aditum dabat, solerti penicillo depictus paterfamilias Euangelicus hoc dicto: *Ite & vos in vineam meam*; circumfufos sibi Hetærianos habitu, & armis vinitori necessarijs instructos, & iã ad iter paratos alloqui visus est. ubi intrauimus situs ante omnia in oculos incurrit. Sensim autè ab imo in collem assurgebat,

supra in syluam desinens. Potius nemus aut pomarium, quã vineam referebat, si nostrates attendas. Nec enim vites vti nostrates, aridis palis, & salice, aut corylo; sed arboribus erant annexæ. Eædem spatium amplissimum in longum, & latum occupabant: singulas certa interualla disiunxerant, ne vicinitas aiebat Etesius, aut solis radios impediret, aut succum præriperet. In vitibus multa fuerunt, quæ nobis non mediocrem admirationem mouerunt, ac in primis insolens earundem magnitudo, qua maximam partem, eæ præsertim quæ primæ occurrerunt; nostrates pyros, & pomos magnitudine æquabant. minùs tamen mirari nos iussit Mnemon. Nam aiebat, si, Straboni credimus in Margiana vites adeò magnæ excrescunt, vt earum stipes coniunctis duorum vlnis ambiri non possit. Plinius item memoriæ prodidit Populoniæ visam à se vitem, è qua Iouis simulacrum confectum sit, quod in multos annos incorruptum perdurârit. Deinde in summam admirationem nos rapuit vuarum è racemis pendentium magnitudo, & cõpia; quâ inspectâ cœpimus minùs admirari botrum ex vecte suspensum à Chalebo, & Iosue è terrâ promissâ ad Israelitarum castra asportatum. vuas enim hîc vidimus, quæ duas, tresue vlnas longitudine excedebant: & acini prunis nostratibus nihilo minores erât. Et tamen eiusmodi addebat Mnemon in Mauritania & Carmania, vt plurimum nasci: Imo in Eucarpia oppido minoris Asiæ racemos adeò magnos aliquando crescere, vt eorum singuli iusto pondere currum onerent,



onerent, & quandoque sub vno tali plaustrum ex oneris magnitudine confractum concidisse. idem ex Leonio adiecit, in Africa in vrbe Thagodoſtia acinos ob magnitudinem domestico vocabulo ab incolis oua nūcupari. vuor iam maturus, probeq; à sole excoctus, ex acinis tralucebat, quem addebat Etesius, quidquid vnquā virtutis, præstantiæ, dulcedinis vlli vuarum generi inditum fuisset, in se complexū; faceremus, si placeret, periculum; experturos. Fecimus & ea dulcedo palato infusa est; quæ non perinde exprimi lingua possit, atq; sentiri: Tum nec illud admiratione caruit: quod singulæ vites certis arboribus alligatæ essent. Ac primæ quidem, in quas incidimus, per aliquot iugera proceris quercubus adhæsere: quarum racemos botri prægrandes onerabant ac inclinabant in terram, ideoq; pedamentis, ne oneri impares succumberent, passim fulciebantur. Cùm præter id, quod incurrebat in oculos hic latere aliud certū esset, nō tamen, quid tandē id esset, quod excelsæ hæ cedri, & quercus, quid ea pene ad prodigium immanis vuarum magnitudo, & vbertas in se mysterij clauderet, satis liquido cōstaret; ad Etesium ego conuersus, quid inqueiebā Etesi, hæc indicant: aut potius quē fructū, cum de eo hic agatur, in proximū auitæ fidei societate coniunctū ab Hetærianis deriuatum adumbrant? Eum respondit. quem ij Hetæriani hætenus orbi Catholico pepererunt qui in exedris sacris sublimes audientium animos à vitij ad virtutem reuocare studuerunt. quos aut acri oratione ceu fulmine perculerunt, & velut obluctantes coëgerunt, arma in scelera fuscipere, aut leni sermone, ceu placido flumine delinitos

amica vi, induxerunt, vt sponte vitij bellum indixerint. Vt autem plenius, aiebat, omnia, quæ hæc vinea significat; intelligatis atq; vt sensim ex caligine in lucem abeamus, primo quidem paucis declarandum est, cur potissimum vinea ad fructus proximo Catholico ab Hetærianis allatos indicandos electa sit: tum deinde, quam aptè simulacra cum re conueniant. Ac ad illud quidem potissimum summa in terris auctoritas Romani Pontif. mouit. nam Gregorius XIII. qui nec amantiſſimo parenti in amandis Hetærianis cōceſſit illos industrijs, & gñauis vinitoribus comparauit; qui insigni cum fructu in vinea Domini laborent. ex quo & illud consequens est, non alias hic vites, nisi proximos, nec alias vuas, nisi opera ipsis exhibita, & fructus ex his enatos intelligi. Quemadmodum verò non eadem est vbiuis gentium vineæ colendæ ratio: aliter enim Italus, & Hispanus, aliter Francus & Germanus, aliter aliæ rationes vites suas excolunt. Nec idem culturæ genus tellus vbiuis admittit: nec labor hîc omnibus idem, nec omni tempori conuenit. Alius enim alias vires, & instrumenta, & aliud tempus exigit. nûc enim pastinanda est vinea, & ab homine quidem non imbecillo; nunc putanda, & pampinanda est, quod etiam leui negotio ij fecerint, qui viribus cœteroquin non magnopere pollent. Ita & Hetærius expensis accuratè singulorum viribus, vt est prudentia singulari suos certas in classes in proximi Orthodoxi cultura diuisit. Et suum cuique laborem, & laboris materiam, tempus & modum assignauit: ne alter hic alteri



alteri esset impedimento. Alios itaque suggestus iussit ascendere, ac in eo totos esse, vt Chrysostomos, ac præstantissimos quosque è Christianis Oratores imitati, Auditores à scelerum auis abductos in rectam salutis viam exquisita dicendi copia reducant; alios aut etiam eosdem alio loco, & tempore eò præcepit omnem conatum pro virili cōuertere, vt pacem, & concordiam, sicubi proscriptæ exulent, suas in sedes restituant. Alijs Nosocomia, carceres, triremes, cum iniqua Fortuna, cum fame & siti, alijsque id generis miserijs conflictantes commisit; quos re; & consilio vbi, vbi possint, omni studio adiuuent. Alios in scelera Iudices constituit, quorum ea sit prouincia scelerum reos mortales cum offenso numine in gratiam reducere, & reductos in eadem conseruare: Alijs denique hospites & peregrinos commendauit quos ad Mensam cœlestem inuitent, & inuitatos epulo diuino pascant.

Nunc videamus quam rectè in primis in Cedro, & Quercu eximius concionator, & hactanta vindemiæ copia, & vuarum magnitudine fructus concionibus partus indicetur. Excelsis arboribus gaudent vitēs, nam vinitor

— *Adulta vitium propagine.*

*Altas maritat populos.* cedros autem, & quercus reliquarum arborum, excellens Orator reliquorum hominum vulgus excedit; illæ quidem alto vertice; hic vero loco sublimi, & muneris dignitate. Quercus deinde radicum firmitate, & solido robore ventorum, Orator obtre-

Etatorum minas solida virtute contemnit. Cedrus deniq;  
 à carie, Orator à vitijs immunis est, ijs præsertim, quæ cō-  
 tagione suâ latius serpunt. si enim is, qui aliorum saniẽ de-  
 tersurus est, ipse putredine diffuat; ab eo non fructus exi-  
 mius, qualem hæ vites ostentant, sed pestis expectanda est.  
 Quamuis verò hæ vux tantæ sint, vt videtis; tantam dein-  
 de nobilissimi, dulcissimi que liquoris copiã in se contineãt;  
 fructus tamen illius magnitudinem non superant, quẽ Ca-  
 tholici ex Hæterianorum concionibus hauserunt tum, cū  
 ipsis ex alto dicentibus beneuolo se affectu adiunxerunt: e-  
 iisdemque, ceu vites hæ Quercui, & Cedro, pio salutis adi-  
 piscendæ, & diuinæ voluntatis clarius cognoscendæ desi-  
 derio cohæserunt. vt autem sibi non inuiti, sed summa vo-  
 luntate cuperent ad hærescere, varijs rebus Hæteriani Ec-  
 clesiastæ affecuti sunt. Ac primum quidem, quod antequã  
 exedras ascenderent, egregiam virtutem cum exquisita  
 scientia iubente Hetærio coniunxerint; nec minus illustri  
 vitæ integerrimæ exemplo, quàm lingua disertâ conati  
 sint dicere. Eiusmodi autem concionatores hætenus in o-  
 mnibus regnis, prouincijs, vrbibus ac locis, vbi Hetærius  
 domicilium fixit, extitisse, facta testantur, & præclara au-  
 ditorum de ipsis Elogia. Paucula perstringamus. *Benedictus*  
*Palminus* Tuba Euangelica & summus æuo suo Italiæ,  
*Ioannes Hieronymus* Hispaniæ, *Edmundus Augerius* Fran-  
 ciæ, *Petrus Canisius* Germaniæ Orator audiit; & vero tan-  
 ti nominis amplitudinem rebus impleuisse eæ regiones  
 testes



Testes sunt, quæ dicentes audiuerunt, admiratæque sunt. *Alphonsus Salmeron* nouus Orbis Christiani Chrysostomus, *Franciscus Strada* Angelus lapsus è cœlo *Syluester Lædinus* spiritu & virtute Eliæ præditus *Georgius Scherer* Cicerone Germanicus dictus est: cuius extremi conciones primum publici Iuris factas Episcopus quispiam maximo numero coëmit, & in omnes suos curiones diuisit.

Operæ pretium sit his tacita auditorum testimonia adiungere. Francisci Stradæ audiendi gratia tanta solita est hominum multitudo confluere, vt illi capiendæ nec Salmanticæ, nec Olissipone celeberrimis Hispaniæ urbibus templum vllum suffecerit, ideoque vt omnium desiderio fieret satis cathedra in Regis Catholici capacissimam aulam transferenda fuerit. Eidem in horas etiam plures crescente identidem ex auditis audiendi desiderio aures auidissimas innumera multitudo præbuit. Bernardus item Oliuerius Tornaci extra templum dicere compulsus est, cum id auditores non caperet. Alphonsum Salmeronem perorantem audituri grauissimi Venetæ Reipublicæ Patres, in concionem alias teretes, & eruditas aures afferre soliti horam loci occupandi gratia sæpius præuenerunt. Franciscum Toletum post purpuratum patrem, annis xxiv. Curia Pontificia, tres Summi Pontifices, præter alios plurimos Infula, purpurâ, dignitate, eruditione illustres viri summâ cum admiratione audiuerunt.

Nonnulli his omnibus augustius suæ eloquentiæ eloquentiæ elogium è cœlo habuerunt. Nam *Franciscus Ribera* eruditissimis suis in diuinas literas commentarijs orbi iam notus, cum aliquando die sancto Andreæ sacra de diuinæ scripturæ dignitate dissereret, subitò clarissima luce circumfusus est, in qua Christus immensa Maiestate colucens apparuit; & vox audita; hunc genuinum esse scripturæ suæ interpretem. *Franciscus Arias* cum ad Concionem se pararet, quâ deinde mortalium animos velut humi defossos erigeret in altum, ipse diuina vi à terra eleuatus benè longo tempore hæsit sublimis in aere. *Syluester Landinus* quem *Ægidius Foscararius* è sanctissima celeberrimâque diui Dominici familia ad Insulam Metinensem euocatus in literis ad *Ignatium* datis eximia & vera virtute & probitate præditum vocauit, imparatus iubente obedientia dixit, sed ea vi, & fructu, vt vix vnquam maiore. Nam templum auditorum singultibus insonuit, & maduit fletu, cœlum quod defuit, suppleuit: & quia auxilio iuuuit, testimonio comprobauit. Deinde præstantiam Concionatorum Hetærianorum fructus declarat, quem necesse est vberrimum ab iam enumeratis, & alijs his similibus vbiuis terrarum in auditores redundasse. Neque enim fieri potest, quin præclarus artifex, & numeris suis omnibus absolutus egregia opera efficiat, modò efficere intendat, & alia non desint. Pauca & de his delibemus. Quod multis in locis melior orbi, inducta sit facies, & in pristinos, auitof-



auitosque mores reformatâ ; quod multa centena hominū  
 millia nuncio rebus humanis remisso sanctissimam vitam  
 in Religione duxerint ; & ducant etiamnum ; quod in nu-  
 meri actæ vitæ scelera acri pœnitentia expiârint , sordes la-  
 chrymis eluerint : atque è virtute deinceps vixerint : quod  
 tenerior quidam sensus pietatis mortalium animis se sen-  
 sim insinuarit : cœperintque celebrari hominum frequētia  
 ædes sacræ , adiri sæpius Sacramenta : quod prauæ consue-  
 tudines abrogatæ , laudabiles inductæ : quod imminuta re-  
 rum caducarū , & vilium desideria , cœlestium aucta ; quod  
 vsuræ , quod nefariæ libidines , odia & id generis enormia  
 flagitia proscripta : quod palam cum triumpho virtus cum  
 omni comitatu suo redire ausa sit , vt plura alia eiusmodi  
 consultò præteream maximam partem ( verbo absit inui-  
 dia ) ab Hetæriana eloquentia perfectum est , cum illa in ex-  
 dris stetit , & hinc aut fulmina tor sit , aut misit flumina . Om-  
 nibus nota non probo . quid tamen vnus , aut alter dicendo  
 subinde effecerit , dicam : vt hinc difficilis cōiectura non sit ,  
 Quid & alij fecerint . Iam sæpius nominatus *Salmeron* Ve-  
 netijs in id fœminarum genus è suggestu detonuerat , quæ  
 pudorem in collo , & pectore plus æquo denudato venalem  
 circumferunt : quibus quàm difficulter ea vanitas excuti  
 possit , vtinam experiētia non probaret : à concione decem ,  
 & eæ reliquarum duces , ac Principes suo pudori , & aliorum  
 oculis consuluerunt : quas mox plures subsecutę sunt . Idem  
 Cathedris concessa libertate in senatum minus seuerum ,

& acrem in eijsciendis vrbe Hæreticis inuectus, id effecit, vt  
 quamprimum publico decreto quidquid eiusmodi fecis in  
 vrbe delitesceret, iusserit primo quoque tempore excedere.  
 Passim videre fuit honestissimas matronas ex Benedicti Pal-  
 mij concione egressas torques aureos, & alia id generis in  
 frustra distrahere, & in egentes distribuere, cum Palmius in  
 misericordiæ affectum intima viscera commouisset. Ad-  
 hortatione Fernandi Suarez accensi Mexicani adeò in sua  
 scelera exarserunt, vt subinde x x. millia fuerint à concione  
 illius qui in carnem suam flagris acerrimè defæuissent. Se-  
 bastianus Barradius virtute & eruditione clarissimus quan-  
 tum dicendo posset, ostendit, cùm aliquando per verni le-  
 iunij dies diceret. Eo enim tempore tanta lectissimorum  
 Adolelcentum copia, ad Seraphicum Ordinem concessit,  
 vt ex eo non nemo ad Barradium venerit, rogaritque à di-  
 cendo porro desisteret: locum enim sibi iam non esse, quo  
 ad se aduentantes recipiat. Inter hos vnus fuit Veneris de-  
 licijs omninò inescatus. Is per eos dies rei diuinæ audiendæ  
 gratia ædem Hetærianam fortè subierat. Commodum au-  
 tem accidit, vt ea absoluta Barradius ex more dicturus Ca-  
 thedram ascenderet, quamuis vero ea voluptas non esset,  
 subsistere ramen placuit, & vel corpore concioni interesse,  
 & verba dicentis auribus saltem excipere. Excepit: sed per  
 aures sensim in animum illapsa eundem subito ita immu-  
 tarunt, vt è templo alius egressus sit, ac intrarat. Nam vim  
 habituro decreto statuit delicias fame sub Seraphica disci-  
 plina



plina edomare; cui se paulò post subiecit. Narrabat hîc Mnemon nuper concioni se interfuisse, quam ex Hetærianis nonnemò habuerit, ac in eadem in varios affectus Auditorum animos vidisse excitatos. Alios enim ita in scelerum suorum odium adeo exarsisse, vt vbertim in doloris acerri-  
mi argumentum lachrymas oculis effuderint: alijs ferrum è manibus, inueterata odia ex animis extorta esse: alios omnes salutis rémoras amouere, aliena restituere, castè, sancte-  
que porrò viuere decreuisse: alios in via salutis quamuis difficili statuisse progredi: alios denique in alios animi sensus prorupisse, ac ex ea concione tantam morum mutatio-  
nem subsecutam, quam vrbs vniuersa, ac eius inprimis proceres, ac Rectores admirari satis nō potuerint. Rogatus idem à me causam, vnde ea vis Hetærianæ Eloquentiæ in-  
esset; qua adeò mira in audientibus efficerent à sole est, in-  
quit, qui non minus est Concionatoribus, quàm vitibus be-  
nignus, iussus huius suæ sententiæ rationem reddere in hunc sensum numeros consilio suo aptiores adhibens, cœ-  
pit.

*Scanderat Orator generoso natus Heteri  
Sanguine, praeclarus nostri Chrysostomus aui  
Pulpita, subiectum sacra pia dogmata legis  
Docturus populum: vitæ vix verba diserto  
Cæperat ore loqui; cum per tralucida fulgens  
Phœbæi vultus radius se vitra penetrat;  
Dicentisq; petit pectus, quod lenius omni*

*Effulsit*

Effulsit speculo, lumenq; retorsit, in unum,  
 Hic sol collegit vires, & compulit acres  
 In flammās sensim succensum ardescere pectus.  
 Feruidus hinc astus reliquos infusus in artus  
 Paulatim accreuit, dum totum incendia corpus  
 Inuadunt; Iubar hinc rursus solare resultans  
 Substrata circum sibi plebis in ora tetendit:  
 Quae sensim radiare nouo coepere vicissim  
 Lumine, paulatimq; nouis ignescere flammis:  
 Donec & ipsa suis iam circumfusa niterent  
 A radijs, igniq; suo succensa flagrarent,  
 Qui simul atque fuit Venas diuisus in omnes  
 Corporis, ac fibras, non iam secus assita plebes  
 Canduit à flammis, ac è Trinacride ferrum  
 Exemptum fornace solet, quod Lemnius aptat  
 Malleus in formam. Iam totus abiret in ignes  
 Auditor, si non in tanta incendia riuos  
 Sugererent oculi. sed cum traxisset in altum,  
 Sol idem humores, coiere per aera nubes  
 Et medium clausere ignem, qui nescius abdi  
 Luctatur prodire foras, sed nubilus agger  
 Intercludit iter, passim tamen emicat atris  
 Nubibus. Haec raucō quassæ sonuere tonitru,  
 Vi quoties tentauit iter, dum mutua durant  
 Praelia, succrescit fulmen, quod nubila rumpens  
 Obuia terrifico cum murmure fertur in imum

Plebi-



*Plebiq; insultat. Quotquot Cervice steterunt  
 Erectâ collisit humo: certantia ferro  
 Pectora, brumaliq; gelu durata, liquentis  
 Mollit in Cera morem. Corda acriter, illis  
 Ambussit flamma; nonnullis intima fregit  
 Ossa cute illasâ; stupuit pars maxima vite  
 Nescia, submissosq; arsit diuinitus aestu.  
 Continuo sequitur vi non excussus ab alto,  
 Sed sensim guttis placidè labentibus imber  
 Destillans, imos qui cum se fudit in artus,  
 Pectoris accensi flagrantès lenit aestus,  
 Et dulces lachrymarum oculis rorantibus undas  
 Elicuit: venâ fusâ qua diuite flentem  
 Per vultum, opplerunt mira dulcedine pectus.*

Vehementer arrisit ea ratio Etesio, eandemq; confirmans.  
 Est verè, inquit, vt dixit Mnemon. A vultu solis Diuini vim  
 suam omnem Heteriani hauriunt qua audientium animos  
 tam facillè, quo volunt, virtute nescio qua velut fulminea  
 impellunt. Dictum est autem iam superius quando huic se  
 soli illustrandos sistant: cum nimirum proxima à somno  
 hora rerum diuinarum contemplationi vacant. Hic radios  
 diuinę lucis, in pectore à sceleribus immuni colligunt, vnde  
 deinde ea fulmina existunt.

Sed iam tempus est, vt vites oleæ iunctas adeamus. Erat  
 olea nostratibus longè maior: vites autem non in eam qui-  
 dem altitudinem, & crassitiem excreuerant, in quam prio-

res; nec ea magnitudine, & copia vix ex iisdem pendebant; cultoris tamen auaras spes expleuerant & labores centeno fœnote cōpensarant. Mihi hīc aliquot gustādas cū obtulisset Etesius, celestem quandam dulcedinem ori inspirarunt. Mihi hīc adeò felicem, & fecundam vitium cum oleis conjunctionem admiranti, animumque huc, illucque cogitatione impellenti, quānam potissimum fructus hīc videretur indicari, opportune in mentem Virgilianum illud venit

*Paciferaq; manu ramum prætendit oliuæ.*

Ex quo conieci & oleam pacis symbolon esse, & eos in ea designari, qui pacis studio accensi in id præcipua cura incumbant, ut sicubi aureus nexus eiusdem ferro disruptus sit, reparent; & capitales hostes eiusdem, iram, & odium, ex orbe, & pectore Christiano proscribant. quam ego coniecturam ubi Etesio aperui, eandem mirificè collaudans rem verò ipsam, inquit Sanouise attigisti. quantus verò hic fructus extiterit hactenus inde liquet. quod Hetærius toto seculo suo annum vix viderit, in quo non aliquot hominum millia odijs acerbissimis diuulsa, & iam iam districto ferro in mutuam perniciem concursura ad pacem, & concordiam mira industria reduxerit. Sæpè integras familias, & vrbes capitali inimicitia dissidentes, & iam exitio vicinas ab interitu vindicauit. Parentes, & liberos, sanguinis & amicitiae vinculo coniunctos, & quoscunque natura, vel charitas ante copularat, post autem mutua odia disiunxerant, pristini amoris nexu reuinxit tam multos, ut vix numerum capiant.



capiant. Huius autem nobilissimi fructus precium, is demum rectè æstimabit, qui probè nouit, quàm in humana societate necessaria & præstans res sit animorum consensio. Nam in primis est

*Paruis Dines concordia rebus:*) ac sine hac vita mortalium acerba & misera est, & bellis infinitis turbida; Cùm hac autem dulcis, beata, ac tranquilla. Quod in humano corpore membrorum campages, quod in mundo rerum, nexus est, hoc in hominum consortio concordia est: nec illum é corpore, aut mundo, nec hunc ex animis mortalium sine præsentis exitio sustuleris. Et hinc est, cur ea res ita curæ & cordi Hetærianis fuerit, & quidquid eloquentiæ, solertis ingenij, & charitatis habuerunt in hanc rem deprompserint. Infinitum autem sit hic illustrissimas victorias à pertinacissimo hoste nobili cum triumpho reportatas omnes narrando percurrere: aliqua pro more adducamus. Nam ne iusto quidem volumine complexus omnia fuero, quæ hic præclara cum laude ab Hetærianis gesta sunt.

Hunc capitalem animorum, & humanæ societatis hostem, alias aperta vi aggressi sunt, & velut refraganti ultionis arma extorsere; alias blanda sermonis dulcedine mira quadam animi submissione delinitum, eo sensim inflectunt, ut sponte eadem deponeret. Illuc pertinet quod Benedictus Palmius, sæpius quidē nūquā nimis laudatus Messanæ in Sicilia gessit. Illic Sebastianus Ansalonius, vir genere illustris præcipua inrer suos auctoritate pollebat. Hic ab

alio iam in septenniū capitali odio diffidebat; cuius & vitæ  
 tamdiu insidias struxerat; dum tandem illi eundē fortuna in  
 manus obtulit: in carcerem itaque compegit paulò post ad  
 supplicium euocandum. Causa erat quod fratrem illius ne-  
 scio, quæ est causa occidisset. Interea vrbs etiam vniuersa, vt  
 fit partium studio diuisa, & ipsa grassante palam discordia;  
 & vltima omnia minante, pari dissidio diuulsa erat. Venit  
 eodem Benedictus Palmius nondum sacris initiatus; re in-  
 tellecta ab animo Ansalonij iram; ab vrbe funestum dissidiū  
 exturbaturus, exedram die Christo patienti sacra ascendit,  
 & inde tanta in eos acrimonia dixit, qui ne tantillum qui-  
 dem dulcissimi seruatoris amori concederent, vt in eius ali-  
 quam velut remunerationem iniurias proximis condona-  
 rent, vt ex omnium oculos lachrymas, ex Ansalonij pectore  
 vltionis cupiditatem, & inueteratum tot annis odium ex-  
 excusserit. Nam is, cum insolens æstus animo insideret, & iā  
 claudi non posset amplius, foras in media concione proru-  
 pit. Clarissima voce exclamat Ansalonius, dare se manus:  
 Velle eius arbitrio stare. Vbi Palmius palma nobili potitus  
 è suggestu descēdit; ad eius se pedes Ansalonius prouoluit;  
 & sanctè asseuerat se templo pedem nō ante elaturū quàm  
 omnes inimico iniurias iuxta leges, & placita iuris remisisset.  
 Adscitis igitur Tabellionibus è carceris squalore capti-  
 uus educitur. Illius manus fraterno sanguine conspersas de-  
 exosculatus in noui amoris indicium, cum mirifico vrbis  
 vniuersæ applausu amicum dimisit, quem hostem &  
 homi-



homicidam ceperat, & ne porro similis iræ occasio, & facultas foret Seraphicis se adiunxit. Salmanticæ quispiam in alterius vultum pugionem defixerat non sine magna formæ iacturâ. Saucius in eam iram exarsit; quæ non nisi fuso alterius sanguine restinguenda videbatur. Tentata varia ad hominem sedandum irrita conatu. In eum ita irâ ardentem Franciscus Strada incidit; ad pedes illius se abijcit: per precium fusi à Christo sanguinis rogat, sinat per hunc obduratum in ultionem pectus emolliri: quibus verbis ceu hircino cruore adamas, animus emollitus iniuriam remisit: qui vitam appetebat Salmantica tota applausit: vtrique victori Stradæ quod iratum, saucio quod inimicum nouo victoriæ genere vicisset. Comi pro foribus templi ex insidijs quispiam inimicum expectabat in necem. Eodem preces fusurus intrarat Carolus Carlantinus vir inter Heterianos, non vna virtute illustris: precanti diuinitus innolescunt hominis nefarij consilia. Egreditur & vultu in iram composito, quid inquit, hic operiris infœlix! quid sceleris machinaris? simul manu prehensum inducit in templum; in sacro tribunali sibi supplicem sistit: mirabili sermonis dulcedine iram expugnat, telum extorquet, in scelerum odium incitat, & ne desint vndæ irarum flammis extinguendis, vbertim lachrymas fundit, eoque paulò post concessit, vbi sub religiosa veste admissa scelera expiauit.

Fuit cum etiam inter orbis Monarchas Heterianorum opera concordia & publica pax coaluit. Antonius enim

Possevinus eruditione, virtute, rerum gestarum gloria clarus, missus à Summo Pontifice Gregorio XIII. Legatus in Moscouiam: Eius nomine pacem cum Orbis Christiani mirifica gratulatione inter Serenissimum Poloniae, Sueciaeque Regem, & Magnum Moscouiae Ducem non sine maxima raræ prudentiæ laude fecit. Inde facile cuius est perspicuum, quàm insigni iniuria Hetærium hactenus nonnulli affecerint, qui eū bellorū inter orbis Monarchas auctorem pudendo mendacio passim proclamauerunt. Non ferre lites, sed componere Hetærianorum est, ut qui tot innumeros ubiuis gentium, iam iam corpore & animo morituros æternum à duplici interitu vindicatos, & hic diutius in terris & illic beatè in cœlis iusserint viuere. Cum aut & hic breuius iter esse per exēpla nosset, quā per præcepta Hetærius; etiam hic faciendo docuit, quod ab alijs fieri voluit. Ut enim nihil auersi, & alieni animi in suis resideret aduersus eos, à quibus iniuriam acceperant, preces pro eorundem salute omnibus indixit iussitque ubi possent, re & consilio adiuuarent. quod ipsi integrè executi pro iniurijs beneficia, pro odio amorem reddiderunt, quoties recta & prudens charitas postulauit qua in re *Loyolaus heros* suis illustri exemplo præiuit. Cum enim contubernalis illi litteraria subsidia furto sublegisset, & Rhotomagi paulò post idem in grauem morbum esset delapsus, eodem ille se quamprimum cōtulit, ægro omnia humanitatis & sinceri amoris officia exhibuit. Aliū idem hominem nefarium, qui  
 vitam



vitam ipsi Parisijs erepturus fuisset, nisi cælum obstitisset, quiq; Romæ deinde vix surgentem Hetærianorum familiã calumnijs ferè oppresserat, nouo vindictæ genere, amore & beneficijs vlturus inter suos iam facti poenitentem recepit. Inter quos tamen non perstitit. Petrus Correa, Thomas Garnetus, Ioannes Ogilbeus inuicta animi magnitudine nil priscis Martyribus inferiores pro Christo sanguinem fusuri, pro inimicis & hostibus ante Deo supplices acciderunt. Petrus Venuustus Sacerdotem quem piam patrocinio suo in Siculi ducis aulam prouexerat, eodemque cū ob malè merita ducis gratia excidisset, reduxerat. Is deinde illi in tanti beneficij locū foris domū redeunti caput triplici ictu vsque ad cerebrū diffidit, & suo sese in sanguine volutantem, iamque cum morte colluctantem reliquit. In eū ita miserè exceptū paulò post ciues incidunt, quibus ob eximias virtutes in primis carus erat, ab ijs rogatus nossetne parricidam; annuit; sed cū prodere iuberetur, alia ab eo vox exprimi non potuit nisi illa. Deus illi ignoscat: & ita genuinus Hetærij, & pacis filius suauissimè emortuus est. Cur aut Hetæriani in remittendis iniurijs tã faciles sint, & alios vicissim adeò faciles reddere elaborēt, & soleant; amor facit quo in Soteriū suū syncerissimè ferūtur, cui sciūt nil peræq; iucundū esse, ac animorū coniunctionem, nil æque displicere, ac odia ad quæ proinde tollenda mortales accesserit, hisq; mutuæ charitatis legē tulerit sanctissimo suo exemplo præclarè firmatam, dum atroces illis in se iniurias

condonauit. huius vestigijs ipsi insistant, huius exempla imitantur: & hinc est cur hic olea cum vite iuncta sit, quia & ipse olim ad vulnera ab hostili manu latronum illata persananda, vinum & oleum adhibuit, & ita docuit nihil ea coniunctione ad curandos hominum animos à lethali hac plaga esse efficacius.

Nunc si placet ad eas vites accedamus, quæ in hac vinea latissimè diffusæ, & vlmum amicam sibi inprimis & fidam arborem amplexæ sunt. Nam

*Vt vidua in nudo vitis, quæ nascitur aruo,  
Nunquam se extollit, nunquam mitem educat. vuam.  
At si forte eadem est vlmò coniuncta marito,  
Multi illam agricolæ, multi accollere iuuenti.*

Felicissimè itaque ex adeo fido consortio vites profecerant; fructuum dulcedine & copia cum reliquis certabant. Vlmī aliæ exaruerant, & nihilominus vel emortuæ officij sibi crediti memores, fidam operam adnexis sibi vitibus impendebant, & hæ reliquis ferè erant vuarum feraciores, ad extremas loco excelsæ & à nobis aspectabili consitas, iā vindemiatores, quos eminus videbamus, vuas lecturi accesserant. Pridie enim Autumnus ijs legendis diem dixerat.

Dum inter medias has vites ambulamus, easq; Litholeon curiosius perlustrat; existimem inquit, Etes si per vlmos has saltem emortuas rectè eos repræsentari, qui proximo suo cum valetudinis, & vitæ iactura profuerunt, quales verbi  
gratia



gratia, ij sunt, qui incredibili charitate accensi illis, qui peste alioue morbo noxium virus latius ferente infecti sunt, inseruiunt, quorum plurimi dum alijs animę vitam procurant corporis amittunt: Perspicax Litholeōtis ingenium quo rem ipse viderat dilaudat Etesius, & simul copiosius deducturus; vlni hæ inquit eos adumbrant qui calamitosi, & miseris auxilium ferunt, quorum totidem classes sunt quot miseriarum genera, quæ mortales premunt. ducamus ab ijs initium, quos corporis ægritudo inter miseros ponit, hi plus penè subsidij ab Hetærianis, quàm à sanguine & amicitia naçti sunt. Illi enim, postquam se infirmis arcto amoris synceri vinculo velut vlnus viti suæ adiunxerant, promptā fidamq; animo, & corpori opem attulerunt. Ac animum quidem suauissimæ consolationis dulcedine perfusum adiuuerūt, tum vt leuius dolores sentiret, tum ad extremam de æternitate luctam animosior paratiorque subeundam accederet: & suâ præsentia erectus ibi vinceret vbi vincenti propositum cœlum est, vbi victoris præmium corona vitæ, & foelix immortalitas est. Nemo facile numerârit omnes, qui nunc illic in felicissima illa viuentium patria nobili potiti triumpho beatâ immortalitate perfruuntur in vltimo illo certamine Heterianorum operâ victores, qua destituti periissent æternum. Dici vix potest, quoties ad ægros desertos à suis, omniq; humana ope destitutos, inter vtramque æternitatem quam iam oculis cernebant positi, cū morte de præmio, aut supplicio nunquā finiendo

dimicantes, & quidem inermes & propè iam desperantes velut missum à cælo subsidium accurrerint. Annos aliquot è sæculo suo numerat Hetærius, in quibus aliquot centena millia eiusmodi felicissime eternitati transcripsit. Solus Ioannes Bredanus, vt de alijs fileam, nongentis oculos, non in mortem, sed meliorẽ vitam suis manibus clausit, quos prius omni subsidio adiuuerat. Corpori deinde etiam officiosissima humanitas impesa est. Cui quoties licuit sanitatem pristinam opportunis remedijs Hetæriani reddiderunt: cum verò ea facultas non fuit, nihil quod ad illud adiuuandum, recreandumq; conferebat, intermiserunt. Quamuis verò neminem ab hoc charitatis officio vnquam excluderint, qui hinc Hetærianam opem implorauit, aut oblatam non reiecit; ijs tamen in primis præsto adfuerunt, ad quorũ ægritudinem nuditas ab amicis, & rerum penuria accesserat; quales potissimum in nosodochijs solent inueniri, & in ijs vrbibus vbi sæuior mortalitas grassatur. Hic igitur ex ægris fructus sanè vberrimus maximam partem in nosocomijs collectus est. Quæ profectò Hetærianos sæpenuerò stupuerunt, cùm viderent, quemadmodum se ad pedorem squaloremq; suum dimitterent, infirmis assiderent, cum ægris quodammodo ægrotarent, verbis humanissimis dulcissimisq; dolores mitigarent, lectos componerent, infirmos manibus suis attollerent, placideq; reponerent; aquam haurirent, sordes egererent, saniem ab affectis partibus lintheo, aut manu, aut etiam linguâ detingerent; stipem etiam ostia-



ostiatim cogerent, quâ deinde languentes refocillarent, cibos suâ manu pararent, paratos apponerent. Hæc ita esse, Nosocomia omnia clamarent, si loqui possent, vbi vnquam Hetæriani ægris seruiuerunt. Denos tamen illos Hetærianæ familiæ principes, quibus hætenus citra ruinæ periculum Hetæriana res innixa est, inprimis à dictis officijs eximiè laudarent: qui rem omnium pulcherrimam posteris suis persuasuri, exemplo suo firmatam atque stabilitam voluerunt. Illis enim Hospitalia pro hospitij fuerunt quocunque diuerterent. Vt reliquos interim silentio præteream, qui egregiè maiorum vestigiis institerunt, (quod in omnibus vrbibus factum vbi domicilium Hetærius fixit, modò eius admissa sit opera) Martinus Guittierez cùm Hetærianis Salmanticensibus præset, & nosocomia insolens ægrorum multitudo impleuisset, ratus gloriosius esse ægris inseruire, & obsequi, quàm sanis imperare, eò concessit, infirmis eo affectu omnia officia Christianæ charitatis exhibuit, quo vix vlla mater filio. Aquam suis ipse humeris è vicino fluuio asportabat, valedudinarium suâ manu euerrebat, lectos sternebat, cibos afferebat, apponebatq̃ne, & quicquid industria, & ingeniosa charitas imperabat, alacritate maximâ executus est. Hunc autem præter alios, laboris pulcherrimi fructus, collegit, quod 40. dierum spatio, omnes, etiam ij, quos pestilentius virus inuaserat, sanitatem recuperarint: scilicet morbus ad tantam charitatem attonitus neminem interi-

mere ausus est. Is ex cepit Mnemon cū ad illas delicias suas,  
ad valetudinarium inquam, quandoque properaret, & quę  
piorum liberalitas fuerat elargita ferret; in via in hos affe-  
ctus prorupit.

*Quos excelsa iuuant, ascendant atria Regum  
Gaudia nostra lares sunt Nose care tui  
Vt Martine lubens squalentis ab agmine turba  
Cingeris? esse duci gratior aula neget.  
In pectus quam fundit enim se pura voluptas,  
Cum famulo functus munere, promissas aquas?  
Cum sternis lectos? Et fers, quas cœlitus hausto  
Nectare dulcis amor condijt ante dapes?  
Cum mœsto affundis solatia blanda dolori?  
Cum parce leuius tela timere iubes?  
Addis in extremam cū fortia pectora luctam?  
Qua pretioso agitur sanguine parta salus?  
Quas istic gemmas è sordibus eruis? auri  
Quam tibi prestantes effodiuntur opes?  
Littus erythraum nil his preciosius undā  
Purpureā, auriflua nil vehit Hermus aqua.  
Hic quanto panni rubicundo pulchrius ostro  
Effulgent; Christi qui pia membra tegunt?  
Naribus ut dulcem sanies hic spirat odorem  
Quam passim agrorum lurida membra vomunt?  
Naribus illa meis præ nardo, Et Thure sabao,  
Vulnere præq; tuo, saucia myrrha placet,*



Pestis quæ metuere neminem, terrere omnes solet, Hetærianam fortitudinem suis omnibus terriculantis maiorem sæpenumero admirata est, quoties nimirum Hetærianos gregibus ægrorum circumfusus, nihil morientium funeribus terreri aspexit. Cum stupore in primis atra hæc diu præter sexcentos alios vidit, inter densissima agmina lethali lue laborantium Lugduni in Gallia Edmundū Augeritū, Conimbricæ in Lusitania Hieronymum Caruallium, Viennæ in Austria, Nicolaum Lanoum totidem inuictos heroes incredibili charitate ægrotantium corpori, & animo medicinam adhibentes. Et hunc quidem extremum, eo etiam vehementius obstupuit propterea, quod attactu à sua falce inflictæ vulnera persanaret. Vidit deinde eadem, & cum Braccarensi Ciuitate vniuersa obstupuit Dominicum Oliuerium cum ille lue pestifera afflatus suis vlnis amplexus est, & in humeros suos sublatus asportauit in Nosodochium; quos amici ne propius quidem accedere audebant. Vidit innumeros alios operi gloriosissimo immortuos, & non longè à Martyrum gloria distantes longè feliciores, Curtijs & Decijs, qui se perdiderūt, vt alios seruari hi vero & alios, & seipso honestissimè moriendo seruarunt; Quis enim pereat, cui charitas mortis sit causa? & ea quidem qua nulla alia teste coelesti Magistro maior est. Ex Hetærianis sibi quisque Horatianum sæpius occinit non nihil commutatum.

*Dulce & decorum est pro miseris mori.*

Kk 3

Ideo-

Ideoque eius pulchritudinis dulcedinisque amore accensi quoties sæuiente lue miserorum calamitas aliquem in sui subsidium exposcit; quoties vir quæritur; qui vitam suam bono publico deuoueat, dici vix potest quanta Hetæriani minimè maiorum suorum degener sanguis ambitione ardeant, cæteroquin honoris minimè appetentes. videre tum est præclarum, & superis iucundum eam provinciam ambientium certamen. Cum Nocoliæ vehemens pestis virus latissimè diffunderet, & passim funera densaret, ambitiosius ac olim Romani candidati honores, Hetæriani id muneris prenserunt, quisque vrgebat sibi potissimum liceret in vrbis affectæ subsidium venire. Fuere qui infimis precibus, imo & lachrymis Præsides suam in partem inflectere conati sunt. Cum tandem non sine cæterorum inuidia duo communi decreto publicæ saluti expositi essent, reliqui nihilominus omnes etiam ij, qui nondum integrè è morbo recreati vix pedibus poterant consistere ad sacra tribunalia se receperunt: inter quos nonnulli vacillante vestigio lapsi vix ægrè tandem, tamen eò perreptarunt, vt & sibi è gloriosa adeò messe manipulos aliquos colligerent, nec vniuersa ad duos illos perueniret. Facit & illud hic ad laudem Hetærianorum, eos hætenus non solum vocatos; promptissimè semper ad peste infectas ædes aduolasse, sed omni etiam solertia, & studio indagasse sicubi nonnulli, vt sæpè euenit, omni ope destituti alijs ignotilaterent: sæpè etiam inuitis salutarem operam obtrussisse.



fisse. Cùm Audomari horrenda lues sæuiret, is qui ex Hetærij Imperio illic afflictis opem ferebat, post longam, diligentemque indaginem tandem reperit, primo quidem Mulieres duas iam propè ad extrema deductas, quas vltima fames penè crudeliùs, quàm pestis tractârat, quę vbi Hetærianum ad se aduentantem aspexêre, velut è cœlitum numero quempiam vidissent, lachrymis gaudium testatæ sunt: Is paratis cibis, allatisque pharmacis corpori; animo confessione expiato salutaribus monitis succurrit, & mirificâ consolatione plenas, tum quidem reliquit paulò post reui-furus. Interim aliam domum ingressus totam familiam, matrem cum liberis quatuor, omni humani auxilio destitutam inuenit. Animos omnium salubri medicina primo per sanat: tum præparatas à se dapes apponit; ex vlceribus effluens tabum deterget, amuletum malo pellendo efficax applicat. Duplici nomine coronam ab illis ciuicam meritus. Eidem & illud euenit. Mulierem tenuis fortunæ, homo militari & præferoci ingenio, cum eandem pestis afflasset, ex ædibus eidem elocatis barbaro facinore exturbarat. Eam in media platea luto penè sepultam offendit cum fortè ad alium cœlestem & vitalem alimoniam deferret. Hâc tantisper miserabili spectaculo commotus decenti loco deposuit, dum miserâ in domum reportaret. Hic alter ira vehementi accêsus dicere, & facere quæ furor suggererat: mortē etiâ districto ferro minari, ni subito esset: at ille impiũ scelus execratus collum & pectus iniectum denudat, eum-  
que

que intrepidus exspectat. Tum verò alter fui iam impotens furere & insanire & diras in superos sacrilego ore euomere. Mox tamen è Leone mutatus in Agnum est, cum conditoris venerari præsentiam & vereri seueri olim Iudicis vindictam iussus est, ni ab impio facinore desistat: mox in genua prouolutus nefarij sceleris veniam precatus summa voluntate domum agræ incolendam concessit; & rectè monentem amicè amplexus est. fileo quod non vno in loco Heteriani in agrorum subsidium sodalitia ipsi erexerint, & ab alijs erigenda, fundandaque Nosocomia curarint: quod in ijsdem præter priuata ad virtutem colloquia conciones statotempore habuerint, missæ sacrificia peregerint & alia id generis plura instituerint.

Ad eos transeo qui in carcerum squalore, & suppliciorum acerbitate, atque in triremibus Heterianos suæ item salutis amantissimos & in ea procuranda diligentissimos experti sunt. Vbi id maximè curatum cum incredibili emolumēto, vt eiusmodi hominum genus ad rationes summo ludici reddendas paratum, ad subeunda supplicia constans accederet. Eam in rem è carceribus non paucis aleæ, & id generis plures prauæ consuetudines eiectæ, earundem loco inducta pietas; sacramentorum, sacrificiorum, concionis, piæ lectionis vsus. Alicubi flos sanctorum Ribadineiræ palam suspensus fuit; vnde statotempore anagnostes aliquis quippiam in audientium solatium recitaret. Vnde id consecuti sunt Heteriani, vt homines perditissimæ alioquin



quin vitæ, & in scelera obdurati, ad veram & lachrymis testatâ poenitentiam sæpè perducti sint. Paucos attingam, ex quibus de infinitis alijs idem fiat iudicium. Vallisoleti homo enormiū scelerum reus supplicium in custodia expectabat. Vbi ad eam Hetærianus accessit, eo sensim sermone humanissimæ charitatis pietatisque plenissimo adduxit, vt diem & noctem vniuersam in certa pietatis officia distributam pijssimè impēderet. Iam in genua prostratus orabat, iam ad semihoræ spatium acerrime se flagris cædebat, iam audiendo sacro, iam pie lectioni vacabat: ter quauis hebdomada pane solo, & aquâ viuebat, & cilicino se sacco induebat. Et cum ad exquisita supplicia sceleribus suis debita perferenda anhelaret febris correptus Iudicis sententiam præuenit. Molskemij reus ob horrenda scelera supplicio afficiendus ab Hetæriano adiutus Hæresin abiurauit, & in tantum odium scelerum suorum exarsit; vt acri, & gelida hyeme nudis pedibus in poenitiæ signum iter benè longum confecerit. Antwerpia duo latrones inauditâ crudelitate & barbarâ plurimorum cæde infames, de quorum salute iam penè erat conclamatum, ab Hetæriano blanda sermonis dulcedine ita emolliti sunt, vt totius prioris vitæ in hæresi & grauissimis flagitijs traductæ seriem eidem cum multis lachrymis retexuerint & digna sceleribus supplicia stupenda constantiâ pertulerint. Nam cum picato induti linteo sexies in rogum immissi, sexto tandem incendio exurerentur, aliæ ab eis voces auditæ non sunt, nisi IESVS &

MARIA. Minus stupendę eiusmodi conuersiones videri possunt, si, quę Hetæriani adhibeant considerentur. Præterquam enim quod vna secum insignem, vt plurimum eloquentiam afferant, & animi dimissionem, qua sæpè in genua prouoluti additis etiā lachrymis, cū eas res exigit, obdurata pectora emolliunt; se ipsos Deo ardentissimis desiderijs ad ardua pro eius honore perferenda offerunt, si gratia sua cordis duritiem inflexerit. vt alios interim taceam Quintinus Charlartius vt obstinato aliquando eiusmodi homini pœnitentię lachrymas à Deo exoraret, perpetuum, si eas concederet, in omnem vitam ieiunium, & à carnibus abstinentiam vouit. tanti vel animæ vnus salutem Hetæriani faciunt. multa hīc dicenda superessent de ijs, qui itidem fidissimæ vltimo persimiles, alias proximi miseras subleuarūt, & copiosam ex aliena calamitate messem sibi collegerunt, sed locus & tempus omnia enarrare non finit: aliqua tamen delibanda sunt. Tales in primis ij fuerunt, qui pia & amoris syncerissimi plena sollicitudine aliorum inopię succurrerunt, cum eos aut corrogata stipe liberarunt è carcere, in quę æris alieni causa erant intrusi (quales anno 1594. Valentię in Hispania 396. & anno proximè in secuto 594. vinculis sodalium opera ab Hetærianis exempti sunt, vt alios omit- tam) aut domesticam & alijs ignotam penuriam emendicato subsidio solati sunt; aut virgines iam nobiles comparata dote è pudoris prostituendi periculo liberarunt. Tales item fuerunt qui villas & oppida concionabundi obie-

runt,



runt, & rudem populum cum vix credibili laboris fructu ad pietatem informarunt. Nam ab his talibus, cum eiusmodi hominum genus fere semper esse soleat ad culturam multo foecundius, integræ sæpè regiones à perditissimis moribus ad castos sanctosque reformatæ sunt. Et certè has vites sæpè numero videre fuit vberissimo omnium fructu oneratas. Nicolaus Cusanus ante pauculos annos emortuus Ducatum Luxemburgensem (quem sæpè vniuersum pedibus suis obiuit) in foecunditatem multo maximam suâ culturâ prouexit. Et eidem etiamnum pagi & oppida, si loqui possent, pro fructuosissimo sibi impenso labore gratias agerent. Tales deinde penè præ omnibus etiam ij fuerunt, qui inuictâ animi magnitudine præditi alienæ salutis ardore accensi, vt militibus in medijs periculis succurrerent, & corpore faucios, animo persanarent, & alteram saltem vitam eorum in tuto collocarēt, obuiam in Martis fulmina, in plumbearum glandium imbres, in districtos enses inuolarunt & Libitinæ in ictum vltro obiecerunt.

*Deuota morti pectora libera.*

Et vulneratos adiuuerūt, vt iam victi vincerent. Iniuriam profecto non mediocrem generosissimis his heroibus fecero, si in tãtam fortissimorum facinorum copiâ, quæ hi tales cum immortali sua gloria & credibili fauciorum militum emolumento designarunt saltē non vnum aliquod recensuero. Ioan. Fernandus, qui augustâ quidem sapientiæ lauro insignis quandoq; Nocoliæ S. Literas interpretatus est rarâ

tamen vitæ sanctitate longè celebrior, in expugnatione Traiectensi charitatem sauciis militibus nullo æuo intermorituram exhibuit. Illic enim spretâ mortis formidine inter horrifoni martis tonitrua adedò liberè promptèque vulneratorum militum confessiones excepit, vt ab eâ operâ nec ipsi quidem milites eum auertere potuerint. Quare tantum amorem sui in militum animis excitauit, vt ad eum protegendum inter hæc pietatis opera, se ipsos hostium telis obiecerint. Ceciderant in vallum vrbi subiectum ex propugnatoribus non pauci, stimulabat Fernandum pia sollicitudo ad opem eo in articulo sauciis afferendam. Eam in rem hoc strategemate vsus est. Dum vrget obsidio sub vesperum ab hæreticis se vulneratum simulat, simulque per aggerem deuoluit. Risum mouit Hæreticis Catholici & Hetæriani sacerdotis casus. At ille aliud animo voluens, cepit increfcētibus tenebris circa moribunda cadauera paulatim adrepere, simulque vitæ explorare indicia, & ad confessionem hortari. Nec industrię fructus defuit 40. militum conscientias ea nocte expediuit, & illucescente die sacræ Crucis Imaginem manu gestans reptando ad suos euasit, saluus quidem ab iniuria hostium, at non sine damno sanitatis. Læserat enim valetudinem grauis odor cadauerum, sed charitatis ardorem non extinxit. Nam pauló post complures in pugna quadam occisos audiuerat, sed accessum corporis languor impediēbat. vt verò nec sic quidem miseros desereret ex socijs fratri (Vincētio nomen erat) persuasit,



fit, vt se in humeros sublatum ad faucios asportaret. Fecit ille eadem vtique charitate accensus; illudque Daudicum impleuit: vt iumentum factus sum apud te. Chari ponderis baiulus Fernandum per militum diuersoria gestauit. Fatigato ab onere superuenit Comes Annibal Ascarbs Germanorum equitum Magister, qui re cognita equum, quo ipse vehebatur in pium obsequium etiam reluctanti Fernando obtulit. Idem in militum subleuandam famem stipem à potentioribus emendicabat, & iam æger sæpè sibi subtrahebat, quod noctu egentibus clàm per fenestram submittebat.

Inter illa colloquia eò iam veneramus vbi vindemiatio cœperat, propius ad ire non placuit; illorum feruori, nostræ libertati consulturis. Inde igitur ex edito sensim defleximus ad torcular in vineæ medio erectum: quid illic ageretur, inspecturi. Qui torculari præerat humanitet acceptos induxit, & cum ab Etesio didicisset, ad quid venissemus, omnia officia detulit. Erant illic omnia parata atque ad vsum opportuna: nihil non suo loco, aut non ad manum. Ego cum vuas nobili liquore distentas, viderem adeò barbarum in modum, vt mihi videbatur, tractari in orca conculcari pedibus, & conteri; inde in torcular effundi; deinde immenso penè iniecto pondere comprimi, vehementer admiratus, miseratus etiam illam vuarum fortunam rogo torculari præfectum, quâ tandem vuæ, succi optimi dulcissimi que turgentes eam sæuitiam sint.

commeritæ: ille subridens; sunt inquit, ô hospes nonnulla quæ nisi vi adhibita cogas, fructû, quem tenacissimè seruât. non reddunt. Tritici enim rei nobilissimæ quis vsus erit nisi flagello excusseris è spicis, nisi grana molari contriueris, nisi denique igni excoxeris. sic dolia nobili vino nunquam impleueris, nisi ita, vt vides vuas tractaris, & quod postulas vi extorseris. Neque, vt tu putas, barbarè cum vuis agitur, ita illæ ipsæmet, si sensu & ratione præditæ forent, tractari expeterent; facilè enim viderent sine prelo se paulo post sine suo commodo, & cum incredibili mortalium detrimento nihilominus perituras: contrà verò si premi se patiantur, liquorem suum in plurimos etiã annos omni studio asseruatû sexcentos in hominum vsus & voluptatem, & vtilitates allaturum. Hic ad me conuersus Etesius, quid inquit, est, Sanouise, quod tantopere mireris vuas cæteroquin in vsum mortalium natas ab iisdem, vt putas, ita crudeliter tractari; quæ si crudelitas sit, longè maior Hetærio vestro assignanda est, qui iam non vuas, sed animas premit, vt vinum, sed angelorum vbertim effundant. cum ea dixisset iam satis attentos ad ea nos habebat, quæ erat dicturus, quia minùs erant exspectata. Interim igitur dum alij collectas iam vuas in vasa ad id disposita infundunt, alij pedib. calcant, alij torculari mustum exurgent, illudque alij in cadum transferunt; & his omnibus ex officio inuigilat torcularius, Etesius iussit nos ibi Hetærianos illos intueri, qui ex mortalium oculis lachrymas, & animis ante contritis

nobilem



nobilem pœnitentiæ liquorem exprimerent. Quod vt plenius intelligeremus : quemadmodum inquit tota vineæ cultura huc tandem conuertitur , vt cella nobili vino redundet, quod cum libuerit in vsum aut oblectationem expromi possit: huc enim pastinatio , putatio, colligatio, collectio & cætera omnia referuntur: ita quodammodo omnes eorum labores & fructus qui vel in cathedra & publica luce; vel in priuatis congressibus mortales ad meliora hortantur , in proximum vsum in confessione velut aptantur; non quod iam antea fructus non sint, & nobiles quidem, ( Est enim in acinis vinum etiam ante prelum ) sed quod eodem nondum perfrui liceat. Et certè si vlla in re orbis catholicus multum Hetærio debeat , in hac debet, quod ipsius opera fons hic gratiæ præstantissimus ad eò copiosè & fluxerit hætenus, & fluat etiãnum ad humanæ sitis arbitrium: vnde illa, quoties libuerit, vulneribus & morbis medicinam, mœrori solatium, ariditati pluuiã, aduersis robur haurire possit. Id testes omni exceptione maiores, & quidè oculati vbiuis gentium affirmarunt; nihil asserere veriti nunc plures quauis penè dominica & magnæ Virgini sacra die ad salutare has vndas accedere, quàm alias anni totius etiam solennissima accesserint. Nunc decem , & plures subinde confessionis sedes in templo inueniri ; vbi ante vix vna reperta sit. Vt autem Hetærius confessionis vsum in primis crebriorem in orbem Catholicum induceret, varia fuerunt, quæ egregium eius conatum mirificè adiuue-

adiuuerunt, præcipuum illud fuit, quod incredibili quodã zelo animarum accensus vehementissime omnium salutẽ, quam hoc medio vel maximè promotum iri videbat, desiderarit. Hic enim Ignatium impulit, vt sæuiente hyeme collo tenus algido amni immerfus alterius ignes extingueret, hic Xauerium adegit, vt alterius flagitia suo in dorso etiã sanguine expiarit: Hic Alphonsum Rodriquez inflam-  
mauit, vt nõ semel se Deo obtulerit ad inferorũ supplicia, modo in diuinum amorem animam vnicam, & eam quidẽ ex omnibus vilissimam posset accẽdere. Hic idem singulos incitat, vt omnes rationes, & vias exquirant, quĩ homines à recta salutis semita exerrantes ex auis, scelerũ ad virtutis, & cœli tramitẽ reducãt, vt, quidquid hic tædij, & molestiæ occurrit deuorẽt. Eodẽ deinde mire cõduxit, quod lege lata suis omnib. Hetærius sanctẽ mādarit, vbi vbi possint homines ad confessionem incitent: tum quod nemini iuris dicundi copiã hic facere consueuerit, nisi quem norit rerum earum, quæ huc necessaria sunt, suppellectile instructum: insigni in primis solertia, & dexteritate præditũ, qua hispidos peccatorum animos non secus atque sciurus hirsuto cortice horrentem castaneam tam diu in omnem partem verferet, reuerferetque dum tandem aperiat & dignos inde poenitentiaẽ fructus excerpit. Ad hæc plurimum iuuat quod tenellæ ætati, quam literis & moribus expolit, ritẽ obeundæ confessionis præcepta sensim instillet, eamque sæpius vt eadem in vsum reducat, ad sacra tribunalia sup-  
plicem



plicem sistat. Quia vero hæc ætas eorū tenacissima est, quæ rudibus annis percepit, hinc fit vt hausta semel præcepta fructuosæ confessionis in omnem reliquam vitam mordicus obseruet. tum etiam vel maximè, quòd adultiores, quos domi asceticis exercitijs excolit, conscientiaè indies examinandæ & scelerum onere sæpius subleuandæ rationem in eo secessu & sæpè etiam pro concione edoceat. Denique quod Hetæriani quibus id muneris impositum est, in eo exequendo nec diligentiam nec assiduitatem suā requiri passi sint; qui pene indies in sacris suis subselliis expectarunt quos à sceleribus absoluerent, quibus à fructu vacua vix vlla dies recessit. Inter hos eximiè eminuit Georgius Colibrand & Iacobus Alvarez quorum ille vsque ad summam ætatem ad stuporem suo illo in munere assiduus fuit. Dies vix erat, quā ad sedem confessionis non iret, & & rediret cum fructu; sæpè tam vbere, vt non rarò plurimæ conciones minùs fructuosæ existant; hic vero eodem die viuere, & confitentibus aures dare desijt: quod nempe omni fecerat; vltimo die omittere non voluit. Nihil hic dici de Hetærij confessarijs augustius potest, quàm quod ipsi Cœlites non rarò eisdem suo testimonio comprobarint cū ad eos submisere, quos à sceleribus expedirent. Ita submiserunt ad iam nominatum Georgium Colibrand, ad Sebastianum Barradium ad Gasparem Barzeum aliosq; complures: nescio tamen an non hoc, quod sequitur, penè sit ad laudem eorundem illustrius, quod multi fuerint qui

eadem subsellia ita adamarunt , vt mortem in eis sibi eo nomine longè dulciorem lætissimo vultu exceperint. Nam in illis occisi Franciscus de Castro , Didacus Andrada, Georgius Fernandez , Gomezius Damarellus lauream nobilissimam Martyrij adepti sunt. Imo desiderium homines confessione adiuuandi ne morte quidem extinguere in illis solet; sed vltra eandem perdurat . Nam vt multos alios præteream: Consalius de Tapia à morte suâ quam sanguine suo inuictus Martyr purpurauit , fœminæ confessionem longiùs differenti apparuit ; & iussit quamprimum obire. Et ego , excepit hic Orarchon, nuper aliquid inaudij, quod huc etiam pertinet. Fuere nonnulli qui eandem manu, quâ animû à noxis, etiâ corpus à morbo liberarunt. Factum id Nocoliæ à Leonardo Kesselio. Cùm is enim ad Cœnobium euocatus, ægri iam extrema vnctione ad vltimam luctam, quæ propè videbatur abesse, communiti confessionem excepisset , duplicem eidem sanitatem reddidit, Tum Etesius penè, inquit, restat quod primò dici oportuit; Hæterium generalis, vt vocant confessionis vsum aut intermissum , aut nunquam satis euulgatum in vulgus, induxisse, ex quo fructus hoc sæculo collectus tam copiosus atque nobilis extitit, vt vel is solus ex æquo non solum industriæ responderit, sed longè eandem superarit. Nam anno nonnunquam vnico aliquod centena hominum millia ab omnibus antea actæ vitæ sordibus emundauit.

Dum



Dum ea inter nos conferimus, interim torcularius per suos vuas iam pressuræ aptas, torculari subiecerat, idque ea vi coëgerat, ut iam magno impetu vini riuus in suppositam orcam decurreret: tum igitur aliquid otij nactus ad nos rediens inhumanitatem excusat; & ad haustum amicè inuitat. Cùm verò dulcius, quàm salutaris mustum esse soleat, tantùm delibauimus. Eam autem dulcedinem percepimus, quâ non faciliè alias maiorem.

Tum vna nobiscum in cellam vinariam admodum profundam & ad spatium per amplum extensam descendit præstantissimo vino redundantem. Erant illic dolia & numero plurima, & magnitudine tanta, ut afferenti Etesio nonnulla plaustra nostratia 60. 80. imo & centum continerent: gustandi copiam liberalem fecit, quâ tamen uti, nisi semel iterumue, non placuit. Cùm ex omnium maximo cado propinasset, coelestis dulcedo inesse visa est. Iussus Litholeon de eâ animi sensum edicere, Phœbum quibus potuit votis in auxilium vocauit, & ita exorsus est.

*Quidquid virgineis apes labellis  
Flauis nectaris aut tuo Calydna,  
Aut Hymette tuo, tuo vel Hybla  
Collegere thymo; tuone Cyrne:  
Quidquid vitiferi tulere colles  
Quos vel Rhene tuis rigas fluentis,  
Fœcundæ sue tuis Mosella ripis,*

*Quidquid fertilibus tulit racemis*  
*Surrentina, Falerna, Chia vitis:*  
*Quidquid Lesbæ tuis resedit vuis;*  
*Quidquid Naxe tuis, tuis & Aulon:*  
*Quidquid nectarei liquoris ex se*  
*Pingui cortice mada fudit arbos:*  
*Quidquid fice tuos suaue fructu:*  
*Quidquid saccharijs suaue cannis*  
*Quidquid angelico suaue manna:*  
*Quidquid dulcibus omnibus benigna*  
*Natura indidit, huc id omne fluxit.*

Roganti deinde mihi, ad quem ea vini nobilissimi copia  
 pertineret: ad Soterium respondit torcularius ad quem ite-  
 dem vinea ipsa spectet. Eum tamen uti vineam colendam,  
 ita hæc vina Hetærio in vsus mortalium & hospitum ma-  
 ximè dispensanda commisisse. Quo dato responso in vr-  
 gens negotium euocatur. Suas igitur vices Etesio amico &  
 tantum non domestico delegat. Cum Hetærij mentio in-  
 iecta esset iam facilè suo quisque animo colligebat, quo ea  
 vina spectarent: nimirum alia non esse, ac illa quæ Virgines  
 germinent, & ad mensam cœlestem accumbentibus in æ-  
 de Hetæriana diuidi soleant.

Et hæc quidē hætenus, inquit, Etesius, de fructibus ab  
 Hetærio in proximū orthodoxum deriuatis, breuiter per-  
 strinximus: vnde si non plenā aliquam saltē notitiā haurire  
 licuit.



licuit. Cùm deinde principem, eorum causam nobis cupe-  
remus ostendi hanc è Poëta quopiam Mnemon subiecit.

*Duxerat Ambrosia cœlestis Heterius haustum;  
Qui simul ac medios sese diuisus in artus  
Infudit, tantos paulatim pectus in ignes  
Exarsit, quantos nec ructat hiantibus olim  
Faucibus atna suis, vastissime patente veseus  
Ore vomit: neque iam poterant hæc pectoris abdi  
Amplius angustis incendia tanta medullis;  
Eluctante foras ruptis penetralibus astu.  
Sed neque materies flammis ingentibus vnus  
Par fuit ipse suis, quæis acriter intima diuus  
Ossa cremabat amor, totumq; ignescere mundum  
A sese ardebat: totas in pectoris aulam  
Ergo vocat vires, coramq; frequente senatu  
Consilium captat quo vota ingentia tandem  
Expediat meliore via: pars consulit alas  
Sumere, quæis sese celsum super æthera vibret  
Pennigeri Regina gregis, sic scilicet horis  
Non multis celeri peragrari posse volatu  
Vltima terrarum, missoq; è nubibus igni  
Accendi passim; dum totus inæstuet orbis.  
Ignibus ardentem pars consulit altera currum,  
Qui vel Thesbiten Eoos vexit in hortos,  
Nunc ubi traducit par immortalibus æuum:  
Immensum vel qui porrecta per æquora campi*

Stelliferi astrorum vectat Titana Monarcham.  
 Hic placuit. Celsas igitur subuectus in auras  
 ( Alas fecit amor ) rutilantis in atria Phœbi  
 Euolat & lucis patiens solaris, & æstus.  
 Adiubar ut Titan oculos nil cernit Heteri  
 Connuere suos, sua sed radiantia vultu  
 Immoto, & fixis obtutibus ora rueri,  
 Attonito similis, licet ardua vota benignis  
 Auribus excepit, currumq; ascendere iussit.  
 Hoc ubi confedit, ( forsā vicinior oris  
 Hesperijs tūm Phœbus erat ) cœpère caballi  
 Cœlinagi æthereos rapido decurrere passu  
 Per campos: volucrisq; neget Iouis armiger alâ.  
 Præpetibusq; neget Boreas præuerrere pennis.  
 E vultu totus Titanis Heterius hæret:  
 Quod facit ille, facit: Roseo solaurea vultu  
 Lumina, flammiferos diffundit Heterius ignes  
 Pectore, quò radios sol iecit, Heterius illuc  
 Eiecit flammæ, Phœbi quodcunque corusco  
 Ore refulget, idem flammis ignescit Heteri.  
 Iam procul expulsa glacies è pectore brumâ  
 Æstuat Europe; iam concipit India flammæ;  
 Iam tellus Asia, iam flagrat America; Totus  
 Iam latè mundus plenis bibit ossibus ignem.  
 Qui sensim gradimens in tanta incendia creuit,  
 Dum mundus mera flamma foret: quod Heterius alto  
 Æthere



*Æthere despectans, nunc inquit, maximè regni  
 Astriferi rector, votorum summa tenemus.  
 Munere, Phœbe, tuo. Telluris in intima pallens  
 Antra refugit hyems: nostris flagrat ignibus orbis.  
 Dixerat, extemplo mortali restitit ora.  
 Phœbæâ rutilos collucens lampade vultus.*

Secundum hæc è cellâ egressi actis perhumaniter torculario  
 gratijs pro exhibita beneuolentiâ, vineâ excessimus.

## NOVEMBER

### CONVERSIONEM HÆRETICORUM, & Ethnicorum complexus.

**I**N ipso vltterioris itineris aditu præmonet Etesius; ex ijs,  
 quæ paulò post visuri essemus puriorē in animos nostros,  
 ac è prioribus, voluptatem redundaturam; vt quæ ma-  
 gis ex ingenio nostro futura sit. Nec enim ignoro, inquit,  
 indolem generosam, quali vos præditi estis, solere mirificè  
 venatione delectari. Eò autem nunc duco, vbi venationem  
 non iniucundam spectabitis, siue eam iucunditatem è fe-  
 rarum multitudine, ac nobilitate, siue ex venatorum arte,  
 & ingenio, siue capiendi feras varia industria, siue qua-  
 cumque alia è re metiri placeat. Ad venationis nomen  
 omnium animi exsilierunt, & non minus perspicuè  
 hinc indolem nostram cognouit Etesius, quàm olim ex  
 armis Achillem in Gynæceo latitantem agnouerit Vlysses.

Facile

Facilè enim natura se prodit rerum earum sensu quibus ducitur; & quibus quisque innutritus, & exercitatus est, ijs maximè gaudet. Calcar autem, vt aiunt, currentibus additurus Etèsius; & acriùs animos nostros in venationis studium, cuius amore iam ante flagrabant, incitaturus; res inquit eiusmodi est venatio, quam ne summa quidem in terris Maiestas se indignam putat. Nam sèpè numero summus quisque posita purpurâ viridem, & syluis concolorem amictum induit, & sceptri, pediveloco cornu assumit, & è curis, & aulæ licet amplissimæ angustijs in nemorum, saltuumque amœnissima latissimaq; spatia concedit, illic libentius cornu, quam in palatio tubam auditurus, & auidius capiendis quam coctis feris fruiturus. Ipsos imo Heroas, quos Semideos venerata est antiquitas, venationi operam dedisse luculentus testis est Xenophon, qui eosdè à Chirone, Iouis, vt ille inquit, fratre venandi præcepta didicisse affirmat; vbi & eiusdem sub ea disciplina discipulos enumerat hos sequentes. Nestorem, Amphiaraum, Peleum, Telamonem, Meleagrū, Theseū, Vlyssē, Castorē, Pollucē, Æneam, Achillem. Eius autem institutionis & causam adiecit, nimirum indolem ad magna natam his studijs ad res gerendas strenuam euadere, seu doceri vt verbis eiusdem vtar, *καλῶς γινῆναι, καὶ λελυγμένον, καὶ παρὰ τὴν ἡμῶν*. Quin & ipsos adeò Deos priscorum venatores fuisse, hinc manifestum est, inquit idem, quod nonnulli à feris occidendis nomina sortiti sint. Apollo enim *Λυκοχτοῖν*, & Diana *Ἰαγερῶν* dicta est. Deos imitari

glorio-



gloriosum ratus ille magnus Persarum Rex Cyrus, præterquam quod admodum etiamnum adolescens è pædagogii manibus eluctatus in sylvas sæpius aufugerit, & iam ceruum, iam aprum suâ manu confecerit, postea iam numerosissimi exercitus Imperator, prælio instanti prolusus, ante copias suas in sylvam, quam in aciem duxit: ut illic, quales hîc futuri essent, specimen ederent. Tum versus ad nos, de voluptate incredibili, inquit, quæ ex venatione capitur, vos sæpius eandem expertos audire, quam docere malim: & ea quidem ego inqueiebam Etesi, tanta est, ut, postquam illius dulcedo pectus demulset, non cæterarum modo voluptatum, sed nocturnæ adeo quietis, & ciborum obliuionem inducat, & cuiusvis etiam molestiæ hic deuorandæ rædium vincat. Testimonium omni exceptione maius

*Romana fidicen lyra*

Horatius pro me iam olim dixit dum cecinit.

— *manet sub Ioue frigido*

*Venator tenera coniugis immemor;*

*Seu visa est catulis cerua fidelibus;*

*Seu rupit teretes Marsus aper Plagas.*

Quin imo, excipit Litholeon, disertissimus Romuli nepotum Tullius noster longè hîc nobis grauior testis est. *Pernoctant, ait, venatores in niue: in montibus vri se patiuntur. &: apud quos autem venandi, aut equitandi laus viget, qui hanc petessunt nullum fugiunt laborem.* Et profe-

Etò inquit, Orarchon nisi mirifica quædam delectatio ex  
 venatione oriretur, nunquam Romani Imperatores popu-  
 larem auram aucupaturi, in circenses, & theatrales vena-  
 nationes tot sumptus profudissent: quas Cicerone item  
 nostro autore Pompeius Magnus in plures dies magnifi-  
 centissimo apparatu extraxit. In quibus, vt Vopiscus in  
 Probi venatione amplissimâ testatur, arbores validæ per  
 milites radicitus vulsæ connexis longè, lateque trabibus  
 affigi solebant, terra deinde superinijci, vt totus circus ad  
 sylvæ speciem confitus gratiam noui viroris obtineret. Vo-  
 luptas Mnemon adiecit, é venatione oriri solita ita Mitri-  
 datis olim animum ceperat, vt ne eâ vnquam careret, nec  
 vrbis, nec ruris tecto septem annorum spacio sit vsus. Mi-  
 rè Etesius illo ingenij nostri specimine recreatus est, cum  
 præter affectum singularem, etiam aliquam venationis  
 notitiam in nobis animaduertit. Nos igitur incitaturus, vt  
 simili ratione, siquid de eiusdem vtilitate legissemus, in  
 medium adduceremus; non inquit, præclari adolescentes,  
 minor è venatione vtilitas, quam voluptas existit. Nam di-  
 uinus ille Plato in Theæteto asserit; venatu & corporis ro-  
 bur, & animi vigorem augeri. Addit Plinius optimos é syl-  
 uis, & venatione milites educi cum ait: *Olim hæc ex experien-*  
*tia iuuentutis, hæc voluptas erat, his artibus futuri duces*  
*imbuebantur. Certare cum fugacibus feris cursu, cum au-*  
*dacibus robore, cum callidis astu. Nec mediocre pacis decus*  
*habebatur submota campis eruptio ferarum, & quadam ob-*  
*sidione*



*fidione liberatus agrestium labor.* Hic ego; cum nuper, in-  
 quiebam, is qui studia mea dirigit, ad otij fugam nos acri-  
 ter instigaret, quædam addidit, quæ non malè huc referri  
 possint. Aiebat autem inter cætera non facilè à Venere so-  
 lere impugnari, qui otium fugeret. Ideo enim & Venerem  
 aliquando respondisse, cum rogaretur cur Dianam lædere  
 non posset, eam perpetuò feris capiendis distentam à se  
 nunquam otiosam posse occupari. Affirmaturus quæ dice-  
 bam Litholeon apertum ex Ouidio testimonium attulit:  
 Quod erat eiusmodi,

— *venandi studium cole: sæpe recessit*  
*Turpiter à Phæbi victa sorore venus.*  
*Nunc leporem pronum catulo sectare sagaci,*  
*Nunc in frondosis retia tende iugis,*  
*Aut pavidæ terre variâ formidine cervos*  
*Aut cadat adversâ cuspide fossus aper.*  
*Cum semel hæc animum cæpit mulcere voluptas,*  
*Debilibus pennis irritus exit amor.*

Hinc credo est, subdit Orarchon, cur Hieronymus Vi-  
 da non ignobilis Poëta inuentuti studijs occupatæ inter a-  
 lias honestas animi oblectationes, & hanc venationis in-  
 dulgeat. Id ipsum enim his versibus, qui etiamnum memo-  
 riæ, quæ eorum tenacior est quæ ad nos pertinent, ex nu-  
 perâ lectione inhærent, disertè affirmat.

*Nec ludos puero abnuimus, subducere mentem*  
*Interdum studijs liceat; defessus amana*

*Rura petat, sæpe et mores obseruet agrestum,  
Et venator agat de vertice Tyburtino  
Veloces capreas, aut tendat retia cervis.*

Dum ijs sermonibus viæ molestias lenimus, iam ad pedem montis veneramus, cui sylua ab vnâ parte imminabat. Mons non erat admodum arduus, quem vbi superauissemus, essemusque iam sylvæ vicini, eò à Therate, quæ toti venationi præesse asserebat Etesius, submissi nonnulli syluam indagine cingebant. Retia illi suis varis extensa, & Epidromidibus innixa passim tendebant, in quæ feræ ex syluâ profugæ à persequentibus impellerentur. Datâ, acceptaque perhumaniter salute vel ab occupatissimis, & operi suo perquam intentis rogauimus; vbi Therates esset; in sylvæ inquirunt, medio, vbi ea in spatium peramplum arboribus vacuum latè excurrit. Eò enim maior ferarum copia impelletur, vt capi facilius possit: magis enim illic patebit in vulnus. Secundum hæc syluam ingredimur, quam aiebat, Etesius nobilium belluarum feracissimam esse. Nam, inquiebat, quid quid est vsquam ferarum, etiam in vastissimis Indiarum syluis, hîc inuenitur. Quamuis autem ferocissimæ sint, facile tamen à Therate mansuefiunt. nam nulla est bellua quæ non alicuius mansuetudinis sit capax, modo ingenium, & indolem, & quibus potissimum rebus capiatur, nôris. Nam

*Obsequium Tigresque domat, tumidosque Leones.*

Et tamen hi reliquis feritate non cedunt. Ac de Leonibus qui-



bus quidem excepit, Orarchon, è gestis Diuorum manifestum est. Nam vt alios omittam Leonem tam mansuetum Diuus Sabba, tamque humani Imperij patientem habuit, vt peneratione præditus videretur. Nam de Androdi Leone apud Gellium nihil est opus addere, cum omnibus sit notissimum. Nec minus de Tigride, subiecit mnemon, perspicuum est. Nam Petro de Anasco Hetariano in Peru Tigrides sæpe abblandiri visæ sunt. Optimum adiecit Etesius testimonium in ipso Therate habemus qui plurimas hic belluas cepit, quas deinde in domesticum viuarium translatas adeò mansuefecit, vt ad hominis arbitrium omnia promptissimè agerent. In illis autem capiendis Therates vsurpat, quid quid hæcenus à venatoribus artis adhibitum est: potissimum tamen ingenio, & solertiâ capit. nam diligentissimè ferarum indolem explorat, quâ re ea potissimum ducatur; eam deinde vsurpat: ita pleraque cantu in retia pellicit, & ferè reliquis ferociores: nescio enim quo pacto etiam in ipsis feris semper sit *vis blanda potentior*. Sensim appropinquabamus ad iam dictam planitiem. Non procul ab eâ collis eminebat, in quo vbi constitimus tota sub aspectu fuit. Ibi tamen subsistere non placuit, sed venationis vniuersæ apparatus voluimus propius intueri. Accedimus igitur studia cuiusque inspecturi. Circa eam planitiem alij retia iam extensa, quo cautius fallerent, frondibus obuelabant: vtrimque ad latus clusor statarius confidebat. In vicino frondosa tuguriola aliquot crexerant, in-

quibus inuisi á feris delitescerent; vt, simulatque fera aliqua in retia irrupisset, adessent quamprimum, & transfigerent. Ab vno latere funem prælongum ijdem extenderrant; & ex eodẽ diuerso colore tænias, variarum itidem auium pennas suspenderant, eo consilio vt monebat Mneumon ex oppiano, vt, vbi deinde vrsus, aut similis aliqua bellua in conspectu fuerit; summâ videlicet funem retiũ custos concuteret: quâ agitatione. & tubæ simul clamore, ac persequentium vocibus vehementer territa ea, in calces impelli nullo negotio soleat. Alij altum terram egresserant in luporum imprimis insidias, quas vt eò facilius scrobes occulerent, ramusculis obtegebant. Alij canes venaticos loris ad balthæa alligatos cohibebant; alij venabulo, alij æneâ fistulâ, cultro alij duntaxat, alij tubâ, alij citharâ & id generis alijs instrumētis stabant armati. Fuere etiam qui à capite vsque ad calcem armis rigeabant. Locum etiam singuli sibi peculiarem delegerant. Hic in arbore, ille pone arboris truncum, alius inter frondes ex insidijs prædam expectabant. Omnes pileum villosum, & vestem viridem gerebant, præter paucos quorum alij leonis, alij vrsi, alij alterius belluæ exuias portabant. Therates equo insidebat, cui etiam viridẽ tapetem substrauerat; reliquis, habitu cætera similis. Quæ cum obiter ante vidissemus, locum quærebat in vicino, vbi liceret commodè subsistere, & quæ gererentur, in eâ maximè planitie intueri. Opportuna ad id arbor se obtulit. Erat ea eiusmodi, vt scandi facile posset, & sedes



& sedes singulis non incommodas præberet. Latè enim ramos plurimos, & prægrandes diffuderat; & quia folia nondum frigus decusserat, quoquo etiam modo nos aliorum conspectui subducebat. Hic liberrimus in id æquor oculis despectus fuit. Vix confederamus; cum Therates venationi daturus initium in medium illum campum, quem vndique sylva ferè in amphitheatris speciem circumdederat, equo inuectus, cornu inflat.

*Et mora nulla velut cecidisset classica, passim*

*Cornua per totum personuere nemos.*

*Horrificoque canum latratu sylva resultat,*

*Totaque confuso murmuere quassa tremit.*

*Excitata clamore fera, fugere latebris,*

*Inque fugâ vitæ spem posuere suæ.*

Dum autem latius oculis in planitiem obiectam excurrimus, ecce tibi agitatus à canibus aper celerrimo cursu in id spatium effunditur, illi calydonio quem Meleager confecit, non multum absimilis. Nam.

*— Igne micant oculi riget horrida ceruix*

*Et setæ densis similes hastilibus horrent.*

*Torrida cum rauco latos stridore per artus*

*Spuma fluit —*

*Flumen ab ore venit frondes afflatibus ardent.*

*Fertur ut excussis elisus nubibus ignis.*

Eum Therates equo suo infecutus, in medio campo occupat. Obuertit ille sese, & defensionem parat, non inultus moritu-

moriturus. Dumque acrius instat Therates, venabulum quod dentibus ille præmorsurus, dum fauces deducit, dextero ictu Therates in vulnus lethale intorquet, & transfixum extendit in gramine. Qui palpitans ignem pene iam mortuus adhuc oculis spirabat, & mortem iam sub dentibus hærentem adhuc conabatur elidere. Mirificè nos id spectaculum recreauit. Ego in Therate meleagrum, in hoc apro illum calydonium visus intueri, in luce iam videbam reipsâ, quod antepaucos dies in vmbra cubiculi viderâ, dū in Ouidio illam Meleagri cum apro pugnam perlegerem: quem animi mei sensum, cum reliquis explicarem, ego vero excepit Litholeon, mihi visus sum Herculis cum Sue Erymanthide certamen spectasse, quam in Claudiano non ita pridem in laudibus Herculis legeram, & quia in rem meam erat, totidem verbis exscripseram. Vix aprum expedierat, cum eodem se leo intulit.

*Sed cuius tremarent ipsi quoque iura leones:*

*Cui deadema daret marmore picta Nomas.*

*O quantum per colla decus, quem sparsit honorem  
aurea lunata cum stetit unda iuba?*

In eundem equo inuectus Therates, licet diu generosè luctantem, ne morte indecora, & belluarum regem dedecete occumberet, incassè impulsus interemit. Ego generosissimæ belluæ fato sanè ingemuissem nisi tali manu cecidisset. Cætero quin viuum capi maluissem, & siquidem verum sit, quod Ælianus scribit. Leones facile curari: adeò quidem,



quidem, vt habena ductari possint, & ad venandos hircos, ceruos, apros, loco canum agantur; mirificè Theratæ eam in rem deinceps seruire potuisset. Sed excepit Etesius ad id certa ætas requiritur, quam hic iam transgressus est. Nec desunt Theratæ eiusmodi etiam Leones. Complures enim suo in viuario habet quos eam in rem educat. Deinde duo cerui arduo vertice incredibili pernitate casses transiliunt, sed à canibus in illud spatium repulsi alter à Therate venabulo collocatus est, alter rursus elapsus, æneâ fistulâ traiectus occubuit. Quos cum videret Orarchon, profecto inquit non admodum ijs dissimiles sunt, quos Virgilius ab Æneâ occisos memorat; dum is naui egressus in Africâ cum suo Achate adiacentia loca perlustrat. Iucundius fuit in vulpe spectaculum. Illa iam recta iam in obliquum currebat, cum à canibus se sentiret vrgeri. Quorum insequentium ictus sæpe fefellit. Sed tandem a visendæ magnitudinis vertago intercepta est: quæ dum pro mortua iacet, canibus interim leporem insectantibus fortè è sylua excurrentem; vbi animaduertit se solam, exsurgit in pedes, & celerrimè repetit syluam, illic magis propitiam salutem inuentura, sed secus euenit. Retibus enim implicita paulò certiori ictu percussa est, ne fraudi repetendæ iterum locus foret: Lepus autem tam diu facile pedum beneficio canum rabiem elusit, dum tandem ex alto in imum decurrens fallente vestigio lapsus canibus in prædam cecidit. Paulò plus negotij cum vro fuit. Qui cum

Oo

syluam

syluam à canibus impulsus repetit; non nemo pone arbo-  
rem confidēs, quæ à nostra prope distabat, eandem ictu in  
frontem impacto interemit. Nulla è feris omnibus nobis  
ferocior & visu atrocior visa est, quam quædam indica, Su-  
appellant. Illa catulos nondum in fugam, satis veloces in  
tergum coniecerat, & cauda oblonga texerat, itaque ve-  
locissimè fugiebat. Et cum retia trāsiliisset in scrobis insi-  
dias, ac in mortem incidit. Mox enim affuere qui facta ca-  
tulis vitæ gratia matrem interemerunt. Cætera non ita  
commodè videri à nobis potuerunt quæ præsertim in sylua  
gesta sunt. Ea igitur è propinquo visuri ex arbore descen-  
dimus, & versus eandem planitiem pergimus. Cum iam  
silua essemus egressuri pleno in nos impetu vrsus irruit.

*Obstupui steteruntque comæ, vox faucibus hæsit;*

Orarchon, item & Litholeon pene in mortuos stete-  
runt; cum ecce quidam toto corpore armatus è sylua pro-  
greditur, & vrsus occurrit: in quem vrsus insurgens priori-  
bus pedibus arctissimè complectitur, spiritum si possit ex-  
pressurus. Interim ille cultrum perpectus in cor adigit, &  
truculentam belluam arte potius quam robore exanimat.  
Crescentiensis excepit Mnemon, apud Gesnerum eam vrsi  
capiendi rationē tradit: aliter eum Noruegi capiunt. No-  
runt ij hanc belluam pomis, alijsque arborum fructibus  
delectari ergo arborem pomiferam, in quam vrsus ascen-  
dere solere obseruarunt pene totam superiùs succidunt, ita  
tamen vt adhuc cohæreat: palos deinde acutos circa arbo-  
rem in



rem in terram defigunt, in quos versus ex sublimi vna cum accisæ arboris parte incidit, & capiendum se offert. Accessimus deinde retia, ac scrobes, & omnis generis, nobilissimas feras leones, lynces, lupos, tygrides, hinnulos, capreas, & plures alias captas vidimus. Inde in interiorem syluam regressi multo iucundissimam rem vidimus, è qua longè vberior, & purior ac è prioribus in animos nostros infusa est voluptas. Sedebat hic virgo sub arbore vultu verecundo, & niueo amictu, ea pulchritudine, & oris maiestate, vt è diuis aliquam crederem. erat aliquid in eâ quâ vis humana specie augustius: in eius se gremium rhinoceros, effera alioquin & atrox bellua insinuarat. Nobis vehementer obstupescientibus Mnemon respondit ita solere eam capi. Esse quidem eandem ferocem, & ingentis iræ, ac fortitudinis de qua Bilbilitanus proinde vates cecinerit.

*O quam terribiles exarsit pronus in iras?*

*Quantus erat cornu cui pila taurus erat?*

Eandem nihilominus virginiei pudoris, & grati odoris ex ea aspirantis per amantē esse, vt de qua aliquis dicat *odoris amans rhinoceros* eodem mansuescere, & capi. Tanti vel apud belluas esse castitatem. Huius rei testem grauissimum esse magnum illum Gregorium summum orbis caput. Virgo enim, is inquit, ei puella proponitur, quæ venienti sinum aperit, in quo ille omni ferocitate postpositâ caput ponit, sicque ab ijs à quibus capi quæritur repente velut in-

ermis inuenitur. Confestim ad fuere Theratæ famuli qui Rhinocerotem iam in virgineo gremio edomitum abduxerunt, Res mira effera & atrox bellua agno iam mitior nullonegocio duci se finit. Nos paulò vltcrius progressi pene aliquid mirabilius vidimus. Ibi adolescens residebat, vultu aliquid supra mortales spirante. Ipsas insidere charites crederes, adeo elegans & humanus erat. Cæsaries paulò dilutius aurum referens leniter in auras difflebat: quam in summâ parte viridis pileus operiebat. Frons erat serena; pellucidi & viuaces oculi, faciles in intuētū oculos ac animos influere. Tunica ad talos dimissa hinc inde aureis stellis illusa, de cætero viridis erat; læuâ ex eборе citharam, dexterâ plectrum gessit; quâ ludebat. Ferae cantus dulcedine delinitæ maximo numero affluerant, quibus ipse cithara sua belluinam ferociam excantarat. Eæ enim mansuetæ, & agnis simillimæ ad pedes eius procubuerant, & vtrò in vincula colla, & pedes offerebant, quarum iam plurimas omnis generis deuinxerat, & fecerat humani imperij patientes. Nos vltra modum ad mirati & attonitis similes vix fide oculis habita propius adire horruimus; non satis id securum rati, nam aiebat Litholeon facile ad ingenium feras redire, licet mansuetas, Nam id mansuetarium apud Martialem in Leone expertum. Nam

*Leserat inquit, ingrato leo perfidus ore magistrum*

*Ausus tam notas contemnerare manus.*

Et Poëtarum Deum Homerum in eandem sententiam locutum



locurum dum ait. *Infida cum feris amicitia.*

Sed monuit Etesius periculi securos esse; feras quidem sudinde, ut Seneca asserat non exuere, sed tantum submittere feritatem: ex earum tamen numero has non esse; posse nos sine fraude accedere; attrectare etiam si lubuerit. Quæcunque enim belluæ, inquit huius citharœdi cantum audierint, eundem in villas & oppida subsequi solent, & velut humanæ vocis intelligentes neminem lædere amplius. Rogatus deinde causam, qua belluas ad se vocaret adeoque mansuefaceret. Ita respondit.

*Quid castus non possit Amor? cum mellea linguam  
Gens tenet, et molli pectore Suada sedet?*

*Quid blandus non possit Amor? cum nectare dulci  
Suavius eloquij flumen ab ore salit?*

*Emollit cautes, iratas mitigat Undas,  
Sistit currentes, egelidasque liquat.*

*Marmora dissolvit, sylvas mansuefacit, ignes  
Congelat, et sensus in scia ligna trahit.*

*Tanta sacro vis est si sit facundus, amor.  
Dulci cuncta potest ore disertus Amor.*

Cum hæc audirem, videremque animo occurrebat id quod apud Varronem legeram Q. Hortensium Tullianæ Eloquentiæ acerrimum æmulum in agro laurentino sylvam habuisse, supra E. iugera maceria septam quam ipse Teritrophium appellabat: & quod in rem hanc nostram facit, in eodem locum fuisse præcellsum, & in eo triclinium

in quo cum ipse cum hospiti-  
bus cœnaret, eius imperio so-  
litum venire adolescentem stolâ  
indutum, cum cithara, ac  
buccina: qui cum hanc inflasset,  
& illâ deinde canere cœ-  
pisset, tantam ceruorum, apro-  
rum, & reliquarum qua-  
drupedum copiam solitam cir-  
cumfluere, vt non minùs  
formosum videretur spectaculum  
quam Romæ in venatione  
circensi ædilium. Sed cum ni-  
hilominus adhuc per-  
mirum nobis videretur, adeo  
cantu delectari belluas, & in-  
ter cæteras quidem ferociores;  
mira, & occulta inquit  
Mnemon, Musicis numeris vis  
est, quam expressura fa-  
bulosa antiquitas, Orphea syl-  
vas, & feras traxisse, Amphio-  
na lapides mouisse, Ariona  
delphinas in obsequium mul-  
sisse cantu fluxit. & certè ita  
pene omnia sensu prædita na-  
turâ comparata sunt, vt musico  
concentu capiantur, quem  
proinde ne ab orbibus quidē  
cœlestibus Pythagoras exclu-  
sum voluerit. Deinde nescio  
quo pacto plus virium semper  
obtineat lenitas, quam violentia  
apud eos qui sensu mo-  
uentur. Est enim semper *vis blanda potentior*.  
Inter cæteras autem belluas  
quæ concentu maximè ducuntur  
in pri-  
mis, quod mireris.

— *Horridus feroxque*

Aper est. Is enim, si Æliano credimus  
cantu capitur Tyr-  
rhenorum is inquit, sermone per-  
uulgatū est, apros & ceruos  
apud eosdem multo maximè  
musica adiumento capi. Nam  
retibus circumiectis vnus  
aliquis tibiâ canit, & cum im-  
potenti voluptate aures tenētur  
nullo negotio comprehendun-  
tur can-



*tur cantusque suauitate permulsi, & deliniti, in eorum quæ procreauerint, & domesticarum sedium obliuionem veniunt. Sic igitur tyrrhena belluæ paulatim tanquam suade illecebrâ ducuntur & quasi cantu perstrictæ in laqueos se inserunt. Deinde Musicæ amantissimus elephas est, quæ item eundem capi Bartholomæus anglicus luculentus auctor est. Is enim æthiopus ita elephantes venari affirmat. Binæ virgines deferta adeunt, quarum altera alucolum, altera gladium portat; tum suauissimè canere incipiunt. auditâ voce earum elephas accedit, & paulatim cantus dulcedine delinitus obdormit. Sopito altera guttur, aut latus gladio perforat; sanguinem effluentem altera alucolo excipit in purpuræ vsum. Et alias feræ cantu permulceri hic oculis satis clarum est, vt vltèrius probare necesse non sit. Tum affuere Theratæ famuli qui belluis omnibus vincula iniecerunt & præeunte nouo illo Orpheo, & cithara ludente, in domesticum viuarium abduxere, & heri nomine nobis humanissimè in eam noctem hospitium obtulere. Quæ nobis humanitas, eo gratior, & etiam commodior accidit quia nox paulatim ingruerat; venturos igitur nos polliciti, eos interim cum præda præmisimus: esse enim aiebat Etesius, quod in via inter nos conferremus; tum ad nos conuersus: venationi, inquit *magna, & illustria Tricoronati gymnasij lumina*, interfuistis, & quidem quantum animaduertere licuit, non sine voluptate; Restat nunc vt quod oculis vidistis, animo etiam, videatis, & id spectaculum non*

lum non minus, opinor gaudij, quam illud afferet. Repræsentat autem ea venatio hæreticorum, & gentilium conuersionem: qui sanè fructus in Hæteriano Autumnolongè vberimus, et præstantissimus est. Cur autem ad eum demonstrandum venatio potissimum placuerit, causa in primis fuit, *Claudij Aquavinae*, qui Hæterianam familiam per annos plurimos singulari planè prudentiâ rexit, & optimis legibus, & sanctionibus egregiè constituit; auctoritas. Is enim suos in Epistola ad eos transmissa ad id diuino testimonio impulsus, venatores vocauit, & vt essent quod audirent, acriter hortatus est: Deinde etiam quia nihil eo præsertim tempore huic proposito poterat aptius inueniri. Nam in primis venationis præstantia, voluptas, & utilitas paucis superiùs libata conuersionis animarum dignitatem, iucunditatem, & incredibilem fructum spectandum egregie exhibent. Deinde belluæ Hæreticorum, & gentilium; siluestris autem venator de cætero eximius, facri, & Hæteriani venatoris, genuinum est symbolum: vti illa ipsa varia feras capiendi ratio industriam multiplicem ab Hæterianis adhiberi solitam in animarum ad Deum reductione non incommodè repræsentat. Quod ad primum illud de præstatiâ venationis attinet, ea profecto in spiritali venatione tanta est, vt maior esse non possit. Vti enim humano animo illâ auræ diuinæ particula, illa pulcherrima ad diuinam similitudinem cælesti penicillo efformata imagine nihil est vsquam excellentius, ita nec quicquam eiusdem sa-



ad salutem, et suo cum prototypo conformitate potest esse diuinius. Quod ut nullo negotio possit, latius deducere non est huius loci, & temporis, Vnde id dico è magno Dionysio operum omnium id diuinissimum esse saluti consulere quod adeo ne diuina quidem Maiestas incarnata se indignum iudicauit, Quantum vero liquidissimæ voluptatis in ea venatione animarum percipi soleat, non erunt experti, in experti vix credant, Ex illis non nemo cum diuinæ dulcedinis abundantiam pectoris angustiis capere non posset, idem omnino ceteroquin humano solatio destitutus in barbarâ, & horridâ regione exclamabat. Satis est Domine. eandem hætenus quidquid ab immensis laboribus, quidquid ab infinitis, terra, marique periculis, quidquid ab inclementissimi aeris, et incultæ regionis iniurijs, quidquid ab hominibus, ferisque durum, asperum, acerbum, tolerandum fuit, ut fuit plurimum; ita suâ suauitate & velut cælesti melle condiuit, ut id omne usque ad fundum læto, & hilari vultu exhauserint, qui infra nos in vtraque India & in orbe hoc nostro Europæo in animabus ad Deum reducendis occupati fuerunt. Vtilitas denique quæ ex animarum salute redundat, à nemine pro dignitate potest æstimari. Ut enim alia omittam, quæ innumera hic dici possent, illa impedit, ne fusi à dulcissimo Seruatore sanguinis pretium pereat, sed nobili in vase quo par est honore, & reuerentia asseruetur; Illa innumeras feras in perniciem, & pestem hominum natas, aut perimit aut ademptis armis nocendi edomat.

Nonnulli è diuis de paucis orbis partibus ante hac magnificè meriti esse non iniuria crediti sunt, qui vnā aliquā pestilentem mortalibus belluam, aut viuere aut nocere vetuerunt: quanta igitur sunt Hæterij in orbem Christianum vniuersum merita, quia tot, tamque immanes, ac truculentas bestias sibi, et plurimis alijs mortalium certum exitum allaturas aut vitæ, aut ferociæ exuit? Si licet sacris profana adiungere, subiicit Litholeon, Hercules eam nominis sui famam nullo quò inter morituram maximam partē hinc consecutus est, quòd feras immanes publico bono noxias inuicta animi fortitudine sustulerit. Iam verò perrexit Etesius, perniciosus & efferis eiusmodi belluis rectè hæreticos in primis assimulari è diuino cælestis Magistri oraculo certum est, eosdem lupos rapaces in ouinā pellē appellantis. Quod si autem lupi sunt, quidni & Lynceus, Pantheræ, Leopardi, Tigridēs, Leones, Vrsi: cuius etenim feræ etiam immanissimæ truculentiam non æquant, imo non superāt? feris natura ungues duntaxat, & dentes dedit, quibus sæuiant; illi dentibus mordent, unguibus lacerant, halitu inficiunt, linguâ & oculis necant. Quidquid in vniuersis belluis ferum, noxium, virulentum, pestilens, sæuum diuisum est, id in illis totum, & collectum est. Talis aliquis dente aper est, unguibus vrsus est, oculis basiliscus est; feritate, truculentia, sæuitia tigris est, & quidquid vsquam sylua nutrit: tigride sæuius. Quanto verò iam Hæreticis meliores pagani? annon ex æquo & hi cum belluis suâ immanitate decer-

tant??



tant? Quid in belluis est, quod huic belluino hominum generi commune non sit? Habitatio, victus, forma, & mores, ijs cum belluis ijsdem sunt. Nam in speleis, & antris habitant vt feræ; carne humanâ vescuntur, vt feræ; vultu homines, cætera capræ aut lupi sunt, vt biformes satyri, aut immanes lycanthropi, & si quid illis informius, aut monstrosius lustra vnquam viderunt: Deinde vt spectant animalia cætera terram, sic illi immemores.

— *quod non corpora solum*

*Verum etiam volucres animæ sumus* — & quod Deus

— *Cælumque tueri*

*Iussit; Et erectos ad sidera tollere vultus;*

Os sublime vna cum animo naturæ diuinæ consorte in terram deprimunt. Sæuiunt, denique, lasciuiunt, vorant vt feræ, hoc illis deteriores quod illæ pilis obtectæ, hincudi incedant. Hic ego excipiens, at quid est, inquebam Etesi, quod eos, cum homines nati sint, in feras deinde cōmutet? vitia, respondet, & quidem ipsi naturæ pudenda. Ea enim rationis lumen extinguunt, & animum quem

— *cælesti traximus arce*

ad segnē & obscuram aluum prosterunt, & ex altissimo dignitatis gradu deiectum ad pecudes deturbant. An forte excepit Litholeon noua illic, & vera, nō fabulosa Circe est, quæ virulentâ potione homines in belluas mutet? Ea inquit Etesius bruta voluptas est scelerū omnium Magistra, quæ re ipsa facit, quod poëtarum natio de Circe effinxit. At iam

videamus quam ad viuum excellens ferarum venator Hetærianos animas captantes repræsentet. Ac in primis necessè est iuxta Horatianum illud — *leporem venator ut altè*

*In niue sectetur.*

ut scilicet tanto prædæ capiendæ studio accensus inæstuet, ut dulcis inniue & sub dio somnus sit; ut haurienda è venatione voluptas mensurum, & amicorum delicijs præferatur; ut, quemadmodum Seneca ait, *multis officijs renūciat, quo belluarum cubicula indagare, & laqueo captare ferarum possit,* — *& magnos canibus circumdare saltus.*

Deinde magna quædā solertia requiritur: qua instructus cursu cum velocibus, astu cum callidis, robore cum validis, iam ex insidijs, iam aperta vi decertet, iam verò quæ oratio Hetærianorum exprimendo ardori in indagandis capiendisque ratione prædictis belluis parere possit? Etenim in nullo vnquam mortalium vllius rei potiundæ desiderium maius exarsit, ac in illis animarum; quia nec vllus ad explendam animæ desiderantis sitim, plura, ac illi adhibuit. fuit quidem in multis pecuniæ, honoris, deliciarum, scientiæ, & plurium eiusmodi rerum amor immodicus, & ardentissimus; Hetæriano tamen animarum zelo collatus, frigidus fuit. Hic igni similis, ut pote ab Ignatio ortus, quid quid obstitit, absumpsit, & animos, quos corripuit: terra sublimes in altum supra caduca omnia euexit, siue quæ vi frangere, siue quæ diuturnitate temporis labefactare, siue quæ blanditijs emollire possent. Hic collocati, famem, &

ærumnas.



ærumnas, & quidquid his dirius vitam mortalium acerbâ  
& miseram reddit; ferrum & ignem, & quidquid his sæuius  
vitam eandem mortalibus eripit, non æqui solum, sed &  
hilares tolerarunt; imo ipsa tolerantia velut oleo affuso a-  
criùs accensi nonnulli exclamare, & hisce vocibus pa-  
tiendi diriora affectum ardentissimum proderè sunt soliti:  
*Plus Domine.* Non solum his talibus dulcis in niue som-  
nus, & quies sub dio iucunda extitit, sed fuère ( & inter a-  
lios Antonius Andradus dum per altissimas niues regnum  
Thebet inquireret) qui plures etiam menses non sine visus  
amittendi periculo niues calcarunt. Et suauissimè ijsdem  
indormierunt. Fuère qui integra vita saxo pro culcitra, hu-  
mo aut assere, pro plumis vsi iucundius ac in rosis dormie-  
runt. Nullus ijsdem scopulus tam in accessus & præruptus  
extitit, quo non inaudito antea nisu eluctati sint, modo  
præde spes aliqua affulgeret. Nulla sylua tam vasta, tam pe-  
riculis, feris, latronibus immanibus referta fuit, per quam  
non transierint; in qua retia non expanderint, dummodo  
ex animarum bono futurum sperarent. Nullum mare tam  
naufragijs funestum, tam fluctibus turbidum, tam piratis  
infestum fuit quod nõ enauigarint, nulla in orbe terrarum  
plaga tam frigore horrida, tam ignibus ex usta, tam deserta  
& inculta, tam feris & crudelibus incolis habitata, nulla  
hominũ natio, tam barbara, sæua, immanis, belluina, quam  
non adierint, cultuque mansuetã & fertilem non reddide-  
runt. Quanto animarum zelo Hetærianæ familiæ pãrens

Ignatius (vt hinc potissimum ordiamur) conflagrarit in Parisiensi glacie, & aliàs sæpissime; tum vel maximè declarauit, cum ad Summi Pontificis se pedes supplicem proiecit, & infimis ab eodem precibus efflagitauit; liceret sibi vnà cum Ioanne Nunnio in Æthiopiam, syluam venationi animarum felicissimæ perquam idoneam proficisci. Et certè cum alij ab ipso ignem illum conceperint primum, quò deinde orbem vtrumque accenderunt, & gelu tot iam millibus annorum induratum resolverunt, eundem in ipso authore luculentiorē extitisse par est credere. Nobilius enim in fonte, ac in riuo vnda existit. Quanta è pectore eiusdem Franciscus Xauerus cui ille vicinior adhæsit, incendia hausit? illius æstum Apostolico parem nullius certè dicendi facultas adæquet. Est quidem excepit Mnemon Poëta nonnemo eum exprimere conatus, sed quam exigua eiusdem scintillam attigerit è carmine eiusdem licebit colligere quod in hunc modum deinde recitauit.

*Novum capaci pectore Xavier  
Complexus orbem; grandibus inclitum  
Apostoli nomen coaquās  
Rebus, ad Oceano diremptos,  
Vstosque Eoi solis ab ignibus  
Futurus Indos: fortè stetit ratis  
In fronte, vela iam datura  
Æolidis; oculisque latè  
Subiecit æquor; iamque animo mare  
Quacunque sauit fluctibus asperum*

*Emen-*



Emenſus, hac ſecum. Xaueri,  
 In noua vota ſinus relaxa-  
 Inaſtuantis pectoris: en ſua  
 Pandit viciſſim carbafalenibus  
 Iam nauis auris: te ſecundis  
 Uſa notis, pelagoque miti  
 Stitura ſeris Antipodum plagis,  
 Fauete Diui. plana per aquora  
 Volet carina: non procella,  
 Non vada, non ſcopuli retardent;  
 Ruptumue prado ſiſtat iter. Celer  
 Aſſiſtar oris Inde tuis, meo  
 Prædulce pondus, Inde collo.  
 Hic ſitis inueniet, meusque  
 Hic ignis undas queis animileuem  
 Ardentis aſtum, quem neget aquore  
 Sedare Nereus Uniuerſo;  
 Amne ſpore leuabit Indus.  
 Illic ferarum nobilium greges  
 Paſſim vagantur cæca per auia  
 Sylvarum. inacceſſoſque ſaltus:  
 Præda cadent mihi; luſtra tandem  
 Quæcunque celent: nil erit inuium  
 Noſtro labori: culmina montium  
 Abrupta conſcendent? adibo.  
 Antra profunda tegent? ſubibo.  
 Arbuiſta claudent? undique retibus

*Inclusa cingam ne pateat fuga*

*Locus. Nives calcabo dio*

*Sub Ioue somnus erit suavis;*

*Non mollis vrar Solis ab ignibus*

*Gelue Brumæ: non labor improbus*

*Franget, fatigabitue cursus,*

*Spes quoties erit ulla præda.*

*Nec ante sistam, plurima dum mihi*

*Irretiatur bellua, calico*

*Spectanda circo, vel Theatro.*

*Iam placidis date vela ventis.*

Hoc ardentissimo zelo hic Indiarum Apostolus accensus spatiosissimum mare emensus in terras à nobis Pelago diuisas penetrauit, immanes, & barbaras nationes Cômorinos, Parauasios, Malacenses, Acenos, Amboinos. Molucas, Iapones adiuit, Christianæ vitæ præceptis imbuit, eo animarum fructu, vt eius vnus opera è densissima errorū nocte extracta, vt Thomas Bozius illustre familiæ de Oratorio sidus rationem inquit ter; vt Alphonfus Salmeron numerauit quater; vt alij; duodecies centena hominum millia, Christianæ fidei solem aspexerint. Et totidem in Regno vastissimo Chinarum adiecturus Deo Duce fuisset, si aditu patefacto is vitam longiorem indulisset. Hoc eodem inflā-matus Xauerio Magistro dignus discipulus Gaspat Barzæus vt animi incēdia aurâ velut affusâ mitigaret in Armuzia vno sæpius die quindecim conciones habuit eo fructu,

vt vbi



vt: vbi ante infamie Mahometis simulachrum, aliaue id generis idola steterant, post CHRISTI Labarum, refulgeret. Inter alios sexcentos, qui ipsi vitam Sanctiorem, & salutem in acceptis ferunt, Vbius quidem fuit Ioannes quem à Mahomete ad CHRISTUM perduxit. Qui deinde ad constantiam ab eodem Barzæo incitatus gloriosam martyrij Lauream inuidenda Saracenis fortitudine reportauit. Hoc inflammatus Antonius Criminalis à XAVERIO ob morum insignem integritatem sanctus appellari solitus, quolibet mense apud Brachmanes suos nudis pedibus ducenta milliaria confecit, ne vllibi sua vnquam opera deesset, quam deinde DEVS Martyrio, præmio omnium gloriosissimo coronauit. Hoc eodem exæstuans *Balthasar Gagus*, & *Carolus Spinola* in *Japoniam*, *Matthæus Riccius*, & *Nicolaus Trigantius* in *Chinas*: ad Regem Mogor *Hieronymus Xauerus* magni illius nepos, & virtutum eiusdem æmulus & *Rudolphus Aquauina*: in *Molucas Insulas* *Nunnius Ribera*, & *Alphonfus* à *Castro*: ad *Commorinos* *Henricus Henriquez*; ad *Monomotapas* *Consalvus Sylueria*, in *Æthiopiam* *Joannes Nunnius*, & *Andreas Ouiedus*, in *Africam* *Balthasar Barreira* & *Petrus Martinez*, in *Guineam* *Emmanuel Barros*, ad *Maronitas montis Libani incolas* *Ioannes Baptista Ælianus*, & *Ioannes Brunus*, ad *Copthas* *Christophorus Rodriquez*, in *Brasiliam* *Emmanuel Norbrega* & *Iosephus Anchieta*: in *Floridam* *Ioannes Baptista Segura*, *Io-*

*nes Baptista Mendez, Ludouicus Quiros, Gabriel Gomez,* in Peru *Alponsus Barzana & Petrus Anascus,* in Philippinas *Antonius Sedennius* ( vt iterum pene sine numero alios omittam qui aut eodem aut aliò simili ardore flagrantés abierunt ) profecti sunt , & illic gentes multitudine innumerabiles , feritate barbaras , belluinis moribus efferatas miribus , & humanis informarunt , & ex stygia seruitute ereptas , dulcissimo Christi iugo subiecerunt. Et iisdem in regionibus etiamnum ex Hetærianis quam plurimi degunt & à socijs coeptos labores continuant , & novos adiungunt : nec enim tempore minuitur Hetærianorum zelus , sed potius augetur. Hoc eodem æstu , & zelo flagrantés Indiam in Europa nacti sunt pene illa altera, sæuiorem *Petrus Canisius & Paulus Hoffaus* in Germania, *Edmundus Augerius* , *Petrus Cottonus* , & *Ludouicus Richeomus* in Francia, *Edmundus Campianus*, *Ioannes Ogilkeus*, *Henricus & Thomas Garnetus* in Anglia , *Petrus Scharga* in Polonia , *Iacobus Lelesius* in Transyluania, *Franciscus Costerius & Quintinus Charlart* in Belgio , *Cornelius Duysius*, & *Guilelmus Leo* in Hollandia præter innumeros alios cum Hæreticis publicè priuatimque congressi sunt, incredibilemq; eorum numerum ab errore in viam reuocarunt. Et profectò tum illi inter barbaros , tum hi inter impios fructus tam vberés suo è sudore enatos messuerunt , quibus nunc fruuntur in cælis , vt non facile:



cilè recenſeri poſſint. Dubium autem eſſe non poteſt, quin multi animarum milliones iam beata immortalitate donati Herærianis ſuam illam poſt DEVM & DIVOS felicitatem cum dulciſſima grati animi ſignificatione adſcribant. Neque ſanè aliter euenire potuit. Nam ſi ex ijs vnus aliquis, vt iam à XAVERIO abeam, quadraginta millia ſolus ab errore reuocauit, vt de Edmundo Augerio conſtans fama credidit, quot centena millia vniuerſi toto orbe diſperſi ad veræ fidei veritatem perduxerint? Si vnus aliquis viginti animarum millia ſuæ curæ commiſſa in via ſalutis dirigat, vt nuper ex China tranſmiſſæ litteræ indicarunt, quot centena iterum millia vniuerſi curabunt? Præſertim cum iam enumerati omnes non ſolum egregia doctrina expoliti, ſed præterea inſigni ſanctitatis fama celebres extiterint, & plerique etiam nobilem martyrij lauream fuſo pro CHRISTO SANGVINE meruerint, eo-que cultum à ſe agrum in incredibilem fœcunditatem irrigarint: Cum etiam ſpiritu APOſTOLICO pleni, & DEI vnus, DIVINÆQUE gloria latius propagandæ ſtudio accenſi dura, & aſpera omnia in alienæ ſalutis negotio procurando occurrere ſolita non ſolum heroica animi magnitudine ſed etiam cum mirifica voluptate tolerarint. Fierine potuit, quin fructus propemodum fide vberior reſponderet? quod multo adhuc credibilius fiet ſi variam hic Hetærianorum induſtriam, & ſolertiam conſideres, quod alterum erat, quod in eccellente venatore exi-

gitur, vbi simul varia sacrae huius venationis ratio & forma proponitur, quæ tamē in illa altera vicissim antea adumbrata fuit; nā vt illic cōmunis omnibus feras captandi ratio est, saltus & sylvas indagine cingere, canes, venabula, retia, & alia id generis adhibere: ita Heteriani in irretiendis animabus in Christi calles v̄sitato omnibus modo in primis v̄si sūt, exquisitā dicēdi copia. Hanc, ne esset inefficax, & vna cum sono abiret in auras, rarā doctrinā, & virtute armarunt. Eā deinde instructi aut exedras ascenderūt, aut priuatim cū ijs cōgressi sunt, quos error à via salutis abduxerat. Et quia hæc in iā nominatis omnibus & alijs quam plurimis eximie enituit, eā orbi Christiano varijs in locis faciē induxerunt; quā videmus. Non solū autem ij noxias Catholicæ Reipubl. belluas è medio sustulerunt, qui vt ita dicā, gladio oris sui easdē confixerunt; sed etiam vel maximè ij, qui stylo, quo doctissimos quosq; libros exararūt, eodē pestilētes has feras confoderunt. Certe inter eos iure merito princeps Robertus Bellarm. in suis Controuersijs errores innumeros, & errorum authores confecit, ita quidem vt multa millia in ijsdem veritatis iubar aspexerint. Eundē è vestigio subsequuntur scribendi gloria proximi *Petrus Canisius*, *Martinus Becanus*, *Jacobus Gretzerus*, vt alios interim plurimos fileam, qui stylo feroces eiusmodi belluas prope innumeras interemerūt: inter quos optimo iure non pauci ex augustioris sapientiæ Antistitibus, in primis *Gregorius Valentia*, & *Francisc. Suarez*, numerādi sunt: quorū posterior, cū bene magno, & erudito volumine veritatē Catholicā cōtra Anglicanā hæresin



acerrimè propugnasset; nec error veritatem coarguere posset Angli Vulcano in cōsiliū adhibito librū exurendum tradiderūt, quē refellere non poterant. Id cū ille intelligeret: Ouidianū illud glorioso martyrij desiderio accēsus recitauit:

*Parue nec in video sine me liber ibis in ignem,  
Heu mihi quod domino non licet ire tuo!!*

Et hos quidē ij in spectata antea venatione repræsentarunt, qui retia tendebāt, feras venabulo alijsvè armis configebāt; aut etiā toti armis induti processerūt; vti is qui vrsū interemit; at suā cum cithara nouus Orpheus & reliqui Musicis instrumētis instructi; & illa virgo cū rhinocerote in eius gremiū infuso eos adumbrabat, qui alia quadā ratione feros homines nō tātūm ceperūt, sed etiā expulsa feritate edomuerunt, & hi ipsi, plus penè quam reliqui ea in venatione præstiterunt. Sunt autem ij, qui mirifica quadam humanitate, modestia, mansuetudine, mōrum suauitate, amabili, & nescio quid diuinum, & angelicum spirante castitate, infracta in duris omnibus tolerantia; generosa caducarum rerum omnium, quas præsertim mundus admiratur, & amat, despicientia, & alijs eiusmodi virtutibus, quæ nescio quod lene tormentum animo humano admovent, & illum vi quidem, sed sine violentia tamen expugnant: mortalium pectora ad se pellexerunt. Sensim enim suæ pulchritudinis radios hæ virtutes in oculos primum, tum per hos in animum immittunt, qui vbi recepti sunt, mox sui admirationem, tum etiam amorem excitant, & ita fit paulatim, vt ab eo;


quem suspicere & amare cæperis, duci te sinas quocunque ille velit. Quidquid hic talis dixerit in negotio præsertim salutis, fidem, assensum, amorém-mox inuenit. Earum autem virtutum pulcherrima connexio, vbi cum eloquentia iuncta fuerit, quam facilè quiduis persuadeat; docet in primis magnus ille *Xauerus*, quem barbari, vt hominem Diuinum: docet *Gaspar Barzæus*, quem ipsi adeo Iudæi in Armenia vt alterum Baptistam, docet *Rudolphus Aquanina*, quem in Regia Mogorina aula cum Rege & Mahometani non pauci vt angelum suspexerunt, cum eundem apud se triennio integro sicca duntaxat Cerere & frigida victitantem, & diem cum nocte precando iungentem viderent; vt interim alios sileam, quos barbaræ item gentes vt Sanctos, vt cœlestes viros admiratæ sunt. Cum eadem in *Petro Canisio* vidisset Otto Truschesius ex eminentissimo purpuratorum Patrum Collegio Antistes Augustanus sæpius ad pedes eiusdem prouolutus eos manibus suis abluit. Mirifica item animi dimissio *Christophori Rodriquez* in Lutherano expugnando plus valuit, quam eloquentia qua cæteroquin insigni pollebat: Is enim tum demum manus veritati non inuitus dedit, cum Christophorum ad genua sua supplicem vidit; rogantemq; si quid importunius fecisset; ignosceret: nec enim aliud, nisi eius salutem spectasse. Et certè nihil esse potentius ad superbos hæreticorum animos expugnandos rara animi modestia satis ex illo medicorum placito exploratum est. Contraria contrarijs curantur optimè. Eodem ta-



men etiam facit, quod Ludouicus Bloſius inſigni vitæ ſanctimonia celeberrimus Hetærianorum amicus de *Quintino Charlartio* dictitare ſolitus eſt: nempe in mira eius humanitate & præclaris ſanctiſſimæ vitæ exemplis plus momenti, ac ſubſidij quam in concionibus & armis ad hæreticorum expugnandam arrogantiam poſitum videri. Cum earundem virtutum ſuauiſſimam harmoniam in cathedram afferret Augerius, ex ſilice vndas excuſſit, cum hæreticorum oculos in lachrymas mouit. Ad Citharam Orphei & cantus ille pertinet, quem Hetæriani à Muſis didicere; cuius item dulcedine innumerabiles illectos, ad Orthodoxam fidem perduxerunt. Multa enim millia in Gymnaſijs, & Academiaſijs, eorum non tantum Ciceronianè loqui, ſed & Chriſtianè viuere, nec ſolum Priſciani, ſed & Chriſti leges didicerunt. Nec enim fidelius Hetæriani ſuis in ſcholis ſtagirea, quam diuina myſteria explicat. Imo gentes integras, Chinas verbi gratia artium ab Hetærianis diſcendarum amor in Chriſti retia pellexit; Earum maximè quæ mathematicæ dicuntur. Eos enim Hetæriani docuere non orbes tantum cœleſtes inſpicere, ſed eorundem authorem intueri. Sed ambigo tamen, plureſne dicendo, docendo uel cōuerterint, quam moriendo. Plus enim & hîc ſanguis, quam ſudor valuit. Vti ſemper in Eccleſia, ita elapſo ſæculo Hetærianorum martyrum ſanguis Chriſtianorum innumerabilium ſemen fuit. Ne longius hinc abeam (neq; enim nox appropinquas finit) cum Alanus Cardinalis vir doctiſſimus de glorioſo *Edmundi*

*di Campiani* Martyrio certior esset factus, asserere ausus est plus suâ morte tam nobili Campianum Angliæ suæ emolumenti attulisse, quam superstes ne viginti quidem annorum spatio præclarâ suâ eloquentia, & zelo incredibili allaturus fuisset. Quia vero hac de re dictum iam supra fuis-  
sus hic plura non addo. Interim Sol iam aliò properabat,  
apud Theraten igitur pernoctauimus. Habuit ut  
amicos Hetærij, non inhuma-  
niter.








*Dente furit Livor, ferro Ethnicus, Hæresis irâ.  
FRVSTRA. Nil lædunt, damna sed ipsa iuvant.*





# H I E M S

## ANNI S E C V L A R I S S O C I E T A T I S

I E S V.

### DECEMBER

#### PERSECUTIONES | A CATHOLICIS *complexus.*

**A** Therate altero die digressi, vix paululum processeramus, cum repente mutari visa omnia: Sol, aura, venti, regio. Solis enim serenum hactenus iubar tristius coelum ex oculis subduxerat: aura asperior videbatur geluminari, aut niues. Boreas, & aquilo ab arcto spirabant imitiùs. Regio erat culta illa quidem, sed aspectu parum amœna. quidquid enim in oculos incurrebat, nescio quam tristitiæ faciem referebat. Eminus hinc, & inde squallidæ, & à niuib. canæ rupes eminebant, & infra easdem sylvæ, sed omni decore, & ornatu spoliatae. In medio vallis in amplissimum spatium excurrerat; nobili tritico cõsita, & seges iam ad palmi longitudinem excreuerat; sed eandem nix alta operleuerat. Dum in eam vallem declinamus, Etesius singulis,

Rr

ne

ne quid detrimenti ab hyberno frigore caperemus, sufful-  
tam pellibus togam, & pileum obtulit, quales Sarmatis in  
vsu sunt; simulque; nisi scirem, inquebat, generosi Iuuenes,  
quo animo essetis erga veram virtutē, nunquam huc eram  
ducturus. Verum cum probè intelligam, quā estis excelsa  
indole præditi, huius Diuæ vos adeo amantes, & studiosos  
esse, vt eandem intueri vobis dulce sit, atque iucundum, vbi  
ea se se, & quocunque in habitu videndam exhibuerit, licet  
atro, & horrido: nec enim ea solū quæ molles sensuum, sed  
vel maximè, quæ acres ingenij oculos oblectant, quæritis:  
eiusmodi autem virtus est, etiā in tristi, & lugubri schemate:  
ideo nihil dubitavi etiam huc vobis itineris comes esse, vbi  
spectabitis quemadmodū Hetærij inuicta fortitudo in duris  
cum calumnia, cum odio, cum furore decertet, vincat, tri-  
umphet. Scitis, generosa Phœbi decora, & minimè degener  
auorum illustrium sanguis, egregium, & suis numeris abso-  
lutum belli Ducem in acie, in iratis, & tumultuantibus vn-  
dis nauarchum, in turbata Republica principem solere co-  
gnosci: acanthidem item auiculam suauius in spinis canere,  
rosam in ijsdem, & lilium redolere iucundiùs; thus & aro-  
mata nisi ab igne accensa odorem nō exspirare; balsamum,  
& myrrham, nisi è vulnere liquorem adeo nobilem non dif-  
fundere: ita profectò & virtus soliditatem, & robur; celebri-  
tatē, & famam, odorē & decus omne ab aduersis habet. Vir-  
tus sine aduersis, nō virtus, sed virtutis larua, & vmbra est. Ve-  
ra etenim virtus crocus est, qui dum atteritur, viret vberius,  
palma



palma est, quæ depressa vltro resurgit: Aurum est flammæ  
 patiens, à qua nitidius fulget. Nam

--- *Aduersis virtus exercita rebus*

*Tristi materiam tempore laudis habet.*

*Si nihil aduersi durus vidiſſet Vlyſſes*

*Penelope felix, ſed ſine laude foret.*

*Latius eſt, quoties magno ſibi conſtat honeſtum.*

Ouid. 5.  
 triſt.

Luc. 9.

Et hinc eſt, cur Hetærius, vt ipſe vltro fatebitur, plus ferè vni  
 Chemonio debeat, qui eius eximiã in aduerſis virtutem ex-  
 ercuit; probauit, expoliuit, auguſtã, & Soterij adeò thalamo  
 non indignã effecit, quã Earo, Calothero, Oporo ſimul; qui  
 eam genuerunt, & in eam ætatem aluerunt. Parum enim eſt  
 belle effloruiſſe ſegetem, ſurrexiſſe etiã in culmum, & penè  
 iam maturam agreſtium animos in ſpes magnas erexiſſe, ſi  
 deinde totã grando deiſciat, aut ſternat tempeſtas. Agite igi-  
 tur nunc oculos afferte, quos dura delectent. Videte Hetæ-  
 rium veſtrũ in ſuis vti hætenus præclarè agentẽ, ita deinceps  
 fortiter tolerantem. In hoc enim vtroq; ſimul, excepit Mne-  
 mon, vera & genuina fortitudo ſita eſt. Qua de re Neomyſtẽ.  
 cuiuſpiam Apollinei teſtimonium deinde attulit. Id erat  
 autem eiꝯ modi

*Nomen virorum nobile fortium*

*Poſſeſſor olim non meritis tenet,*

*Qui geſſit audienda forti*

*Pectore, ſi generoſa metã.*

*Hac fortitudo ſubſtitit. Agmina*

*Qui prima ducens fulminis in modum*

Jæ

*In hostis obstantes cateruas  
 Frruit, oppositasq; ferro  
 Victore turmas plus vice simplici  
 Prosternit; atri si pauidus timet  
 Liuoris imbellem sagittam;  
 Pectora tabificos nec ultro  
 Offert in ictus. Transfuga qui pedi  
 Credit salutem; cum videt obuiam  
 Prodire fortunam; minantem  
 Ultima quaq; furente vultu,  
 Hoc nomen hares degener occupat;  
 Ut clara rerum gloria grandium  
 Curru deaurato sedentem  
 Peruehat aërias relictâ  
 Tellure nubes. Fortis is audiet  
 Qui magna fecit: qui tulit aspera  
 Utrimq; victor: cernere ausus  
 Tristia nil variante vultu.*

Dum autem in dictâ iam valle progredimur, primum quod  
 occurrit, præter segetem passim niue coopertam, collis fuit  
 clementer assurgens, & in eodem procerae aliquot quercus:  
 in has quidquid ventorum ab Arcto spirat laxatis furori ha-  
 benis omnem rabiem effundebat: huc illucq; summo impe-  
 tu, Boreas & Aquilo iunctis viribus, veluti radicitus è terrâ  
 euulsuri impellebant; & iam tum ramos aliquot excusserât.  
 sonitus ingens eminus exaudiri potuit. Vbi propius accessi-  
 mus



mus sub vnâ earum arborum hominem offendimus qui illic aprum interemerat; is vel iam mortuus adhuc horrore erat. Nam nescio quid sæuum adhucdum spirabat. Rogatus à nobis quâ vsus fortunâ tantam belluam solus strauisset, dudum, respondit, obseruaueram, eam è sylua vicinâ egressam huc glandium causâ (etiânum magnâ copiâ è ramis dependebant) itare solitam. Hac igitur nocte fortunam periclitari placuit. Pone hanc arborem (proxima astabat) eius aduentum operui; paulò ante auroram adfuit; in eam æneam fistulam exoneravi; sed ictu minùs felice. nec enim lethalis fuit. Mox bellua in immanem iram exsurgens, ad me aduolat, iniuriam si possit, dentibus ultura, & certè de vitâ meâ iam actum erat, nisi subito in hanc arborem enisus effugissem. Illa cum in arbore ascendere non posset: rabiem nihilominus exsatiatura, prægrandes, & recuruos dentes summo impetu defigit in arborem; eam si possit amorsura: sed dum arboris ruinam, aut in ea mihi exitium molitur, ipsa suum inuenit. Nam dentem ea vi impressit, vt deinde, quia recuruus erat, eundem retrahere non posset. Ego igitur spatium nactus, ictum ex arbore, sed paulò certiorè repeto, & glande vt videtis cerebrum diffidi. Nos illi fortunâ & prædam sumus gratulati, quam ille trahæ impositam domum cum triumpho auexit. Dentis pars bene magna in arboris trunco remanserat, cum eam Etesius eduxisset; præ enormi magnitudine mihi, & socijs stupori fuit. Eum imminuturus Mnemon in Cæsaris, inquit, hortis, in templo Liberi

Radeus  
in mare.

In centu-  
ria altera)  
symbole  
47.

De laudi:  
Herc.

patris dens ex manalo apro asseruatus olim pedis vnus & quadrantis mensuram æquauit. Tum Litholeon, ea, inquit, hominis narratio ideo propius ad verum mihi visa est, accedere, quod eadem de aprī immoderata vindictæ cupiditate, & effreni ira in Ioachimi Camerarij symbolis non ita pridem legeram, vbi ille disertè proposito ad id symbolo affirmat, solere non raro truculentam hanc belluam efferuescētis iræ imperum ad arborem tamdiu retundere, donec dentes effringat. Ante illum, ego subiunxi iam olim idem Claudianus de apro ab Hercule interempto his versibus affirmarat. ---- *Hic immensa membrorum mole cruentus*

*Indomitus regnabat aper, soloquetimendus*

*Corpore lunatis findebat dentibus ornos.*

Rectè subiecit Etesius, hos dentes ob curuitatem lunatos ingeniosus Poëta appellauit; quos fulmineos passim ob igneam vim quandam appellant. Et eandem ob causam fulmen in iisdem collocat Ouidius dum canit.

*Fulmen habent in aduncis dentibus aprī.*

Aldronā-  
dus in a-  
pro.

Aiunt autem vulnus ab aprino dente inflictum difficulter sanari: hinc apud venatores diuerbium est, *Ceruo Chirurgus, apro sandapila* quo indicant à ceruo vulneratos curationem admittere, ab apro non item. Iussi hic ab Etesio coniungere singuli, quid putaremus ea in bellua designari, seu cū agi sciremus de ijs, qui Heterij patientiam exercendo reddidissent clariorem, qui potissimum in eadem adumbrarētur. Orarchon exorsus, Pontani sui autoritate fretus, ipsum ait

ego



ego Chemonium in illa video, qui toto seculo id vnum egit, vt Hetærij patientiam exerceret. Ego verò, exceptit Litholeon, existinem commodius in eo obtrectatorem intelligi. Nam iuxta Martialem meum.

---- *Dente timetur aper;*

Et iuxta Pelignum *vatem* ---- *ladere viuos*

*Linor, & inniso carpere dente solet.*

Ego deniq; Litholeontis sententiæ ita subscripsi, vt allatam quidem ab ipso rationem summè probarim, aliam tamen simul adduxerim. Erat autem eiusmodi. Rosas, & vnguenta preciosa odisse, ac spernere sordidam hanc feram; gaudere autem coeno & luto. Eam in rem primo quidem Lucretium citabam ita de hac loquentem.

--- *Amaracinum fugitat sus, & timet omne* --- *unguentum.* lib. 6.

Deinde vulgare græcorum dictum afferebam, Crateti aliàs attributum *ὅς διὰ πόδων*. Ita quoq; aiebam maleuolos tristibus, & funestis solere oblectari, amœna autem felicia & præclare gesta carpere, imminuere, egris oculis obtueri Omnes mirifice laudauit Etesius, & dicta confirmaturus rem inquit, omnes solerti ingenio assecuti estis. Nā imprimis hiēs hirsuta in hispida bellua: deinde Theonina obtrectatoris mordacitas in apri fulmineo, & adunco dente, seu vt alij vocant lunata cuspide, & sica: inuidus denique non nisi aduersis, & tristibus lætus in sordium amante fera rectè depingitur. Quantum vero immani illa sua & bruta ferocia aper damni huic arbori attulit, tantundem Hetærio

Ly-

Lycambea malevolentia obrectatorum dentem, imo & vitam amisit, vbi omnem iracundiæ impetum effudit; ita maximam partem, qui hætenus pestem & exitium Hetærio machinati sunt, iusto Numine eandē in authores retorquente in ventos abeunte conatu; ibi amissâ animæ vitâ, & nominis vt plurimum fama, suam perniciem repperunt vbi Hetærio quæ rebant. Arbor Hetærius fuit, & quidem robusta quercus; ad quam eiusmodi apri non pauci igneos, & in vltionem acutos dentes diffregerunt; à quibus illa aut nihil, aut perparum detrimenti accepit. Quid liuor, excepit Mnemon, in Hetærium hucusque molitus sit, & quo tandem euentu, ex æonio neomytha discamus. Ita ille.

*Jam tota currunt sæcula, cum truci*

*Desauit irâ liuor, Hetærio*

*Iam tum (nocendi fata laxent*

*Libera frena) secare fractâ*

*Ceruice collum promptus. Hetærius*

*Assumpsit alas? ceu Iouis armiger*

*Nubes petiturus propinquas*

*Sideribus? nimius furoris,*

*Inusitata nec patiens via,*

*Alas securi, quas licuit suâ*

*Incidit. Arbor vt virescens*

*Floruit? explicuitque verna*

*Latè comantes purpureum decus*

*Frondes iuuenta? nil nisi squalidum*

*Affue-*



*Affuetus obliquo intueri  
 Lumine, lata perosus, ager  
 Abblandientis veris amabili  
 Honore: vernas sauijt in comas  
 Ferro: sed. illic stare iussus:  
 Præ rabie licet ora spumis  
 Oppleret, ipsam mallet & arborem  
 Radice totam euellere stirpitis.  
 Ceu Phæbus innubi refulsit  
 Æthere? purpureiq; vultus  
 Diffudit orbi conspicuum iubar?  
 Non ausus atris lumina nubilis,  
 Cacis & innutrita quondam  
 Carceribus, specubusq; clara  
 Inferre luci, Cymmeria nigras  
 Collegit umbras: quicquid & vspiam  
 Atri repertum est. siue nox id,  
 Siue triceps Hecate profundis  
 Occludat antris: in niueas simul  
 Efflauit auras: queis adimat diem  
 Si fata voluant. sin: eandem  
 Horrificis tenebris obumbret.  
 At dire frustra es liuor: Heterius  
 Cervice saluâ viuit. in integrum  
 Pennâ renatâ, iamque celsas  
 Innehitur meliore nixus*

*Alâ per auras; claraque fulgidis  
 Inſcribit aſtris nomina. Ver nouum  
 Frondoſa ſarſit damna  
 Fœnore: ſplendidiorque fulget  
 Pulſis tenebris, clariuſ addidit  
 Nox imo lumen: profuit & furor  
 Borëuſ: & quando ſecuriſ  
 Sæua recidit, adauxit alas.*

Ex colle eodem ad radicem annoſæ quercus tenui quidem,  
 ſed perennitamen venâ ſonſe exſiliebat; qui deinde per ſub-  
 iectum paullo inferius pomarium in latiffimum pratum ef-  
 fluebat. Ad caput neſcio quid calidi vaporis exhalabat, nec  
 illic hiberno frigore in glaciem coiuerat; neq; ſolere id fieri  
 monuit Eteſius. Ad riuuli hinc effuſi ripas arbores, & herbæ:  
 aliquot etiamnum amœnè virebant. Inter arbores cupreſ-  
 ſus, laurus, Sabina & palma erat; inter herbas lætius erat pu-  
 lègium. Quercum etiâ vnam hedera viridis complexu ſuo  
 ambierat, & eandem penè etiam vernantem effecerat. Ut  
 ea viriditas multò iucundior oculis accideret, primo quidē  
 raritas fecit, quæ & præcium auxit, & voluptatem; deinde  
 hilaris illa velut conſtantia, quæ hibernam ſæuitiam quo-  
 dammodo victrix triumphabat. Nā ſi præditæ ſenſu & lo-  
 quendi facultate eæ arbores & herbæ fuiſſent dicturæ vide-  
 bantur. En ſuam in nos rabiem omnem Chemoniuſ exo-  
 nerat, frigore & gelu adurit, niuibꝯ aſpergit, ventos reli-  
 quis



quis sæuiores Boream in nos, & Aquilonem imittit: & nihilominus vt maximè velit, nocere non potest, nec ornatu quidem nostro nos exuere. nempe:

*Vana est sine viribus ira.*

Ad palmæ radicem hydri aliquot reptabant. Quod conspiciatus Litholeon, ita, inquit, vetustas more ægyptio inuidiæ victorem adumbrabat: id enim nuper in Nicolai Causini symbolis reperi, dum ea curiosè euoluerem hinc lucem haustrurus, ad ænigmata publicè proposita tenebris suis euoluenda. Et rectè quidem, inquit Etesius, ingeniosa antiq̃uitas, & nostro hoc æuo Poëtæ in hoc symbolo inuidiæ dormitorē agnoscūt. Quātum enim hi colubri palmę, tantundē obtrectatores virtuti officiunt; imò vt plurimum profunt. Nec enim parum hoc sæculo calumniatores Heterio vestro profuerunt: cuius virtutem multo illustriorem reddiderūt, & palam in luce omnibus spectandam dederunt; id quod difficile non erit ex ijs omnibus, quæ hic oculis vestris subiecta cernitis, eruere. Circumferte enim oculos, & hanc circumfusam in primis segetem, hæc prata, has in pomario propinquo arbores, has item adeo iucundè virentes: hanc quercum sua in hedera adeo lætam, hunc deniq; fontem intuemini: & quid hætenus à Chemonio suo, à suis obtrectatoribus, & Catholicis quidem, de quibus hîc tantum mentio est, tolerarit Hetærius: quo item emolumento suo, & bono, quo animi robore, quā infracta in aduersis fortitudine, quam serena fronte, perspicuè cognoscetis. Vbi minimè

velim mihi vni loquendi personam impositam esse, sed pergratum erit sæpius interpellari. Inprimis hiberna sæuitia, quidquid virium habuit, vt cernitis, hic exseruit. Segetem inprimis, & in pratis gramina niuium copia penè sepe-  
liuit; eisdemque squalidam, quam videtis faciem, induxit, vt fere emortua videantur. Arbores & herbas cæteras præter has virescentes, foliorum & frondium amœno honore, & ornatu priuauit: quarum rami, ceu arida, & à carnibus separata ossa, aspero & immiti gelu adusti squalent. Easdem immani præterea ventorum furore impugnavit: Et, siquidem vis maior non obstitisset, imis ex radicibus euulsisset. Reliquiæ vicissim arbores easdem iniurias, licet meliori suâ fortunâ expertæ sunt. Quid tamen tota illa crudelitas effecit? Dum nocere studuit; profuit. Nam inprimis illa in agris triticea seges; & in pratis gramina nunc velut sub niuibz emortua; hæ item quercus, & reliquæ arbores nunc quidem omni decore spoliatae, vbi blandi & verni soles redierint, amœnissimè reuirebunt; & illa rerum iucunditas multò futura est gratior, quod hiberno squallore sit interrupta, quam si perpetua fuisset. Grata est omnis rerum vicissitudo, & ea comprimis, quæ è tristi lætior exsurgit. Ab ea mirificè veris amœnitatem vates commendant. quorum vnus

*Diffugere, inquit, niues, redeunt iam gramina campis,  
Arboribusq; coma.*

Et si quidem ij, qui nunc hic consistimus sub vernum tempus;



pus hoc eodem in cliuo subsisteremus, multò certè iucundissima rerum facies ex horum agrorum pratorumque vernantium lætitiâ, ex harum arborum pulcherrimo ornatu, cæterarumque rerum & huius præsertim crySTALLINI fontis adspectu, cuius tum temporis

--- obliquo laborat;

*Lympha fugax trepidare riuo*

in oculos occurreret; & vna secum non parum dulcissimæ voluptatis in animum deriuaret. A niue deinde seges, & gramen vberius prouenit, à gelu euadit solidius. Illa enim frigoris acrimoniam temperat, impeditq; ne, quod vitalis velut caloris in terræ visceribus latet, exhalet; hoc autè segetè, & gramina firmitus terræ astringit. Ac illud quidè de vbertate certum esse excepit Mnemon, sæpius experientia compertum est: nam in Poloniâ ad annum reparatæ salutis 1334. quinque dierum spatio insolens niuium copia decidèrat, quam deinde prorsus inspectata, & maxima fertilitas subsecuta est. Et ibidem anno 1353. nix per sex dies continuos dilapsa, terram ad 2. cubitorum altitudinem opplèuerat; quam ea fœcunditas excepit, qua Polonia maiorem vix vidit. His ego addidi quæ de anno 1624. in audieram: quod quanta rerum omnium, vini in primis abundantia fuerit, nemini non notissimum. Eodem tamen anno tanta quoque frigoris acerrimi asperitas fuit, vt densissima glacie constricti Schaldis, Mosa, & Rhenus cuiusuis onustissimi currus pondera sustinuerint. Post quæ Litholeon.

existimem tamen, inquit, non minus commodi has quer-  
cus à ventis quam à niue segetem reportasse. Nam Seneca:  
Non est, inquit, arbor solida neque fortis, nisi in quam ven-  
tus frequens incursat. Ipsa enim vexatione constringitur  
& radices certius figit. Hæc autem radicum solidior firmi-  
tas præterquam quod etiam virescentibus arboribus com-  
munis sit; tamen à sua etiam tam lætâ constantiâ in medijs  
Chemonij iniurijs virorum fortium in aduersis symbolon  
esse meretur; eo enim pulegium (eadem autem est ratio reli-  
quarum rerum omnium hieme virescentium) Causinus v-  
surpat. Ad quæ Etesius, videtis igitur, inquit, generosi Iuue-  
nes; Chemonium tanto molimine conatuque id solum effi-  
cere, vt tandem profit, cui obesse cupiebat. Eius enim cru-  
delitas certo limite conclusa est quem egredi nō ausit. Hinc  
neque in hunc fontem omni rabie suâ quidquam potuit. Is  
enim, vt oculis patet, à glacie immunis calidiorem, ac me-  
dia æstate vndam euoluit. quod à circumfusi frigoris perista-  
si, vt vocant, prouenit. Vt autem nunc paulatim ex vmbra  
in solem abeamus, inuidia, obtrectatio, calumnia vbi po-  
tuit, lingua, dentibus, telo Hetærio nocere studuit; sed vul-  
nus quod inflixit, aut nullum, aut minimè periculosum fuit;  
imò ex eodem, vt plurimum non mors, sed noua velut vita,  
& priori illustrior dulciorq; fluxit. Nam vt à fonte ordia-  
mur: atrox calumnia vix surgentem Hetærij familiam in i-  
pso capite funditus euertere non semel conata est, & vero  
effecisset si iræ vires suffecissent. Nam Romæ non nemo ab  
Igna-



Ignatio supra quam dici potest offensus. ob mulierculam quam deperibat, eidem subtractam, improbissimas in eundem, & socios calumnias tota pene cum bile effudit, quas scilicet exulceratus irâ animus suggestit. Ignatius cum suis Christianæ patientiæ memor primo quidem dissimulat; post etiam lenire beneficijs obtrektoris ferociam coepit. Sed cum sustinentis tolerantia libidinem criminantis roboraret, res ad summum in terris tribunal delata est: vbi oppressâ calumnia, & defensa innocentia Ignatius magnificis verbis in illo orbis theatro laudatus multo euasit illustrior. Cuius, vt Massæus adiungit, vti antea semper ita tum quoque sanctitatem illustravit hominum iniuria, & Deo duce virtus & veritas dum violatur, effulsit. In eundem paulo post Sacerdos quispiam vt efferus aper, spumans præ ultionis rabie dentis fulmen detorsit, sed dentem effregit cum nõ modica famæ, imò & vitæ iactura. Nam silente Ignatio, & etiam pro eodem orante Sacerdotali gradu deturbatus perpetuò carceri mancipatus est, in quo sibi iure merito illud Quidij occinere poterat.

*Heu patior telis vulnera facta meis!*

Iam tum magnificum illud Soterij promissum. *Ego vobis Roma propitius ero;* coepit impleri; quo velut clypeo defensus Hæterius, & Romæ & vbiuis gentium hætenus maleuolorum omnium tela sine vulnere saltem lethali excepit. Famam autem præcipuè, subinde tamen & fortunas obtrektor inuasit. Ac illam quidem cum potuit dente Theo-

nino circumrofit, linguâ virulentâ infecit, stylo confodit. Pudendo enim mendacio sparfit in vulgus Hetærium nescio sub quâ sanctitatis larua enormia scelera occulere, esse ex eorum numero:

*Qui Curios simulent & bacchanalia vivant:*

vestem & animum, nimium quantum, dissidere: illâ ouem, hoc lupum esse: doctrinam item & vitam non congruere, videre meliora & probare

---- *deteriora sequi*

verbo hypocritam insignem esse: deinde

--- *immensum argenti pondus & auri.*

*Furtim defossa timidum deponere terrâ*

cuius inexhausta fame, & siti accensus perpetuum clamet: *Nil satis est:* - ideoque ditissimum quemque ad se se varijs artibus allicere; opulentis aliorum fortunis inhiare, captandorum testamentorum artem professum, verba hieius byssina, & hamata esse. Et quidem non pauca huius generis proximis annis Nocoliæ lingua mendacissima diuulgavit. Eundem ad propudiosas libidines proiectum probra vel ipsi naturæ pudenda perpetrare: & eum in finem non semel sceleratissimæ vitæ & profligati pudoris mortales substituit, qui sub Hetærii mentito habitu hætenus inaudita scelera designarunt. Illius secreti proditorem eundem esse, non vno in loco clamavit, quod è confessione hauriret: mollem & delicijs affluentem vitam ducere, secus ac alij faciant, qui  
simile



simile vitæ institutum teneant; austeritatē, & quidquid car-  
nem exercet, auerfari, lites, diffidia, bella inter reges & prin-  
cipes ferere, in aliorum fortunas inuolare, in messem alienā  
falces mittere, iura & priuilegia aliorum imminuere. Va-  
frum, astutum, versipellem, vulpem esse, & similibus artibus  
optimam quamque indolem ad se pellectam corrumpere,  
hæc & sexcenta alia his affinia vbiuis gentium in imperitæ  
plebis, in regum & principum aures infudit, orbem si possit  
vniuersum in Hetærium concitatura, si frena laxentur libi-  
dini. Eadem his annis aliquem nacta est, qui ex alienā infa-  
miā famam quæsiturus strenuam eidem operam elocauit. Is  
ex omnibus orbis vniuersi angulis congestas calumnias in  
vnum comportauit, chartæ commisit, emisit in vulgus; sty-  
lo vt putabat, Hetærianæ existimationi gulam transfossu-  
rus. Quo vero cautius falleret, more calumniatoribus vsi-  
tato varias personas, & nomina assumpsit. Iam enim Pascha-  
sium Grosippum, iam Philoxenum Melandrum, iam alium  
se vocauit. qui vetus monadistichon ad vnguem obser-  
uans,

*Nil probat calumniator, criminatur omnia*

quidquid subsidij ad struendam calumniam ab ingenio, à  
diuturnâ conuiciandi exercitatione; ab infensissimo contra  
Hetærium animo, ab omnibus vsquam terrarum existi-  
bus, & in eundem grauissime concitatis nancisci; quidquid  
præterea comminisci ipse potuit; collegit & his annis orbi  
Catholico eo consilio obtrusit, vt pestem Hetærio ultimam

moliretur Sed quid nefarius hic sycophanta: quid vbiuis gentium, in omnibus regnis & prouincijs, præsertim in Italia, Hispania, Gallia, Germania, Polonia, Belgio, in omnibus penè vrbibus vbi vnquam domicilium fixit Heterius maxime Romæ, Parisijs, Toleti, Madriti, Salmanticæ, Conchæ, Cæsar augustæ, Louanij, Nocoliæ, & alibi infelix calumnia tot impudentissimis mendacijs, tot insidijs, tanto nocendi ardore conatuque effecit? quem exitum tot improbiissimæ criminati ones habuère? quo gloriosorem vix optet Heterius. Nam ea omnia instar hibernæ niuis ad vernum iam solē liquentis, paulatim ad veritatis radios disparuerūt. Subinde quidem clarissimum Heterij nomen aliquādiu vti nix segetē & gramina, obtexerūt, sed vt illa in vndas iam resoluta agros & prata irrigat atq; foecundat, ita hæc cū disparerent, eiusdē nominis claritatē incredibilē in modum auxerunt. Deinde vti à gelu & frigore segetes, à ventorū agitatione arbores soliditatē; ita ille ab his calumnijs robur & constātiā traxit, deniq; vti virescentes hæ arbores & herbæ viriditate suā hilares hiemis, ita ille hostium suorum iniurias innocentia sua lætus excepit, victor triumphauit, idq; non solum sine iactura, sed etiam cum mirifico existimationis augmento. Nam ex illa obtrectionum velut iliade quanto emerfit semper illustrior? an non enim rectissime in illum Hannibalis illud apud Horatium quadret?

*Nerses profundo? pulchrior euenit:*

*Luçtere: multâ proruēt integrum*

*Cum laude victorem.*

Quan-



Quanto enim ex innumerabilium criminationum velut pelago pulchrior & clarior semper emerfit? Quot vbiuis gentium non quidem ab Hetærio sed à summis quibusq; in orbe terrarum protriti iacent, qui se iam rati victores Hetærij, eum depressum ibant! Nam quamuis Hetærius sua innocentia fretus luctari, vt plurimum, cum maleuolentia, & liuore hætenus noluerit; eius nihilominus causam defendendam summi Pontifices, Cæsares, Reges, Principes, purpura, infula, dignitate sapientia, sanctitate conspicui viri; vniuersitates, academiæ, vrbes susceperunt, quorum magnificentissima de Hetærio Elogia, decreta, apologiæ plus solide existimationis, veræ laudis, & gloriæ eidem apud optimum quemq; pepererunt, quam vnquam omnes omnium obtrectatorum strophæ, sycophantiæ, criminationes, calumniæ ademerint. Vnum alterumue eiusmodi elogium adduxisse sufficiat: qui enim plura desiderarit, facile in Richeomi, Gretzeri, Foreri, Adami Contzen & Petri Steuartij apologijs pro Hetærio inuenerit. Hic extremus qui non hetærianus sed Ingolstadianæ academiæ professor, & vero etiam Rector magnificus; ac Serenissimo Bauariæ duci à secretis fuit; hæc pro hetærij innocentia scripta posterorum memoriæ reliquit. *Quo minus illa grauissima flagitia perpetrasse, aut tam horrenda conuitia meritos esse Iesuitas credant,* pag. 126.  
in apol. &  
pag. 127. *obstabit auctoritas & testimonium penè totius orbis Catholici. Iesuitarum pietatem, puritatem vitæque innocentiam manifestam reddunt, tot templa vel ipsorum propria vel*

aliena quæ restaurata, purgata, magnificentissimè exornata  
 sunt: ille ardor & felicitas, improbos, impudicos sceleratos  
 à vitiis reuocandi; bonos ac pios ad perfectionem Christia-  
 nam incitandi, ut ab eorum exortu urbes ac provincia bonis  
 ciuibus, templa castis Sacerdotibus, Monasteria religiosissi-  
 mis hominibus sint repleta. Quid memorem illum conatum, il-  
 lumque indefessum laborè, rudes, vilissimos homines, puerosq;  
 in doctrina Christiana instituendi, eaque de causa loca asper-  
 rima, horrida, barbara peragrandi alacritatem, & durissima  
 quæq; pro Christo patiendi cupiditatem! quid? Cuiusmodi te-  
 stes sunt illi, quam incorrupti, quam sinceri qui Christianum  
 nomē nec audiuerunt unquam? Ad quos cum patres veniunt,  
 tanquam cælo delapsi honorantur: non alia de causa quam ob  
 admirabilem virtutem sapientiam & vitam innocentiam. Ipse il-  
 le ingens numerus, illa quotidiana incrementa Societatis Iesu,  
 cui se non adolescētes tantū optimi: sed viri clarissimi associāt,  
 quale quantūq; est testimoniū? Sed quid opus est multis? Nul-  
 lus est hominum ordo aut natio ad quam Iesuita peruenierint,  
 aut apud quam vixerint, quæ non præclarum & integerrimū  
 testimonium contra pseudohistoriam ( & omnes Philoxeni  
 Melandri nefaria mendacia & quasuis alias calumnias ) So-  
 cietati Iesu datura sit? Multi ex illis ipsis qui quadam in Iesui-  
 tis aliquando reprehenderint, aut non optimè aliquando de  
 ijs locuti fuerint, se vera dixisse aut penitus intellexisse  
 res Societatis negabunt palamque profitebuntur hanc So-  
 cietatem esse plane ob ea omnia, quæ in aliquo hominum ordine  
 ad



ad eius conseruationem amplificationemq; desiderari possint, admirabilem & à Deo missam atque institutam Catholica rei bono & remedio calamitosorum horum temporum: sicut alij sanctissimi religiosorum hominum ordines superioribus seculis ad illorum temporum utilitatem & salutem extiterunt; vnaque nunc cum Societatis Iesu Patribus Catholica religionis propagationem egregie pariter promouent. Sed quid multis? Testes innocentia Iesuitarum sunt: praeicipui orbis Monarchia, amplissima regna, nobilissima prouincia, celeberrimae urbes. Et demum omnes homines, qui familiariter eis utuntur, qui eorum templa adeunt, Conciones audiunt, Sacramenta ab eis recipiunt, & quotquot sunt, fuerunt, eruntq; eorum discipuli, quorum est multitudo innumerabilis. Ita quidem Iesuitae affecti sunt, ut si ab eorum abitu & discessu salus, ac tranquillitas Germania & imperij penderet, aut si suam in Catholica fide tuenda operam vel superfluam, vel non necessariam viderent, sponte essent ex Germania ad ultimas terras, in quibus praebeant speciem nascentis Christi Ecclesiae, migraturi: imo si pax atque concordia, fideique Catholicae unitas eorum morte redimi possent, libentissimis animis proprium sanguinem potius effusuri, quam passuri essent, ut propter eos quicquam Germania detrimenti perciperet. Huius suae voluntatis, & amoris in Rempublicam testes & obsides dederunt; multis in locis fortissimos & constantissimos Martyres. Et verò quid in vita sua, moribus, functionibus aliud agunt, quam ut testentur voluntatem inuanda patriae, & v-

nitatis Catholica restituenda? Cur patriam, parentes, amplas hereditates, honores, dignitates, amicitias splendidas, & cetera quæ magni vulgò sunt, deseruerunt? & usu necessario contenti non quæ volunt, sed quæ dantur, iubentur, accipiunt, peragunt? Et quæ sunt eorum studia nisi reipubl. utilissima? à vitio detertere, ad virtutem promovere hominum animos, mœstis solamen, afflictis solatium, perditis salutem afferre? vix inter summos & infimos discrimen agnoscere, sed ut restulerit, pari charitate, contentione, ardore, illorum aut horum utilitati ac saluti inservire? coniunctis precibus, studiis, viribus animi laborare, ut Catholica fides propagetur, hæreses doctrinae solum gravitate & exemplis innocentia evellantur, ac extinguantur &c. Quid dici in laudem illustrius? pro innocentia augustius potuit? Sed Doctori regem iungamus. Potuitne quicquam Hæterio accidere honorificētius quam quod Henricus IV. Franciæ Rex, qui à rerum gestarum, bellicæ fortitudinis, raræ prudentiæ laude magni nomen inuenit, ipsius in Francia oppressi calumniâ patrociniū suscepit? criminationes propè innumeras ipsi obiectas; quæ toties postea à Grosippo & alijs recoctæ sunt, ipsemet clarissimis rationibus pro suâ singulari sapientia confutârît? regiâ auctoritate infamem columnam disturbari mandarit? Hæterium coram grauiissimo, prudentissimoque conscriptorum Patrum concilio magnificentissimis verbis laudatum inuidenda obtrectatoribus gloriâ & celeberrimo lætissimoq; Galliæ melioris applausu non solum in veteres sedes reduxerit?



xerit; sed præterea nouas eidem regali munificentia crexerit? Maior tamen aliquis in orbe inuentus est, aut potius diuino Soterij beneficio, cuius vices agit in terris, submissus Urbanus VIII. Pont. Maximus, qui maximo regi in propulsandâ ab Hæterio calumniâ nil cessit. Is enim libellos probris, & infamia plenos funesto calamo in Hetærij perniciem exaratos suâ authoritate qua maiorem orbis non agnoscit, damnatos, igni addixit. Cuius exemplum pulcherrimum secuti Hispanæ inquisitionis præsides, sapientia & religione clarissimi viri eosdem asino impositos, ad infamem rogi auexerunt, digno supplicio afficiendos. Quanto plus hinc veræ gloriæ & clarissimæ existimationis in Hetærium quam ignominia ex omnium obtrectatorum calumnijs toto iam sæculo in eundem iactis profluxit? muto illud Ouidij:

*Si nihil infesti vidisset Hetærius vnquam  
Fortasse felix, sed sine laude foret.*

## I A N V A R I V S

*Persecutionem ab hæreticis continens.*

SECUNDUM hæc è colle descendimus, & propinquum pomarium prægressi, per pratum eminus antea visum in vicinam syluam altissimæ rupi adhærentem tendimus.

mus. Hic conuersus ad nos Etesius: gaudeo, inquit, generosi adolescentes, tantum abesse, vt hyberna vos spectacula terreant vt etiam oblectent, ac pene magis, ac vernæ, æstiuæque arborum scenæ: Id enim non dubijs signis visi estis antea declarasse. Agite igitur eosdem etiam animos, & oculos ad reliqua, quæ lustranda superant, afferte. Tum viæ asperitatem sermonibus leniturus, vetus inquit, & verum est.

-- *veritas odium parit.*

Nam rectissimè de omnibus hominibus dixeris, quod de Gallico suo Martialis.

*Vero verius ergo quid sit audi*

*Verum Gallice non libenter audis.*

Et in promptu causa est; reprehendi nemo, laudari omnes volunt. Quotus enim quisque est, qui errata, & vitia sua sibi obijci æquus ferat? Quis cæteroquin agnus, hic leo non est? Et hinc est, cur Ruthleus & Lucianus, & quicunque hos viæ duces ad cælos, inferos inquam sequuntur, immani quopiam odio in Hetærium ferantur: quia pudendos, & infames eorum errores, & horrenda ex illis enata flagitia è tenebris eruta palam in luce & omnium oculis statuit. Hinc enim hæc tam atrocia odia in Hetærium potissimum fluere, Petrus Steuartius dilucidè his verbis affirmat. *Quarum (calumniarum) omnium fundamentum est ipsa Fides, ac religio Catholica, quam ita disseminant longè latèque Societatis Iesu Patres, tantaque cura, studio fœlicitate propugnant, & contra omnes vestras machinas fraudes, doloque defendunt;*

In apolo-  
gia pro  
Societate  
cap. fol. 16.



*ut quicumqꝫ cum iis egerint, aut versati sint, mendacia vestra, aut imposturas facile deprehenderint, adeò ut periculum sit, ne si à vestris, quos miserè seducitis audirentur, aut scripta eorū in manus omnium peruenirent, & animo veritatis noscende & amplectende cupido legerentur, brevi omnes ad Catholicā unitatem conuerterentur, quemadmodum multa millia hominum iam horum virorum studio & pietate desertis cister-  
nis, quæ aquam continere non valent, ad Ecclesiæ Romanæ fontes magna contentione properarunt: & tandem vestris imposturis & dolis cognitis, quod unquam ullo momento ab Ecclesia nostra abfuerint, vehementer dolent.*

*Hæc unica ac præcipua causa est odij vestri in Patres Societatis Iesu, omnesqꝫ eorum Patronos & amicos: hæc sola doctrina vos audaces facit, & promptos ad mentiendum & calumniandum, quicquid vobis ira ac bilis suggerit. Videtis enim salua Catholica doctrina, itaqꝫ defensa, quemadmodum à Societatis Iesu hominibus publicè docetur promulgatur, propugnatur, omnes hæreses labi & corruere: patere consilia ac leuitatem vestram, vosqꝫ ut homines nihili & vilissimos despici & contemni. Idem ex Poëtis quispiam, excepit Mnemon suo more in veteri Alcide Cerberum ex Orci tenebris in lucem protractum interimente ita expressit, ut sequitur*

*Alcides Lojoleus squalentibus Orci  
Et tenebris, niueam fulgentis in ætheris auram  
Eduxit monstrum, ternis quod faucibus ignes  
Eructat, iussitqꝫ pati rutilantia phœbi*

*Sidera. Lucifugo cum fulgida lumina visis  
 Horreret, nec lora pati iam promptus, ahenis  
 Nexibus elabi reditumque pararet in umbras  
 Cerberus: extemplo nodosam nobilis Heros  
 Apprêndit clauam: fronti collineat ictum:  
 Quem librat robusta manus: foetumq; colubris  
 In caput insultat vulnus: spumansq; veneno  
 Elidit cerebrum, quo nunquam Colchica tellus  
 Pestiferis virus nutritiuius herbis.  
 Hinc immortales excanduit Orcus in iras  
 Et rabidus quæ tela furor, rabiesq; dederunt,  
 Iecit in Alciden: fallente sed hætenus ictu.  
 Si læsit quandoque: salus vel vulnere fluxit,  
 Purpureusue liquor, quo murex postea tinctus,  
 Quo nunc conspicui stellante sub axe refulgent.*

Nihilominus, excepit Etesius, à cœptis non destitit; is vindictæ ardor est, sed sui furoris ministros, ac satellites virulentâ, & fellea linguâ, Lycambeo stylo ferroque, & flammâ armatos in eundem identidem immisit. Ductores cæterorum Ruthleus & Lucianus extitere, quos subsecuta tali parente non indigna soboles, in primis ne à maiorum suorum vestigijs deflecteret, conuitiorum, calumniarumque plaustra in eum ore sacrilego euomit. Antichristi prödromum, peculatorem, hostem, prödito rem patriæ, scelerum omnium architectum, bellorum authorem, humani generis labem, orbis Christiani pestem, cacodæmonis satellitem,



in exedris, circulis, platea, foro, conuiujs, vbiuis locorum  
proclamauit. verum cum ea re parū promoueret: risit enim  
hetærius. quippe

*Conscia mens recti famæ mendacia ridet.*

Quicunq; ex ea face & labe hominum truculentius odium  
in hæterium conceperant; stylo arrepto in eiusdem iugu-  
lum inuolarunt sanguinem emissuri, si Dijs placet, quo ra-  
biosum furorem explerent. Ingens eorum hætenus nume-  
rus fuit. Ac è Germania quidem prodierunt, hæsenmilleri,  
Leyferi, Miseni, Parei, Vesthusij, Stenij, Caluisij: ex Gallia,  
hugonottica, Paschasij, Arnaldi, Thuani: ex Batauia Burdo-  
nes, Doufæ, Iani, Böchörinci: ex Polonia item, & Anglia, &  
aliundè multo plures nefarij hetæriomastiges: simili ferè ra-  
tione qua herostratus, qui templum longè augustissimum  
Dianæ Ephesinæ exussit, insigni scelere nominis famam sibi  
comparaturi; quidquid vnquam in suo, & sibi similium ce-  
rebro cufum aduersus hetærium fuit, quidquid exulceratis-  
simi pectoris rabies suggessit; quidquid calumnia, eousque  
sparserat, summa diligentia collegerunt, typis, & prelo cō-  
miserunt ediderunt in vulgus. quo euentu? In scriptis à se  
libris & ipsi, & alij tandem hetærij innocentiam, & ex hac  
eximiam laudem in hetærium deriuatam legerunt. quid e-  
nim possit esse ad laudem magnificentius, quam ab ijs scele-  
ribus, de quibus accusère, rectè omnium sentientium, & or-  
bis adeo vniuersi iudicio immunem iudicari! Hîc autem  
furor qui metam ignorat, non substitit, sed ferro arrepto

terra marique inauditæ crudelitatis exempla statuit; in corpora, & fortunas hetærij grassatus. Angliam, Franciam, Germaniam, Poloniam mare non vnum cædibus hetærianis impleuit. E regnis, Prouincijs, vrbibus summa cum infamiâ & iniuriâ eiecit, suffocauit, suspendit, dissecuit, equis distraxit, flamma exussit; nec vllum crudelitatis etiam Ne-ronianæ genus intermisit. Dum ea viæ præmuniendæ gratiâ in auidas aures infundit Etesius pratum iam eramus emensi; ante tamen quam propius ad syluam & adiacentem rupem possemus accedere, fruticetum transeundum fuit. Hic vti superius omnia tristitiæ, & mortis cuiusdam faciem induerant: niuibus & gelu horrida omnia: frequentes nihilominus illic Iuniperi etiamnum virebant, & vero fructu etiam, non minus vberi, quam præstanti abundabant. Nonnullæ ex ijs erant grandiusculæ, ac arboris proceræ etiam altitudinem æquabant: & harum baccæ nucis iuglandis, aut ponticæ magnitudinem æquabant: cæterarum fructus erat quidem aliquanto minor, sed vicissim copiosior. Cum priorum magnitudo nobis videretur insolens; tales excepit Mnemon, vt plurimum Tuscia alit. Nam illic Iuniperi in arborem proceram assurgunt: baccæ earundem in nucis magnitudinem grandescunt, rotundæ omnes, odoratæ, & sapore quidem subamaræ, sed virtute variâ præstantes: stomacho enim, & pectori mirè conducunt, & sunt vti & arbor ipsa aduersus serpentes, & ictus ab ijs incussos præsens amuletum. Nescio subiunxi hic ego Etesi verumne sit, an secus; quod



quod audire me aliquando, aut legere memini: templum Ephesinæ Dianæ ex Iuniperinis trabibus suffultum fuisse: propterea, quod Iuniperi materies sæculo integro sine carie, alioue vitio perduret. Nihil respondet Etesius, à vero aberras, Sanouise, nisi ante te Plinius aberrarit. qui idem aperte asseruit. Vti & illud: Ignem semel accensum in Iunipero, si cinere suo obruatur, anno integro foueri. tum ad Orarchontem conuersus; quarum inquit, auium, Orarchon deliciæ sunt hæ baccæ? Turdorum inquit ille, nam ita aucupes tradunt: qui & aiunt eosdem baccarum opera potissimum capi. Earum enim, inquiunt, amore allectæ ad nos hiberno tempore adiulant, & se capiendos exponunt. Hinc est, subdit Etesius cur easdem trimestres vocarit. Plinius, quod scilicet apud nos hibernis duntaxat mensibus morari, aut certè tunc frequentius à nobis videri soleant: quos etiã idcirco Isidorus turdos à tarditate dictos existimat, quod tardè ad nos veniant, & tardè ad calida se recipiant. Eo autem tempore apud nos baccarum ingens in fruticetis passim est copia. quæ autem eosdem visitior capiendi sit ratio iam iam oculis monstrabo. simul eò deduxit: vbi viæ in angustū inter humiliores, & baccis onustiores Iuniperos coibant. Illic ex inflexo in arcum vimine laquei pendebant, & circa hos bacciferi rami; qui ita collocati erant, vt, vbi turdis baccas tentaret rostro decerpere, collum laqueo infereret. Cum deinde paululum effemus progressi, turdos aliquot ea ratione captos inuenimus

quos laqueo Etesius expediuit , & cum manu vnum aliquem teneret, ad Litholeonta, quid inquit , existimas Litholeon , in aue hac adeo nobili , & his insidijs intercepta adumbrari? si inquit ille, quæ aliàs de hac volucre legi ( sum enim auium perquam studiosus ) apud me expendo , & simul illa , quæ antea à te de odio Ruthlei & Luciani in Hetærium audiui, adiungo , non malè opinor , in turdo Hetærium, in aucupe Ruthleum & Lucianum, & ex vtroque hoc infami parente enatam sobolem : in laqueo eorundem insidias, & artes quibus Hetærium ad necem quærunt, & vero etiam internecant intelligi. Ac in primis in vno aliquo doli & fraudis genere facilè cætera intelligi, certum est. Deinde quam hostili in aues sint animo aucupes, quantâ barbarie, & crudelitate innocens hoc animantium genus, quales hi turdi sunt, de sæuiant, nos omnes credo oculati aliquando testes fuimus. Denique in turdo rectè Hetærium video. Nam in primis turdus admodum præstans est auis, vt pote cui Principatum inter volucres Martialis meus tribuat. Nam.

*Inter aues (inquit) Turdus: si quis me Iudice certet*

*Inter quadrupedes gloria prima, Lepus.*

Eâ nihil item melius esse affirmat Horatius, ita enim ille-

*Nil melius Turdo.*

Deinde in imitanda voce humana perquam solers est. Nam si Plinio fides Claudij principis Agrippina turdum habuit, qui



quī omnium sermones imitabatur: ad hæc cantus suauitate excellit ita enim, Scaliger eundem appellat.

*Dulci Turdule docte murmurillo  
Asperas animi leuare curas.*

Turđum præterea Daphnium appellauit Clemens Alexandrinus, quod laureis baccis vehementer delectetur, & nusquam ac in laureto sit libentius. Denique naturæ quodam dissidio noctuam, & accipitrem sibi maximè infensos fugit. Quid iam aptius in Hæterium quadret? quid enim illo imprimis à Chemonij præsertim iniurijs, & sæuitiâ exercito, aduersis probato, in rebus arduis cognito nobilius? quid eiusdem eximiâ virtute, & probitate præstantius? Quid illo in addiscendis arcanis omnibus, quæ Phœbus vulgo mortalium ignota esse voluit, solertius? quam artem ex ijs, quæ libero homine dignæ sunt, non callet? quæ lingua in orbe terrarum est quam non didicerit? quid eius propè diuinâ dicendi suauitate dulcius? copiâ vberius? vi efficacius? quis vnquam mortalium, ac ille iucundiùs medias inter lauros versatus est? quis laureas aut lauros plures nobilioresque, ac ille ex recondita exquisitaque scientia præclaris que victorijs promeruit? quis noctuas tenebrarum amâtes, accipitres rapto viuere solitos, Ruthleanos, inquam, & Lucianistas magis ac ille deuitat? iam supra satis dictū est de capitali dissidio quod hos mutuo à se diuellit. Subinuidebat Orarchon ea à Litholeonte nō sine aliquo

Etesij

Etesij applausu dici, æmulationis igitur studio accensus; Ego vero Etesij, excepit non minus congruè existimeni, Hetærium nostrum, aduersis præsertim exercitatum in his adeo iucundè virentibus inter niues & frigora, & immites ac asperos ventos Iuniperis earundemque nobili fructu repræsentari. Cur ita sentiam, multa sunt quæ persuadeant. Ac in primis, quod non solum vti visa superius palma & reliquæ id generis arbores ac herbæ, virore suo tam lato Chemonii iniurias triumphet, sed quod præterea fructu copioso & nobili eo tempore abundet, quo arbores reliquæ velut emortuæ ne folia quidē habēt: in fructu id etiam in primis singulare, quod ubi baccas, eiusdē vel digito, vel aliter comminueris, aut etiā igni accenderis ( quod & ipsi Iunipero conuenit ) odorem minimè ingratum exspiret. quo dicto, vt fidem oculis faceret vnā alteramue digitis effregit. Tum etiam idem hūc fructus, vti & arbor nobiles alias in se virtutes complectitur vti iam supra dictum. quod iam aptius Hetærij symbolon totus pene hic annus exhibuit! Nam quid illo toto hoc seculo inter turbida quietius? inter tristia lætius? inter aduersa amœnius? inter ruinas erectius? inter procellas tranquillius? in hibernis iniurijs velut viridius? quam vberem, quam præstātem inter calumnias, exilia, supplicia fructum, quam oculis amœnum, quam naribus cœlestibus præsertim gratum tulit? quam suaue contusa eius & pressa patientia, quam iucundè flammis accensa virtus illius redoluit? quis ferè efficacius atque præsentius hætenus aduersus peccatoris



ctoris vitia, & anguim virus, stygij inprimis colubri ictus  
 remedium, ac ille orbi præscripsit? quam toto iam seculo  
 moribus integer? quam à vitiorum carie, & putredine in-  
 corruptus extitit? quantum non iam ignem, sed incendium  
 ab Ignatio excitatum amoris diuini, nec integro aliquo an-  
 no, sed seculo in animi medullis aluit? quo inflammatus quā  
 nullo negotio se ab omni hibernâ iniuria rabieque defen-  
 dit? supra quam dici potest ea vtriusq; æmulatione recrea-  
 tus Etesius, vtrumque magnificis verbis laudauit, & simul ex  
 fruticeto versus sæpius iam dictam rupem eduxit. antequā  
 vero eò veniremus, ex more aliqua in antecessum velut præ-  
 moniturus, consultò de lupis sermonem iniecit, vt longiori  
 colloquio proluderet. Res inquit admodum pestilens est, lu-  
 pus. Nam improbâ ventris ingluuie vrgente ne ab homi-  
 num quidem cæde abstinet. Cum ea enim vehementius sti-  
 mulat, hiberno præsertim tempore, quo & fames acrior, &  
 minor prædæ est copia, gregatim subinde per villas, & oppi-  
 da lupi grassantur, & non solum in oues, & id generis alia pe-  
 cora desæuiunt; sed adeo etiam in homines insurgunt. Nam  
 in ditione Gebennensi quandoq; lupus xxx. homines inter-  
 fecit. Imo excepit Mnemon, ipsos adeo Parisios aliquando  
 luporum greges ingressi Lxxx. facile homines in partes dis-  
 cerptos immani facinore deuorarunt. Sed vnde est, Etesi,  
 hîc ego inquebam, capitalis illa, adeoque decantata inter  
 ouem & lupum naturæ discordia? quæ tanta est, vt si Alcia-  
 to viro cæteroquin eruditissimo, & fide dignissimo credere

debeamus ne tympanum quidē ex pelle ouillā sonare consueſcat, quoties aliud ex pelle lupinā inſonet. Ita enim ait

*Cætera muteſcent coriumq; ſilebit ouillum,*

*Si confecta lupi tympana pelle ſonent.*

*Hanc membrana ouium ſic exhorreſcit, vt hoſtem*

*Ex animis quamuis non ferat exanimem.*

Imò, addit autor non obſcuri nominis, ad vlulatum lupi quandoque teneros agnellos emori, & hinc illud diſſidium adeo poëtiſ celebre eſt, vt illi rem aliquā quæ fieri nequeat, expreſſuri dicere ſoleant, ante ouem lupo nupturam. & idcirco Horatius ſummum omnino odium ſuum in Melam quendam indicaturus

*Lupis, inquit, & agnīs quanta ſortito obtigit,*

*Tecum mihi diſcordia eſt.*

Dum Eteſius parat reſponſum, lupus in fabula eſt. Nam ex ſylua vicinā egreſſi tres lupi agnellos aliquot & hœdos celerrime fugientes inſequuntur, ex quibus vnum aliquem interceptum nobis inſpectantibus, & nequicquam in clamantibus diſcerpunt. Et eandem fortunam hœdus experturus fuiſſet, niſi noſtri clamores turbauiffent. is igitur ex vnguibus quamuis non ſine vulnere aufugit. cuius carnem è vulnere teneriorem euadere Mnemon aſſerebat, eo quod in lupi ſpiritu tātum ſit igniti fervoris, vt eo etiam oſſa emolliat. Eò alluſiſſe poëtam ita canentem

*Paruus onyx, vnâ ponetur cænula menſâ,*

*Hœdus inhumano raptus ab ore lupi.*



Eodem spectare & illud:

*Vel hædus ereptus lupo.*

Interea in syluâ vnde venerant lupi cum prædâ reuerſi ſunt. Ego cum innocentiffimum animal tam crudeliter à belluis immanibus contrucidari viderem : dici vix poteſt quantâ commiſeratione ſim tactus : quidquid in me viſcerum fuit ſenſi commoueri, ac hæc apud me primum tacitus voluebã, tum etiam cum dolor nimius eſſet, nec claudi iam amplius peçtoris anguſtijs poſſet, foras prorupit. ingemiſcens igitur dicebam.

*Candide, lanigera placidum genus, agne, parentis*

*Tam crudam poteras quæ meruiſſe necem?*

*Quam mollem niueo circumfers vellere lanam*

*Mitibus illa quadrat moribus apta tuis.*

*Ingenium natura dedit non acre; negauit*

*Quæ reliquis tribuit vulneris arma, tibi.*

*Vt rapidi, ſæuo non mordēs dente, moloſſi;*

*Non frendes, terror ceu Calydonis, aper.*

*Vngue nec incuruo laceras velut urſa libyſtis,*

*Getulusue leo, vel violenta tigris.*

*Non rabies eſt iſta tibi, non illa cupido*

*Vindictæ ſtimulat. Peçtora felle carent.*

*Et damno neſcis, & neſcis vulnere quenquam*

*Ladere; ſed potius commoda mille paris.*

*Vtilis humanos concedis totus in uſus.*

*Mortales ornas vellere, carne cibas.*

*Et tamen (ô nimium fatum lachrymabile!) cedis*  
*Innocuus. rabido prada cruenta lupo!*  
*Ille (quis heu lachrymas teneat!) deducit hiantes*  
*Immensum fauces, qualis & atna suas;*  
*Artubus & tremulis dentes immergit acutos,*  
*Viscera queis miserum sanguinolenta rapit.*  
*Latrantiq; dapes stomacho submittit, & explet*  
*Carniuoramque famem, sanguineamque sitim..*  
*O. Lupe crudelis, roseique cruoris hirudo.*  
*Te nihil hic totus sauius orbis alit.*  
*Hæc prado, melius te fors funesta deceret*  
*Quam dira cades tot meruere tuæ:*

Ad hæc ad me Etelsius, si inquit *Sanouise*, innoxie pecudis  
 cædes te tantopere commouit; quid tibi animi futurum  
 fuisset si coram astitisses, cum velut lupi immanes, & sang-  
 uinis auidi *Lucianistæ* *Hetærianos* ceu agnos noxâ immu-  
 nes circumdarent, & eosdẽ crudeli facinore suis è sedi-  
 bus in Gallia, Belgio, Transyluania, Hungaria, Bohemia,  
 Morauia, Silesia, Prussia, Brasilia, ac in tumultu hoc Suecico  
 è multis vrbibus, & ante hæc *Aquisgrani* suo è domicilio ex-  
 turbarent? Quo animi sensu ad fuisses, & oculis inspectasses  
 quemadmodum in Angliâ quæ cæteroquin lupos non alit,  
 lupis omnibus atrociores ibidem *Lucianistæ* in *Hetærium*  
 oui innocentiam parem, deductis faucibus, & in necem para-  
 tis dentibus irruerent? ac Londini quidem, *Campianos*,  
*Briantos*, *Cottamos*, *Soutuelios*, *Filacos*, *Garnetos*, *Eboraci*. ve-



*ei vero walpolos, Doncestria Cornelios, Vigornæ Olcornos,*  
*exquisitis supplicijs enecarent?* In Scotia Cascouiæ *O-*  
*gelbeos, in Hibernia Conchæ Collinos* mactarent? Quo te-  
 nerrimo commiserationis affectu vidisses, quemadmodum  
 in Gallia Hugonottæ *Salesios. & Saltamochios* Albenaci,  
 Claudiopoli in transyluania *Arriani Emmanueles Nigros,*  
 Bacharaci in Germania Vsenulcani *Thelenios* excarnifica-  
 rent: quam acri dolore in mari Balthico spectasses, si coram  
 astitisses, quo furore Sueci in *Laternas, Basilico* autem qua-  
 rabie lupi marini, piratæ inquam è rabioso calui parentis  
 sanguine orti insurgerent in *Azebedium, Castrios, Aluaros*  
*Riberam Fonsecam, Andradam, Mendez, Acoftam,*  
*Hernandezium, Fernandezios, Vænam, Consaluos, Bra-*  
*gam, Fernandum, Scribanum, Maioricam, Belgadium,*  
*Correas, Rodericum, Lopezium, Sanctium, Fernandos,*  
*Nunnum, Zuraram, Suaresium, Magalanum, Dinyum*  
*Zauream, Calderiam, Martinum, Pererios, Carnalium,*  
*Baizam, Vafquezium Fontaureum, Paciecum, Diarios,*  
*Goezium, Aragonium, Paullum, Payssum, & plures alios*  
 ceu totidem innocentissimos agnos inter lupos irruerent?  
 qua barbarie enecarent? quid inquam tum animi tibi futu-  
 rum fuisset Sanouise!

Inter hæc dum iter prosequimur abire nubes, serenari  
 cœlum, ventis asperis, & turbulentis mites & placidi succe-  
 dere cœpere, & aliqua pene vernantis auræ facies leniter vi-  
 sa abblandiri. Nobis subitam, eoq; loci inspiratam auræ

mutationem summè admirātibus Mnemon respondit eam ab Alcedonijs esse, solere enim Alcedinem hibernam auiculam medio fere Ianuario nidum construere, oua ponere, & exclusos hinc pullos quindecim dierum spatio educare: quo toto tempore placidissima cæli temperies esse consuecat: silere tum ventos: ijs seu fluuijs, seu mari, vbi nidificet, malaciam esse. Id autem beneficij, subiecit Etesius, seu potius priuilegij, huic aui ab authore naturæ indultum est, vt cum alio anni tempore nisi hiberno pariendi officio fungi nō possit, tum non minùs tranquillo & placido cælo vtatur ac reliquæ volucres ad partum suum excludendum. Interim iam extimam syluæ partem prægressi prope à rupe aberamus. Ad quam vbi accessimus, & iam in pede illius substitimus, latè oculis in lacum subiectum excurrimus. In eo quiescit, & pacata erant omnia: vnda oleo tranquillior in placidū æquor iacebat. Sciebamus iam quidem ab Alcedinis nido id esse; sed nidi ipsius inspiciendi desiderium erat, vnde tanta vis existeret. Id cum Etesio insinuassemus; illi satisfactorius, è rupe non nihil ad lacum descendit, ibi in arundineti littori vicino ad rupem nidum inuenit, & nobis monstrat. Cum ingeniosissima auicula non sine mirabili naturæ solertia hunc in modum concinnatum iam exædificarat. Ac cū pisciculi, quo vesci solet, spinas inter sese deuinxerat, rectis alijs, alias transuersas ceu stamini subtegmen implicuerat; nidum deinde in orbem reductum ita coaptarat, vt, quemadmodum ex Plutarcho Mnemon addebat, nec saxo frāgi, nec ferro facile dissolui posset, imo nec fluctibus mer-

gi



gi. Ea enim materia constare aiebat quæ si forte in vndas incidat, subito aquis humectata intumescat, & fluctibus subituris viâ obstructo ostiolo intercludat. Ipsa Alcedo, Etesius subdit, passerem magnitudine fere æquat estq; colore cyaneo, qui ex viridi, & cæruleo leniter erubescit. Eadem à nonnullis ornithologis præclaro nomine fluuiorum lusciniavocatur, ob cantus suauitatem. Hic ego ad Etesium necesse est, inquiebam magni interesse alcyonem suo in partu non impediri, & quod consequens est, nobilem omnino, & prope cœlestem hanc auem esse cui educandæ tota natura è magni numinis iussu faueat, & quodammodo famuletur: cui venti, & Chemonius mortalibus ceterorquin, & belluis infestus, subseruire cogatur. Cui gens neptunia vndis alioquin suis crudelitate non impar tanto studio gratificari consuescat. Est enim vero, excepit Etesius, auis nobilissima alcyon. Cantu luscinię suppar, ingenio in nidi exstructione, imperio sibi diuinitus concessio in Chemonij, vndarū, aëris, ventorūq; iniurias, hiberni frigoris tolerātia omnibus alijs longè superior. At longè nobilior Alcyon Hetærius vester est, cuius hæc ipsa amplissimū symbolon est, vt patet è dictis. Quid enim in hiberna hac aue excellēs, quod in Hetærio vestro nō sit multis partibus excellentius? an quod suauissimè medijs in vndis cantillēt?

*Vester at ambrosia præcellit Hetærius ipsam*

*Dauliadem dulci nectare vocis auem;*

*Orbis & alterius volucrum polyglottida primam*

*Vincit, aues vincit quas paradysus alit*

*Gur.*

*Gutturis angelici dium probe nectar adequat;  
 Suave quod illius tum fluit ore melos;  
 Cum Boreas, Aquilq<sup>3</sup> furit; cum mugit aquor:  
 Cum spumante salo turbida sauit hiems.*

An quod solertissimo ingenio sit prædita alcedo? An quod à  
 magno autore naturæ aliquod velut imperium in vndas, &  
 Neptunum adeo nacta sit?

*Vester at ingenium nec majus Hetarius optet:  
 Quo cepit quidquid magnus Apollo docet.  
 Vester & aquoreis ins dicit Hetarius undis  
 Ætheris è iussu, Numinibusq<sup>3</sup> maris.  
 Illius ad nutum quæ Celticus æquora Nereüs  
 Stravit? & Oceanus quas Bataueus aquas?  
 Quas non sedavit Neptunus Balthicus undas?  
 Quas non Æolida composuere minas?  
 Scilicet ut nasci cælo concepta sereno  
 Progenies posset, cælite digna toro;  
 Digna coronari cælesti tempora lauro,  
 Digna tulisse suâ calica sceptrâ manu.  
 Quid non tentavit? quas non surrexit in iras  
 Æolus, Oceanus, styxq<sup>3</sup>, solumq<sup>3</sup> simul;  
 Illa sub æthereas ne stirps tam nobilis auras  
 Prodiret superis post socianda choris?  
 Fûsit at indomitos æther infringere motus  
 Frarum, & tumidas continuïsse minas.  
 Imo reluctantes etiam servire coegit;*

*Et*



*Et non exitium ferre, sed auxilium.*

*Diuina contra soboli quam fauit Olympus?*

*Quoqꝫ suum amplexus pignus amore fuit?*

*Phœbus ut à nullâ temeratus nube refulsit?*

*Vt molli flauit lenior aura sono?*

*Vt placidus iacuit trāquilla per æquora Nereius?*

*Vt planum quæuis cymba tenebat iter?*

*Quam toto placata Deus dedit otia pontus*

*Hæc cælo soboles quando creata fuit?*

An quod Chemonij qui maximam partem reliquarum auium suo è regno eiectas alias sedes cogit inquirere minas & iras rideat alcyon? & ipsum vel inuitum impellat frigus in partum suum temperare?

*Vester at hiberno durauit Heterius artus*

*Frigore, brumales ridet & ipse minas.*

Vt facilè hucusque videre licuit. commodè igitur heterius dura perpeßus in alcyone adumbratur: quem viribus omnibus conati sunt Ruthleani, & Lucianistæ impedire, ne a deo cælo charam sobolem educaret: sed obsistente Soterio res in conatu hæsit. Nam inter dirissimas passim calumnias, inter exilia, & vero etiam supplicia nobilissimam prolem cælo educauit. Et eam in rem non vno in loco admiranda Dei prouidentia ipsi deseruire quodammodo vel inuiti compulsi sunt. Suadeo igitur

*Tot tandem iam docta malis desiste, furorem*

*Seda, pone truces, Heresis atra, minas.*

*Obſiſtit, vel caca vide. Soterius auſis.*

*Dextram ne ladas, quem cupis, ipſe tenet.*

*Tandem quod ſanat, non ſauciat, abijce ferrum:*

*Ne proſis hoſti, ladere ſiſte, tuo.*

*Liligeris quondam iuſiſti excēdere regnis*

*Perſida, ſed qualem poſt redyſſe doles?*

*Quantus ab exilio crenit? circunſpice: largam*

*Inuidia ſegetem liuidia cerne tua.*

Idem & in cæteris Prouincijs & Regnis, vnde aliquando eiecisti, videbis. Sed furor conſilij incapax eſt, ira frenum non capit, neſciunt odia terminum, cum inueterarunt. viderunt quidem licet ægris oculis Ruthleani, & Lucianiſtæ, & hi inprimis concedi medijs in vndis, & procellis ipſâ ſæuiante brumâ, & bacchantibus ab Arcto ventis alcedonia Hetærio à propitio æthere; prolē ab ipſo numeroſam, & raris dotibus excellentē innubi cœlo concipi, eodē mirē fauente educari dum in maturiorē ætatē adoleſcat: ſciunt etiam nihil à ſe prætermiſſum, quo partus eiꝰſmodi poſſet impediri; ab irato Chemonio & Æolo implorata auxilia, & etiam promiſſa & exhibita, ſed obſtante Soterio non in perniciem ſed ſalutem ceſſiſſe: Et tamen ea nocendi rabies eſt vt centum ipſis iam annis non imminuta, ſed aucta ſit. indiesq; pene dirius, ac vnquā ſæuiat. Id autem bene in hac Hetæriana hyeme obſeruandum idem monuit; quod, licet ſatis aſpera ſit, ſubinde tamen aliquam temperiem, vti & reliquæ ſoleant, admittat: id quod potuerit in alcedonijs videri: Et id Soterij,

in-



inquebat suauissimæ in Hetærium prouidentia inprimis  
conuenit. Ergo nec hic

--Semper imbres nubibus hispidos  
Manant in agros, aut mare Caspium  
Vexant inaequales procellæ  
Usque: nec armeniis in oris  
--Stat glacies iners  
Menses per omnes aut aquilonibus  
Querceta Gargani laborant,  
Et foliis viduantur orni.

Sed & hic sua rebus vicissitudo est, vt nubilo serenum, frigori calor, hibernis Solibus, verni succedant. Posthæc à rupe descendimus, & lacûs limpidissimi littus aliquãdiu adhuc legimus. Hic ad littus affluxerat follis, seu pila quam cum extraxisset ex vndis Litholeon, hac Epigraphe inscriptam inuenit. *Fluctuo, non mergor*: Tum ad Orarchonta Etesius: an non & hic Hetærium tuum aspicias Orarchon? Imo vero excepit ille, nam vt hæc inscriptio indicat, quantumcunque vndæ sæuiant tantum viribus omnibus non possunt vt pilam hanc mergant; ita nec omnis Hæreticorum, & aliorum hostium omnium furor tantû huc vsq; potuit vt Hetærium mergeret. In vndas quidẽ sæpius maximè in mare Brasiliçû deiecit, sed semper pulchrior euenit. Tum ad sinistrâ vallis nostræ defleximus, & alteram rupẽ ibidẽ extantẽ, & nemus illi vicinum adituri. In via dum Litholeon, ea, quæ proxi-

me viderat animo recoleret & in primis Soterij singularem erga Hetarium curam, prouidentiam, amorem consideraret quo nihil sineret eidem euenire, quod in perniciem eius cederet; quo hæreticorum in ipsum impetû & furorem sæpe refringeret, satis superque mirari non posset, hæc iuuantem phœbo in via imo è pectore effudit:

*Totus ab igne tuo succensus Hetarius ardet:  
Soteri; res ipsa docet, sexcenta loquuntur  
Argumenta, sacroq; tuo pro nomine fusus  
Purpureo probat ore cruor. Nam flamma camino  
Trinacrio minor erumpit quam nutriat imo  
Pectoris ille sinu: quo cum præcordia feruent  
Excipit intrepidus quidquid furiosa tyrannis  
Tormenti inuenit: sed amoris æquisima tanto  
Causa subest. Amor ille tuus quem reddis amanti  
Maiores, dignumq; Deo: quo accensus eundem  
Pupilla ritu incolumem defendis. aduri.  
Non sinis à flammâ nisi sit latura nitorem  
Non damnum; sauoq; vetas à vulnere ledi  
Hinc nisi sit fluxura salus: quas arsit in iras?  
Quos sumpsit vultus? quæ tela parauit in ausum  
Quid liquit? centum rapido dum cynthius annos  
Dei exit curru, quas se non vertit ad artes  
Ruthleus? caluumq; suo qui nomine præfert?  
Hi primi quondam cecinerunt classica: primi  
Arma tulere manu quæ casus Hetarius atra*



*Victima concideret morti, mox cornua Teuto  
 Certatim, Celtesq; ferox; Bæmusq; Britoq;  
 Hollandusq; vaser sequitur simul vnus omnes  
 In caput æterno constricti fœdere iurant.  
 Hûc iras, tectosq; dolos, & pectoris astûs  
 Vulpini cogunt. Rabido concessa furori  
 Arma relaxasses & lacerassent dentibus olim  
 Ceu lupus acer ouem: nec Hetarius amplius umbram  
 Nominis, aut famæ te non tutant teneret:  
 Quæ tamen auricomò nunc concertantia phæbo  
 Præfulgens iubar effundunt vtrumque per orbem.  
 Perge, tuis accensa fibris quæ feruet Hetari  
 Flamma, fac vsq; nouis alimentis aucta cale scat,  
 Soter I defende tui vel sanguine nomen:  
 Illud item vitæ precio sit carius: illo  
 Sic saluus, sic clarus eris, tutore vicissim.*

## F E B R V A R I V S

*Persecutionem ab ethnicis continens.*

**J**Nterea, vt nihil, in hieme præsertim, constans est, iterum  
 coelum mutauerat; & omnia lugubrem vultum resum-  
 pserant. Quia vero iam dies descendebat, ne in regione  
 nos adeo immiti nox occuparet, iter vrsimus, quæ supere-  
 rant lustraturi. Vbi ad siluam, cui rupes imminebat, per-  
 uenimus, crudele spectaculum se oculis obijcit. Arbores:

proceras cæteroquin, & vti assererat Etesius, præstantes, nonnemo securi miserandum in modum mutilarat. Nam quotquot rami ex trunco altius excreuerant, amputarat, & ita stipite quidem adhuc illæso lugubrem faciem intuentibus exhibebant; apparebat recens admodum vulnus esse, quod rami passim circa truncos proiecti indicabant. Solere autem à rustica gente id hiberno potissimum tempore fieri monuit Etesius, vt pro foco alimentum habeant. Ego cum intuerer paullo diligentius, & vna mecum cogitabundus expenderem quid eæ arbores illum in modum accisæ indicarent, horatiana ilex menti occurrit. quam venusinus vates asseruit ex cædibus vberius creuisse, vnde facilè collegi etiam non incommodè in his ita ferro deformatis arboribus Hætarium repræsentari. qui & ipse per varias suorum cædes in vtraque præsertim India, & Africa mirifice creuisset. Id cum Etesio indicassem, rem enimvero Sanouise inquit, rara ingenij solertia assecutus es. Nam quemadmodum hæ arbores quidquid ab inimica securi acceperere detrimenti, luculento fœnore resarcient, vbi verni soles redierint: tum enim ex vno aliquo eiusmodi vulnere quale hic videtis, rami etiam plures repullabunt: qui non in eandem solum magnitudinem cum prioribus, sed in longe etiam maiorem succedentibus annis exsurgent. & siquidem post aliquot annos hoc eodem loco subsisteretis, & verno quidem tempore quo



*Formosissimus annus*

est, quantum emolumentum ab his cædibus suis & frondium iacturâ hæ arbores cepissent, non sine magnâ admiratione videretis : ita & effera gentilitas Indi præsertim, & ex hisce Iapones imprimis, & Brasili Reges, Dynastas, Sacrificulos, incolas suos securibus in Hetærium armauerunt, iusseruntque quantâ vi maximâ possent, ictus maximè lethales infligerent, & quidquid fors primo, & furor offerret; succiderent; nec manus solum, & pedes, sed vel maximè capita refecarent. Sed quid barbara feritas cædendo euicit? Creuit Hetærius ex vulnere & pene ex continuatis cædibus vberius, vti olim Romani,

*Per damna, per cades, ab ipso  
Duxit opes, animumque ferro.*

Opes quidem; cum ex cæde vnius cuiuspiam, cui impia, & cruenta securis ceruicem incidit, multa subinde CHRISTIANORVM millia succreuere, multo maiore luxurie, quam ex cæsæ arboris trunco nouelli ramusculi & stolones pullulant. animum verò; cum generosissimâ MARTYRIS alicuius atque inuictâ in summis tormentis constantia; alios quidem in similes pro Soterio cruciatus tolerandos animauit; alios vero, & sæpenumero prope innumeros omni humanâ eloquentiâ etiam prope diuinâ potentius mouit ad fidem.

fidem illam eandem amplectendam, pro quâ tanta fortitudine eiusmodi heroas morientes conspicerent. Inter hæc paulatim in intimam syluam abiimus, altissimâ niue pene sepultam, & acerrimo frigore adustam; passim antra, & spelea non sine aspicientium horrore vastum hiabant. Addebat Mnemon in ijs Satyros, Faunos, Lycanthropos, & id generis monstra vultu homines, cætera capras aut lupos delitescere, qui vbi fames, & ingenita feritas vrgeat, etiam in homines desæuire soleant, & ex Hætarianis illic non paucos à belluis illis (in quibus nos iussit Ethnicos efferatos intelligere, vti & in sylua ipsa qua parte funestas tantum arbores cupressos, piceas & similes tulerat, ipsam gentilitatem agnoscere;) crudeliter esse peremptos atque tumulatos. Illic enim *Criminales, Riberas, Mendezios, Correas, Fernandezios, Seguras, Enriquezios, Castrios, Syluerias, Martinezios, Linares, Teballios, Baptistas, Redondos, Lopezios, Carualios, Damrillos, Louos, Michios, Chusaos, Gotos, Spinolas, Aquaniuas, Araneolos, Antonios, Franciscos, Paciecos, Bernos, Tapias, Mastrillos*, aliosque complures inuictos Heroas priscis martyribus fortitudinis gloria nō longè dispares, sepulchrum aut potius perenne victoriæ omniū gloriosissimæ monumentum inuenisse. Interim ad rupem veneramus, at quam dispar hic in lacum quidem sed longe priori dissimilem despectus! nam glacie omnia rigeabant, quam adeo firmam esse astruebat Etesius, vt non homini solum sed & oneratissimo cuius plaustro ferendo par esset. ex

rupe



rupe igitur in eandem descendimus: in qua ne fallente vestigio caderemus nix impediēbat, quæ passim eandem operuerat. Quamuis vero nobis hîc nihil occurreret, quod ad Hetærij dura, & dira patientis à truculenta gentilitate gloriam illustrandam magnopere videretur conducere; aliquid tamen Mnemon attulit. Nam CrySTALLUS aiebat in media glacie concrefcit, aut ipsa potius glacies in crySTALLUM acri, & diuturno frigore conuertitur. Et ideo hac ipsa cum vnda multò præclarius agitur, ac illa priori quam alcyon nido suo vetuerat gelu constringi. Nam nisi inquiebat in glaciem, nec in crySTALLUM vnquam abiret. Tùm nonnulla de huius lapilli precio, & præstantia in medium adduxit. Eam gemmarum omnium fulgentissimam maximeque tralucidam esse, reliquis tamen illam nobilitate præstare, quæ alba sit, & instar clarissimæ purissimæque aquæ colluceat. Ex eadem ab antiquis pilam fieri solitam, quæ solaribus radijs exposita medicis in adustione corporum seruierit. Inde enim concepto igne corpora adurere consueuisse. Cum paululum essemus progressi ChrySTALLUM media in glacie Mnemon inuenit, quam è glacie exsectam, vbi in manu habuit Etesium; niuæ cuiusdam lucis radios in oculos euibrauit, quibus eosdem mirificè affecit. Tum ad nos: quam multas inquit eiusmodi cryсталlos, seu hac potius in immensum pulchriores, lucidioresque illic in Soterij astriferis regnis putatis mirifica in luce refulgere? quas eodē Hetærius hoc SÆCULO identidem Soterio suo in diadema

submitit? quotquot enim Ethnicorum sæuitia interemit ex  
 eius familiâ, totidem clarissimæ velut crysalli ex eorum ef-  
 fuso pro Soterio sanguine concreuerunt, quæ non solum  
 hanc candidæ lucis pulchritudine æquant, sed etiam supe-  
 rant: quamuis in eo ab hac discrepent, quod à materia vnde  
 existunt, aliquid rubicundum attraxerint. Per has nobilissi-  
 mas crysallos diuturno gelu durata gentilitas ignem amo-  
 ris diuini concepit, & quicquid noxi, corruptique humoris  
 in affectis corporibus fuit; adussit. Quam iucunda lux pas-  
 sim ex his crysallis potissimum remissa, nunc per Indiam v-  
 tramque pellucidum iubar effundit; vbi antea caligo om-  
 nia oppleuerat: quam illic nunc omnia passim ardente æstu  
 amoris diuini conflagent: quæ antea perenni hyemis gelu  
 rigeabant? quam purus, & integer sanguis corruptissimis hu-  
 moribus successit? seu vt clarius loquar posteaquam tam  
 multi ex Hetærianis glorioso martyrio traditam à se doctri-  
 nam confirmarunt, quam fulgens veræ fidei lumen cæcæ  
 gentilitatis tenebris, quam pulchra tot deformibus vitijs  
 virtus successit? Id autem vt impediret barbara, & trucu-  
 lenta gentilitas quid non fecit? quâ cura, & diligentia por-  
 tus, & aditus omnes non interclusit? & cum aliter non li-  
 cuit, glaciẽ Chemonij obiecit. quâ sæpe è varijs prouincijs  
 & vrbibus eiecit? quanta feritate non paucos de quibus iam  
 paulo ante, & superius apud Calotherum fusius actum, tru-  
 cidauit? Quæ vnquam hyems crudelius in vndas, ac illa in  
 Hetærianos exsæuijt? Quid autem tantò exquisitissime cru-  
 de-



litis apparatu confecuta est? Quod ab acerrimo frigore in  
vndas Hiems. Ex vnda gemmam effecit.

TVM AD NOS MNEMON : ET HACTENUS QVIDEM INQVIT ADO-  
lescentes, spectastis Hetærium vestrum cum obtreçtatorum  
calumnijs, cum hæreticorum odijs, cum Ethnicorum furo-  
re non sine gloria, & singulari suo emolumento decertan-  
tem, vincentemq;, nunc, si placet, eadem ex nouo poëta au-  
dite, qui hæc prælia & relatum ex ijs triumphum  
his, suis versibus cecinit.

*Inter tot ictus cur sine vulnere  
Perstes Hetæri, cur adeo horrida  
A clade surgas vsque maior,  
Nobiliorque, tibi benignis  
Asscribe Diuis. hi nisi temperent  
Freno furorem, ni miserabili  
Cruore gaudentes habenis  
Imperij moderentur iras,  
Sæuaque strictas excutiant manu  
In vulnus enses, Iapeti genus,  
Actum est: peristi. Vis furori  
Iuncta suis truculenta totum  
Implebit orbem cadibus: innocens  
Nocensque iuxta vulnere concidet.*

At prouidum Numen futuri,  
 Vt posita tumidi rebelles  
 Ponti procellas lege coërcuit:  
 Sic fixit ira, quas neget egredi  
 Metas. Heteri, mitis æther  
 Exitium tibi machinantes  
 Confregit hostes. Dira calumnia:  
 Timenda sauo fulmine dentium:  
 In te feroces fudit iras:  
 (Qualis aper Calydonis olim  
 Non Sauciandam sauit in arborem)  
 Sed fregit ipso in vulnere dentium:  
 Sicas, & in se tela torfit,  
 Quæ furibunda tibi pararat.  
 Ruthleus orbis dira lues, nigri  
 Stirps Lucianus Ditis, & Hæresis:  
 Utroque peior, mugientes  
 Æolidum sibi iunxit auras,  
 Totamque Bruma barbariem: vadis:  
 Versura ab imis æquora, qua sua  
 Heterius sulcet carina.  
 Ast abiere leues in auras  
 Mina. Sereno clarior æthere  
 Phœbus refulsit: Puppis Heterii  
 Vndas per æquales cucurrit:  
 Nec gelidis fuit Arctos ausa



*Turbare ventis, cogere nec gelu.  
 Sed Bruma qualis frigora mitigat,  
 Tranquillat undas, & potente  
 Imperio iubet insolentes  
 Mordere frenos Æolidas, suæ  
 Cum nempe proli nobilis alcyon  
 Brumæque, ventorumq; victrix  
 Construit ingeniosa nidum:  
 Et talis auras temperat Hæresis  
 Coacta iussu Numinis inclito  
 Hetærio: puppem nec ausint  
 Bruma, vel Hippotades morari.  
 Trux hinc Erinnyis sæuius indolens  
 Nec iam furoris sanguinei potens,  
 Vt ilices tondent bipenni  
 Agricola: secuit securi  
 Quodcunque primum sors tulit. & mare,  
 Et terra crudâ cede rubent. suas  
 Hic iunxit iras efferatus  
 Brasilius, Afer, atroxq; Iapon:  
 Fregère iunctis colla securibus.  
 Frustra. Bipenni casa repullulant.  
 Hetærio cades quid obsint:  
 Aspice, uterque docebit orbis.*

Hic tum ad nos conuersus Etesius, videtis inquit adolescentes, solis spatium carpi paulatim à vespero, nec dubitem vos

voti iam compotes Nocoliam anhelare, vt, quæ vidistis cum dulcissimis Sodalibus vestris & alijs omnibus quibus Hetærij nomē ingratum non est, nec splendor inuisus, communicetis. igitur, si videtur, nunc Nocoliam reducam. Pergratum id nobis quidem fore significauimus, interim tamē dubij hærebamus; qua tandem ratione illud eo præsertim adhuc die esset effecturus. Cum ecce tibi ad eius imperium pene momento alatus currus sistitur, cuius ille beneficio breuissimo temporis spatio orbem terrarum peragrat; tantamque rerum omnium notitiam acquirit: rotæ item, & equi alas gerebant. Cui cum nos imponeret, nisi inquebat probè iam nossem, genuina veræ nobilitatis decora, animos vestros ad altissima quæque natos sublimioris auræ patientes, nec vllum à vertigine periculum esse; hunc ego currū nunquam iussissem ascendere, verum cum bene perspecta animi vestri magnitudine facilè intelligam aërium iter vobis non periculosum, sed iucundum fore; agite; currum ascendite.

*Nec mōra pennigeris in iussa citatiūs Euris*

*Alipedes præcepit equos, volucremq; quadrigam*

*Currere; iamq; volant per inania regna furentium*

*Aeolidium, celeresque rota, rapidique caballi,*

*Nosque simul: punctumque brevis vix fluxerat hora,*

*Vrsula Diua tuæ reduces assistimur vrbi.*

Et loco quidem eodem, vnde solueramus. Curru exscendimus, & actis impensè gratijs pro eo tam raræ humanitatis exhibitæ officio ab eodem Nocoliam versus recessimus, summa votorum assecuti.



## E R R A T A.

*Pagina* 1. v. 1. Soluerat. *lege*. soluerant. p. 6. ver. 9. frontes *l.* frondes p. 8. v. 7. subectas. *l.* subiectas. p. 12. v. 10. frigida. *l.* frigida. p. 22. v. 14. prohibitis. *l.* probitatis. *Ibid.* v. 18. Apoinælo *l.* Apollinæo. p. 52. v. 3. læuia. *l.* lœuia. p. 53. v. 6. Dalmatos *l.* Dalmatas. p. 81. ille. *l.* illæ. p. 86. manu. *l.* manus. *Ibid.* arte. *est superfluum*. p. 131. perspicatius. *l.* perspicacius. p. 145. redituras. *l.* redituras p. 149. secula. *l.* specula. p. 157. v. 1. qui. *l.* quæ. *Ibid.* v. 6. disputation. *l.* disputatione. cum. *Ibid.* consilium. *l.* consilium. p. 159. ferentibus. *l.* ferentes. p. 164. collectam. *l.* collectum. p. 165. v. 4. cædirq;. *l.* ceditque. p. 171. v. 7. æthyopia. *l.* æthiopia. p. 172. v. 12. hec. *l.* hæc. p. 191. v. 15. odoris. *l.* caloris. p. 200. v. 1. tantas. *l.* tantos. p. 206. v. vlt. Ebores. *l.* Eboræ. p. 209. v. 9. egressu. *l.* egressu. *Ibid.* v. 10. mito. *l.* miro. p. 210. v. 14. subsecura. *l.* subsecuta. p. 214. v. 10. decantantissimos. *l.* decantatissimos. p. 215. v. 25. burgidum. *l.* turgidum. p. 232. v. 1. explorant. *l.* explorant. p. 237. v. pen. linguam. *l.* linguam. p. 247. v. 22. Cedros. *l.* cedrus. p. 250. v. 1. eloquentiæ *dele.* pag. 253. v. 21. sanguine. *l.* sanguine. p. 258. v. 9. funestum. *l.* funestum. p. 258. v. 14. oculos. *l.* oculis. *Ibid.* ex. *dele.* pag. 259. v. 17. innolescant. *l.* innolescant. pag. 293. v. 9. cecidisset. *l.* cecinisset. *Ibid.* v. 12. murmuere. *l.* murmure. p. 294. deade-  
ma. *l.* diadema. p. 246. rationes. *l.* uationes. p. 326. v. 1. dentem. *l.* imo uti aper dentem. p. 330. v. 12. reliquæ. *l.* reliquæ. p. 335. mona- *l.* mono- p. 342. fortasse. *l.* fortassis. p. 340. innocens. *l.* in innocens. p. 352. v. 2. insonet. *l.* insonat. hæc & reliqua. amice Lector. corrige & festinantibus ignosce. Vale.

